

g
M
peu
24



NAZIONALE
8
28 E
7
ROMA
VITT. EMANUELE



VITT. EMANUELE.

17

ROMA
7
28
8
BIBLIOTECA
NAZIONALE

197

197

197

197






3




Libreria
di Santo Spirito
Deposito di *Vigilanza*




Cornelio Lanciotti i

LIBRERIA NAZ.
ROMA
VITTORIO EMANUELE



*Est Conuenerunt Iesu Mariae de Urbe huius
Disceatorem S. Aug. ex dono D. Cornelij franciscanij*



REVERENDISSIMO
AC AMPLISSIMO D.
D. BARTH. CAMELINO,
Consiliario Regio, Foroiulij
Episcopo, & eiusdem Ciuita-
tis in temporalibus Domino
dignissimo,

Frater IACOBVS CORENVS
*salutem, ac perpetuam exoptat &
precatur felicitatem.*

DIVINO numine tan-
dem, PRÆSVL VIGI-
LANTISSIME, perfe-
cimus nostrum Patientiæ Cly-
peum. Quærendus erat alius
clypeus ad istum muniendum,
& protegendum. Tu vnus mihi
occurristi: ideo ad te confugit,
tibi se tradit, & dicat. Sub tua
tutela omnia retorquet tela:
sub tua cura se fore arbitratur
se

securum : sub tuo splendore
splendidum:sub tua luce prodit
in lucem : sub hoc tecto imbres
non formidat : sub tuo iudicio
Criticorum non veretur subire
iudicia : sub tanti Pontificis be-
nedictione inuidorum nō hor-
ret maledictionem : sub tanto
denique defensore nullum per-
timescit censorem.

1. Mach.
6.

Olim fulgente Sole in clypeos
aureos, fortitudo gentium dissipata est.
Vbi primū in hunc nostrum
Clypeum oculos conuerteris,
dissipabuntur, aufugiētiq; Zoi-
li. Habuit Agamemnon clypeū,
in quo depictus erat Leo ad ter-
rorem aliis incutiendum, inscri-
ptione hac etiam adiecta;

Alciat.
embl. 57.

Terror hic est hominum, quique
hunc gerit, est Agamemnon.

Quamuis noster Clypeus nihil
Leoninum, sed Camelinum præ-
se ferat; non minus tamen terre-
bit

bit aliorum labori detrectantes.
Sit igitur eius inscriptio : *Terror*
hic est luidorum; namque qui hunc pro-
tegit, est Camelinus. Protege itaque,
vt protegat.

Et licet iste Clypeus alicuius
esset oneris, precor feras. Recor-
dare te esse Camelinum : nam
Camelus, vt est in prouerbio,
multa gestat onera. Vnde anti-
qui, teste Pierio, per Camelum Eras-
chil. 1.
cent. 9.
lib. 13. fortitudinem significabant, ob-
mirum dorsi vigorem, & one-
rum gerendorum robur. Hoc
dorso Camelino non tantum
indigebat noster Clypeus : sed
& tota Foroiulienſis Ecclesia, in
qua tu non præes, vt præſis, ſed
vt proſis. Tua enim prudentia,
animique fortitudine illam ſub-
leuaſti, auxiſti : quæ in ea erant
labefactata, reſtauraſti, deperdi-
ta recuperaſti, diuiſa coaduna-
ſti, diſrupta conſolidaſti. Atque
* 3 ad

ad eam in posterum subleuan-
dam sapienter de alio dorso Ca-
melino à te prouisum est.

Permitte pergam : non enim
inane præfers cognomen. Est
etiam Camelus patientiæ sym-
bolum , tum ob diuturnam fa-
mis & sitis tolerantiam : solet
enim sub onere in duodeci-
mum usque diem sine potu per-
Ibidem. durare , vt notat idem Pierius,
tum etiam , quòd sponte se ad
suscipienda onera inclinet , eâ-
que patienter ferat. *Quis* maiori
fuit munitus patientia , quàm
noster Camelinus ? Verè illud
Quid. dicere potest ; *Multa diuque tuli.*
Omnia patientia vicit. Illum
patientia cum ceteris virtutibus
ad hanc Episcopalem euexit di-
gnitatem : illum patientia prote-
xit & protegit , eique in obeun-
do tanto munere vires , inge-
niūque ministrat , ita vt de illo
dici possit ;

Cor.

Contulit ingenium patientia longa Idē lib. 5.
Trist. eleg.
malorum. 13.

Nullus igitur miretur, si ad patientissimum Camelinū noster confugiat Patientię Clypeus, ut patienter ferat, patienter legat, patienter tueatur.

Præterea, Camelus adeò est lenis & mansuetus, ut illū bilis expertē agnoscat Plinius. Ana-lib. 1. 2.
xagoras quoq; felle carere asse- 38.
uerat: ob eam causam nonnulli longioris esse vitæ tradunt, pro-
tendique in cētum annos. Quis
nostro Camelino lenior? quis ad
ignoscendum propēfior, & cir-
ca sibi infensos beneuolentior?
Viuat, viuat igitur cētenis annis.

Scribunt alij, Camelum gau- Petr. Al-
phon.
dere societate, libentēque alios
cernere secum comedētes. Quis
plures habet commēsales, quā
noster Camelinus? quis illo mu-
nificentior? Ille, ut alter Iob, buc- Iob. 31.

*

4

cellam

cellam suam solus non comedit, quin
ex ea multi, & præcipuè paupe-
res, & indigenæ comedant. Di-
cant nostri Ordinis professores,
quantis beneficiis, eleemosynis,
quantâque obseruâtia nostram
sibi deuinxerit Obseruantiam.
Adeò est liberalis, vt semper sibi
parcior fuisse videatur. Ita largi-
tur beneficium, quasi persoluat
officiũ. Ita est omnibus gratus,
vt omnes faciat ingratos. Verũ,
licet maxima sit patientia, leni-
tate, & humanitate præditus; in
iure tamen & æquo conferuan-
do adeò constans est, vt nec spe
alliciat, nec gratia flectatur;
nec auctoritate frangatur, nec
vni que vllius causâ a recto ne
transuersum quidem, vt aiunt,
vnguem dimoueatur.

Omitto cætera, ANTISTES
SAPIENTISSIME, quæ citra
fucũ in tui laudẽ effari possem,
ne

ne tuæ modestiæ sim molestiæ:
nihil enim minus pati soles, quā
laudes etiam modestissimas. Ti-
bi quoq; nota est nostrā tenui-
tas, quæ non ab adulatione tan-
tū, verū & ab omni blandi-
loquentiæ specie vehemēter ab-
horret. Accipe igitur singulari
ac solita tua humanitate, & cle-
mentia hunc nostrum clypeo-
lum, quem offero, non vt illo
prōtegaris, sed vt eum protegas.
Accipe, inquam, hoc munuscu-
lum, qualecūque sit, tuæ in me,
& in nostram Seraphicam Re-
ligionem beneuolentiæ debitū;
ac in perpetuum grati mei erga
te animi monimentum. Nostræ
interim partes erunt, Deum assi-
duè deprecari, vt te nobis, Foro-
iulensi gregi, ac toti Ecclesiæ
incolumem conseruet, & foeli-
cissimè valeas.

Massilia, Idibus Nouembris 1622.

*

5

A D



AD LECTOREM.



CLYPEO tectus prodire audeo, quo protegar, & protegam. De patientia ago, quæ etiam mihi valdè erit necessaria ad omnia tela cauillantium, & detrectantium retundenda. Opus in publicum emitto, ni fallor, maxime necessarium, atque omnibus afflictis, & eos consolantibus, imò quibuscumque personis utilissimum. In duos distribuitur libros. In primo, quot capita, tot ferè sunt generales modi consolandi quoscumque afflictos. In secundo verò, singularibus singulares assignantur consolationes, secundum diuersitatem afflictionum, & afflictorum. Ideo ad eos precipuè dirigitur, quos magis consolatione indigere indicaui. Hoc opus, Lector humanissime, patienter perlege, & gratanter accipe, quod maximo cum labore, diuina opitulante gratia, per tres ferè annos edidimus. Et cura, ut tempestiuè eo utaris, ne tibi contingat dicere illud;

— Clypeum post vulnera sumo.
Verum tractati mihi de patientia obiicere potes; Vbi est patientia tua? Patientiam habe

Ouid.
lib. 1.
Trist.
eleg. 3.

Iob. 4.

*habe in me, & ego respondebo tibi. Interdum
quis libenter loquitur de his, quibus caret,
& qua optaret, veluti agrotus de sanitate
recuperanda. Idem mihi impatientia labo-
ranti, & patientiam suspiranti planè con-
tingit: idem & ipsi Tertulliano, qui ideo sic
scribit. Solatium erit disputare super ^{lib. de pa-}
eo, quod frui non datur, vice lan- ^{tient. c. I.}
guentium, qui cùm vacent à sanitate,
de bonis eius tacere non norunt. Ita
miserrimus ego semper æger calori-
bus impatientiæ, quam non obtineo,
patientiæ sanitatem & suspirem,
& inuocem. Hæc ille, hæc &
ego, qui non tam aliis,
quàm mihi scribo.
Vale.*

Summa

*Summa Privilegij à Christianissimo Galliarum
Rege concessi.*



V D O V I C I XIII. Galliarum & Navarra Regis autoritate sancitum est, atque patentibus Literis cantum, ne quis in Regno suo, aliisve locis ditioni suæ subiectis, intra sex proximos annos, à die impressionis primæ inchoandos, ac numerandos, excudat, excudendum, vendendumque quovis modo & ratione curet librum, qui inscribitur, *Clypeus Patientia in auxilium quorumcumque afflictorum*, Authore R. P. I A C O B O C O R E N O, Ordinis Minorum regularis Observantiæ, prouinciæ Sancti Ludouici, Concionatore, præter A N T O N I A M M E G R E T, viduam C L A V D I I M O R R I L L O N, Sereniss. Ducissæ Montispenserij Typographi, & Bibliopolæ Lugdunensis: aut illos, quibus ipsa concesserit. Prohibitum insuper eadem autoritate Regia omnibus suis subditis, eundem librum extra sui Regni limites imprimendum curare, vel quempiam, vbicumque fuerit, ad id agendum impellere, ac instigare, sine consensu dictæ A N T O N I Æ M E G R E T. Idque omne sub confiscatione librorum, aliisque pœnis originali Diplomate contra delinquentes expressis. Datum Lugduni die 9. Decembris 1622.

De mandato Regis.

Signatum

R E N O V A R D.

Hæc prima editio prodijt in lucem 26. die Aug. 1623.

SYLLABVS

CAPITVM.

Capita libri Primi.

| | | |
|---------|---|----------|
| Cap. I. | D E Clypeo. | pagina 1 |
| II. | Quid sit patientia. | p.7 |
| III. | Quam sit necessaria patientia. | p.16 |
| IV. | Patientia in aduersis probatur. | p.24 |
| V. | Nemo est immunis ab afflictionibus. | p.34 |
| VI. | Plurimum nobis prosunt aduersa, atque ideo aequanimiter ferenda. | p.45 |
| VII. | Tribulationibus erudimur. | p.58 |
| VIII. | Afflictiones proprie iustis, & Christianis immittuntur, suntque signum dilectio- nis, & electionis diuinae. | p.67 |
| IX. | Nobiscum est Deus, cum afflicti sumus, ideo libenti animo patiamur. | p.81 |
| X. | Tribulationes sunt patienter subeunda, quia à Deo immittuntur. | p.91 |
| XI. | Conformanda est nostra voluntas diuinae voluntati, etiam dum nobis immittit aduersa, ut patienter feramus. | p.105 |
| XII. | In omni angustia semper ad Deum per orationem est recurrendum, ut consola- tionem, & leuamen consequamur. | p.117 |
| XIII. | In omni tribulatione plurimum iuuat in- tercessio Beatissima Virginis Genitricis Dei Mariae. | 126 |
| XIV. | In omnibus angustis semper est nobis Chri | |

Syllabus Capitem.

- Christus proponendus, pro quo sunt omnia aduersa aequo animo ferenda. p. 138*
- XV.** *Spe beatitudinis aeterna omnia aduersa sunt patienter subeunda. p. 151*
- XVI.** *Deuotissime prolato, & innucato sacratissimo nomine I E S V, omnis dolor, omniaque aduersa vel mitigantur, vel aequo animo feruntur. p. 161*
- XVII.** *Multum confert conscientia munda ad omnia aduersa patienter ferenda. p. 171*
- XVIII.** *Ad omnes afflictiones, & persecutiones fortiter subeundas magnopere prodest sanctissimum Eucharistia Sacramentum, si digne sumatur. p. 181*
- XIX.** *Illi sunt reuocandi in memoriam, qui multa patienter tolerauerunt, ut illorum exemplo similia aequo animo feramus. p. 191*
- XX.** *Ad patienter ferenda quaeque aduersa plurimum prodest pro illis Deo gratias agere. p. 205*
- XXI.** *Ex his, quae hic inuiti patimur, haurire etiam utilitatem, imò aeternam salutem possumus. p. 214*
- XXII.** *Meum aeternae damnationis, vel considerata aeterna damnatorum poena, omnes huius vitae labores aequanimiter tolerantur. p. 224*
- XXIII.** *Cōsiderata huius vitae breuitate, omniumque temporalium volubilitate, prospera libere negliguntur; & aduersa quae etiam sunt paruae durationis, patienter feruntur. p. 232*
- XXIV.** *Reuocanda sunt aliquando in mentem quae euenire possunt aduersa, ut cum acciderint, aequanimiter ferantur. p. 241*
- XXV.** *Ad patienter ferenda quaeque aduersa multum*

Syllabus Capitem.

ium prodest recordatio nostrorum delictorum, propter quæ sæpe Deus nobis immittit tribulationes.

XXVI. Suam sortem, suumque statum quisque patienter ferat. P. 245

XXVII. Nihil prodest, imò plurimum obest mœrore confici. P. 258

XXVIII. Quibusdam respondetur quasiunculis, quæ obiectare solent, qui nihil aduersi in hoc mundo tolerare vellent. P. 270

P. 277

Capita libri Secundi.

Cap. I. **P**ersecutiones sunt patienter ferenda. pagina 291

II. De conuicijs, contumelijs, & detractionibus patienter sustinendis. P. 303

III. Sunt iniuria condonanda, non vindicanda. P. 319.

IV. Adducuntur nonnullæ alia rationes, quarum consideratione poterit quis affectum vindictæ comprimere. P. 336

V. A quo animo ferenda sunt hominum temeraria indicia. P. 350

VI. Malorum hominum conuersatio, eorumque grauamina patienter subeunda. P. 358

VII. Plus sibi nocent inimici iniurias inferendo, quam nobis, idcirco non dolendum, sed illis est condolendum. P. 366

VIII. Prouidentia Dei ad utilitatem nostram pronenit quidquid ab inimicis patimur, ideo aequanimiter tolerandum. P. 375

IX. Non debemus malis inuidere, ob illorum huius

Syllabus Capitulorum.

- huius vite prosperitates.* p. 384
- X. *De patientia habenda in iactura, & dam-*
no bonorum temporalium. p. 396
- XI. *Ad eos, qui litibus, siue processibus exagi-*
tati, causa ceciderunt. p. 411
- XII. *Ad Religiosos.* p. 417
- XIII. *Ad Moniales inclusas.* p. 451
- XIV. *Ad quoscunque pauperes.* p. 452
- XV. *Ad Aulicos, vel potius ad eos, qui ab Aula*
& Curia sui Principis inuiti recesserunt. p. 482
- XVI. *Ad viduas.* p. 494
- XVII. *Ad orphanos, & pupillos, quibus nulla est*
a parentibus derelicta hereditas. p. 506
- XVIII. *Ad amantes, siue ad eos, qui cupidino*
amore ducuntur, & qui dolent, quod
simili amore non redamentur. p. 511
- XIX. *Ad senio confectos.* p. 522
- XX. *Ad podagrosos, siue ad eos, qui articulari*
morbo laborant. p. 535
- XXI. *Ad cecos.* p. 547
- XXII. *Ad quoscunque infirmos.* p. 560
- XXIII. *Ad gementes, & flentes in hac lacrymarum*
valle. p. 574
- XXIV. *Ad incarceratos, & ad captiuos.* p. 582
- XXV. *Ad exilio multatos.* p. 593
- XXVI. *De patientia habenda in morte filiorum,*
fratrum, parentum, aut amicorum. p. 604
- XXVII. *Ad eos, qui Trigemibus, aut, ut aiunt, Ga-*
leræ sunt adiudicati. p. 617
- XXVIII. *Ad eum, qui est ultimo supplicio afficien-*
du. p. 625
- XXIX. *Ad desperantes de sua salute.* p. 637
- CLY



CLYPEVS

PATIENTIÆ.



De Clypeo.

CAPVT PRIMVM.

A



STENDIT cælestis sponſus,
quænam reperiantur arma in
ſuo fortaliſiõ, ſiue in Eccleſia,
quibus filij huius militantis
Eccleſiæ muniantur: ait enim in

Canticis; *Mille clypei pendent ex ea, omnis ar-* *Cant. 4.*
matura fortium. Alludere videtur ſponſus ad

morem quorundam Regum & Principum,
qui, vt refert Rabbi Selemoh, ſolebant olim *Rabbi Se-*
ſuſpendere ex aliqua eminenti turri ſcuta, *lemoh in*
clypeos, pharetras, iacula, & alia diuerſa bel- *Cant.*
lica inſtrumenta, vt terrorem inimicis incu-
terent.

Notandum eſt, quod licet milites diuerſis
armis ſe munire ſoleant, ſagittis quibus tranſ-
figant, lanceis quibus confodiant, malleis
quibus contundant: veruntamen in iſta turri
Eccleſiæ exhibentur tantum clypei, & ij ſunt
omnis armatura fortium, quia fideles qui ſub
A hoc

hoc nomine *fortium* intelliguntur, non debent in hac vita, quam Iob militiam vocat, armari sagittis, gladiis aut lanceis, quibus feriant, lacerent, iugulent, confodiant; sed duntaxat clypeis, quibus se protegant: licet eis habere quo se defendant, non quo offendant.

Ex mille igitur illis clypeis ex turri, & fortalio Ecclesiæ pendentibus vnum mihi assumendum putavi, clypeum scilicet patientiæ, quem ideo expono, ut opponatur; exhibeo, ut habeatur; erigo, ut videatur; afferro, ut feratur. Iussit olim Dominus Iosue, ut leuaret clypeum, quem habebat præ manibus; *Lena*, Iosue 8. inquit, *clypeum, qui in manu tua est*: ut nimirum ad eius conspectum confidentius & alacrius totus præliaretur exercitus. Hunc locum Iosue explanans Lyranus, ait iuxta mentem Hebræorum, huiusmodi clypeum fuisse positum in hasta aliqua oblōga, ut ab omnibus cerne-
retur. Sicut igitur necesse fuit hunc eleuare clypeum, ut illo viso fortiter milites dimicarent: sic ut omnes Christiani milites animarentur ad quascunque perferendas aduersitates, ad omnem tolerandam iniuriam, atque ad quoslibet subeundos labores, erigendus erat iste patientiæ clypeus.

Olim milites illi ignominiosè passim notabantur, qui plus salutis & spei in clypeo, quàm in gladio posuissent, ut testis est Pictorius, qui refert Scipionem cuidam militi qui clypeum elegantius ornauerat, dixisse: Non miror, quod clypeum tanta ornaris cura, in quo plus præsidij statuas, quàm in gladio.

lib. 42. hic-rogly.

Contrà

Contrà verò nos Christiani maiori laude, ampliorique merito digni erimus, si plus præsidij in hoc patientiæ clypeo, quàm in gladio, hoc est, in vindicta, & in querula murmuratione, statuamus. Magni est igitur faciendus iste clypeus.

C Celebrabatur quòdam apud Græcos Myrtili clypeus, ex quo Alciatus suum duxit Emblema, cuius hic est titulus; *Auxilium nunquam deficiens*. Is autem Myrtilus fuit ingentis animi miles clypeo pugnare solitus, qui cum ad maritimam expeditionem nauigasset, submersa naui, suo innixus clypeo in tutum portum delatus est. Vnde apud Poëtam sic iste Mirtylus:

Effugi geminum clypeo discrimen in uno, Leonides.

Cum premererque solo, cum premererque salo.

Fuit ergo illi suus clypeus auxilium nunquam deficiens. Sed quis magis auxilians clypeus, quàm patientia? Hæc enim tum in mari, tum in terra, in omnibus denique periculis semper nos protegit, estque ad omnem dolorem remedium. Vnde Publius: Cuius doloris remedium est patientia.

Hoc clypeo tectus atque munitus Iob non solum tentamenta quæque facile repulit, sed etiam ad pristinum, imò ad opulentiorem statum peruenit. Vnde de illo Tertullianus. [Ille, *lib. de patient. c. 14.* inquit, operarius victoriæ Dei retusis omnibus iaculis tentationum, lorica, clypeoque patientiæ & integritatem mox corporis à Deo recuperavit, & quæ amiserat reduplicata possedit.]

Clypeum autem plerique volunt, ut norat

4 *Clypeus Patientia.*

Hofiopater, dici à κλύειν, quod clepat & ce-
 let totum corpus: vel secundum Plinium cly-
 peus quasi γλύπη dicitur, id est, sculptus, eo
 quod in clypeis sculpebātur imagines. Scutis,
 ait ille, qualibus apud Troiam pugnatum est,
 continebantur imagines, vnde & nomen ha-
 buerunt clypeorum. In hoc patientiæ clypeo
 habes ipsum Christum repræsentatum, habes
 multos sanctos depictos. Illorum igitur exē-
 plo faciliè poteris te omnium tribulationum
 iaculis opponere; ideo sæpe reuocanda sunt
 in memoriam eorum gesta, ac potissimum in-
 credibilis illorum patientia in sustinendis
 quibuscunque calamitatibus; vnde Grego-
 rius: [Facta, inquit, præcedentium patrum
 consideremus, & non erunt grauias quæ tole-
 ramus.] Teucrum ferunt sub septemplici fra-
 tris scuto latuisse, & sic multa pericula euasif-
 se: at qui sub hoc vno patientiæ clypeo latue-
 rit, maiora euadet.

Gregor. in
 quad. hom.

Dicunt nonnulli Aprum habere vnum la-
 tus ita fortissimum, vt vix possit quacunque
 hasta, vel gladio perfodi; quod quidem latus
 propter huiusmodi dūritiem vocatur clypeus
 Apri. Hoc cū naturali quodam instinctu
 cognoscat Aper, solet hanc corporis partem
 cæteris fortiolem venatorum iaculis obiice-
 re. Patientia cū sit fortissima virtus, debet
 quibuscunque afflictionibus opponi: nam,
 teste Poëta,

Luc. lib. 9.

Gaudet patientia duris.

Vnde huiusmodi virtus cuidam gemmæ, quæ
 Alepora dicitur, ab Alberto magno compara-
 tur, quam si quis secum deferat, inuictus effi-
 citur.

Liber I. Cap. I.

citur in certamine. Ita, si qui clypeo patientiæ sunt muniti, nullo modo vinci poterunt, sed ab omnibus hostium telis inuulnerabiles efficiuntur; ferientur quidem, sed non lædentur; oppugnabuntur, non expugnabuntur; impellentur, sed non labentur.

Idcirco Diuus Chrysostomus vocat patientiam scutum inexpugnabile, ac turrim firmissimam. [Patientia, inquit, scutum est inexpugnabile, & turris firma omnia mala repellens.] Ad hanc turrim se recepit Iob, quamuis in sterquilinio constitueretur, illóque, ut diximus, se muniuit scuto: licet enim ibi multæ illum obsiderent calamitates, victor tamen semper euasit, quia prudenter suo proprio ore, veluti bombardæ usus est, aliquas emittentæ voces tanquam globos existentes, quibus inimici, mundus scilicet, & Satan repulsi aufugerunt. Ecce globi; *Dominus dedit, Iob. 1. Dominus abstulit, &c. sit nomen Domini benedictum.* Ideo non immeritò Diuus Gregorius *Gregor. in mor.* voces huius sancti viri iacula appellat. [Beatus Iob, inquit, quot voces patientiæ in laudem Dei percussus reddidit, quasi tot in aduersarij pectore iacula intorsit, & acriora multo quàm sustinuit, inflixit.]

F Similis tibi sese offert turris, similéque scutum siue clypeus, similem habes bombardam, emitte similes globos, similia contorque iacula, & similem reportabis victoriam. Ad hoc nos adhortans idem Gregorius, ait: [Clypeus verò in manu est, & defendit: quia virtus patientiæ, præcedente nos gratia, & in

potestate est arbitrij, & à periculo protegit aduersitatis.]

Plut.

Milites inter Athenienses, vt testis est Plutarchus, diligenter curabant ne clypeum amitterent vel desererent. Itaque illis è prælio reuertentibus, suumque clypeum deferentibus, ense licet amisso, omnes cōgratulabantur, ac statim eodem clypeo tanquam diademate supra caput imposito, maximo cum iubilo coronabantur. Ad quam consuetudinem alludere videtur Dauid, dum ait: *Domine ut scuto bonæ voluntatis tuæ coronasti nos.* Haud dubiè coronaberis & tu patientiæ laurea, ac maxima cum iubilatione ab omnibus cælicolis recipieris, si in huiusce vitæ militia hunc patientiæ clypeum non amittas.

Psal. 5.

Non. Dion.

c. 4.

Olim in Laconia, teste Nonno, infantes recter nati collocabantur in clypeo vice cunarum. Quin & Hercules apud Theocritum positus est in scuto, itidemque Iphiclus ab Alcmena parente.

Theocrit.

Epyll. 24.

Cum ambos lauisset, & lacte repleuisset, posuit super scutum aureum.

Ea ceremonia præsignabatur hominem ad bellum, ad labores, & ad huius vitæ discrimina, & tela nasci, eumque ad illa propulsanda clypeo indigere patientiæ.

In ventilabris, vel cribris etiam infantes dormituri apud aliquos deponebantur; ibique agitabantur, vti de Ioue scribit Callimachus, in auspiciis, vt volunt nonnulli, futuræ opulentiæ, vel fortè futuræ purgationis; debent enim homines etiam de nouo venientes in hanc lucem, & in ea commorantes, at-

Callima. in Iouis hymno.


que

Liber I. Cap. II. 7

que ab ea recedentes, purgari. Vnde Ioannes Baptista Christum describit habere *ventilabrum in manu*, ad permundandam aream suam, & ad congregandum triticum suum in horreum. Vel ideo in ventilabris exponebantur, ad significandum, hominem ita parum cōsolationis toto vitæ suæ curriculo exhaustum, sicut aquæ cribro, aut ventilabro; vel ad denotandum, hominem tot esse calamitarum, & miseriarum telis transfigendum, quot sunt in ventilabro & cribro foramina, imò multò pluribus, nisi hoc patientiæ clypeo, & scuto muniatur. Et ne quis hæc parum aliena existimet, recordetur Ciceronem scuta, & *Cic. de di- cribra aliquando iunxisse, dum sic scribit: uinat.* Quasi verò quidquam intersit, scuta, an cribra mures corroserint.

Quid sit patientia.

C A P V T II.

A  E S I D E R A N T I mihi omnes afflictos clypeo patientiæ muni, quid in primis sit ista patientia, de qua agere intendimus, quærendum est.

Patientia, secundum Ciceronem, est vir- *in 1. Rhetor.* tus, contumeliarum & omnis aduersitatis impetus æquanimiter portans. vel secundum eundem; Patientia est utilitatis, siue honestatis causa, rerum arduarum, ac difficilium voluntaria ac diuturna perpassio. *2. de inuict.*

*lib. de pa-
tient. c. 2.
tom. 4.
tract. de
fide.*

Ex Diuo Augustino ; Patientia est virtus, qua mala æquo animo toleramus.

Secundum D. Hieronymum ; Patientia est omnium iniuriarum & passionum tolerantia, quam si quis habuerit , bona omnia in se continet.

*2. 2. quest.
136. art. 1.*

Diuus Thomas asserit, patientiam esse virtutem, qua bonum rationis conseruatur contra tristitiam , ne scilicet ratio tristitiæ succumbat.

*libr. 1. de
patient. c. 31.*

Iuxta Mantuanum; Patientia est habitus in appetitu irascibili, qui non ad impugnandum ea quæ concupiscibilem offendunt, & sensui nocent, sed æquo animo tolerandum inclinat. Ipsius namque irascibilis flammam extinguit, rabiem sedat, furorem emollit ; fiet autem in nobis hic habitus, si aduersa mitissimè & sine resistentia frequenter feramus.

Scotus docet, fortitudinem esse genus, sub quo duæ species collocantur: vna, qua aduersa repellendo certamus, & vocatur bellicositas : altera, qua æquanimiter ferimus, & patientia dicitur.

*Serm. de
patient.*

Non intendo autem hic loqui de illa patientia, quam antiqui Philosophi pro leuî quadam captanda hominum gloria, se sectari profitebantur : quia, vt optimè aduertit Cyprianus, [tam in illis erat falsa patientia, quàm & falsa sapientia. Vnde enim vel sapiens esse, vel patiens possit, qui nec sapientiam, nec patientiam Dei nouit?]

Cùm igitur non essent veri sapientes, nec B erant etiam veri patientes, quia non sapiebant secundum Deum, nec patiebantur secundum Deum,

Liber I. Cap. II. 9

Deum, vel pro Deo; idcirco à Deo reprobata est illorum sapientia, testante propheta: *Per- Isai. 29. dam sapientiam sapientium, & prudentiam prudentium reprobabo.* Ita sanè reprobata est illorum patientia: nam, ait idem Doctor, [si sa- *ibidem.* pientia illic vera non est, esse non potest nec & vera patientia.] Quod probat hoc modo. [Si patiens, inquit, ille est, qui humilis & mitis est: Philosophos autem nec humiles videmus esse, nec mites, sed sibi multum placentes, apparet non esse illic veram patientiam, vbi sit insolens affectata libertatis audacia, & exerti ac seminudi pectoris inuerecunda iactantia.] Hac de causa falsam ac probrosam *lib. de patient. c. 16.* vocat Tertullianus illorum & sibi similium patientiam.

Interdum tamen aliqua illorum infidelium patientiæ exempla passim afferemus, vt inde discamus, quid nobis pro Deo immortali, ac gloria æterna æquanimitè ferendum sit, cùm tanta, tamque ardua ipsi pro inani gloria, & vt aliquandiu in ore hominum verarentur, patienter perpassi sint.

Nec de illa patientia, quæ etiam in impiis ad aliqua patranda facinora reperitur, tractare cupio; de quibus impiis sic idem Tertullianus: [Tanti boni nomen fœdis operationibus occupant: patientes ritualium, diuitum & inuitatorum, impatientes solius Dei viuunt.] Hoc est, in his quæ Dei sunt, impatientes sunt, libenter ea ferendo quæ contra Deum sunt. *ibidem.*

Ideo mala vocatur illa patientia, ob quam Apostolus ironica quadam locutione ac su-

A s gilla

gillatione increpabat Corinthios, dicens:
 2. Cor. 11. *libenter suffertis insipientes, &c.* ac si diceret.
 Sunt quidam Pseudo-apostoli, vos ad falsa
 dogmata trahentes, quos omnino explodere
 satius esset, quàm illos, & ea quibus vos affi-
 ciunt incommoda, patienter ferre. Non est
 igitur bona, sed mala illa patientia, qua illos
 sustinetis, & de qua, hæc verba Pauli expla-
 Bernard. nans Bernardus, ait: [Magna est virtus pa-
 tientiæ, sed interdum impatientem esse pro-
 bius est.] Etenim laudabile quidem est in ini-
 iuriis propriis patientem esse; at verò iniu-
 rias Dei sustinere nimis impium est.

Talem autem patientiam suos docet dia- C
 ibidem. bolus, ut notat Tertullianus. [In hoc, inquit,
 Domino æmulatur diabolus, docuit & suos
 patientiam propriam.] Quæ quidem nullam
 aliam præter æternam damnationem habe-
 bit mercedem; ideo subiungit idem Doctor:
 [quam patientia subter ignis expectat.] Id
 est, manet ignis inferni eos omnes qui non
 pro Christo, sed potius pro diabolo aliqua
 patiuntur incommoda; qui ideo à Diuo Au-
 gustino martyres diaboli vocitantur.

lib. de pa- Non vult etiam idem Augustinus toleran-
 tient. c. 5. tiam impiorum in malis patrands, vel in ac-
 quirenda humana gloria, vocari patientiam,
 sed potius duritiam; sic enim loquitur: [In
 illis autem, qui mala sustinent, ut mala faciât,
 nec miranda, nec laudanda patientia, quæ
 Super. Gât. nulla est; sed miranda duritia.] Vnde talem
 Maria. patientiam Gerson meritò vocat asinariam
 tract. 8. patientiam. [Cum ergo, inquit idem Aug.
 Aug. lib. de videris quenquam patienter aliquid pati,
 patient. c. 6. noli

noli continuò laudare patientiam, quam non ostendit, nisi causa patiendi. Quando illa bona est, tunc ista vera est.]

Nostra igitur mens est de vera, ac propria *Quæ est vera patientia.* loqui patientia. Illa autem est vera patientia, qua propter Deum omnia toleramus aduersa, quæ nobis accidunt, vel pro diuinorum

mandatorum obseruatione, vel propter eorundem transgressionem, aut propter aliquam causam Deo notam: id est, ille habet veram patientiam, qui aliquid aduersi patitur, ne aliquod mandatum, ad quod tenetur, transgrediatur; vel si transgressus fuerit, patienter tolerat illam, quæ sibi iniungitur, vel immititur, pœnam: aut si nullum commisit peccatum, patienter fert aduersa, quæ permittente Deo, illi accidunt: vel qui suum corpus propter Deum ieiuniis, & aliis macerationibus afflicat. Vnde Diuus Augustinus: [Patientes, inquit, propriè dicuntur, qui malunt mala non committendo ferre, quam non ferendo committere.] Et secundum Gregorium: [Ille verè patiens est, qui aduersitatibus atteritur, & tamen à rectitudine non curuatur.

lib. de patient. c. 5.

Gregor. in moral.

D Martyrès, verbi gratiâ, veram habuerunt patientiam, verèque patientes extitere, dum pro fide Christi, quam confiteri tenebantur, multa sustinuerunt tormenta. Bonus latro, quamuis in cruce debitam pro peccatis suis exolueret pœnam, verè fuit patiens, quia & Christum inuocauit, illumque confessus est, suam semper agnoscens culpam, ob quam meritò se pati fatebatur, vt alibi dicemus. Iob nullum patrauerat peccatum, propter quod

Quinam verè sunt patientes.

mere

mereretur tantas perferre ærumnas ; nouerat Deus, cur hæc omnia ei euenirent:sciens igitur iste sanctus illa omnia sibi accidere Deo nihil iniuste permittente, libenter, & æquo animo illa voluit tolerare, atque ita veram habuit patientiam, verèque extitit patiens. Denique sancti Dei Confessores similiter veram obtinuerunt patientiam, quod suam carnem propter Deum abstinencia, aut aliis afflictationibus macerarunt.

lib. de patient. c. 15. Qualis sit autem patientia, aut qualis debeat esse qui ea munitus est, & quo habitu dignoscatur, disertè adnotat Tertullianus, sic illius describens effigiem : [Iam, inquit, effigiem, habitumque patientiæ comprehendamus. Vultus illi tranquillus & placidus, frons pura, nulla mœroris, aut iræ rugositate contracta: remissa æquè in lætum modum supercilia, oculis humilitate, non infœlicitate deiectis, os taciturnitatis honore signatum, color qualis securis & innoxiiis, motus frequens capitis in diabolum; & minax risus.] Sic se habet, & ita se gerit, qui hac virtute est præmunitus.

ibidem. Vis adhuc scire, quid sit patientia? Est Dei *E* alumna, ac comes indiuidua Spiritus sancti, quia illum vbique comitatur. Hoc non à me ipso dico, sed ab eodem Tertulliano disco: [Vbi Deus, ait, ibidem & alumna eius, patientia scilicet. Cum ergo Spiritus Dei descendit, indiuidua patientia comitatur eum.] Iunge te comitanti, vt ei quem comitatur iungaris. Si vis Dei gaudere præsentia, noli carere eius alumna patientia; quæ ita eum
comi

comitatur, vt idem Doctor audeat hunc locum Deuteronomij sic explicare; *Vindictam Deut. 32. mihi, & ego vindicabo.* Id est, inquit ille, Patientiam mihi, & ego patientiam remunerabo. Hæc ita intelligenda censeo, vt scilicet in omnibus aduersis patientiam propter Deum habeamus, omnia pro ipso libenter sustinendo, & ipse hanc nostram remunerabit patientiam. Ideo regius Propheta sic suam hortabatur animam; *Veruntamen Deo subiecta esto anima Psalm. 61. mea: quoniam ab ipso patientia mea:* quasi dicat. Ita volo Deo meo subiici, vt quidquid mihi aduersi acciderit, illud libenter pro ipso patiar, sperans, quod non solum *ab ipso patientia mea*, sup. proueniet: sed etiam quod *ab ipso patientia mea*, sup. remunerabitur. propterea alio in loco vocat Deum patientiam suam: *Tues*, inquit, *patientia mea Domine.* Id est, tu es causa patientiæ meæ. Id est, tu es causa remunerationis quam acquirō propter patientiam meam, vel tu es remuneratio patientiæ meæ. Vnde Diuus Augustinus: [Virtus animi, quæ patientia dicitur, tam magnum donum Dei est, vt & ipsius qui eam nobis largitur patientia prædicetur.] *lib. de patient.*

- F Vitium autem oppositum patientiæ, est impatientia, quæ est defectus debitæ tolerantia, propter quam aliquis desistit à meliori bono: & tunc est peccatum mortale, quando propter dolores seu labores, afflictiones & tristitias prorumpit in murmurationes, aut blasphemias, vel in alia vitia contra charitatem, siue dilectionem Dei, aut proximi, iniuriando, conuiciando, detrahendo, aut aliquid simile

*tract. 1. cō-
tra Demet.*

simile faciendo, vel omittendo, quod ad necessitatem salutis pertinet. Audi quomodo quibusdam loquebatur D. Cyprianus: [Apud vos, inquit, impatientia clamorosa semper & querula est: apud nos fortis & religiosa patientia, quieta semper, & semper in Deum grata est, nec quicquam istinc lætum, aut prosperum sibi vendicat, sed mitis & lenis, & contra omnes fluctuantis mundi turbines stabilis diuinæ pollicitationis tempus expectat.] Non est autem contra rationem patientiæ, cum tormenta inferuntur, voces emitte-
re, plangere & clamare: hæc enim naturalia sunt, sicut lacrymas emitte-
re, dummodo illa immoderatè non fiant. Porro, sicut Deus est author patientiæ, ita diabolus author impatientiæ. Deum autem esse authorem patientiæ affirmat idem Cyprianus. [Origo, ait, & magnitudo patientiæ Deo authore procedit.] Impatientiam verò à Dæmone inchoasse asserit Tertullianus: [Sicut, inquit, patientia in Deo, ita aduersaria eius in aduersario nostro nata atque comperta est. Igitur natales impatientiæ in ipso diabolo deprehendo.]

*Serm. de
patientia.*

*lib. de pa-
tient. c. 5.*

ibidem.

Ostendit idem Doctor Dæmonem per impatientiam, simul & per malitiam protoparentes tentasse, illósque pariter non tantum per impatientiam peccasse, sed etiam primum illorum peccatum impatientiam extitisse affirmat; ait enim. [Quod crimen ante istud impatientiæ admissum homini imputatur? Innocens erat, & Deo amicus, & paradisi colonus. At ubi semel succidit impatientia, desinit Deo sapere, desinit cælestia sustinere posse.

posse. Exinde homo terræ datus, & ab oculis Dei eiectus facile vsurpari ab impatientia cœpit in omne quod Deum offenderet.]
Recessit igitur homo à Deo suo per impatientiam, accedat ad eum per patientiam.

Vnde meritò Diuus Ambrosius patientiam matrem fidelium appellat. Nam, si famescat puer, recurrit ad suam matrem: si ab aliquo percutiatur, si lædatur, si doleat, statim ad matrem se recipit: in tuto se putat si in gremio matris existat, à qua defenditur, & fouetur. Ita, si aliqua quis tristitia teneatur, aut iniuria afficiatur, vel aliquo morbo laboret, aut fame & paupertate prematur, ad patientiam, tanquam ad communem matrem recurrat, quæ illum consolabitur, fouebitque.

G Ad illam Iob toto prorsus corpore tabidus & putridus, & à planta pedis, vsque ad verticem capitis fœdo vlcere confectus se recepit: & quamuis saniem testa radere cogeretur, sederetq; in sterquilinio, ac amicorum, propriæque vxoris conuiuiois valde exasperatus esset, nullum tamen impatientiæ signum dedit, quia in sinu matris patientiæ fouebatur, & ab ea protegebatur. Similiter fecerunt Moyses, Tobias, Dauid, aliique quàm pluri mi, vel dum aliquo affligerentur morbo, vel iniurijs & persecutione afficerentur, aut alia calamitate premerentur. Hæc enim mater est, quæ nos ad ipsam recurrentes, patri nostro Deo reddet, Diuo testante Cypriano: [Patientia est, inquit, quæ nos Deo & commendat & seruat.]

Vocatur etiam patientia à Tertulliano instrumentum

strumentum sustinendi. [Solus, inquit, sustinere non poterit carens instrumento sustinendi.] Sicut enim corpus humanum iam grauescente ætate, atque ad senium omnino perductum sustentari ac baculo fulciri necesse est: ita anima humana, ærumnis & calamitatibus pressa, in desperationem, ac ruinam laberetur, nisi instrumento isto patientiæ sustineretur.

in Psal. 33. Hac de causa etiam Diuus Augustinus vocat patientiam, ossa. [Patientia, inquit, quæ est in fide, ossa sunt interiùs.] Nam sicut non potest sine ossibus corpus sustentari, ita nec homo sine patientia: imò verò charitas ipsa, quæ, ut Apostolus ait, *omnia suffert, omnia sustinet*, nihil penitus sufferre ac sustinere posset sine patientia, quam idcirco aliqui vocant charitatis dorsum, cui charitas innixa, omnia libenter suffert. Vnde Cassiodorus: [Patientia, inquit, omnia vincit aduersa, non colluctando, sed superferendo.] cui competit illud Virgilianum:

Cassiod.

Superanda omnis fortuna ferendo est.

Quàm igitur sit ista patientia necessaria, capitulo sequenti demonstrabitur.

Quàm sit necessaria patientia.

CAPVT III.



Vamuis omnibus omnes sint virtutes necessariae, specialiter tamen & præcipuè de patientia ab Apostolo dictum est: *Patientia vobis necessaria est, ut voluntatem*

Hebr. 10.

A

luntatem Dei facientes reportetis promissionem.
 Hoc est, vt finem ad quem conditi estis, re-
 porteris, & ad vitam perueniatis æternam,
 inaximè vobis est patientia necessaria. Tot
 enim difficultatibus, & tentationibus vita
 Christiana referta est, vt nisi clypeo patien-
 tiæ homo se muniat, nullo modo possit sibi
 coronam gloriæ comparare. Ideo optimè
 Cyprianus: *Neque accipi potest, ait, dolorum & lib. de bon.*
passionum corona, nisi precedat in dolore & passio- patient.
ne patientia.

Anthistenes dicere solebat, nulla alia re
 opus habere, nisi robore Socratico. Socrates
 autem ad omnium rerum patientiam obdu-
 ruerat, vt testis est Laërtius. Ego autem dico, *lib. 6. c. 1.*
 nos opus habere nō Socratica, sed Christiana
 patientia, quia per illam fit homo perfectus.
Patientia opus perfectum habet, ait Apostolus; Iacob. 1.
 id est, patientia hominem perfectum osten-
 dit: vel, patientia alia bona opera & virtutes
 perficit. Vnde Tertullianus asserit patientiam
 omnibus hominis actibus & Dei mandatis
 interuenire & intermisceri: *Patientia, in- lib. de pa-*
quit, fidem munit, pacem gubernat, dilectionem tient. c. 15.
adiuuat, humilitatem instruit, pœnitentiam ex-
pectat, exomologesim adsignat, carnem regit, spi-
ritum seruat, linguam frenat, manum continet,
tentationes inculcat, scandala pellit, martyria con-
summat, pauperem consolatur, diuitem temperat,
infirmum non extendit, valentem non consumit,
fidelem delectat, Gentilem inuitat, seruum Domi-
no, Dominum Deo commendat, fœminam exornat,
virum approbat; amatur in puero, laudatur in
iuvene, suspicitur in sene; in omni sexu, in omni
 B etate

atate formosa est. Videas quæso, quàm sit necessaria illa virtus, quæ tanta producit bona.

*in lib. de
patient. c.
11.*

Matt. 5.

1. Cor. 13.

*Prudent. in
psychoma-
chia.*

Idem Doctor etiam docet, nullam esse perfectam virtutem quæ non habeat comitem patientiam, probâtque in omnibus beatitudinibus, quas Christus apud Matthæum enumerat, patientiam quoque intelligendam esse. *Quos, inquit, felices Dominus, nisi patientes nuncupavit? & explanans illa verba Pauli, Charitas patiens est; ostendit thesaurum charitatis disciplina patientiæ contineri. Cuius, ait, nisi patientiæ disciplinis charitas eruditur? Charitas omnia suffert, omnia sustinet, utique, quia patiens est. Hinc Prudentius.*

Omnibus una comes virtutibus associatur,

Auxiliûmque suum fortis patientia miscet:

Virtus nã vidua est quam nō patientia format.

Sicut ad humanam vitam sustentandam panis est necessarius, ut vnâ cum cæteris cibis comedatur, qui quidem cibi sunt ut plurimum absque pane insipidi: ita ad spiritualem vitam conseruandam necessaria est patientia, quæ cæterarum virtutum socia sit & comes. Sicut enim si comeditis carnes, pisces, fructus, aut similia huiusmodi, adiungitur panis: sic si ieiunatis, si eleemosynam largimini, aut bonum aliquod præstatis, semper adhibenda est patientia, ut omnia rectè & completè fiant.

Sicut autem patientia omnibus ferè miscetur virtutibus, nec vix aliqua sine ipsa reperiri potest; ita nullû est vitium cui non miscetur impatientia. Quare quis in superbiam erigitur? quia non vult pati humiliationem. Quare irascitur? quia non vult sustinere iniurias.

rias. Cur furatur, aut auaritiæ incumbit? quia non vult tolerare pauperiem & inopiam. Cur fit luxuriosus? quia non sustinet tentamenta carnis, ideo finit se citò vinci titillationibus carnalibus. Quare inuidet bonis alterius? quia impatienter fert eius prosperitatem. Quare gulosus? quia non vult pati famē. Quare denique fit quis desidiosus? quia nullum vult ferre laborem. Tolle ergo impatientiam, tolletur & omne vitium: adsit patientia, aderit omnis virtus. Audi Tertullianum: *lib. de patientia*, inquit; *impatientia in omne delictum diffundens de suo fonte varias criminum venas. Omne peccatum impatientiæ adscribendum, malum est impatientiæ boni: nemo impudicus, non impatiens pudicitie, & improbus probitatis: & impius pietatis: & inquietus quietis, &c.*

Item, da patientem, & erit homo: da impatientem, & non erit homo, quod ex illis verbis Christi colligitur: *In patientia vestra possidebitis animas vestras. Luc. 21.* Vnde sic argumentari licebit. Qui non possidet animam, non est homo; Sed qui non habet patientiam non possidet animam; Ergo qui non habet patientiam non est homo: id est, non viuit vt homo, quia irrationabiliter viuit, multa quæ non sunt rationi consentanea, operando. Ideo, ait Diuus Gregorius, *per patientiam possidemus animas nostras, quia dum nobis ipsis dominari discimus, hoc ipsum incipimus possidere quod sumus, &c.* Sumus autem rationales: in hoc igitur possidemus nos ipsos, quòd secundum rationem gubernamur, gubernaculo scilicet patientiæ. *hom. 15. in Euang.*

Job. 18.

Itaque, patiens possidet animam, quia secundum rationem mediante patientia degit, & agit. Impatiens verò animam amittit, quia rationem amittit, dum furore ductus, absque ratione esse videtur, iuxta illud; *Quid perdis animam tuam in furore tuo?* &c. Ad hoc necessaria est hominibus patientia, ut verè & propriè homines sint, & possideant, quod sunt. Dico vno verbo, quod sine virtute patientiæ tu non es tui.

Rom. 33. in
1. ad Cor.

Diuus Chrysostomus vocat patientiam, causam omnium bonorum. *Patientia*, inquit, *est omnium bonorum causa, & vniuersa philosophia radix.* Quod quidem verum esse ipsa experientia docet. Certum est quod sine patientia, bona ipsa temporalia consequi non possumus. Quanti subeundi sunt labores mercatori, ut ex sua mercatura aliquid lucretur? quanti militibus? quantique agricolis, ut ditefiant? *Ecce*, inquit Apostolus, *agricola expectat pretiosum fructum terre, patienter ferens, donec accipiat temporaneam & serotinum.* Tolle ab eis tolerantiam, tolle patientiam, nunquam diuitias acquirant. Similiter qui literatus euadere cupit, necesse est legat, vigilet, studeat. Qui bona etiam spiritualia obtinere contendit, oportet ut laboret, oret, meditetur, & alia maximi laboris opera exercent cum spe futuri præmij suæ patientiæ: quia, inquit Sapiens, *Vsq̃ue ad tempus sustinebit patiens, & postea erit redditio incunditatis illius.*

Iac. 5.

Eccl. 1.

lib. 1. Sol.
cap. 4.

Requiritur etiam patientia, quia per eam. D. citò Deus placatur; nostrasque citò exaudit orationes. Vnde Isidorus: *Qui aduersa patienter*

*tienter tolerat Deum sibi citius placat. Cito exaudita est deprecatio pij latronis in cruce pendentis, eo quod patienter illa tormenta perferebat, vt alibi dicemus: & sicut Christus exauditus est pro sua reuerentia: ita latro ille exauditus est pro sua patientia. Tertullianus, qui sigillatim bona patientiæ enartare sum-
pserat, istud omittere noluit: Patientia, in-
quit, preces commendat; hac aures Christi lib. de pa-
Dei aperit, seueritatem dispergit, clementiam eli- tient. c. 13.
cit, &c. De hac virtute sic Sapiens: Patientia, Prov. 25.
inquit, lenietur princeps.*

Vide igitur quo valeas Deum in te iratum placare, quod cum sit patientia, hanc compara, conserua, hac vttere: patere tu, vt tibi compatiatur Deus. Æquum est etiam, vt ille patienter ferat aliorum in se peccamina, qui sua cupit à Deo exaudiri precamina. Patienter Deus tuas audiet orationes, si tu patienter feras tribulationes.

Valet etiam plurimum patientia ad regnia ipsa conseruanda; ideo Cælius vocat illam *praclarum instrumentum ad tutelam regni. Pro-* lib. 21. lect.
*pterea multos Reges, etiam inter infideles, ant. c. 28.
hac fuisse præmunitos legimus. Ex illis mul-
tis vnum referam Antigonum, qui aliquibus
eum non videntibus, & tamen de illo omnia
excipiente malè loquentibus comiter & se-
datè: Abite, inquit, longius ne obloquentes
fortè obaudiat Rex.*

E Adcò est ista virtus necessaria, vt sine ipsa nec vnā diem nobis transigere liceat. *Non lib. de pa-
licet nobis, inquit Tertullianus, vna die sine pa- tient. c. 12.
tientia manere. Ratio est, quia vix præterit vna*

B 3

dies



Matth. 6.

dies sine aliqua animi, aut corporis molestia & anxietate. Hoc autem sic se habere, ostendit Christus his verbis; *Sufficit diei malitia sua.* Per malitiam intelligit tristitiam, aut vexationem, ut exponit Diuus Hieronymus. Cum igitur vnaquæque dies nobis afferat aliquam molestiam, ad illam perferendam nobis opus est patientia: & sic, cum singulis diebus nobis aliquid triste accadat, singulis quoque diebus indigemus patientia. Vnde Cyprianus; *Ad varia carnis incommoda, & crebros torporis, durósque cruciatus, quibus humanum genus quotidie fatigatur, patientia necessaria est, &c.*

lib. de bono patient.

lib. de patient. c. 5.

Quando autem inceperunt isti cruciatus & afflictiones in homine? dum incepit ira Dei in hominem. Quando incepit ira Dei in hominem? dum coepit homo peccare in Deum. Quando coepit homo peccare in Deum? dum, ut supra diximus, desinit esse patiens. Audi Tertullianum. *Hinc prima iudicii, unde delicti origo: hinc Deus irasci exorsus, unde offendere homo inductus: inde in Deo prima patientia, unde indignatio prima, &c.*

Serm. de bono patient.

Itaque, si nulla in homine fuisset iniquitas, nulla ei nocuisset aduersitas: sed quia propter peccata ei eueniunt aduersa, ideo ut ea tolerare valeat, indiget patientia. Hoc optimè obseruauit Diuus Cyprianus: *Ut manifestius, inquit, & plenius possit nosci, quam sit utilis & necessaria patientia, Dei cogitetur sententia, quam Adam precepti immemor, & data legis transgressor accepit. Tunc sciemus, quam patientes in isto seculo esse debemus, qui sic nascimur, ut pressuris istis & conflictationibus laboremur, &c.*

Post

F Post peccatum sunt nostræ ærumnæ multiplicandæ: quod enim vni, omnibus quoque à Deo dictum est; *Multiplicabo ærumnas tuas. Gene. 3.* Ad quid igitur recurrendum est in tanta ærumnarum multiplicatione? ad patientiam, vt aliquam suauitatem habeat vita nostra tot calamitatibus plena. Grande enim malum esset si hæc ferre non possemus. Hoc animaduertit vnus ex septem Sapientibus, nimirum Bion, qui referente Laërtio dicere solebat: *Bion.* Magnum malum est non posse ferre malum; absque hoc enim nulli potest esse vita suaui. At per patientiam omnia sunt nobis leuia, quæ graui videbantur, nullumque est malum, quod patiendo non feramus. Vnde Euripides apud Ciceronem sic affatur: *Nec fors, Euripides.* nec ira, nec tam inuictum malum, quod non natura hominis patiendo ferat. Cui congruit quod ab alio Poëta dicitur:

Posse pati facile est, tibi ni patientia desit.

*Ouid. lib. 2.
de remed.
amor.*

Vide quàm sit necessaria patientia, cum sine ipsa nullus sanctorum coronatus fuerit. Fuit semper in Ecclesia pressura, ob quam tolerandam requirebatur patientia; vnde Hieronymus: *Quis, inquit, sanctorum sine patientia coronatus? à cunabulis enim Ecclesia non defuit iniquitas premens, & iustitia patiens.* Et magnus ille Gregorius: *Nemo sanctorum, ait, ad celestem gloriam, nisi patientiam seruando peruenit.* Sicut autem requiritur patientia, vt toleretur aduersitas: ita requiritur aduersitas, vt probeatur patientia, vt sequenti capitulo dicetur.

*Hieron. in
quadam
Epist.
hom. 7. lib.
1. in Eze-
chiel.*

Patientia in aduersis probatur & manifestatur.

CAPVT IV.

in Psal. 93.



SICVT stellæ non lucent in die, sed in nocte; & sicut *stellas*, ait Augustinus, *non extinguit nox*: ita vera patientia non in prosperis, sed apparet in aduersis, à quibus non debet extingui; vt quod de lucerna dicitur, de tua patientia enuncietur, non extinguetur in nocte aduersitatis patientia: indecorum enim esset illam aduersis obtenebrescere quibus deberet clarescere.

Simile.

Greg.

*in Psal.
138.*

Est patientia veluti lapis Chrysoprasus, quem secundum Isidorum lux celat, & prodit obscuritas, lucet enim & splendet nocte, in medio tenebrarum; diurno verò tempore expallescit & micare cessat. Sic non lucet, nec apparet patientia durante die, vel tempore prosperitatis: in tenebris autem aduersitatis splendescit, ac dignoscitur. Vnde Gregorius: *Vera fortitudo non ostenditur tempore pacis, neque etiam tempore prosperitatis patientia.* Prosperitatem autem similem esse luci, & aduersitatem tenebris indicat Diuus Augustinus his verbis: *In hac mortalitate vita humana habent homines lucem, habent tenebras: lucem prosperitatem, tenebras aduersitatem; sed ubi venerit Christus, & dona*

Et donauerit patientiam, incipit homo fidelis indifferenter in mundo isto nec extolli, quando res prosperè accidunt, nec frangi, quando aduersa sunt, &c. Tantò plus apparet patientia, quantò maior insurgit aduersitas, ac tantò plus occultatur prosperis, quantò minus homo agitur aduersis. Vis itaque videri? opta vexari. Vis approbari? quære probari. Desideras victoriam? sustine pugnam. Nam, teste Chrysostomo, *nisi tentatio, nec corona: nisi certamina, nec premia: hom. 3. ad nisi studia, nec honores: nisi tribulatio, nec remissio: pop. nisi hyems, nec aestas, &c.*

B Non possunt aromata suam expandere Simile. fragrantiam, nisi conterantur, vel in ignem coniiciantur; ita non potest quis dare odorem patientiæ, nisi angustietur, incommodisque afficiatur. Hæc similitudo est Sancti Gregorij. *Sicut, inquit, aromata non nisi cum lib. 1. mor. incenduntur fragrantiam expandunt: ita sancti viri omne quod virtutibus redolet in tribulationibus innotescunt, &c.* Idem Doctor asserit electos aduersitate proficere, pressurisque crescere, ac flatu persecutionum roborari; ait enim: *Electorum desideria, dum premuntur aduersitate, proficiunt. Sicut ignis flatu premitur, ut crescat, & unde quasi extingui cernitur, inde roboratur, &c.*

Demetrius apud Senecam, vitam securam *Epist. 86.* sine ullis fortunæ incurfionibus mare mortuum vocabat. Non potest nautarum solertia *Similia.* apparere, nisi aduersis flantibus ventis, intumescente mari, ac periclitante navi. Et nisi præcedat pugna, non potest esse victoria: ita, non potest quis suæ patientiæ periculum fa-

B

S

cere,

lib. de mor-
talitate.

cere, nisi accedant aduersa. Audi Cyprianum: Gubernator, inquit, in tempestate dignoscitur: in acie miles probatur; delicata iactatio est, cum periculum non est, conflictatio in aduersis probatio est virtutis: arbor quæ alta radice fundata est, ventis incumbens non mouetur & nauis quæ forti compage solida est, pulsatur fluctibus, sed non foratur: & quando area fruges terit, ventos grana fortia contemnunt & manent: palea autem flatu portante rapiuntur, &c.

Noli tu impatientia tua fieri arundo, aut palea omni vento afflictionis agitata; nam arundo parue & brevis est durationis: & ex palea aut fimus, aut fumus, quia vel putredine, vel combustione consumitur: sed esto veluti arbor firmissimè radicata, nullis cedens tempestatibus: non tua aduersitatibus debilitetur patientia, sed manifestetur. Est item veluti granum purum excussa palea in horreum Christi congregandum. Dictum est enim: *Matt. 13. Triticum autem congregate in horreum meum.* Vis ergo fieri vnus ex electis? esto vnum ex isto tritico granum: nam, inquit Augustinus, *in Psal. 47. Non cadet vnum granum tritici in acerum palea comburendum, nec vna arista palea transiet ad messem in horreo recondendam, &c.*

Recordare quanta opus est, vt granum frumenti patiat, priusquam panis efficiatur. Audi vnum ex istis granis, Beatum scilicet Ignatium: *Frumentum Christi sum, dentibus bestiarum molar, vt panis mundus inueniar.* Vt igitur frumentum illud Christi probaretur, necesse fuit, vt bestiarum dentibus coteretur. Non poteris tu similiter probari, nisi tribulationibus

Simile.

lationibus conteratis. Vnde Cyprianus: *Per ipsa, inquit, quæ nos cruciant, & fatigant, probari & corroborari nos scimus, & confidimus, &c.* *tract. 1. c. 1. tra Deme- trianum.*

Refert Gregorius Nazianzenus finxisse antiquos aliquam arborem, quæ excisa magis germinabat, & contra ferrum decertabat. *Arbor quædam, inquit, est fabulosa, quæ excisa magis germinat, & contra ferrum decertat, & si quid mirabilius in re mirabiliori dicere oportet, morte vivit, & abscissa pullulat, nec non consumpta augetur.* *Orat. cum reuertetur ex agro.* Quis nisi patientia munitus huic arbori meritò comparatur? Afflictatur morbo, expoliatur bonis, iniuriis afficitur, persecutionibus agitur, videtur mortuus propter quotidiana flagella & ærumnas; veruntamen, quia fortiter hæc omnia tolerat, Deus illum conseruat illæsum ac vegetum; talis erat, qui clamabat: *Quasi morientes, & ecce viuimus.* *2. Cor. 6.*

Turpe existimat Seneca, si gubernator nauis cedat fluctibus maris, aut vela propter ventorum impetum dimittat, vel clauum ingruente tempestate deserat. *Turpis est, inquit, nauis rector, cui gubernacula fluctus eripuit, qui solatione fluctuantia vela deseruit, permisit tempestati nauem: at ille vel in naufragio laudandus, quem obruit mare clauum tenentem & obnixum, &c.* *cap. 6.* Potest tamen aliquando contingere, vt tanta insurgat tempestas, vt cogat etiam peritissimum nauclerum omnia illa deferere: verum nulla vnquam nobis eueniunt aduersa quæ Dei gratia tolerare non possimus, cum, teste Apostolo, *Fidelis sit Deus, qui non patietur nos tentari supra id quod possumus, sed faciet etiam cum tentatione prouentum, vt possimus sustinere.* *1. Cor. 10.*

Pulchra

Simile.

tract. de pa-
tientia.

Pulchra similitudine iumentorum & va-
forum figuli hanc Apostoli sententiam de-
clarat Sanctus Ephrem. *Si enim, inquit, ho-
mines suis iumentis non plus oneris imponunt,
quàm ferre queant, multò minus hominibus plus
tentationum aut afflictionum imponet Deus, quàm
ferre possint.* Rursum; Si figulus vasa sua igne
excoquit eousque, dum ritè coquantur, nec
antè ea eximit, ne minùs cocta & solida sint,
nec rursum vltteriùs ea finit in igne, ne adu-
rantur, fiántque inutilia. Multò magis idem
faciet Deus, vt igne tentationum eousque
nos coquat, dum percoquat, & perficiat; vltè-
riùs verò tentatione aduri & consumi nos
non finet. Vult quidè vt aduersitatibus probemur, sed non obruamur: vult vt nostra pa-
tientia appareat, sed non pereat.

Epist. 8.

Tempore Diui Cypriani, magna contra ci-
uitatem Carthaginensem, cuius ipse erat
Episcopus, infidelium persecutio insurrexe-
rat, ablens cùm esset iste Sanctus, hæc ad cle-
rum & ad plebem illius ciuitatis scripsit: *Per-
secutio ista, inquit, examinatio est atque explora-
tio pectoris nostri, excuti nos Deus voluit & pro-
bati, sicut semper suos probauit, nec tamen eius au-
xilium in tentationibus defuit, &c.* Nonne satius
est, vt probemur, quàm reprobemur?

Simile.

Nota.

Videtur Deus se habere in hoc mundo,
sicut ille artifex, qui campanam confecit,
quam cùm perfecerit, priusquàm illam in ex-
celsū, ac in turrim attollat, solet eam malleo
ferreo pulsare, vt hoc pacto probet an sana &
integra sit, vel si bonum sonum edat. Ita an-
tequam Dominus eleuet in cælum aliquem
electum,

electum, consuevit cum laboribus & afflictionibus percutere, ut probet an firma sit eius patientia, & qualem edat sonum, aut qualem emittat vocem. Pulsauit olim Iob, ut ipsemet testatur: *Manus Domini tetigit me.* Iob. 19. Et quo malleo? diabolo, qui à Ieremia vocatur *malleus uniuersæ terræ.* Sed audi sonum istius campanæ: *Dominus dedit, Dominus abstulit, &c. sit nomen Domini benedictum.* Benedicenda est hæc campana, quæ tam benedictum edit sonum. Percipiebatur iste sonus, de quo sic Apostolus: *Sufferentiam Iob audistis.* Et non audiretur nisi Iob percuteretur, nec vnquam eleuaretur in cælum, nisi talem edidisset sonum. Quid de sono huius sancti viri dicat Augustinus, audiamus. *Quomodo sonuit, quàm suauem sonum dedit? Adhuc tunditur datus in potestatem diaboli, ut & caro eius percuteretur. Percussit eum à capite vsque ad pedes graui vulnere, & putrescens vermibus sedebat in stercore. Audiuimus quemadmodum tunsus est, audiamus quomodo sonet. Si bona suscipimus de manu Domini, in Psal. 97. mala non sustinebimus? O sonum fortem! ô sonum dulcem! ô quem non dormientem excitet sonus iste!*

E In vniuersitatibus literariis, priusquàm aliquis ad gradum aliquem, verbi gratia, Bachalaureatus, promoueatur, necesse est probetur & examinetur. Quod si omnibus quæ ei proponuntur difficultatibus satisfecerit, omniâq; soluerit argumenta, tunc admittitur & approbatur. Sic antequam quis ad aliquem gradum beatitudinis æternæ perueniat, oportet vexationibus, multisque probetur afflictionibus. Sic fuit probatus idem Iob, qui de se ipso loquens,

Iob. 23.

Tob. 3.

Sap. 3.

Tob. 12.

Quid. lib. 4.
Trist.

loquens, ait : *Probanit me Deus , quasi aurum quod per ignem transit.* Sic Tobias , cuius filij vxor ita Deū alloquebatur : *Hoc pro certo habet omnis, qui te colit, quod vita eius , si in probatione fuerit, coronabitur.* Vt igitur quis lauream illam cœlestis doctoratus adipiscatur , decet illum laboribus , & angustiiis probari : & vt more Academico loquar, oportet respōdeat *pro tentatina* ; necesse est, inquam, tentetur , vt coronetur; probetur, vt approbetur ; pressuris afficiatur , vt gaudiis reficiatur. De iustis sic Sapiens : *Deus, inquit, tentauit eos, & inuenit eos dignos se.* Vtinam sic probetur nostra patientia, vt gaudeat diuina præsentia.

Sed, dices ; cū Deus sciat, quid sit in homine, & abscondita cordis agnoscat, quid est opus , vt probeat , antequam approbet ? Non probat Deus, vt sciat & cognoscat, sed vt scire & cognoscere faciat. Sciebat Abrahæ obedientiam antequam illum tentaret : sciebat Iobi & Tobix patientiam antequam vexarentur; sed ideo tentari ac probati fuere, vt nobis constaret illorum obedientia & patientia, & sciamus, quod optimo iure aliquos recipit & alios reiecit : dictum est ab Angelo Tobix; *Quia acceptus eras Deo, necesse fuit vt tentatio probaret te.* Quasi diceret, debuit tua patientia in aduersis tentari & probari , & sic manifestari, vt omnes cognoscerent Deum ob id te acceptasse. Non enim hominibus manifestaretur , nisi tentationibus probaretur. Hinc Poëta,

*Quæ latet inque bonis cessat non cognita rebus,
Apparet virtus, arguiturque malis.*

Scilicet

Scilicet aduersis probitas exercita rebus,

Tristi materiam tempore laudis habet.

F Hugo Cardinalis explanans verba illa Pauli; *Rom. 5.*
Tribulatio patientiam operatur : asserit Aposto-
 lum hic innuere patientiam esse veluti ter-
 ram fructiferam, quam tribulatio operatur,
 id est, arat, colit & exercet, vt fructum ferat
 meritorum, eo sensu, quo Adam dicitur po- *Gene. 2.*
 situs in paradiso, vt operaretur & custodiret
 illum. Sicut igitur non potest aliqua terra simile.
 bonum fructum producere, nisi sarculo, ara-
 tro, alioue instrumento excolatur; ita non
 poterit patientia, siue vir patiens ferre aliquē
 fructum meritorium, nisi aduersitatibus &
 tribulationibus probetur. Tunc autem illi
 conuenire potest illud Christi : *fructum affert Luc. 8.*
in patientia. Quia, vt notat Chrysostomus,
neccessaria est pluuia, glacies, vt vernans exurgat hom. 3. ad
spica : sic necessaria sunt aduersa, vt appareat *popul.*
 patientia.

Dolebat Iulius Cæsar mortuo Pompeio,
 eius aduersario, atque suspirantem hæc di-
 xisse fertur: Doleo, quod non habeo de cæte-
 ro cum quo belligerem. Optabat etiam noua
 bella: claufas potius quærebat portas, quàm
 patentes: non vt ciuis, sed vt bellator ince-
 dere volebat; ideo gratior sibi erat recusata,
 quàm concessa via; vnde de eo Lucanus: *Luc. lib. II.*

--- *Non tam portas intrare patentes*

Quàm fecisse inuat: nec tam patiente colono

Arua premi, quàm si ferro populetur & igni,

Concessa pudet ire via, ciuēque videri.

Hoc desiderabat, vt eius animi dexteritas
 probaretur, corporisque fortitudo manifesta-
 retur,

retur, atque ita breuissima quadam humana laude afficeretur. Noli tu optare, vt tibi ad votum omnia succedant, sed illud desidera, quo tua exerceatur, ac tandem coronetur patientia. Illud autem est aduersitas, hanc, si non aduenerit, cupias: si superuenerit, sustineas.

*lib. de pro-
uidenti.*

Audi Senecam: Auida est, inquit, periculi virtus, & quò tendit, non quid passura sit, cogitat. Militares viri glorianur vulneribus. Calamitas virtutis occasio est. Ignis aurum probat, miseria viros fortes, &c. Quod autem requiratur aduersitas vt probetur patientia, affirmat Gregorius; *Pensate quaso ubi erit patientia, si deest quod toleretur.*

*Ex Regi-
stro lib. 9.
indictio-
ne 4.*

Exod. 17.

De ligno Sethim, ex quo fieri altare iussit Dominus Moyse, ait Dionysius Carthusianus talis esse naturæ, vt in ignem proiectum non comburatur, vnde quamuis super illud ignis apponeretur ad offerenda sacrificia, nullo inde afficiebatur detrimento. *Vicino*, inquit, *igne illius altaris lignum Sethim non cremabatur.* Nec est illud difficile creditu, cum Diuus Hieronymus asserat dari lignum, Anthitom nuncupatum, quod non solum igne non consumitur, sed magis ab eo purificatur, si quid habeat in se purificandum. Idem refert Plinius de alio ligno, quod vocatur Laix, ex quo quidem ligno Cælius Rhodiginus turrim constructam se vidisse affirmat, quam Iulius Cæsar destruere volens iussit ignem ei applicari, sed nullum detrimentum ei intulit. Viri patientes sunt veluti huiusmodi ligna: licet enim accedat ignis persecutionis, aut afflictionis, non propterea tædio vel tristitia consu-

*in Exod.
27.*

*Plin.
lib. 6. l. 67.
ant.*

consumuntur, imò potiùs fortiores ac puriores inde redduntur. Talis fuit Iob, Tobias, & alij quamplurimi, qui illustriores aduersitatibus euaserunt.

H Rubus ille, in quo visus est Deus Moyfi *Exod. 3.* igne inflammatus, in cinerem nimirè redigebatur, quin potiùs illustrabatur. Eundem in modum, viri iusti mundi insectationibus velut igne incenduntur, sed non absumuntur, quin potiùs summa gloria illuminantur. Quid de illo dicat Philo, audiamus: *Rubus lib. 1. de frutex est debilis, & senticosus, ut vel solo contactu vulneret; nec tamen absumitur ignis voracis natura, imò conseruatur etiam, qualis antea fuit permanens, adeo nihil amittens, ut nitefceret etiam: hæc designabant exhortationem quandam clamantem pressis calamitate: nolite succumbere, hæc vestre infirmitas est potentia.*

Si quis habeat vas vitreum, velitque probare, an sanum & integrum sit, extremitate digiti illud paululum pulsabit: si verò argenteum, vel aureum sit, lapide, aut malleo ferreo utetur ad illud probandum, quia fortius est. Ita Deus, qui, teste Apostolo, non patitur nos tentari supra id quod possumus, quos infirmiores & debiliores esse cognoscit, leuius, quos verò validiores, fortius vexari permittit. Non est igitur, quod conquæramur; illud enim possumus ferre, quod Deus vult inferre, nouit quid possimus, superest ut velimus.

Tandem, quod aduersitatibus nostra debeat probari patientia; innuit Seneca his verbis: Vnde possum scire, quantum aduersus

C

pau

paupertatem tibi animi sit, si diuitiis diffuis? unde possum scire, quantum aduersus ignominiam, infamiam, odiúmque popolare constantiæ habeas, si inter plausus senescis, si te inexpugnabilis, & inclinatione quadam mentium pronus fauor sequitur? unde scio, quàm æquo animo laturus sis orbitatem, si quoscunque sustulisti, vides? Calamitas, virtutis occasio est. Illos meritò quis dixerit miseros, qui nimia fœlicitate torpescunt, quos velut in mari lento, tranquillitas itineris detinet. Quidquid illis inciderit, nouum veniet. magis vrgent sæua inexpertos. Graue est non asuetis ferre ceruicibus iugum. Ad suspicionem vulneris tyro pallefcit, audacter veteranus cruorem suum spectat, qui scit se sæpe vicisse post sanguinem.

Nemo in hoc mundo immunis est ab afflictionibus; ideo illud est patienter ferendum, quod omnibus commune est.

CAPVT V.

in Tus. 3.



LVRIMI facit Tullius carmen illud Euripideum,

Mortalis nemo est, quem non attingat dolor.

Quod ita verum est, vt quidam ex antiquis iudicauerint non solum illum esse miserum, qui reuera miser est, sed etiam, qui miser non est, aut cui nihil aduersi accidit. Celebratissima & frequentissima fuit illa
apud

Liber I. Cap. V.

35

apud Senecam Demetrii vox : Nihil mihi videtur infœlicius eo, cui nihil vnquam euenit aduersi. Vnde ait idem Seneca : Miserum te iudico, quod nunquam fuisti miser.

*lib. de prej-
uidetia. 3o
& 4.
lib. de rō
med. fort.*

Nam si quis mortalium immunis omnino ab afflictionibus reperiretur, nimium miser esset, quod omni miseria indignus haberetur: atque ita non esset sine afflictione, qui plenus esset tali indignatione: illum enim Deus iudicaret indignum qui affligeretur, quod non minima esset miseria, cum sine afflictione ad illum perueniri non possit. *Considera*, inquit *de libero*

Augustinus, & videbis in tantum te esse miserum, in quantum non appropinquas ei quod summum est. At non appropinquat quem Deus nō flagellat, cum, teste Scriptura, flagellet Deus omnem filium quem recipit. Vnde optime quatit idem Augustinus : Itane omnem? ubi te volebas abscondere? omnem, & nullus exceptus, & nullus sine flagello erit? Quid est omnem? vis audire quem omnem? etiam vnicus sine peccato, non tamen sine flagello.

arbitrio.

Hebr. 12.

in Psal. 31.

Si ergo ipse vnigenitus Dei Filius, qui peccatum non fecit, nec inuentus est dolus in ore eius, multa passus est incommoda: quo pacto speras te sine flagello futurum? Qui proprio filio suo non pepercit, tibi, aut aliis peccatoribus parceret?

B Vbi primum homo in peccatum lapsus est, multis cepit miserijs & calamitatibus subiacere, quæ tot ac tantæ sunt, vt, teste Demetrio, ipsæ ei dominantur. Calamitates, inquit, hominibus imperant, & non homines calamitatibus. Non enim sinunt illum lætari, nec comedere: sed iubent flere, iacere, ac si

Demet.

Iob. 14.

de 12. grad.
humil.

milia tristitia exercere. Sic imperatur, qui ante lapsum omnibus imperabat: sic subiaceret, cui omnia subiacebant: qui prius immortalitate donabatur, modò breui vivit tempore: & qui antè multis fruebatur deliciis, nunc multis repletur miseriis. Vnde Bernardus: *Multis repletur miseriis, multis & multiplicibus, inquam, miseriis corporis, miseriis cordis, miseriis dum dormit, & miseriis dum vigilat, miseriis quocunque se vertit, &c. Consideranti tibi quid sis, occurret tibi homo nudus & pauper, & miser & miserabilis homo, dolens quod homo sit: erubescens quod nudus sit: plorans quod natus sit: mormurans quod ad laborem natus sit.*

Eccl. 40.

Galsfridus.

Sed quando incipiunt istæ miseriæ, & isti labores homini accidere: à die natiuitatis suæ. Audi Sapientem: *Iugum graue, inquit, super filios Adam à die exitus de ventre matris eorum usque in diem sepultura in matrem omnium.* Vnde sic exclamat quidam: *Dura omnino conditio, quandoquidem non est nobis excutere à cervicibus graue iugum, donec ingrediamur sepulchrum, nec euadere vitæ huius laborem, nisi per mortis horrorem.*

Serm. de
patient.

Præsentit homo nascendo quantæ iugum istud sit grauedinis, atque hoc satis superque innuit, & testatur vagitu & lacrymis, quas in ipso suo exitu emittit, quibus etiam naturaliter prædicere videtur se ad laborem & tribulationem nasci. Audi Cyprianum: *Unusquisque nostrum cum nascitur, & hospitio mundi huius excipitur, initium sumit à lacrymis. Et quamuis adhuc omnium nescius, & ignarus nihil aliud nouit in ipsa prima natiuitate, quam flere: prouit*

providentia naturali lamentatur visa mortalis anxietates, & labores & procellas mundi, quas ingreditur, in exordio statim suo ploratu & gemitu rudis anima protestatur.

Diuus quoque Augustinus asserit pueros *Serm. 24. de verb. Apost.* in hanc lucem prodeuntes prius prædicere, quàm dicere, siue prius prophetare, quàm loqui, ac si interrogentur, ploratu, non verbis responsuros: sic enim scribit. *Istos pueros, qui nascuntur interrogemus, quare à ploratu incipiunt, qui nec ridere possunt. Nascitur puer, & statim plorat, post nescio quos dies, ridet. Quando plorabat nascens, propheta sua calamitatis erat; lacryma enim testes sunt miserie. Nondum loquitur, & iam prophetat. Quid prophetat? in labore se futurum, vel timore. Etsi bene vixerit & iustus fuerit, certè in mediis tentationibus positus, semper timebit.*

C Porro iugum hoc super omnes filios Adam dicitur, nullus excipitur, non persona hominis, sed nec temporis hora: super quos? Super pauperes tantum? Super ignobiles, super sæculi contemptores, aut ab eo contemptos? parum est: *Super omnes, inquit, filios Adam. Quicumque nascitur istud iugum ferre cogitur; propterea Ambrosius. Quid in hac vita, lib. de mor-* inquit, *non experimur aduersi? quas non pro-* te Saryri. *cellas, tempestatēque perpetimur? quibus non ex-* *gitamur incommodis? cuius parcutur meritis?*

Ista autem aduersa & incommoda non improprie nomine iugi, siue iugo à Sapiente exprimuntur: quia iugum à iugando, vel à iungendo dicitur; nam per iugum diuersa animalia inuicem iunguntur ad laborandum. Homini igitur nascenti iugum imponi dicitur,

tur, quia statim labori & molestiis huius vitæ iungitur, quibus ita adhæret, ut ab eis non valeat separari; nec mirum, cum ad eas videatur alligari, in cuius rei indicium dum nascitur, ligatur fasciis, quod cæteris animalibus non contingit, idque admiratur
lib. 7. hist. natu. Plinius: Ne quidem feras, inquit, inter nos genitas vincula excipiunt, & omnium membrorum nexus: at homo infelicitè natus iacet manibus pedibusque deuinctis.

Eccle. 40. Huiusmodi iugum portabit homo, id est, omnibus aduersitatibus subiicietur *vsque in diem sepultura in matrem omnium.* Exclamet iterum supradictus Galfridus, dicatque: *O qualis mater! qualis ille uterus terra, tumulus sepultura! & tamen paritura est ipsa, quos concipit redditura.* Dicitur terra omnium mater, quæ omnes morientes recipit in utero, non ut eos perpetuò retineat, sed ut in nouissimo die enitatur: ideo cum sepelitur homo, quasi semen utero matris reconditur, ut illum in illo ultimo die pariat. Dico itaque; sicut hæc mater omnes excipit morientes, siue Reges, Principes, diuites, nobiles, siue pauperes, ignobiles sint: ita tribulatio omnes tangit nascentes cuiuscumque sint conditionis. *Nec Rex,* inquit Chrysostomus, *procul à curis & cruce vitam agit, sed vitam viuam plenam multis tribulationibus.* Et quemadmodum mori omnibus contingit, ita & pati, ait Euripides: & sicut moriendo unusquisque suam habet sepulturam, sic viuendo habet omnis homo suam crucem: quando moritur, portatur crux ante ipsum, sed quando nascitur, im-

Hom. 66. ad pop.

nitur

nitur crux supra ipsum : nam *ingum graue super filios Adam à die exitus de ventre matris.* Cum fletu nascimur, cum labore viuimus, & cum dolore morimur, & nullus potest ista effugere. Ridet Seneca eos qui dicunt, fugiamus dolorem. quid ? quod ille sequitur fugientes? *lib. de re med. fort.*

D Fingunt Poëtæ Iouem duo habuisse dolia, vnum mellis, alterum fellis: & de illo quidem guttatim distillare in terras, de hoc verò largè & vbertim effundere. Sed omnibus omissis fictitiis, dicimus Deum optimum maximum habere calicem præ manibus, & inclinare ex hoc in hoc, ac de illo bibere omnes peccatores terræ. Hoc attestatur Regius psalter; *Calix Psal. 74. in manu Domini vini meri plenus mixto. Et inclinauit ex hoc in hoc: veruntamen fex eius non est exinanita, bibent omnes peccatores terræ.* Omnes, ait, peccatores bibent. Fortè tu peccator non es? Si hoc diceres, mentireris, quia *qui dicit se i. Ioann. 1. peccatum non habere, mendax est.* Et quamuis nullo peccato inquinareris, non tamen omnino è tribulationibus eximereris : nam Christus ipse qui nec peccare poterat, calicem sibi à Patre oblatum bibit. *Calicem quem Ioan. 18. 12. dedit mihi Pater, non vis ut bibam?* Audi quid tibi per prophetam dicat Pater ille cœlestis. *Ecce quibus non erat iudicium, ut biberent calicem, bibentes bibent; & tu quasi innocens relinqueris? non eris innocens, sed bibens bibes. Jerem. 49.*

Nec existimemus eos qui nos præcesserunt, & dormiunt in somno pacis, fœliciores hic vitam transegisse, & meliores quàm nos dies habuisse : nam Diuus Augustinus expla-

Psal. 33.

nans illa verba psalmistæ: *Quis est homo, qui vult vitam, diligit dies videre bonos?* ostendit, non esse in hoc mundo quærendos dies illos bonos, nec Patres nostros, imò nec ipsum Christum vnquam eos habuisse. Quid dicat audiamus. *Quotidie, inquit, marmuratis, & hoc dicitis. Quandiu ista patimur, & quotidie peiora? apud parentes nostros fuerunt dies latiores, dies meliores. O si interrogares ipsos, similiter tibi de parentibus marmurarent: fuerunt beati patres nostri, nos miseri sumus, malos dies habemus. O Deus! ostende nobis dies bonos. Bonos dies quaris, simul eos queramus, nolite hic; sed illos habuerunt patres nostri: fallimini; omnes enim laborauerunt. Legite scripturas: ideo voluit Deus ut scriberentur, ut nos consolaremur. Temporibus Helia fuit fames, passi sunt eam patres nostri. Semper dies mali in saculo, sed semper dies boni in Deo. Habuit dies bonos Abraham, sed intus in corde: habuit dies malos, quando à fame mutauit regionem, & querebat cibum. Sic omnes quasierunt. Dies malos habuit Paulus, qui dicit; in fame, in siti, in frigore, in nuditate. Non irascantur serui: ipse Dominus non habuit dies bonos in hoc saculo, contumelias, iniurias, & crucem, & tanta mala patiebatur. Non ergo Christianus marmuret, videat cuius vestigia sequatur. Sic Diuus Augustinus.*

Idem Doctor non vult, ut aliquis sibi promittat in hac vita, quod nec Euangelium ipsum promissit, nempe omnia prospera; imò in Psal. 40. potius vult, ut hic speremus aduersa. Nemo, inquit, sibi promittat, quod Euangelium non promittit. Fratres mei, obsecro vos, attendite scripturas nostras, si aliquid sefellerunt, & si aliquid dis-

xerunt,

xerunt, & aliter accidit, quàm dixerant. Non nobis promittunt scriptura nostra in hoc sæculo, nisi tribulationes, pressuras, angustias, tormenta, dolores, abundantiam tentationum. Ad ista nos precipue paremus, ne imparati deficiamus. Quod autem hæc promittant scripturæ, patet legentibus illas. Dicat igitur vnusquisque mortaliū illud Dauidicum: *Posuisti tribulationes Psal. 65. in dorso nostro.*

Pulchra quadam similitudine Diuus Chrysostomus ostendit non posse quidem euitari aduersa; sed posse tolerari, atque in his nobis valde laborandum esse. *Qui*, inquit, *domum* Hom. 35. *struit, non hac spectat, vt non pluuin super ipsam in 1. ad* Corint. *descendat, neue radius incumbat, quia istud nulla ope caueri potest; sed studet quomodo hæc omnia domus sustinere possit. Et qui nauem fabricat, non hoc agit, vt ne fluctus obturbet, neue vnda extollantur, cum illi impossibile sit; sed vt nauis compages & latera ad omnia idonea sint: & corporis curam habens, non hoc agit, ne inæqualis aëris vis oboriatur; sed quomodo corpus omnia tolerare possit. Hoc ipsum in moribus fieri oportet.*

Sicut ergo non possumus impedire pluuiam ne cadat super tecta: fluctus ne feriant nauem: aut morbos ne corpus afficiant; sed nobis curandum est, vt tecta pluuiæ, naues verò fluctibus resistent, morbisque remedium afferatur: ita cum non sit in nostra potestate prohibere ne afflictiones & tribulationes eueniant, nobis tantum incumbendum est vt patientia præmuniti, illas æquo animo feramus. Vnde Plutarchus: Non est, inquit, omnino dicere; viuus hoc non patiar, ne sit sanè. Plutar. de anima.

At est dicere; viuis hoc non faciam: non mentiar: non versutia utar: non insidiosè captabo. Quasi dicat: possumus quidem mala non agere, sed non possumus mala non pati.

Præclaram sententiam Homerum protulisse affirmat Simonides: scilicet, *quod hominum generatio talis sit, qualis est foliorum*. Folia enim producantur, & licet aliquandiu vire-scant, non minus tamen omni vento mouentur, tandem cadunt, exsiccantur, & putrescunt: & sicut nullum est folium, cui hæc omnia non contingant, sic nullus est homo, qui postquam in lucem editus est, licet iuventute floreat, tribulationis vento non agitetur; qui tandem morte non cadat, & cuius corpus non putrescat; hæc omnia omnibus hominibus communia sunt. Merito igitur homo folio comparatur, quod ad instar folij vento rapiatur, de quo sic Iob ad Dominum; *Contra folium*, inquit, *quod vento rapitur ostendis potentiam tuam?* In quem locum ostendit Gregorius ista propter peccatum homini accidisse, illumque ab arbore tanquam folium cecidisse, imò ex arbore folium deuenisse. *Quid est homo*, inquit, *nisi folium*, *qui videlicet in paradiso ab arbore cecidit? Qui enim arbor fuit in conditione, folium a semetipso factus est in tentatione*. Quòd autem homo per peccatum, tanquam folium deuenit, indicant illa foliorum tegumèta quibus turpitudinem suam protoparentes nostri velarunt: foliis non indiguissent, si à fructu abstinuissent. Currant igitur ad folia, illisque se contegant, qui veluti folia minimo flatu tètationis exciderunt. Quamuis

Iob. 13.

Lib. 11. mor.
cap. 21.

Gen. 3.

Quamuis autem nulla sit aduersitas quæ unicuique nostrum accidere non possit; veruntamen non eadem omnibus eueniunt aduersa, sed quædam vni, alia verò alteri: atque ita nullus est, qui ab omnibus omnino eximatur, & qui aliquam afflictionem aut corporis, aut animi non experiatur, licet aliàs aliqua prosperitate gaudere videatur. Audi Boëtium: *Hinc sensus exuberat, sed est pudori de- lib. 2. de cō-*
gener sanguis. Hunc nobilitas notum facit, sed an- sola. pro. 4.
gustia rei familiaris inclusus mallet esse ignotus;
ille verò utique circumfluit, vitam cœlibem deslece-
ille nuptiis fœlix, orbus liberis, alieno censum mittit
heredi. alius prole latatus, filij, aut filia delictis
mæstus illacrymet. Inest enim singulis, quod inex-
pertus ignoret, & expertus exhorreat.

G Hinc Philomenes dicere solebat, nullum *Philome-*
esse vsquam mortalium, cui non aliquid triste *nes.*
accidat, aut acciderit: hunc verò sapere, qui
illud minimi facit: certum est enim, quod,
teste Seneca, nulla domus in toto orbe ter- *lib. de cōsol.*
rarum, aut est, aut fuit sine comploratione. *cap. 35.*
Quia, iuxta eundem, neminem illæsum fata *lib. de re-*
transmittunt. Non immeritò igitur Solon *med. fort.*
legum Atticarum conditor dicebat, vrbes,
atque oppida nihil aliud esse, quàm huma-
narum ærumnarum domicilia, quibus luctus,
mœrores, tristitiæ mortalium, quasi septis in-
cluduntur. Oporteret sanè illis exire, qui tot
mœsticias noller experiiri.

Interrogatus Socrates, quonam modo mi-
nimè doleremus, hoc fieri dixit nullatenus
posse: non est enim quispiam, qui ciuitates
aut domos inhabitet, aut cum hominibus
conuer

conuerſetur, qui aliqua triftitia non afficiatur.

Quid. lib. 2.
de venie.
amor.

Et quis non cauſas mille doloris habet?

Cum igitur omnes ſint calamitatibus obnoxij, nulluſque ſit, qui non vel magnas, vel modicas experiatur aduerſitates; cur æquo animo non ſuſtinebimus, quod omnibus commune eſt, & quod euitari nequit? Propterea ſic nos hortatur Publius: *Feras, non culpes, quod mutari non poteſt.*

Pub. Mim.

1. 2.

Caterum bene nobis conſultum eſt, dum nos afflictionibus ſubiici ſtatutum eſt: quia niſi hoc ita ſe haberet, fortè Deum ipſum obliuiſceremur. Si, inquit Auguſtinus, *ceſſaret Deus, & non miſceret amaritudines ſælicitatibus ſæculi, obliuiſceremur eum.* Affert & aliam rationem Rupertus. Dum, inquit, *viuit homo, illum in laboribus pane ſuo Deus veſci voluit, ut videlicet antequam veniret dies iudicij, quo cum peccatore antiquo damnandi ſunt omnes iniqui, reſipſcant aliqui laboribus & doloribus, &c.* Porro illorum qui nec tantis paterna diſciplina verberibus afflicti reſipſcant, damnatio iuſta eſt, quia culpa inexcufabilis eſt. *Quidenim vltra faciet Deus, ut eos à malis coërceat?* Recurramus igitur ad Deum in quo eſt ſumma requies, & in quo nullus eſt dolor, nullaque triftitia, quia quocunque pergas, ſemper tecum deferes quod patiaris. Eundem Auguſtinum cum Domino colloquentem audiamus: *Quaquauerſum ſe verterit anima hominis, ad dolores fugit alibi, præterquam in te.* Et infra: *Verſa & reuerſa in tergum, & in latius, & in ventrem, & dura ſunt omnia, & tu ſolus requies.*

lib. 4. Con-
feſſ. c. 10.
lib. 6. Conf.
v. ultim.

quies. Tandem, sic mihi pindarizando liceat concludere.

Laborum autem exors nullus est, nec erit.

Pind. hym.

*Plurimum nobis hic profunt aduersa,
atque ideo æquo animo ferenda.*

CAPVT VI.

A



EMPER consueuerunt viri sancti dolere de prosperis, gaudere verò de aduersis: verebantur enim, ne Deus velit aliqua prosperitate, bona quæ faciunt compensare. Hinc Diuus Gregorius: *Sancti viri, inquit, cum sibi suppetere prospera lib. 12. mor. huius mundi conspiciunt, pauida suspitione turbantur: timent enim, ne hic laborum suorum fructus percipiant.*

Sive bonus, siue malus sis, tibi potius aduersa quàm prospera sunt peroptanda: si enim bonus es, & tibi prospera succedant, fortè illa tua bonitas remuneratur in hoc sæculo. Audi eundem Gregorium; *Cauendum hom. de di- nobis est, ne si fortè aliquid nobis agimus in præ- uit. & La- senti sæculo, remunerationem accipiamus, ne fortè zar.*

Si autem malus sis, & nihil tibi accadat aduersi, tibi sanè pertimescendum est. Nam, inquit Augustinus, *nihil est infelicius felicitàte peccantium. Serm. de puero Cen- tur.* Quod si Deus tibi vitioso aliqua immitteret aduersa, fortè tuum in præsentī puniretur vitium, aut saltem in futuro

turo

turo tuum minueretur supplicium. Vides igitur, quocunque in statu simus in hoc sæculo, magis conducere aduersa, quam prospera. Vnde Boëtius: *Plus reor, inquit, hominibus aduersam, quam prosperam prodesse fortunam.*

de consolat. Philo. c. 2. prof. 8.

Ideo sapienter Diuus Augustinus aliquem de tribulationibus submurmurantem sic consolabatur; *Nonne melius est, ut Deus flagellet te & recipiat te, quam parcat tibi & deferat te?*

Serm. 4. de verb. Dom.

Vitis quæ non putatur, syluescit & luxuriatur, nullumque, aut saltem acerbum fructum affert. Hoc aduertens Hieronymus, ait; *Vites quæ putata non fuerint à vinitore, in flagella frondesque luxuriant, & humorem quem debuerant in vina mutare, vana frondium & foliorum ambitione disperdunt.* Sic quotidiano experimento cognouimus, hominē bonis temporalibus, honoribus, & prosperis affluentem, vitiosum ac deprauatum esse, multisque affectum vitiis: sed si labore aliquo, aduersisque rebus vexetur, ad se redit, & flagitiosa vita relicta, piam & Christianam sectatur.

in cap. 10. Osea.

Cum putatur vitis quasi flere, lacrymasque fundere videtur: at cum autumnī tempore suauissimis vuis abundat, certē si rationis particeps esset, putatori gratias ageret, vehementerque lætaretur, eò quod ab eo putata, & lacrymas effundere coacta sit. Ita etiam nos labores & res aduersas à Deo optimo illatas, læto, atque grato animo debemus excipere, cum ea in nostrum commodum, vtilitatemque cedant. Minabatur olim Dominus populo suo per Isaiam, atque de eo sic

fic loquebatur; *Dimittam vineam meam, & non putabitur, nec fodietur.* In quem locum Divus Basil. *Isai. 5. D. Basil.* ostendit quantum conducant aduersa: *Quemadmodum, inquit, qui vineam putant astringunt eius vites, ut maiori cum temperamento procedat ad proferendos viiles fructus. Ad eundem modum coringit anima assiduitate afflictionum propendenti & incuruata, quodam modo in se contrahitur, & seque utiliter demittit atque humiliat, & ad sui diligentiozem custodiam retrahitur.* Dum Israëlitarum diuitiis, voluptatibus, oblectationibus, aliisque huiusmodi bonis abundarent in terra promissionis, in quam ex Ægypto tamquam vinea fuerant translati, pluribus cœperunt flagitiis ac deliciis operam dare; quando autem luto, & lateritio operi addicti erant, Deum assidue invocabant, & animum à vitiis omnino auocabant. Vnde colligimus plurimum prodesse aduersa, obesse verò prospera.

Si quis auem aliquam magni pretij habeat, Similia. alas eius præscindit, aut illam in cauea includit, ne volando aufugiat. Sic Deus sæpe alas, hoc est, diuitias, honores, salutem, filios, & similia, solet amicis suis abscindere, & in aliqua graui calamitate includere, ne ab eius præsentia & amore discedant. Nam, inquit Augustinus, *si aui pennas detrahas, quasi onus tollis, & quo magis onus abstulisti, eo magis in terra remanebit, iacet, non volat, quia tulisti onus.* Quoties auis quæ euasit, libera in ramo occiditur, quæ incauta pascebatur? Fœlix ergo captiuitas, qua obtinetur libertas.

Aqua illa, quæ per præcipitia decurrit, melior

Apo. 17. Iohannis sententiam, *Aqua multa populi multi.*
 Vt igitur purior euadas, tibi per multas tribulationes transeundum est, non autem in deliciis commorandum.

Si videat mater filium gladium præ manibus tenentem, ab eo etiam inuito, imò lacrymante illum amouebit & arripiet, quia per ipsum fortè aut se necaret, aut vulneraret: nemo tamen debet sortem illius pueri gladium suum lamentātis, dolere. Nouit Dominus diuitias tuas, honores tuos, sanitatem tuam, filios tuos tibi plurimùm obesse, illis vt plurimùm vteris in perniciem tuam, idcirco vult vt illis careas & priueris, tunc ad modum pueri fles, doles: verùm si scires Dei intentum, gauderes, illique gratias ageres.

Si contingat aliquam domum comburi, eius possessor magnum sibi exhiberi beneficium putat, si afferatur aqua & super ignem infundatur, vt sic extinguatur. Ita quoties ignis peccati in cordibus nostris accenditur, misericorditer nobiscum agit diuina bonitas, si tribulationis aquas superinfundat.

Præterea quod est equo calcar, & boui stimulus, homini est aduersitas. Nobis vt plurimùm accidit, quod & iumentis, quæ cùm in via cibum reperiunt voluptate pellecta trahere aut incedere desinunt, & pastui tandiu inhærent, quandiu bubulci stigma non sentiunt; tum demum accelerant dum verberantur: tum se viæ accingunt, tum itineri student, cùm nihil, quod delectet occurrat. Nam dum non nisi in termino quæ-

tem

tem expectant, gressu citatiore defudant: at qui sæpius in via, quod tardat, offendit, ad finem viæ seriùs pergit. Vnde optimè Gregorius: *Electis suis, inquit, ad se pergentibus Dominus huius mundi iter asperum facit, ne dum quisque vitæ præsentis requie quasi amœnitatē viæ pascitur, magis cum diu pergere, quàm citò pervenire delectet. ne dum oblectatur in viâ, obliuiscatur, quod desiderabat in patria.*

Authore Seneca, flantem ventum, qui Citius dicitur, Galli salutare consueverant, quòd illius flatu purgaretur aër. Sic quia tribulationibus purgamur, salutandæ, aut saltem cum eueniunt, sunt æquo animo excipiendæ. Diuus Augustinus sic de tribulatione loquitur; *purgatio est, non damnatio.*

in Psalm.

D Quod autem aduersitates sæpe nobis den-

102.

tur per modum medicinæ; & purgationis, patet per illam, quam Deus protoparentibus nostris immisit pœnam: tanto enim ab eis perpetrato delicto, tantòque Deo offenso merebantur illi audire, ac subito mortis æternæ subire sententiam: sed elementissimus Deus volens potius curare quàm damnare, venit ad hominem, illique non maledictionem inflixit, sed curationem præscripsit, nam in primis assignantur ei herbæ tum ad esum, tum ad purgationem; *Comedes herbas terræ.* Deinde sudor ei iniungitur, cum ei dicitur; *In sudore vultus tui vesceris pane tuo.* Tum demum mutatio aëris, aut saltem ad propriam patriam regressus tanquam ei salutaris prædicitur, *in puluerem reuerteris.* Ipsa mortis sententia non est damnatio, sed aëris aut status mutatio.

D Deus

ibidem.

lib. 2. de
patient. c.
19.

Deus igitur nos hic puniendo, non tam iudicis, quàm medici partes gerit, cùm tales punitiones aut afflictiones censendæ sint curationes. Vnde idem Augustinus; *O fili quid plangis? medicina est, non pœna.*

Est & alia aduersitatis vtilitas, quam obseruauit Baptista Mantuanus: nam liberat nos mortis metu, quo incommodo maximè laboramus, cuius memoria sic amarescit, vt si cuncta possideas, si vescaris semper ambrosia, quicquid gustatur, reddat amarum: & sicut, cùm quis calceo nimium premitur, etsi perbellè, ac perquam venustè pedem vestiatur, discalciari optat; sic nimirum, cùm quis hanc vitam experitur aduersam, & sine spe salutis affligitur, pro singulari remedio mortem expectat.

Mart. lib.
2. Epigr.

Rebus in aduersis facile est contemnere vitam.

Fortiter ille facit qui miser esse potest.

Iob. 14.

Vnde & ipse Iob patientiæ exemplar, quem carnis infirmitas premebat, sic clamabat; *Cunctis diebus, quibus nunc milito, expecto donec venias immutatio mea.* Fœlix afflictio, qua dulcis fit ex hac vita migratio; & qua, quod, teste Aristotele, est omnium terribilissimum, rediditur omnium gratissimum. Audi Apostolum præ tristitia & propter ærumnas exclamantem; *Infœlix ego homo, quis me liberabit de corpore mortis huius?* Ac sic dicat: miser & ærumnosus, hoc enim sonat Græca vox *ταλαιπώρος*. Quis me liberabit à corpore moribundo, calamitatibus & corruptioni obnoxio? Hoc erat ardens Apostoli ex hoc misero & mortali corpore ad beatam & cœlestem vitam.

Rom. 7.

anhe

anhelantis suspirium.

E Diuum quoque Augustinum, aut, si Tri-
themio credimus, Hugonem Victorinum
pari modo suspirantem audiamus: *Audi, in-*
quit, ô anima qualis sis: onerata es peccatis, irre-
tita vitiis, capta illecebris, affixa membris, confixa
curis, distenta negotiis, contracta timoribus, affli-
cta doloribus, erroribus vaga, suspitionibus in-
quieta, sollicitudinibus anxia, advena in terra ini-
micorum, coinquinata cum mortuis, &c. Quando
veniam, & apparebo ante faciem Domini, ad vi-
dendum eum in bonitate electorum suorum, &c.
Hæ sunt piæ voces afflictorum; quas fortè
non ederent, si quietè viuerent, nec dissolui
cuperent, si voluptatibus dissoluerentur.
Tertullianus probat non esse timendâ mor-
tem, quod nos ab omni quod timeri potest,
eripiat: *Non est, inquit, timendum quod liberat*
ab omni timendo. Vix gustabit mortem, qui
aduersa gustauerit; qui autem delicias huius
mundi gustat, illud inueniet amarum, cuius
& ipsa memoria amara est. O mors, inquit
Sapiens, *quàm amara est memoria tua?* Sed cui?
Homini pacem habenti in substantiis suis: viro
quieto. Non autem homini qui ob afflictio-
nes iam amaro est animo.

Naues ventis secundis impelluntur & ad
opratum portum ducuntur: contrà verò eue-
nit in nauigatione spiritali: non enim bene
nauigatur ventis qui secundi aut prosperi
vocantur, & videntur, quales sunt diuitiæ,
honores, salus corporis, & cætera huiusmo-
di, quæ valdè sunt pertimescenda; quippe quæ
sepius corpora nostra ad illecebras per-
trahunt,

Grego.

trahunt, & animas nostras à portu salutis retrahunt. Illa autem sunt desideranda, quæ nos ad vltimum finem, qui est Deus, impellunt, qualia sunt morbi, persecutiones, paupertates, & similia. Nam, teste Gregorio, *Mala, quæ nos hic premunt, ad Deum ire compellunt.* Compellit, inquam, tribulatio viros iustos vitam istam ex animo despiciere, & ad aliam longè feliciorem ardentissimis votis aspirare.

Collat. 3.
cap. 4.

Cassianus tres ait esse modos, quibus homines vocari solent ad Deum. Horum primus ex Deo est, secundus per hominem, tertius ex necessitate & aduersitate. Ex Deo est, quoties inspiratio quædam immissa in cor nostrum nos ad obseruationem diuinorum mandatorum, & ad desiderium æternæ vitæ ac salutis exsuscitat.

Alter vocationis modus est, quem fieri per hominem diximus, cum vel exemplis quorundam sanctorum, vel monitis instigati, ad desiderium salutis accendimur.

Tertius est, qui ex necessitate descendit. F Hic autem modus vocationis, licet inferior duobus prioribus dignitate sit, est tamen multò frequentissimus: plurimi namque per hanc viam ad salutem æternam perducuntur; ideo illud vsurpare possunt, periissemus, nisi periissemus. Sunt enim plerique diuitiis mundi huius, vel voluptatibus obligati, qui si vel morbo affligentur, aut bonorum amissione ac proscriptione percutiantur, aut charorum morte compungantur, aut alia afflictione premantur, statim ad Deum, quem sequi in rerum prosperitate contempserant, saltem

saltem inuiti properare compelluntur.

Hunc vocationis modum idem Cassianus illustrat exemplo Abbatis Mosis, qui metu mortis, quæ ei propter homicidij crimen intentabatur, impulsus, ad monasterium decurrit: qui necessitatem conuersionis sic arripuit, ut eam in voluntatem prompta animi virtute conuertens, ad summa perfectionis vestigia peruenerit. Fœlix ergo necessitas, quæ ad meliora compellit; fœlix aduersitas, quæ nos Deum vocantem audire facit.

Dauid ipse conuersum se fuisse in ærumna *Psal. 31.* dum ei configeretur spina, liberè confitetur: unde appositè Diuus Bernardus de tribulatione sub nomine spinæ sic loquitur: *Spina, Serm. 48. in Cant.* inquit, pœna est; spina falsus frater; spina vicinus est malus. Bene autem confixus est, qui conuersus exinde est; bene pungeris, si compungeris: multi cum sentiunt spinam, corrigunt culpam, & talis dicere potest; conuersus sum in ærumna mea dum configitur spina. Vtilissima ergo pūctio, quam sequitur compunctio: multi enim non conuerterentur nisi pungerentur.

Præterea, calamitatibus, quasi quibusdam iniectis frænis, seruorum suorum lasciuientem carnem domat & cœrcet Dominus, ne in varia peccata præcipites ferantur. *Bonum Psal. 118. mibi, quia humiliasti me,* ait Rex Dauid. Paulo *2. Cor. 12.* quoque datus fuit stimulus carnis & angelus Sathanæ, ne magnitudine reuelationum extolleretur.

G Inter complures alios salutare tribulationis effectus atque fructus, ille præcipuus est, quod aperit, & illuminat oculos animi, facit-

que multa tunc homines reminisci, & aduertere, & intelligere, quæ rebus prosperis, vel obliuioni tradita erant, vel non aduertebantur, vel pro nihilo ducebantur. Enimuerò prosperitas est sicut nimia pinguedo hebetans atque obscurans visum; vel est vt nimius lucis splendor præstringens aciem oculorum. Est etiam veluti nimia vbertas segetem sternens; aut vt copia fructuum frangens arborum ramos. Vnde optimè Seneca: Segetem, inquit, sternit nimia vbertas, rami onere franguntur; ad maturitatem non peruenit nimia fecunditas: idem quoque animis euenit quos immoderata prosperitas rumpit, quæ non tantum in aliorum iniuriam, verum etiam in suam vtuntur.

Epist. 39.

Isai. 28.

Ex aduerso autem, *Vexatio*, ait Isaias, *dæ intellectum*: & vt idem ait; *Quem docebit scientiam? & quem intelligere faciet auditum? ab lacte à lacte, annulos ab uberibus.*

3. Reg. 1.

Est tribulatio quasi lignum illud ab Elisæo projectum in aquas Iordanis, ferrum in profundo aquarum demersum sursum natate faciens, id est, ex profundo peccatorum hominem extrahens ad aspectum lucis, hoc est, cognitionem Dei, & sui. Est tanquam lutum illud, quo Dominus vnxit oculos cæci, vt videret. Nam, ait Gregorius, *Oculos quos culpa claudit, pœna aperit.* Et secūdum Augustinum; *Tribulatio excitat torpentem, humiliat superbientem, purgat pœnitentem, illuminat cæcutientem, coronat innocentem.*

Ioann. 9.

Greg.

August.

Alterum etiam sumimus ex tribulatione emolumentum: si enim patienter toleretur, pœna

Liber I. Cap. VI.

55

pœna peccato debita tolletur. Hoc apertè indicat scriptura, quæ ait; *Pius & misericors est Deus, & remittet in die tribulationis peccata.* Eccl. 2.
Et apud Tobiam sic Sara ad Dominum; *In tempore, inquit, tribulationis peccata dimittis his, qui innuocant te.* Tob. 3.
Hoc autem fit dum afflictione purgamus quod delectatione commisimus. Vnde Gregorius; *Quicquid in nobis polluerunt opera, diluent lamenta, & si quid adhuc culpa delationis inquinat, pœna mœroris tergat.* lib. 9. mor. c. 35.

H Sciendum est autem secundum Chrysostomum, peccatum esse veluti saniem: pœnam verò aut tribulationem sicut ferrum medicinale. Habentem igitur saniem secari necesse est: ita peccatum habenti tribulari & affligi vtile est, tum ad purgationem, tum ad tuitionem. Nam, teste Augustino, *utile quiddam est tribulatio, utile medici ferramentum, contra diaboli tentamentum.* in Psal. 57.
Hoc aduertens Dauid, ad omnia flagella subeunda se paratum dicebat: *Ego, inquit, ad flagella paratus sum: vel, ut alij vertunt, paratus sum dilaniari & dilacerari:* Psal. 37.
aut secundum Chaldæum, *paratus sum ad confractiorem.* Quasi dicat: scio me deliquisse, paratus sum pœnam portare: veniant itaque flagella, veniant dilacerationes, aut confractiones, ad omnia illa paratus sum, quoniam mihi vtilia sunt. Nam, ait Gregorius, *quia viri sancti mentis sue corruptionis vulnus sine putredine non esse considerant, libenter se sub manu medici ad sectiones parant.* lib. 7. mor. cap. 8.
Et secundum eundem, *Deus tantò ad salutem certiores nos exhibet, quanto flagella durius secant.*

Si quis hostis coronatos aut gemmas in

D 4

dor

Beat. In-
nif.

dorsum tuum coniceret, non doleres, sed gauderes, & colligeres eas: talibus lapidibus Beatus quidam lapidari cupiebat Parisiis Aureliam vsque. Hæ gemmæ, hi lapides pretiosi sunt tribulationes, quæ cum sint tanti pretij, tantæque vtilitatis, toto animo optare deberemus, vt illis per totam vitam ad mortem vsque impeteremur.

Aff. 14.

Ne vnquam recedat à memoria tua quod à duobus Apostolis dictum est; *Per multas tribulationes oportet nos intrare in regnum Dei.* Cum tribulationes sint via qua tenditur ad cœlum, si fuerint extra te, eris tu extra viam; nunquam ergo peruenies ad patriam. Merito qui in hac vita voluptatibus indulget, comparatur viro, qui ad carcerem, vel ad suspendium per amœnissimum ducitur agrum. Audi

D. Greg.

Gregorium; *Quasi per amœna prata ad carcerem peruenit, qui per præsentis vitæ prospera ad interitum tendit.* Sunt igitur tribulationes necessaria, prosperitates verò nociuæ.

1. Petr. 3.

Conducunt etiam aduersitates ad beatitudinem capeffendam, sacra testante Scriptura; sic enim scribit Beatus Petrus; *si quid patimini propter iustitiam, beati: si exprobramini in nomine Christi, beati eritis.* Et Diuus Iacobus; *Beatus vir, inquit, qui suffert tentationem.* Neque hoc latuit Iob, qui ait; *Beatus homo qui corripitur à Deo.*

Iac. i.

Iob. 5.

Nemo ignorat in quantam gloriam huic I Beato Iob cesserit inuicta illa patientia in doloribus, vt non dubitet scribere Diuus Chrysostomus, etiam fimū ac sterquilinum, in quo sedebat Iob, magnæ esse venerationis.

Multi,

Multi, inquit, nunc longam transmarinam peregrinationem à terra finibus suscipientes in Arabiam abeunt, ut finum illum cernant, & conspiciant terram deosculentur, quæ illius victoris certamina & cruorem omni auro pretiosiores exceptit.

Atque hac de causa Gregorius Nazianzenus Stoicos præ Peripateticis collaudat, quòd res externas nullum ad beatitudinem impedimentum afferre dicant; sed virum bonum beatum esse, etiamsi in Phalaridis tauro concremetur.

Datur aliud non contemnendum aduersitatis emolumentum, facit enim Deum nobis esse præsentem, qui licet ubique præsens sit, tamen peculiari modo afflictis adesse significat; teste enim psalmista, *Juxta est Dominus his qui tribulato sunt corde.* Et de afflictis, sic per eundem Prophetam idem Dominus, *Cum ipso sum in tribulatione.* Noluit Deus Moyse apparere in lauro, vel in cedro, aut simili arbore, sed in rubo spinis referto, ut innumeret nobis, non in prosperis, sed in aduersis inueniri, atque adesse dum afflictamur. *Noli timere, inquit Augustinus, quando tribularis, ne quasi non sit tecum Deus, nec putes te deserui, quia non quando vis, eripit.*

Insuper, sicut non nocet, sed prodest racemis conculcatio, oliuis contusio, & frumento tritura: sic nobis plurimum confert tribulatio. Audi Gregorium Nyssenum innuentem, quantum sit sic pati causa Dei. *Vua, inquit, calcibus tunditur, & in vini saporem liquatur: sic oliua contusionibus expressa amurcam suam deserit, & in olei liquorem pinguescit. Sic per trituram*

hom. 5. ad pop.

Epist. 64. ad Philagrium.

Psal. 33.

Psal. 90.

in Psal. 90.

homi. 15. de quadrag.

Epist. 27.

turam arca à paleis grana separantur, & ad horreum purgata veniunt. Ita quisquis hic flagellatur, securus ad Deum venit, quippe cuius rubiginem ignis tribulationum purgavit. Idem sic de aduersitate loquitur; Sicut semina messium gelu cooperta fertilius germinant: & ignis flatu premitur, ut crescat: sic aduersitas magis auges desiderium in Deum.

Virg. Æ-
neid. lib.
12.

Non sunt igitur reiiciendæ, sed libenter ferendæ aduersitates, cum ex his tot nobis comparentur vtilitates, & cum, teste Poëta, miseros meliora sequantur.

*Tribulationibus erudimur, atque ideo
gratanter acceptandæ & to-
lerandæ.*

CAPVT VII.

Laërt.



EFERT Laërtius Diogenem A Cynicum profectum Athenas, ad Antisthenem, ut ab eo doceretur, se contulisse, cumque ab eo sæpe repelleretur, non destitisse tamen ei inhærere: adeò ut cum aliquando ei baculum intentaret Antisthenes, vtrò baculo caput subiecerit, dicens: Cæde si vis, ad nullum inuenies baculum tam durum, quo me abs te abigas, dum aliquid docueris.

Vnusquisque Christianus, ut verus sit Christi discipulus, debet se humiliter baculo cuius

cuiuscunque tribulationis submittere, illam libenter ferendo, & Deum propterea non deferendo, qui sæpe tribulatione tanquam pædago vtitur ad castigandum, erudientum & corrigendum nos: *Nam*, inquit *Hom. 62.*
Chrysostomus, *pædagogus noster tribulatio est.* *ad pop.*

Egregius fuit Paulus Christi discipulus, quem nihil potuit à schola, & charitate sui magistri abigere, ait enim: *Quis nos separabit à charitate Christi? tribulatio, an angustia, an fames, an persecutio?* Quasi dicat: nihil horum poterit nos, si noluerimus, à Christo separare; non enim propter præceptorem aut pædagogum debet filius fugere à paterna *Hebr. 12.*
domo, & patrem relinquere, cuius sperat hæreditatem. Ideo hortabatur Hebræos idem

Apostolus his verbis; *In disciplina perseuerate.* *ibidem.*
Per disciplinam intelligit labores, & aduersitates, quæ ideo disciplina vocantur, quia displicent: nam disciplina à *displiceo* dicitur; tamen per illas amici Dei patientiam & alias virtutes addiscunt: vnde Dauid; *Disciplina Psalm. 17.*

tua ipsa me docebit. Deus non solum verbis, vel inspirationibus, sed etiam suos interdum erudit tribulationibus, quas immittit his, qui verbis, monitis, lectionibus, exhortationibus, aut inspirationibus nolunt peccata deferere, & se ad Deum conuertere, ut quasi coactè præstent quod sponte noluerunt. Audi Augustinum: *Quod te Dominus permisit pati tract. in*
flagellum, corrigentis est, non pœna damnantis. *Ioann.*

Dauid sic de seipso loquebatur; *Castigans Psal. 117.*
castigauit me Dominus, & morti non tradidit me.
Sed ut morti æternæ non tradaris, flagella libenter

60 . *Clypeus Patientia.*

libenter patiaris. Elephas non domesticatur, nisi verberibus afficiatur: sic sunt nonnulli, qui si aduersitatibus & flagellis non percutiuntur, domestici Dei non efficiuntur: illos nouit Dominus; fortè tu de illis es, ideo ab afflictionibus immunis non es.

Nemo, teste Sapiente, sine tentatione & B
Eccle. 3. vexatione aliquid scit; *Qui non est tentatus,*
Isai. 28. *quid scit?* Nam, iuxta Prophetã, *Vexatio dat intellectum.* Fratres Ioseph non antè cognouerunt sceleris sui in ipsum patrati atrocitatem, quàm cùm in afflictione constituti, dicerent; *Merito hac patimur, quia peccauimus in fratrem nostrum.* Vides quomodo tribulatione sunt eruditi, & ad agnitionem suorum delictorum, ac pœnæ sibi debitæ, deuenerunt; quæ omnia, antequam affligerentur, ignorabant.

Rex Nabuchodonosor beneficio tribulationum obtinuit, vt verum Deum & Regem in cœlis agnosceret, quem prius ignorabat; atque post multas quas tulit calamitates, sic
Dan. 4. affatus est: *Ego Nabuchodonosor oculos meos ad cœlum leuaui, & sensus meus redditus est mihi, & altissimo benedixi, & viuentem in sempiternum laudavi & glorificaui.* In qua schola hæc omnia didicit? in agris sub dio manens, à consortio hominum eiectus, atque ad instar bouis fœnum comedens, cadente super eum rore cœli. In ea quidem schola ita profecit, vt, teste Augustino, intrâ septennium ad gradum sanctitatis peruenerit, ac doctus in cognitione veri Dei euaserit. Quid filium prodigum fecit exclamare & dicere; *Pater, peccavi in cœlum &*

COT. 171

coram te, nisi fames, atque aliæ quibus premebatur ærumnæ? Dicamus igitur cū Diuo Augustino; flagellat nos Deus. Ad quam rem in Psal. 93. flagellat? utique ad Regnum cælorum.

Rectè à Jeremia dictum est; *Castigasti me Jerem. 31. Domine, & eruditus sum.* Ac si diceret: non erudirer nisi castigares; non castigares nisi diligeres; quia quos amas, castigas. Ideo Domine mi, propter tuum diligere, propter tuum erudire, ac propter tuum castigare, debeo tibi gratias agere, atque gaudere. *Gratulari, inquit Tertullianus, & gaudere nos decet lib. de pat. c. 11. dignatione diuina castigationis. O seruum illum beatum, cuius emendationi Dominus instat! cui dignatur irasci, quem admonendi dissimulatione non decipit.*

C Audi optimum Sapientis consilium; *Disci- Prover. 3. plinam Domini ne abiicias, ne deficias cū ab eo corripèris: quem enim diligit Dominus, corripit, & quasi pater in filio complacet.* Nota, sicut pater flagellat filium, non ut cruciet, eiúsque cruciatu se pascat, sed ut erudiat, & lasciuos mores ipsius castiget & emendet: ita pariter flagellat Deus filios suos, ut castiget eorum vitia, eosque ad omnem virtutem instruat, non autem quod eorum castigatione & plagis delectetur.

Et præcipuè castigat illum in quo sibi com- *Hebr. 12. placet, siue quem vnice diligit, & cui optimè vult.* Diuus Paulus Septuaginta Interpretes sequutus, citat hunc locum his verbis; *Quem diligit Dominus castigat, flagellat autem omnem filium quem recipit.* Diuus Augustinus maximè perpendit illud *omnem*, & ait: *Vis audire quem in Psal. 31. omnem?*

omnem? etiam vnicus sine peccato, non tamen sine flagello. Hinc collige, Deum patrem nullum ex suis filiis excipere à flagello: nam vnicus erat ei filius sibi consubstantialis, & in omnibus æqualis, qui vt talis minimè pati poterat, sed carne est indutus, ad hoc vt flagellaretur. Itaque flagellatus est ille filius sine peccato, & tu non flagellaberis cum peccato? Audi quid tibi dicat idem Augustinus; *Tu fortè exceptus eris? Si exceptus es à passione flagellorum, exceptus es à numero filiorum.*

lib. de past.

ibidem.

Quod probatur verbis eiusdem Apostoli ad eosdem Hebræos scribentis; *Tanquam filius vobis offert se Deus. Quis enim filius, quem non corripit pater? Quod si extra disciplinam estis, cuius participes facti sunt omnes; ergo adulteri, & non filij estis.* Ac si apertè dicat: per hanc disciplinam, & castigationem & persecutionem Deus se vobis exhibet tanquam Patrem: suscipite ergo hanc disciplinam grato & hilari animo, æstimate vos beatos hac tribulatione, eaque gloriamini; quia ipsa signum est vos esse filios Dei, & quasi filios à Deo regi, & tractari. Id ipsum cognouit Seneca, Deus, inquit, bonos vt seueri patres durius educat, vultque eos doloribus, ac damnis colligere robur, &c. Dicant ergo ipsi; digni visi sumus Deo, in quibus experiretur, quantum humana natura posset pati.

lib. de provident.

Quod si extra disciplinam, id est, absque tribulatione estis, cuius participes facti sunt omnes genuini & dilecti filij, ergo adulteri, & non filij estis. Quasi dicat: si semper voluptuamini, & ex libidine traducitis vitam in deliciis, expertes

pertes paternæ castigationis Dei, ergo non estis germani Dei filij, sed veluti spurij & supposititij. Castigatio enim & disciplina promptè, humilitérque suscepta, germanos Dei filios probat, eosque à spuriiis secernit: perinde enim atque Aquila pullos Soli exponendo, vt illum aduersis & irretortis oculis intueantur, genuinos probat, & à spuriiis, quos ad Solem conuiuentes vngue dimittens præcipitat, distinguit & separat: ita Deus suos afflictioni exponendo, explorat & secernit, atque ita illos cœlesti priuat hæreditate: ergo noli, inquit Augustinus, *depellere flagellum, si non vis repelli ab hæreditate, nec attendas* ^{102.} *quam pœnam subeas in flagello, sed quem locum teneas in testamento.* Idem alibi conqueritur, dicens; *Ad hæreditatem sempiternam erudimur, tract. in* *& flagellari dedignamur?* ^{Ioann.}

Vt comodè vtaris equis vel iumentis tuis, necesse est dumentur; domantur autem minis & flagellis: ita homines rebelles, & ad illicita defluentès, necesse est vt aduersitatibus & pressuris coërceantur atque domentur. Tanquam leo siue equus indomitus fuit aliàs Rex Nabuchodonosor, qui vt domare- ^{Dan. 4.} tur, per septennium tanquam bos paleas & foenum in agro comedebat, vt iam diximus. Leones etiam indomiti fuerunt Ahas & ^{2. Reg. 21.} Manasses, qui tandem angustis sunt humiliati. Alius fuit leo indomitus superbus ille Antiochus, qui flagellis cæsus ad tantam deuenit mansuetudinem, vt de illo dicat Scriptura; *Diuina admonitus plaga, dixit: Instum est* ^{2. Mach.} *subditum esse Deo, & mortalem non paria Deo sentire.* Et

Et sicut nullum animal potest domare E
seipsum, sed oportet quærat^{ur} homo ad illud
domandum: ita nullus potest hominem do-
mare nisi Deus, qui postquam aduersitate
hominem domuerit, facit illum filium suum.

Serm. 4. de
verb. Dom.

Audi Diuum Augustinum: *Equus non se do-
mat, camelus non se domat, leo non se domat, sed ut
dometur equus, bos, camelus, elephas, quæritur ho-
mo. Ergo quærat^{ur} Deus, ut dometur homo; & ple-
rumque profert domitor noster etiam flagella. Si
enim tu ad domanda iumenta tua profers virgam,
profers flagella; ita Deus profert ad domanda iu-
menta sua, qua sumus nos, qui de iumentis suis facit
filios suos.*

ibidem.

Dat rationem idem Doct^{or} cur dometur
& erudiatur homo, dum ait; *Deus autem tuus,
redemptor tuus, & dominator tuus, pater tuus, ca-
stigator tuus erudit te; quò? ut accipias hæreditatē,
ubi non offendas patrem, sed & hæreditatem ha-
beas & ipsum Patrem. Ad hanc spem erudiris, &
submurmuras?*

Oportet ut hic à Patre erudiaris, antequam
Patre in cælo fruaris: non habebis Deum
remuneratorem in cœlis, quem noluisti ha-
bere domitorem in terris. Indignum se præ-
bet filius hæreditate patris, qui respuit di-
sciplinam patris. Dilectionis paternæ proba-
tio, est frequens in filium animaduersio. Et
in Psal. 93. *quis est filius, inquit ille, cui non det disciplinam
pater eius? Quod cum facit Deus, ad hæreditatem
sempiternam nos erudit.*

Apud Lacones, si puer à quodam castiga-
tus, querelam ad patrem detulisset, turpe
erat patri, si hoc audito non iterum filium
cimen

emendasset. Eam enim ex institutione maiorum de se mutuo fiduciam habebant, ut crederent neminem esse, qui cuiusquam liberis, quos quisque pro suis habebat, quicquam imperaret inhonestum. Itaque omnium seniorum eadem erat in pueros autoritas, quæ patrum. Non licebat pueris apud illum populum conqueri de castigatione, aut disciplina à quouis sene exhibita, cum ad illos crudiendos infligeretur; & nos eò impudentiæ deuenimus, ut conqueramur & submurmuramus de flagellatione, aut tribulatione, quæ nobis à Deo Patre ad maiorem utilitatem nostram, hoc est, ad hæreditatem cælestem, immittitur, vel permittitur? *Non timeas in Psalm. flagellari, sed exheredari, inquit Augustinus.*

F Interdum similes sumus illis pueris sub pædago constitutis, de quibus loquitur Basilii, qui castigatione irati scindunt libellos: patri verò consulenti, ac cibum prohibenti vestem conserpunt, vel matris ora vnguibus petunt. Tunc illis similes efficimur, dum flagellari indignamur, vel de afflictatione murmuramus in Deum, aut proximum, nos ipsos excruciantes, vel dum insurgimus in affligentes nos, illisque paria reddere contendimus. Pudeat nos, quod grandæviam ætatem iactemus, & tamen pueros imitemur: volumus viri haberi, & nolumus viriliter, sed pueriliter agere. Sumus ætate viri, & moribus pueri. Idcirco tribulatione, tanquam pædago indigemus.

Sicut enim pueri præsentem pædago non audent illicita perpetrare, sed coercentur,

E manent

in Psalm.

manéntque sub ferula; illo autem absente lūdunt, lasciuiunt ac ineptè se gerunt: ita premente nos aliqua calamitate, de nulla cogitamus voluptate, cessat risus, à ludo, ab illecebris abstinemus; ipsa autem cessante, de Deo minimè cogitamus, voluptatibus indulgemus, ac pro libito viuimus. Ideo valdè nobis necessaria est aduersitas ad nostram lasciuiam edomandam, & ad nostros illicitos motus refrænandos: nam, teste Augustino, *flagellum interius, & exterius glorificat creatorem, compellit nolentem, erudit ignorantem, excitat torpentem, humiliat superbientem, purgat pœnitentem, coronat innocentem.* Ne igitur recuses, quod omnibus prodest: sustine flagellari, qui speras coronari.


Vis autem scire quinam sint pædagogi tui, vel flagella tua? Interdum vicinus tuus, frater tuus, dominus tuus, superior, aut subditus tuus, rixosa vxor, morosus maritus, domestici tui; nam *inimici hominis domestici eius.* Illis aliquando Deus vtitur ad domandum nos, permittens vt vel flagello linguæ suæ nos percutiant, conuiciis laceſſant, aliis iniuriis nos afficiant. Abelis pædagogus, aut potiùs flagellum fuit Cain: pædagogi Ioseph fuerūt fratres eius: pædagogi Regis Pharaonis fuerunt muscæ, ranæ & cyniphes, quibus flagellabatur, & tamen non conuertebatur: Saül, Semei, & alij quamplurimi fuerunt Dauidi veluti pædagogi, qui illum verbis & factis crudeliter diuexarunt. Habent etiam Reges suos pædagogos, suâque flagella, & tu nulum vis habere? Scito infirmitatem tuam, inopiam

Liber I. Cap. VIII. 67

inopiam tuam, & aliquando filium tuum esse flagellum tuum: Deus namque variis pædagogis, variisque flagellis vtitur pro varietate morum in nobis corrigendorum, vel pro nostro augendo merito. *Misericors Deus fieri super c. 39. hac omnia permittit, ut per omnia famulos suos Gen. clariores efficiat, ait Chrysostomus.*

Afflictiones propriè iustis & Christianis immittuntur, suntq; signum dilectionis, & electionis diuinæ; idcirco patienter ferendæ.

CAPVT VIII.

A  STENDIT regius psaltes, quibus præcipuè contingant afflictiones, dum ait; *Multa tribulationes iustorum.* Iusti sunt qui multas, iniusti qui paucas, aut nullas patiuntur aduersitates. Ideo hunc locum explanans D. Augustinus sic scribit: *Iniusti pauciores habent tribulationes; iusti verò multas habent. Sed post paucas tribulationes, aut nullas, illi venient ad tribulationem sempiternam, unde nunquam eruentur; iusti autem post multas tribulationes venient ad pacem sempiternam.* *Psalm. 33. August.*

Ad hoc vocatur homo ad Christianissimum, ut scilicet patiatur pro Christo: unde Diuus Petrus; *In hoc, inquit, vocati estis, id est, ad patientiam, ut exponit Caietanus.* Itaque ille non est verè Christianus, qui patienter per- *1. Pet. 2.*

secutiones & afflictiones non sustinet. Et
 Diuus Hieronymus illum errare iudicat, qui
 sine persecutionibus se Christianum putat.
Epist. 1. Erras, inquit, si putas unquam Christianum
persecutionem non pati.

Imò Diuus Augustinus censet illum non-
 dum cœpisse esse Christianum, qui nondum
 cœpit tribulationes pati, aut saltem eum non-
 dum piè viuere in Christo, qui nondum per-
in Psal. 55. secutionem patitur pro Christo. Si putas, ait,
te nondum habere tribulationes, nondum cœpisti
esse Christianus. Et ubi est vox Apostoli; Omnes
qui volunt in Christo piè viuere, persecutionem
patiuntur? Si ergo non pateris pro Christo ullam
tribulationem, vide, ne nondum cœperis in Christo
piè viuere.

Qui non est de numero Christianorum,
 non est de numero filiorum. Ille autem non
 est de numero filiorum, qui non est de nu-
 mero afflictorum. Nam, teste eodem doctore,
lib. de past. flagellat Deus omnem filium, quem recipit, & in
fortè exceptus eris? si exceptus es à passione flagello-
rum, exceptus es à numero filiorum.

Quæres, quomodo vniuersaliter vera sit B
2. Tim. 3. illa Apostoli sententia; Omnes qui piè volunt
viuere in Christo Iesu, persecutionem patiuntur.
 Multi enim pij inter Christianos piè viuunt,
 & quietè sine persecutione. Respondet Chry-
 sostomus, per persecutionem hic intelligi
 omnes difficultates, labores, dolores, & an-
 gores, quos patiuntur ij, qui student pietati,
 dum concupiscentias frænare, continentia,
 humilitati, temperantiæ studere, piis labori-
 bus insistere conantur.

Vel,

Liber I. Cap. VIII. 69

Vel, per persecutiones intelligimus tentationes diaboli, de quo sic Hieronymus: *Persequitur me hostis, cui nomina mille, mille nocendi artes.* Et Diuus Augustinus: *Non, inquit, quia diabolus modo per reges non sanat, ideo non Christiani persecutionem patiuntur. Si mortuus est diabolus, mortua sunt persecutiones. Si autem ille aduersarius noster vivit, unde non tentationes suggerit? unde non sanat? unde non minas & scandala procurat?* Nimirum sciat Christianus se non vocari ad otium, delicias & ad gaudia, sed semper sibi ob oculos proponat illud Sapientis: *Fili, accedens ad servitutem Dei, sta in iustitia & timore, & prepara animam tuam ad tentationem.*

Epist. 1. ad Heliod. in Psalm. 124.

Eccl. 2.

Qui bellum diabolo indixere, illos diabolus tentare, & perturbare, siue per se, siue per alios non desinit; quos autem quieto iure se possidere sentit, tentare negligit. Sed quia proprium Christianorum est insurgere in dæmonem & vitia, ideo præcipue proprium erit & Christianorum agitari, affligi, impeti vel à dæmone, vel à sequacibus suis: non est cum illis pax ineunda, aliud est tempus pacis & quietis. Recordemur igitur nos esse athletas & pugiles, quos non decet otio, & deliciis vacare. Audi Chrysostomum; *Impossibile est, inquit, ut qui malis bellum indixerit, pressuris careat; nefas est pugilem Dei vacare deliciis, non licet epulari luctantem; luctamen enim sunt presentia omnia, certamen, bellum, pressura, angustia, stadium. Aliud est quietis tempus, hoc arumnis deputatum est, atque sudoribus, nullus ubi ad certamen se exiit, unctusque est, requiem quarit. Si*

in Epist. 2. ad Tim. 3.

E 3 enim

*enim requiem quaris, cur te exuisti? cur libidinibus
& natura bellum indixisti?*

Præterea, dicimus pios persecutionem pati, dum de mala vita impiorum, à quibus odio habentur, dolent & cruciantur, vt cum
Psal. 118. Dauide dicât; *Vidi preuariantes & tabescebam.*
2. Petr. 2. Pessima Sodomitarum vita valde Loth cruci-
Aug. abatur, de quibus sic Apostolus: *Iustam ani-*
D. Prosp. in *nam iniquis operationibus cruciabant.* Vnde Di-
sentent. uis Augustinus: *Loth, inquit, persecutionem*
est *pariebatur, non vapulando, sed malos videndo.*
est *Nam, teste Prospero, magnus bonorum labor*
est *mores tolerare contrarios.*

Itaque, siue in extinguendis vitiis, & in- O
 cumbendo virtuti, siue à dæmone, aut ab im-
 piis impetentibus, siue ab iniqua malorum
 vita, aut quouis alio modo, semper iusti &
 Christiani in hac vita afflictabuntur, & labo-
 ribus atque angustiis prementur. Hoc asserit
 Chrysostomus; *A Christiana vita, inquit, in-*
Hom. 67. *solubile vinculum est tribulatio.*
ad pop.
Linus.

Gloriabantur olim Romani, teste Liuius,
 quòd fortia agerent, fortiâque paterentur,
 atque in hoc potissimum agnosci Romanum
 asseuerabant. Ideo hæc euentilare solebant;
 fortia agere & pati Romanum est. Sed ve-
 riùs hoc de Christianis dicatur; cùm bona
 agere, & mala pati Christianum sit, alioqui
 non merebitur ille Christianus vocari, qui
 Christi vestigia noluerit sectari. Itaque non
 est illi murmurandum, si aliquid graue sibi
in Psal. 33. sit tolerandum. Vnde Augustinus; *Non mur-*
muret Christianus, videat, cuius vestigia sequa-
tur. Et alibi ad Lippium scribens ostendit
 non

non esse mirandum si membra caput suum sequantur, cum Christus nostrum sit caput, nosque membra eius, consentaneum est ut illum sequamur. *Noli, inquit, mirari si postquam Christianus effectus es, mille te undique tribulationes vexent, quoniam Christus nostra Religionis caput est, nosque membra eius sumus: debemus ergo non solum eum, sed & vitam eius cumulatissime sequi; vita enim Christi respersa fuit angustis plurimis, &c.* *Epist. ad Lippium.*

Verum aliquid adiungit idem doctor, *ibidem.* quod non parum nobis affert consolationis, cum ex tribulationibus quæ nobis à Deo immittuntur, si patienter ferantur, coniectare possimus nos esse de numero electorum. *Coniectura est, inquit, cum te Deus immensis persecutionibus corripit, te in electorum suorum numerum destinasse.* Propterea alibi nos hortatur ne depellamus flagellum, si ab hæreditate nolumus repelli. Sic enim ait; *Noli depellere flagellum, si non vis repelli ab hereditate; nec attendas quam pœnam subeas in flagello, sed quem locum teneas in testamento.* *in Psalm. 112.*

D Qui eligitur à Deo, diligitur ab eo; qui autem diligitur, ut plurimum donis & muneribus cumulatur. Vis scire quænam sint dona quæ Deus iustis elargitur? Audi quid quibusdam dicat Apostolus: *Vobis donatum est pro Christo, non solum ut in eum credatis, sed ut etiam pro illo patiamini.* *Philipp. 1.* Vbi expendendum est, quanti fecerit, quantumque commendauerit Apostolus laborum tolerantiam, cum illam cum fide copulauerit. Magnum sanè & illustre Dei in nobis donum ac beneficium

E 4 extitit,

in lib. de
prædest.
Sanct.

lib. 9. mor.
cap. 35.

Act. 9.

Tob. 12.

extitit quam nobis Christi fidei, sine qua salutem esse non possumus, donavit; sed magnum etiam existimavit Paulus nobis datum esse, ut pro Christo patiamur. Vnde Augustinus: *Unumque*, ait, *ad gratiam pertinet, & fides credentium, & tolerantia patientium, quia unumque dixit esse donatum.* Quid autem inde colligendum sit, ostendit Gregorius, dum ait: *Electos Dei cernimus, & pia agere, & crudelia multa tolerare.* Hinc ergo colligitur, *quantum districtus Index illis feriat distractione quos reprobat, si his sic cruciat, quos amat.*

Volens Christus ostendere hunc Apostolum Paulum fuisse ab eo electum, ait Ananias: *Vas electionis est mihi, statimque subiunxit: Ego ostendam illi quantum oporteat eum pro nomine meo pati.* Id est, ex eo quod illum multis laboribus afficiam, cognosceris, quanti ego illum faciam. Cum videris illum multa incommoda, multasque pro me subire calamitates, inde iudicare poteris eum à me fuisse electum.

Cum Angelus Tobie explicaret causam cæcitatæ eius, ait illi: *Quia acceptus eras Deo, necesse fuit ut tentatio probaret te.* Quasi dicat: qui acceptatur à Deo, flagellatur ab eo; gratis, & acceptis dona conferuntur. Erit igitur tribulatio, acceptationis manifestatio. Videas, quæso, sculptorem in officina sua plures arborum truncos habentem, hunc dimittere intactum: illum verò eligere, ut ex illo imaginem aliquam, verbi gratiâ, Beati Francisci, elaboret, quem variis setamentis secat, expolit tot ictibus, ut lignum illud sensum,

sensum, linguamque haberet, de ipso artifice valde cōqueri posset, quod alio ligno intacto se ita eruciat. Posset autē sculptor respondere, illud igni reseruare, quia nodos habet, aut aliquas alias maculas, quæ ipsū omnino ineptum reddunt ad talem ex eo conficiendam imaginem: alio verò vti ligno, quia est aptū ad tale opus. Sic supremus ille artifex Deus sanctos suos excudit: sic Beatum Franciscum plagis suis insignitum elaborauit: sic Martyres variis cruciatibus affici permisit, quia apti erant vt sancti efficerentur. Cæteri autem in quibus insunt vitiorum nodi, igni reseruantur tartareo.

E Cum immortalis Deus sanxit fœdus cum Noë, nunquam deinde aquarum eluuiōe terram dissipandi, dixit: *Arcum meum ponam* *Genes. 9.* *in nubibus, & erit signum fœderis inter me, & inter terram.* Mirum profectò signum: Iris enim procelloso tempore, magnisque imbris pleno apparere solet. Atque idcirco Aristoteles censet Iridem fieri ex nube iam rorida, *lib. 3. mete. cap. 4.* nondum tamen in pluuiam effusa; & ibidem subiungit Philosophus; Iris perfectissimè representatur in nigerrima nube. Quod cum ita se habeat, Iris procellam potius & diluuium, quàm pacem & serenitatem significat. Qua ergo ratione in signum pacis & fœderis constituitur? Et quidem, cum præpotens Deus pacis & belli, turbinis ac serenitatis Dominus sit, illud signum pacis & serenitatis statuere potest, quod natura sua dissensiones, tempestatesque portendebat. Eodem igitur modo, labores quibus iusti à Deo

E s pre

premuntur, odium sanè & maleuolentiam videbantur significare: sunt tamen certissima diuini amoris, beneuolentiæ & electionis argumenta.

Osee 2. De peccatoribus sic olim loquebatur Deus per Prophetam: *Dabo eis vallem Achor ad aperiendum spem.* Quid quæso spei & valli Achor? Achor vallis est, vbi Achan suffuratus nonnulla ex anathemate Hiericho, turbauit populum Israël. Achan autem secundum Lyranum significat idem quod tribulatio. Vallis igitur illa tribulationem importat, quia in ea tribulatus est populus propter furtum Achan. Hæc autem vallis datat ad aperiendam spem, quia tribulatio spem aperit nobis diuinæ misericordiæ, ideo enim Deus nos hic tribulationibus quatit, vt in æternum parcat.

Hester 5. Est tribulatio velut aurea virga Regis Assueri, in cuius palatium si quis non vocatus ingrediebatur, sine cunctatione interficiebatur, nisi, ait Scriptura, *Rex auream virgam ad eum tetenderit pro signo clementia.* Idcirco Regina Hester ingredi non audebat. *Quomodo,* inquebat, *ad Regem intrare potero?* Nondum enim senserat huiusmodi virgam. Tandem extendit Rex contra eam virgam auream, quam tenebat manu. Et quia huiusmodi virgæ extensio, erat regij amoris ostensio; ideo Hester accedens osculata est summitatem virgæ. Fili mi, habes vnde læteris, si dignus sis qui virga afflictionis tangaris. Exosculandæ igitur sunt tribulationes, tanquam argumenta & indicia diuinæ dilectionis; quos enim Deus

cap. 6. amat,

Liber I. Cap. VIII. 75

amat, castigat. Vide quid in Apocalypsi dicat: *Ego quos amo, arguo & castigo.* In quem locum sic Rupertus: *Non est mos sapientia, ut quem diligit, quasi filium, permittat iuueniliter extolli, & euanescere; sed amat, & ideo castigat, & lasciuiem coërcet, & quem infantem lateauit, eum nimis verbosum atque inconsultum verberat & virga percutit.* Apoc. 3. Rup.

F Solet Deus, teste Haymone, electos tractare more pij & prudentis patris duos filios habentis, quorum vnum, quem diligit, & suorum bonorum hæredem relinquere statuit, durè tractat, & in seuera continet disciplina, delinquentem grauiter increpat, nullumque peccatum eius dissimulat & impunitum dimittit, cibi & potus, & vestitus, aliorumque commodorum & bonorum parcissimum ei concedit vsum. Alterum verò filium, quem sibi hæredem non destinat, suæ ipsum voluntati permittit, comedendi & bibendi licentiam tribuit, ad ambulandum quandocunque & vbicunque voluerit, libertatem concedit. Similiter Deus iustos multis & variis tribulationibus affligit, non finit eos ad votum viuere. Audi Gregorium: *Transitorio hic verberare affliguntur electi, ut à prauitate flagella corripiant, quos paterna pietas ad hereditatem seruat, &c.* lib. 21. mer. cap. 4. Diuus quoque Augustinus ad hoc propositum, quid timendum sit, ostendit: *Non timeas, inquit, flagellari, sed exhæredari.* Sed non exhæredabitur, qui flagellabitur, & patienter flagella patietur. Præcipua igitur hominis commendatio apud Deum est, ab ipso corripì & castigari. Aug. sup. Psalm.

Habet

Habet se Deus ad modum medici, qui dum videri infirmo nullam inesse spem recuperandæ valetudinis, omnia illi permittit, & concedit, ut ad libitum comedat & bibat: ei autem quem sanandum credit, multa denegat, potiones amaras præscribit, nec finit illum vivere ad votum. Ita Deus reprobos, quos propter sua scelera æterna manent supplicia, in suis deliciis volutari, atque voluptatibus & oblectamentis gaudere sæpe permittit: quia vitulus, qui occisioni præparatur, liberius pascuis saginari permittitur; de ipsis sic Dominus: *Dimisi eos secundum desideria cordis eorum.* Iusti autem, qui nunc temporalibus atteruntur flagellis, ab æterno sunt liberandi supplicio, & ad æterna gaudia transferendi.

Psal. 80. Audi eundem Greg. *Iniustus ad debitam mortem currens effrenatis voluntatibus vititur, quia & vituli qui mactandi sunt, in liberis pascuis relinquuntur. At contra iustus à delectationis transitoria incunditate restringitur, quia & vitulus ad laboris usum deputatus, sub ingo tenetur. Negantur electis hic bona terrena, quia agris quibus spes vivendi est, nequaquam cuncta quæ desiderant à medico conceduntur. Dantur reprobis bona quæ petunt: quia desperatis agris omne quod desiderant, non negatur.*

lib. II.

Si Rex vellet quempiam eodem panno indui, iisdemque cibis vesci, quibus ipse vititur, nonne hoc esset maximæ benevolentia signum? Percunctare, precor, quo panno fuit Christus Rex noster in hac vita indutus, & quo cibo nutritus, id est, quomodo circa illum se gesserint homines, & audies quòd, secun

Liber I. Cap. VIII. 77

secundum Prophetam, *saturatus est opprobriis*, non cibis delicatissimis, sed opprobriis, contumeliis & flagellis erat saturandus, per quem famelici saturantur. Pauperem vitam degit: vivebat ex mendicatis, vel ex oblatiis; iniuriis afficiebatur: multa denique aduersa pro nobis sustinuit. Si velit igitur, ut pauper sis, sicut & ille, inopia premaris, laboribus & flagellis atteraris, & similia, quæ ipse pertulit, patiaris, cur doles? cur conquereris, cum hæc sint diuinæ amicitiae argumenta? Nonne discipulos suos Christus amauit, qui eos ad passionem & tormenta misit? Vis videre signum huius amicitiae? Audi Gregorium: *Electos, inquit, Apostolos Dominus non ad mundi gaudia, sed sicut ipse missus est ad passiones, in mundum mittit.* Quia ergo & filius amatur à Patre, & tamen ad passionem mittitur: ita & discipuli à Domino amantur, qui tamen ad passionem mittuntur in mundum. Itaque rectè dicitur: Sicut misit me Pater, & ego mitto vos; id est, ea charitate vos diligo, cum inter scandala persecutorum mitto; quam me charitate Pater diligit, quem venire ad tolerandas passiones fecit. Eodem, aut simili modo fuerunt omnes tractati, qui à Deo sunt attracti. Sic affliguntur, qui à Deo eliguntur. Eos mundus persequitur, quos Deus amore prosequitur. Has patiuntur sortes, qui æternæ gloriæ futuri sunt consortes.

Existimat Diuus Chrysostomus illum non esse iustum, qui tribulationis est expers. *Noti potest dicere, inquit, quia iustus est aliquis, qui expers tribulationis existat.* Tribulatione igitur dignoscitur iustus, quia tribulationes potius

lumini

Greg.

simum iustorum sunt. Vide quid de Diuo Ioanne Baptista dicat Gregorius, & quid inde colligendum sit. *Quid est*, ait, *quod Dei voce Ioannes laudatur: veruntamen caput eius truncatur: agrestibus cibis vescitur, & ab hominibus despicitur? Hinc ergo unusquisque colligat, quid illic sint passuri quos reprobat, si sic hic cruciat quos amat.*

Hom. I. ad pop.

Sed cur Deus iustos & electos sic affligari, H ac calamitatibus exerceri permittit? Idem Chrysostomus has assignat rationes. Prima est, ne propter meritum magnitudinem, & miraculorum donum extollantur.

Secunda, ne ceteri maiorem habeant de ipsis opinionem, quam humana patitur natura, & plus quam homines illos arbitrentur.

Tertia, ut illorum patientia in sustinendis aduersitatibus manifesta fiat, & constet, non propter mercedem temporalem, sed pure & sincere illos diligere Deum, ei que inseruire.

Quarta, ut de resurrectione cogitemus. Cum enim iustos hic premi intelligimus, oportet ex hoc omnino aliquid de illo iudicio cogitemus, ubi remunerabuntur illorum labores.

Quinta, ne dum inuitamur ad eorum virtutes amplectendas, torpeamus ad imitationem, existimantes ipsos propter gestorum excessum alterius naturæ fuisse participes.

Sexta, ut qui grauiam patiuntur, sufficientem habeant consolationem & mitigationem, respicientes in illorum afflictionem.

Hom. 6. ad pop.

Septima, ut animus noster ab amore temporalium bonorum auocaretur ad amanda æterna.

æterna. Si enim, cum sint tot tristitia, tot pericula, & curæ, tam libenter præsentī immoramur vitæ; si nihil horum esset, omnisque æruninæ expers esset vita nostra, nunquam futura desideraremus. Ideo secundum Gregorium Deus solet fœlicitatibus huius sæculi quasdam miscere amaritudines, vt hæc caduca amarescant, & insipida reddantur, atque ita ad cœlestis patriæ desiderium prouocemur. *Deus*, inquit, *donis suis flagella permiscet, vt omne quod nos in sæculo delectat, amarescat, & illud incendium surgat in animo, quod nos semper ad cœleste desiderium excitet.* Greg. super Ezech.

Aliam quoque rationem affert idem doctor, ob quam Deus permittit suos in hac vita vexari, nimirum, ne via pro patria, aut terra pro cœlo diligatur. *Præsens vita*, inquit, *via est qua ad patriam tendimus, & idcirco hic occulto Dei indicio frequenti perturbatione conterimur, ne viam pro patria diligamus.* lib. 23. moral.

Veruntamen quidam præsentibus licet amaris ita alliciuntur, vt Diuus Augustinus sic exclamare cogatur: *O infœlicitas generis humani! amarus est mundus, & diligitur. Putas si dulcis esset, qualiter amaretur? Turbatur mundus, & amatur, quid si tranquillus esset? flores eius quomodo colligeres, quia spinis non renocas manum?* Serm. 3. de Temp. 149.

I Merito iusti comparantur viti, quæ non producitur, vt duntaxat in vite pendeat, sed vt ex illa vinum profluat; ideo necesse est prematur & conculcetur, nec propterea fit ei iniuria, imò nisi talis iniuria accederet, sterilis remaneret. Sic necesse est, vt electi tribulationibus premantur, ne steriles relinquantur

quantur : hoc enim acto grati Deo efficiuntur. Hæc similitudo est eiusdem Augustini.

in Psal. 55. *Vua*, inquit, in vite pressuram non sentit, integra videtur, sed nihil inde manat : mittitur in torculari, calcatur, premitur, iniuria videtur fieri *vua*, sed ista iniuria sterilis non est; imò si nulla iniuria accederet, sterilis remaneret. Eadem similitudi-

in Psal. 83. ne utitur alibi idem doctor. *Vua*, inquit, pendet in vitibus, & oliua in arboribus : his enim duobus solent torcularia preparari, & quandiu pendunt in frutetis suis libero aëre perfruuntur, & nec *vua* vinum est, nec oliua oleum ante pressuram. Sic sunt homines, quos praedestinat Deus ante sæcula, contribulabuntur, conterentur, comprimuntur, non ut in hoc sæculo pereant, sed ut defluant in apothecas Dei. Gaudeas igitur, si in hac vita calamitate premaris, & fac ut libenti animo patiaris, ut hoc pacto filius regni efficiaris.

Vis autem scire quàm grati sint Christianorum labores? Certè istud est valdè obseruandum. In vetèri lege temporalia bona, quæ naturaliter homines expetunt, promittebantur, ut patet apud Isaiam : *Si volueritis, & audieritis me, bona terra comedetis.* Et apud Exodum sic etiam Deus ad populum suum; *Si audieris*, inquit, *vocem Domini Dei tui, &c. cunctum languorem, quem posui in Aegypto, non inducam super te.* Sed quamvis ista promitterentur, pauci tamen ex Gentibus conuertebantur. At verò in lege Evangelica promisit Christus labores & persecutiones, & tamen quamplurimi illum secuti sunt, suamque legem sunt amplexati. Cur ita? Quia sciebant Christianorum esse crucem baiulare, dicente

Isai. 1.

Exod. 15.

Liber I. Cap. IX. 81

dicente Domino: *Qui non baiulat crucem suam, Luc. 14.*
& venit post me, non potest meus esse discipulus.
 Ille baiulat crucem suam, qui sibi occurren-
 tes labores, & cruciatus patienter pro Chri-
 sto fert. Ille verò crucem reiecit, qui mole-
 stias sibi oblatas pro Christo ferre non vult,
 vel impatienter tolerat. Sciebant etiam ad-
 uersa patienter ferentibus vitam promitti
 æternam, quæ in veteri lege non ita promit-
 tebatur; ideo tam liberè, sicut modò, tribu-
 latio, aut persecutio non ferebatur. Itaque
 non te pœniteat esse de numero afflictorum,
 cùm sis de numero Christianorum, vel iusto-
 rum, & cùm societatem speres beatorum.
 Lapidés in sublimi conspicuòque ædificij
 loco statuendi, pluribus quàm alij percussio-
 nibus dolantur: sic in sublimiori throno cœ-
 li collocandi homines, pluribus quàm cæte-
 ri cruciatibus expoliuntur.

*Nobiscum est Deus cùm afflictamur,
 ideo libenti animo patiamur.*

CAPVT IX.

A



QUAMVIS Deus sua immen-
 sitate vbique sit: peculiari ta-
 men modo, siue auxilio, in tri-
 bulatione constituto se adesse
 testatur: *Cum ipso sum in tribu- Psal. 90.*
latione. Proponamus nobis Ioseph, quem Gen. 37.
missum à fratribus in cisternam veterem
 F Deus

Sap. 10.

Deus non dereliquit, sed, ut ait Sapiens, *descendit cum illo in foveam*: quæ quidem cisterna, ut tradit Rabbi Solomon, plena erat serpentum & scorpionum, à quibus illum defendebat, qui cum illo descendebat: de qua tandem fecit ut extraheretur, & sicut proiectum non reliquerat, extractum non deseruit; imò cum illo Ismaëlitis vendito in Ægyptum iuit, ubi denuò venditum, falsò accusatum, & in carcerem coniectum nunquam dereliquit; de ipso sic Scriptura, *Domini-
lib. de Io- nus erat cum illo.* Vnde Ambrosius: *Inaudita
seph cap. 5. causa & inexplorata fide veri, tanquam reus
criminis in carcerem Ioseph mittitur, sed eum Do-
minus nec in carcere deserebat. Non turbentur in-
nocentes, cum falsis criminibus appetuntur, & op-
pressa iustitia detruduntur in carcerem: visitat
Deus & in carcere suos; & ideo ibi est plus auxi-
lij, ubi est plus periculi. Quò non penetrat diuina
misericordia?* Vide quomodo Deus illum comitabatur, qui pro Deo hæc aduersa libenter patiebatur; ideo per continuos quatuordecim annos variè vexatum, tandem in altissimum honoris, & principatus fastigium euexit; atque ita labores quatuordecim annorum ab eo patienter tolerati, prosperitate & tranquillitate octoginta annorum fuerunt compensati; nam *triginta annorum erat Ioseph, quando stetit in conspectu Pharaonis.* Et mortuus est anno centesimo decimo vitæ suæ, & post mortem requiem obtinuit sempiternam. Ecce quomodo præmiatur ac compensetur patientia ab omnipotenti Deo, qui à patientibus non recedit.

Gen. 41.

Gen. 50.

Non

Non deseruit Dominus populum Israël, tunc in afflictione constitutum, & captiuitate Aegyptiaca pressum, & ut innueret se esse in medio illius, voluit in medio rubi Moyfi apparere. *Apparuit ei Dominus in flamma ignis de medio rubi, & videbat, quod rubus arderet, & non combureretur.* Ibi testatur se vidisse afflictionem populi sui. *Vidi afflictionem populi mei.* Apparens autem Dominus in rubo igne non consumpto, ostendit verè adesse afflictis in ipsum sperantibus. Sicut enim rubus qui ardebat, non comburebatur; sic afflictione pressus, ea non consumitur, quia adest Dominus. *Hoc rubo*, inquit Theodorus, *significatur Israël ab Aegyptiis inimicis non consumendum.* Philo quoque in vita Moyfis scribit huiusmodi rubum ardentem, & incombustum nos quodammodo adhortari, ne dum affligimur, animo cadamus, & ne succumbamus. *Rubus*, inquit, *frutex est debilis, & senticosus, ut vel solo tactu vulneret, nec tamen absumitur ignis voraci natura; imò cohservatur etiam qualis antea fuit permanens; adeo nihil amittens, ut nitesceret etiam: hac designabant exhortationem quandam clamantem pressis calamitate: Nolite succumbere.*

B Præterea rubus Pharaonem, & Aegyptios populum Dei diuexantes designabat. Rubus enim pungit, & cruentat, & quem semel detinet, non dimittit quin laceret. Sic Pharaonolebat populum dimittere, licet multoties dixerit ei Dominus per Moysem: *Dimitte populum meum.* At ille respondebat, *Israël non dimittam.* Tandem ipse variis plagis percussus,

dimittere cogitur, quos multis laboribus vexauerat. Habet quoque rubus quandam cum Ægypto similitudinem: est enim rubus colubris, serpentibus, aliisque venenatis reptilibus amicus, & ideo à rubo dicitur rubeta quædam rana venenosa, quæ rubos inhabitat. Vnde iuxta rubos dormire non est tutum propter huiusmodi venenata. Ægyptus etiâ, præcipuè in superiori parte, abūdat basiliscis, tigribus, aspidibus, serpentibus, & similibus venenatis animalibus. In inferiori verò hippopotamis, & crocodilis. Rubum etiâ in quo apparuit Dominus, Aegyptum specialiter significare dicimus: quia sicut iste rubus ardebat, & non comburebatur: sic Aegyptus ardere dicitur propter penuriam imbrium, & pluuiarum acrem refrigerantium. Vnde, secundum Pierium, antiqui corde in ardenti ara posito Aegyptum repræsentare consueverant: non tamen propterea comburuntur fruges, nec habitatores illius terræ. Apparet igitur Dominus in rubo senticoso, serpentibus amico, vt innuat afflictis adesse, etiam si inter spinas, & serpentes versentur. Voluit Dominus spinis circumdari, cuius populus circumdabatur afflictionibus; scriptum est enim: *Iuxta est Dominus his qui tribulato sunt corde.*

lib. 34. his-
rog.

Psal. 33.

Est & rubus tribulationis hieroglyphicum, vt notat Hesychius. Nam sicut rubus suis aculeis defendit & protegit, quod cingit; ita tribulatio, quem premit. Vnde Augustinus: *flagellum interius, & exterius custodit virtutem, protegit infirmantem.* Præterea, sicut rubus

super Psal.

rubus corpus nostrum pungit & torquet; sic tribulatio animam nostram vellicat & lacerat, sed vtiliter, si feratur patienter, & conuertatur qui pungitur. Audi Bernardum: *Spina* serm. 48. in *pœna est, spina falsus frater, spina vicinus malus.* Cant. Bene pungeris, si compungeris; multi cum sentiunt pœnam, corrigunt culpam, & talis dicere potest. *Conuersus sum in ærumna mea, dum configitur spina.* Non cauet, neque horret spinas qui apparet inter spinas; quando sui sentiunt ærumnas; melius est igitur esse cum illo inter spinas quàm sine illo inter rosas.

C Existentibus tribus pueris in fornace Babylonica visus est vnus, cuius species similis erat filio Dei; illum Tertullianus affirmat Dan. 3: lib. 4. cōtra Marc. cap. 1. fuisse Christum humana figura apparentem. Vides quomodo Deus afflictos atque vexatos sequatur. Si spinis vexentur, in spinis apparet; si in caminum iniiciantur, in camino videtur, vt illis adesse demonstret. Narrat Petrus de Natalibus Dionysium quendam, lib. 9. cap. 44. missum in clibanum, dixisse: *Et eris hic mecum bone Iesu?* Quasi diceret; malo esse tecum in clibano, quàm sine te extra clibanum; imò melius est esse in camino cum ipso, quàm in cœlo sine ipso. Si itaque tibi contingat in aliquam cadere aduersitatem, dic; *Esto mecum Domine Iesu.* Ipse enim est, qui vt afflictum soletur, ait: *Ne timeas, quia ego tecum sum.* Isai. 41. Diuo Anthonio & Catharinæ Senensi, post diras vexationes dæmonum & tentationes, de Christo sciscitantibus, *Vbi tunc erat;* respondit ipse, ibidem fuisse se non spectatorem tantum, sed & adiutorem. Audiamus Diuum

in Psal. 90. Augustinum. *Noli timere, inquit, quando tribularis, ne quasi non sit Deus tecum: fides sit tecum, &*

serm. 17. *Deus est tecum in tribulatione.* Beatus quoque

Bernardus, sciens Deum tribulato adesse, nihil aliud requirebat præter tribulationem;

Cum ipso sum in tribulatione; ait Deus: & ego interim aliud requiram, quam tribulationem? De-

scendit Deus, ut propè sit his qui tribulato

sunt corde; sed quando differt auxiliari, videtur stare post parietem, respicere per fenestras, prospicere per cancellos.

Cant. 2.

Psal. 66.

Observat is, quem vocant Hieronymum

in Psalmos, antequam tentaretur Iob, ei nun-

quam loquutum Deum, venisse autem post-

quam tentatus est, ac familiariter egisse, qua-

Iob 38. si cum amico amicum. Respondit Deus Iob de

turbine, quasi latens, sed præfens in tribula-

lib. 28. tione. Et quia, inquit Gregorius, flagellato lo-

mor. cap. 2. quitur, de turbine locutus fuisse describitur. Illum

irridebat vxor, illum deseruerant amici, om-

ni humano destituebatur auxilio, solus

Deus, quamvis latens, aderat, cuius recrea-

batur præsentia. Dicat igitur ille author:

Veniant plaga, & omnia poenarum genera, dum-

modo post plagas Christus adueniat.

Ex his quæ Christus in finali iudicio bo-

nis dicturus est, liquidò constat nobiscum

Math. 25. esse in tribulatione. Dicit enim; *Esurivi, &*

dedistis mihi manducare. Sitivi, & dedistis mihi

bibere. Hospes eram, & collegistis me. Nudus, &

operuistis me. Propter quæ remanerabuntur

iusti, non quòd ea ipsi Christo impenderint,

sed aliis in quibus Christus pati dicitur, &

cum quibus erat, cum talia paterentur. Si

enim

enim Paulus infirmabatur cum infirmanti- 2. Cor. II.
bus, flebat cum flentibus; quanto magis
Christus, qui nos plusquam Paulus diligit?

D Qui igitur fuit cum Ioseph in carcere;
cum Iob in sterquilinio; cum tribus pueris
in fornace; cum Daniele in lacu leonum;
cum Iona in ventre ceti; cum Dauide, gran-
dinante super eum tempestate, & persequen-
te eum Saule; cum populo Israëlítico, ipsum
vexante Pharaone; cum Paulo in profundo
maris; & qui, testante psalmista, est cum ho- Psal. 90.
mine in tribulatione, quique iuxta est his
qui tribulato sunt corde; & qui denique di-
cturus est se fuisse cum famelicis, cum nudis,
& egentibus, cum infirmis, cum carcera-
tis; tibi non aderit? Vel Deus tecum est, vel
tu in tribulatione non es. Audi Bernardum
quærentem & respondentem: *Vnde scimus, serm. 16. in*
inquit, quod nobiscum sit Dominus in tribulatione?
Ex eo utique, quod in ipsa tribulatione nos
sumus. Quis enim sustineret: quis subsisteret:
quis persisteret sine eo?

Loquens David de auxilio quod Deus so-
let homini cadenti præbere, sic ait: *Cum ceci-* Psal. 36.
derit, non collidetur, quia Dominus supponit ma-
num suam. Secundum Augustinum: cum sci-
licet ceciderit in aliquam tribulationem,
contumeliam, afflictionem, damna, aut in
alia incommoda quæ solent hominibus eue-
nire, in his non collidetur, quia Dominus
tanquam præsens, videns, & auxilians sup-
ponit manum suam. Videas quendam sur- simile,
sum vitrum proicientem, ut periret cum ca-
dit, manu colligat: qui vitrum cadens intue-

tur, & peritiam proiicientis ignorat, existimabit vitrum in mille frustra fractum iri: at qui proiicit, cum iam prope terram vitrum accedere videt, brachium admouet, & supponit manum suam, & vitrum excipit incolume. Sic Deus hominem sæpe à se proicere videtur, dum illum in aduersa cadere finit: qui hominem in aduersis positum intuetur, existimat actum esse de illo, & in frustra frangendum; verum Dominus supponit manum suam, vt cum ceciderit non collidatur. Cadere videbatur Susanna, cum falsò accusata ducebatur ad supplicium; sed Dominus supposuit manum suam, dum Danielem suscitauit, qui eam liberauit. Petrus in mari videbatur mergi, sed Dominus supposuit manum, & illum erexit. Sic multi cadere & cecidisse videbantur, sed Domino manum suam supponente mirabiliter euaserunt.

Dicat itaque Domino Deo vnusquisque E
Psalm. 22. nostrum illud Dauidicum: *Si ambulauero in medio umbra mortis, non timebo mala, quoniam*
in vit. Cæs. *te mecum es.* Nauclerus quidam, vt narrat Plutarchus, Cæsarem vehebat, qui tempestate exorta, eaque perterritus, retrò scaphæ cursum vertere statuebat. At Cæsar; Ne extimescas quicquam, dixit, Cæsarem vehis. Equidem multò meliori iure quisque in mediis tempestatibus, & in omni tribulatione, hac se voce confirmare potest: Ne extimescas, tecum habes Deum. Est enim adiutor in opportunitatibus, in tribulatione. Vnde Bernardus: *Felix, Domine, qui te consolatore, & adiutorem habet.* Deum autem habebis auxiliantem,

Psalm. 9.
serm. 16. in
Cant.

liantem, si credas præsentem. Nam qui diffidit, vel qui credit Deum non esse secum in tribulatione, iniuriam Deo facit, quia illum amico similem credit; qui est amicus secundum tempus suum duntaxat, id est, secundum utilitatem propriam, & non permanet in die tribulationis: quod, recte Poëta, omnino turpe est: *Ouid. 2. de Ponto.*

*Turpe sequi casum & fortuna cedere, amicum
Et, nisi sit felix, esse negare suum.*

Commendat Seneca paupertatem, & in ea omnes alias aduersitates, quod per eas à quibus verè, vel fictè diligamur, cognoscimus. [Ad hoc vnum, *inquit*, amanda est paupertas, quod à quibus ameris, ostendat.] Sunt aliqui veluti argentum viuum, quod alij Mercurium vocant, quod quærit semper auro vniri; verumtamen, si aurum vt probetur, in ignem mittatur, statim huiusmodi argentum relicto auro in fumum conuertitur. Sic ficti amici quos vident diuitiis & potentia affluere, sequuntur: verùm si in ignem afflictionis, aut in fornacem tribulationis incidant, statim eos deserunt, de quibus Sapiens: *Socij Eccl. 6. mensa, non permanentes in die necessitatis.* Ita autem de Domino sentire nimis impium esset, cum ipse sit *verus amicus, qui omni tempore diligit*: & qui ideo permittit nos cadere in tribulationem, vt sit nobiscum in tribulatione. Nonne audiuius illum mansisse in fornace cum tribus pueris, imò apparuisse, quandiu in illa manserunt? Non deseruit Laurentium dum in craticula superpositus vreretur; nec alios Martyres dum cruciarentur. Non etiam *lib. de paup.*
Prov. 17.

Isai. 43.

deseret te aduersa patientem. Audi quid dicat; *Cum transieris per aquas, tecum ero : cum ambulaueris in igne, non combureris, & flamma non ardebit in te. Noli timere, quia ego tecum sum.* Deum etiam nobiscum esse affirmat Seneca, dum sic inculcat; [Propè est à te, tecum est, intus est.]

Epist. 41.

Dices; si Deus adsit afflictis, cur eos statim ab afflictione non liberat? Respondet Diuus Augustinus pulchra quadam similitudine: *Propè Deus est, inquit, ibi est: nondum dedit quod vis; ibi tamen est. Quomodo medicus, si forte aliquid imponat, vel oculo, vel visceribus, quod vrendo sanet; si roget ager ut tollatur illi, medicus spectat tempus, non facit quod rogat ager; non tamen recedit: & propè est, & non facit; & ideo magis non facit, quia propè est, curando enim imposuit, quod imposuit; & curando non facit quod rogatur. Non te exaudit ad presentem voluntatē, exaudiendo ad futuram sanitatem, & hoc utique ad voluntatem. Nam utique sanus esse non vult, qui vri non vult. Ostendit ille doctor Deum non recedere ab afflicto, licet ab eius recedat voluntate: optaret enim afflicto citò liberari; sed Deus qui præsens est, non tollit afflictionem, quando ille petit, sed quando ei expedit.*

in Psal.
144.serm. 1. in
Psal. 118.

Cæterum, non tantum Deus tecum est cum afflictaris, tribularis, cruciaris: sed & cum epularis, fornicaris, deliciaris. Putas, inquit Ambrosius, *te solum esse cum fornicaris, & non recordaris quia oculi Domini vident orbem terrarum? Putas quod in lupanari Christus te non videat, quem videt lupanar ingredientem? Putas quod*

*quod in adulterio te non deprehendet, quem videt
adulterium cogitantem? Est igitur nobis Deus
semper proponendus, vt illo spectante & fe-
ramus aduersa, & fugiamus illicita; qui enim
videt & reficit laborantes, videt etiam & pu-
nit peccantes. Propterea sume hoc Senecæ
salutare consilium; [Sic viue cum hominibus,
tanquam Deus videat: sic loquere cum Deo,
tanquam homines videant.] Dicam & ego.
Sic sustine cum hominibus, tanquam Deus
videat: sic patere pro Deo, ac si homines vi-
deant.*

Epist. 10.

*Tribulationes sunt patienter ferendæ,
quia à Deo mutantur.*

C A P V T X.

A



ONNVLLI eò dementiæ
deuenerunt, vt omnia tam
prospera, quàm aduersa casu,
& non diuina prouidentia ac-
cidere autument. Vnde meritò
conquerebatur Hieremias: *Quis est iste, qui Thron. 3.*
dixit, vt fieret Domino non iubente? ex ore altis-
simi non egredientur, nec mala, nec bona? Quid
murmurauit homo viuens, vir pro peccatis suis?
vel vt aliqui legunt; Quis est iste, qui dixit,
quòd aliquid factum est Domino non iubente?
Nam, testante alio Propheta, *non est malum Amos 3,*
in ciuitate, quod non fecerit Dominus. Quod de
malo pœnæ intelligitur, vti sunt morbi, pau-
pertas,

pertas, & similia mala, quæ cùm à Deo emanant; non simpliciter mala, sed mala bona vocari possunt. Quemadmodum, quæ medicus ægroto infert mala, meritò bona dicuntur, cùm in bonum finem, & ad recuperandâ sanitatem conferantur. Hinc Magnus Basilius: *Vnum*, inquit, *hoc habere in mentibus nostris presumptum oportet, quòd cùm simus boni Dei opificium, & ab illo constemus, omnia circa nos, tam modica quàm magna dispensante, nihil nobis malum sit, aut tale, ut melius illo excogitare possimus.*

Hom. quòd Deus non est author mali.

lib. 3. natu. quæst.

Iob. 1. & 2.

in Psal. 31.

lib. 2. mor. cap. 11.

Libenter bona accipimus de manu Domini, gratanter etiam aduersa accipiamus, dicamúsque Deo, quod olim fortuna Demetrius; [Tù me extulisti, tu rursus deiicis.] Hoc, teste Seneca, ab Æschylo didicerat: nos autem à Iob discamus bonorum oblationem, eorúmque ablationem, ac cætera aduersa à Deo emanare: sic enim ait; *Dominus dedit, Dominus abstulit, &c. Si bona suscepimus de manu Dei, mala quare non sustineamus?* Obseruant duo grauissimi Doctores, Iob non dixisse diabolum, aut Chaldæos bona sua abstulisse, sed Dominum, qui diabolo talem potestatem contulerat. *Non dixit*, ait Augustinus, *Dominus dedit, diabolus abstulit; ne dicatis, hæc mihi diabolus fecit. Prorsus ad Deum tuum refer flagellum tuum; quia nec diabolus tibi aliquid fecit, nisi ille qui desuper habet potestatem, permittat, aut ad pœnam, aut ad disciplinam; ad pœnam impiis; ad disciplinam piis.*

Idem adnotauit Gregorius, qui inde non B
esse dolendum colligit. *Sanctus vir*, inquit, *tentante*

mentante aduersario cuncta perdiderat, sed sciens, quia contra se Sathan tentandi vires, nisi permit-
tente Domino non habebat, non ait, Dominus de-
dit, diabolus abstulit, sed, Dominus dedit, Domi-
nus abstulit; fortasse enim fuerat dolendum si.
quod Dominus dedit, hostis abstulisset. At post-
quam non abstulit, nisi ipse qui dedit, sua recepit,
non nostra abstulit. Si enim nos ab illo accipimus,
quibus in hac vita utimur, cur doleamus, quod
ipso iudicante exigimur, quo largiente fienera-
mur?

Idem Doctor ostendit quoniam pacto sint
accipienda illa Dei verba apud Isaia; *Ego Isai. 45.*
Dominus creans mala. Nam per illa mala non
intelligimus peccatum, quod, cum nihil sit,
non creatur à Deo, sine quo factum est nihil:
& quia, teste Diuo Thoma, peccatum nul- *part. 1. qu.*
lam habet substantiam, sed dicit defectum, *49. art. 2,*
non potest à Deo emanare, qui dum permit-
tit mala culpæ, concurrit tantum ad sub-
stantiam actus, & non ad deformitatem de-
licti, ut dicetur inferius. Quid dicat Grego-
rius, videamus. *Neque mala, inquit, quæ nul- lib. 3. mor.*
la sua natura subsistunt, à Domino creantur; sed cap. 7.
creare se mala Dominus indicat, cum res bene
conditas nobis malè agentibus, in flagellum format:
ut ea ipsa & per dolorem quo feriunt, delinquen-
tibus mala sint, & per naturam qua existunt, bo-
na. Vnde & venenum mors quidem est homini, sed
vita serpenti.

C Quod autem ea quibus castigamur & af-
fligimur, nobis diuinitus obtingant, pater in
verme hederam Ionæ corrode[n]te, de quo sic
Scriptura; *Parauit Dominus vermem: vel ut* *1. 4.*
alij

alij legunt; *Præcepit Dominus vermi matutino.*
 Non aliunde euenit, sed à Domino paratus,
 & iussus est, vt scilicet illi arbusculæ hærens
 dentes infingeret, sicque arcesceret, & Ionas
 æstualet: Deus enim est, qui etiam vermi-
 culos mittit, illisque vtitur ad castigandos
 peccatores. Sic olim legis suæ contemp-
 toribus minabatur; *Vincam plantabis, & fodies, &*
vinum ex canon bibes, quoniam vastabitur ver-
mibus.

Vermibus etiam veluti iudiciorum suo-
 rum satellitibus ac ministris superbissimos
 & crudelissimos tyrannos Antiochum, &
 Herodem corrodendos tradidit: nec pro-
 pterea fit Deus inferior in creandis illis ver-
 miculis, quod piè attendens Diuus Augusti-
 nus, sic Deum alloquitur: *Omnipotens manus*
tua, Domine, semper vna & eadem creauit in
cælo Angelos, & in terra vermiculos, non supe-
rior in illis, non inferior in istis. Sicut enim nulla
alia manus Angelum, ita nulla alia potest creare
vermiculum. Itaque sicut Angeli non nisi iussu
 diuino veniunt ad nos ad protegendum nos;
 ita illi vermiculi, & alia id genus quæ nos
 infestant, non nobis immittuntur, nisi iu-
 bente vel permittente Domino ad castigandam nos.

Confidera interim, quot satellites Deus
 habeat, cum pœnas de refractariis sibi ho-
 minibus sumere voluerit. Nam Ionæ pecca-
 tum castigaturus præstò habet Solis radios,
 ardores, ventorum spiramina, & vermes ter-
 ræ. Et quid non? *Multa flagella peccatoris, &c.*
Armat omnem creaturam ad ultionem inimicorū.
 Con

Psal. 31.

Sap. 5.

Contra primum parentem Adamum parauit spinas & tribulos, sudores & labores: contra Pharaonem armauit ranas, cyniphe & muscas: contra Absalonem ramos arborum, imò proprios capillos: contra Herodem pediculos, &c. Ecquis ergo manum eius effugere poterit? Contra nos interdum parat grandines, aquarum eluiones, sterilitatem, & similia, quæ nos terræ fructibus priuant, vt vel sic fame premamur: parat etiam aliquando infirmitatem quæ corpus nostrum afficiat; mittit etiam aliquos qui nos litibus & processibus exagitent, ita vt cogamur omnia litigando consumere: parat qui nos persequantur, iniuriis laceessant. Itaque Deus, qui in mundi fine armabit omnem creaturam ad ultionem inimicorum, & supremum cum eis conferet bellum, nunc armat tantum aliquas creaturas ad ultionem aliquam sumendam, & leues pugnas excitat, quæ vulgò dicuntur *Escarmonches*, sicut D. Clemens *lib. 5. Recognitionum.* à D. Petro Apostolo se audiuisse testatur.

D Refert Oecumen. in Ciuitate Athenien- *in Act. Apost.* si pestem maximam grassatam fuisse, quæ eam miserè vastabat. Ciues verò in discrimine positi ad Iouis simulachrum accedentes plura obtulere sacrificia, vota, ac orationes, vt eos à peste eriperet, sed non id Iupiter potuit. Postea ad Saturnum, Neptunum, & Mercurium, aliòsque Deos confugerunt, nec tamen eis opem tulerunt, sed in dies pestis crescebat: cùmque huiusmodi res versaretur, ac in Curia tractaretur, quidam inter ipsos sapiens dixit. Sine dubio hi Dij à nobis cogniti

Act. 17.

cogniti non immittunt pestem hanc, quia rogati illam auferre non possunt: est alius Deus nobis ignotus, qui eam immittit, quique eam tollere potest, ipse est igitur obsecrandus, eique ara est erigenda; statim huius sapientis consilio erecta est ara ignoto sibi Deo, cui sacrificia & orationes offerentes, à peste fuerunt liberati. Transactis autem pluribus annis, hanc aram cum hac epigraphæ, **IGNOTO DEO**, ostendit Paulus prædicans Athenis, & dixit: verus Deus, qui vobis ignotus est, & cui hæc ara consecrata est, & quem vobis annuncio, ipse est qui pestem, & alia flagella immittit, quique ea tollere potest, nec est alius, qui talem habeat potestatem. Ad illum igitur est recurrendum, solus est agnoscendus, adorandus, ipsique duntaxat sunt sacrificia offerenda. Itaque omnia aduersa, & incommoda huius vitæ ipso volente nobis euenire; ideo illa patienter feramus, & ad ipsum humiliter recurramus.

Si quispiam ex tuis amicis paruulos aliquos lapides in te proiiceret, vel baculo, quamuis leuiter, te percuteret, statim excandesceres, minas intentares, optaresque vindictam sumere, ignorans vnde ista eueniant; verum, vbi primùm tibi exploratum esset huiusmodi esse amicum tuum, aut sanè aliquem magnæ authoritatis virum, nec odio, sed potius amore id præstitisse, desineres irasci & conqueri, veniámque ab illo postulares, atque asseuerares, quòd nullo modo ægrè tulisses, si sciuiesses illa ab eo emanasse, nec non protestareris te gratanter ea velle acceptare,

acceptare, tanquam maximæ benivolentiæ & familiaritatis argumenta.

E Si paupertate, morbo, bello, aut infortuna carorum, vel alia calamitate premaris, aut iniuria afficiaris, processibus exagiteris, vel aliquod malum pœnæ patiaris, scito hæc omnia tibi Deo clementissimo, atque amantissimo immittente, vel permittente accidere: nam, ut supra diximus, *non est malum in Civitate, quod non fecerit Dominus.* Hoc agnoscens David, sic ait; *Virga tua & baculus tuus ipsa me consolata sunt.* Quasi dicat: favori, ac proinde consolationi mihi est, quod digneris baculo afflictionis percutere me. Idcirco sciens huiusmodi percussiones, & alia similia à Deo, tanquam saltem permittente emanare, lapidibus à Semei appetitus, ac iniuriis affectus obmutuit, assignatque rationem, quod videlicet hæc omnia à Domino efficerentur. *Obmutui, inquit, & non aperui os meum, quoniam tu fecisti.* Nolo vices rependere, non irasceam, nec vindictam sumam, *quoniam tu fecisti.* Si solus & suo Marte, te non permittente, aut volente hoc faceret homo, fortè indignarer & excandescerem, sed *quoniam tu fecisti*, patienter feram, tibi que gratias referam, cum sint tui erga me amoris signa.

Quando autem David dixit Deum fecisse, imò præcepisse, ut scilicet Semei illum offenderet & malediceret, *Dominus enim præcepit ei, ut malediceret David;* non propterea censendus est author illius peccati quod Semei commisit in Davidem. Deus enim non præcepit ei, ut malediceret David præcepto

G ciusino

eiusmodi, vbi laudaretur eius obedientia: sed dicitur Deum præcepisse Semei, vt malediceret Dauid, quoniam videns malam voluntatem Semei, vsus est illa mala voluntate, quam non fecerat, ad humiliandum & corripiendum Dauidem. Hinc Augustinus: *Quomodo*, inquit, *dixerit Dominus Semei maledicere Dauid, quis sapiens, & intelliget? non iubendo dixit, vbi obedientia laudaretur. Nam si iubenti obtemperasset, laudandus potius, quàm puniendus esset, sicut ex hoc postea nouimus esse punitum.* Propterea hæc verba, *Tu fecisti*, & similia, sic intelligenda sunt.

August,

Primò, *Tu fecisti*, non propriè, & impellendo voluntatem Semei, nec eam physicè, vel immediatè mouendo: nec moraliter, id est, verè, & propriè imperando ei, sed tantum permittendo, vt ipse mala vteretur sua voluntate persequendo me,

Secundò, *Tu fecisti*, deferendo me, vel auxilium tuum à me subtrahendo; videntes autem Semei & alij inimici mei me iustè propter peccata mea à te derelictum, sunt me persecuti, dicentes; *Deus dereliquit eum, persequimini eum.*

Tertiò, *Tu fecisti*, non tanquam causa particularis, sed tanquam vniuersalis; etenim vt talis concurrens ad omnes effectus: peccauit igitur Semei, quia illo generali concursu abutebatur ad nocendum Dauidi.

F

Quartò, *Tu fecisti*, id est, tu positiuo voluntatis actu permittere voluisti: quia secundum Caietanum, voluntas Dei per se in peccata

Caiet,

cata ipsa non se habet positiuè per velle, & nolle, sed negatiuè per non velle; non vult positiuè, quia bonus: non habet nolle positiuum, quia cum fiant, non esset omnipotens; sed inuito ipso fierent: fieret autem aliquid ipso inuito, si fieret aliquid quod ipse fieri noller. Non igitur erga peccata habet velle, aut nolle; sed non velle. Propterea ipsemet Dauid non dixit, *Nolens iniquitatem tu es*; sed *Psal. 5. ait, Non Deus volens iniquitatem tu es.* At verò licèt non habeat Deus velle fieri malum, habet tamen velle permittère malum, ex quo nouit elicere bonum. Vnde D. Augustinus: *Magna opera Domini exquisita in omnes voluntates eius, ut miro & ineffabili modo non fiat præter eius voluntatem, quod contra eius sit voluntatem: quia non fieret, si non sineret: sed volens non sineret bonus fieri mala, nisi omnipotens de malo facere posset bene.*

Quintò, *Tu fecisti*, id est, voluisti vt hoc fieret, non quatenus est culpa, sed quatenus est pœna Dauidis: nam quamuis malum esset Semei peccare, quod Deus non volebat, sed prohibebat; bonum tamen & iustum erat puniri Dauidem, quod voluit & fecit Deus: fecit autem non incitando Semei ad malum, neque ei suadendo, vel imperando, sed permittendo, cum faciliè impedire posset. Noluit autem impedire, quia sic Dauidem volebat punire: intendebat igitur pœnam illius, non culpam Semei.

Sextò, *Tu fecisti*, auertendo voluntatem Semei ad multa scelera inclinatham, & cohibendo ab alijs, & ad has iniurias viam aperiendo,

in cap. 9. ad
Rom.

riendo, id est, sinendo illum ruere in me, & non sinendo ruere in alium: immittendo videlicet cogitationem aliquam bonam, ex qua Semei ob suum vitium sumpsit occasionem iudicandi melius esse Dauidi nocere, quàm alteri. Et hæc est sententia Diui Thomæ, qui sic ait: *Deus non solum inclinat voluntates malas ad vnum potius, quam ad aliud, permittendo, vt ferantur in vnum; & non permittendo, vt ferantur ad aliud, sed etiam posituè inclinando in vnum. & auertendo ab alio, non quidem per se & physicè mouendo voluntatem ad vnum, & remouendo ab alio; sed occasionaliter & moraliter; immittendo videlicet cogitationem aliquam bonam, ex qua malus ob suum vitium occasionem sumat iudicandi melius esse huic nocere, quàm alteri, siue huic potius iniquitati seruire, quàm illi.*

in orat.

quod Deus
non sit au-
thor. mal.

lib. 11. de

Ciuit. Dei

cap. 11.

lib. 1. de Sa-
cramentis.

part. 5.

cap. 29.

Septimò, propterea, & præterea, *Tu fecisti, G* præsidendo voluntati Semei, càmque regendo in bonum meum. Nam licet Deus non faciat malas voluntates, eis tamen præsidet & regit, atque ordinat in bonum electorum suorum; quemadmodum (vt docet Diuus Basiliius) medici vtuntur viperæ veneno, quod ipsi non fecerunt, ad corpora curanda. Vnde Diuus Augustinus: *Sicut Deus, ait, natura- rum voluntatum iustissimus creator est, ita mala- rum voluntatum iustissimus ordinator est.* Et hæc doctrina est valde notanda, quæ etiam ab Hugone de Sancto Victore luculentissimè & doctissimè explicatur his verbis. *De illo modo, inquit, diuinæ moderationis, quo malus etiam voluntates præsidens occulta & inuisibili operatio- ne ad*

ne ad suum arbitrium temperat & inclinat, hoc sentiendum, ut credatur Deus malis voluntatibus non dare corruptionem, sed ordinem. Voluntati ego male vitium est ex ipsa quo mala est; ordo autem ex Deo est, quo per velle siue ad hoc, siue ad illud est. In voluntate ergo vitium est, & ipsum malum est, & ex ipso voluntas mala est: in velle autem & vitium est, in quantum velle ex voluntate mala est: & ordo est, in quantum ad hoc, vel ad illud ex disponente est. Et cum ipsum velle ad hoc aliquid est, malum est quod ad hoc est, quia ex mala voluntate est. Quod autem potius ad hoc, quam ad illud est, bonum est; quia ordo est, & ex bene disponente est. Potest ergo voluntas mala in se corrumpi & resolui per proprium vitium, quod ei aliunde non datur; sed non potest per velle extra se precipitari, nisi quatenus ei via aperitur; & qui precipiti, quatenus vult ad ruinam viam aperit, quodammodo ipsam inclinat, non impellendo, sed permittendo, & non tenendo: nec auctor ille est ruendi sed incedendi ordinator. Hæc Hugo; quibus constat malas impiorum voluntates non quidem fieri à Deo, sed sic ab eis deprauatas & ad nocendum determinatas, ab illo regi & ordinari, ut in nos potius quam in alios ruant & se determinent, vel ad castigandum nos, vel ad augendum meritum, & ad nostram exercendam patientiam. Et quia huiusmodi ordo & dispositio à Deo est, idcirco dicimus omnes etiam iniurias, & alia incommoda, quibus impij nos afficiunt, à Deo sic disponente immitti; ideo hæc sunt à nobis patienter ferenda, tanquam in bonum nostrum redundantia,

Simile.

Cæterum, sciendum est Deum sæpissimè se habere ad modum percutientis ianuam alicuius domus, cui, vel domesticis notus est, qui, interroganti & quærenti quisnam ille sit qui pulsat, hæc duntaxat respondere solet: Ego sum, *c'est moy*, & illicò illi aperi-
tur: si verò percutiens non agnoscat, non
fatis est dicere: Ego sum; sed necesse est
etiam exprimere nomen suum, ac indicare,
quisnam ille sit, ac notum se præbere, ut ei
aperiatur.

Sic Deus dum fideles & amicos suos tri- H
bulationibus percutit, sat ei est dicere; Ego
sum, sup. qui percutio: ait enim; *percutiam, &
Dent. 32. ego sanabo.* Loquens olim amico suo Moyfi,
qui illum agnoscebat, hoc solùm dixit: *Ego
sum, qui sum.* At volens multis plagis percu-
tere Pharaonem à quo non agnoscebat, &
qui dicebat, *Nescio Dominum*; non sat erat
dicere, *Ego sum*; sed variis signis & prodigiis
necesse fuit palàm ostendere se esse omnium
Dominum, qui iustè illum percutiebat.

Exod. 5.

Quadam vice existente naui ubi erant di-
scipuli Christi, in medio mari, flantèque
vento contrario, ambulavit Iesus supra ma-
re, existimantibus illis phantasma esse, atque
exclamantibus & conturbatis, ait Christus;
Confidite, ego sum. Ego inquam sum, qui hanc
tempestatem, quæ me iubente vobis orta est,
sedare possum: hoc solo verbo discipuli il-
lum tanquam sibi familiarem agnoscentes
non timuerunt vrgentem tempestatem, quæ
fortè à Christo immittebatur ad probandum
illorum animum & patientiam.

Saulum

Saulum nondum Dominum agnoscentem, & fideles acriter persequentem, cæcitate percussit Dominus, ac ei quis esset percutuntanti respondit : *Ego sum Iesus, quem tu* Act. 9. *persequeris*. Non satis fuit dixisse, *Ego sum*; sed quia ignoranti ipsum loquebatur, oportuit, ut nomen suum adderet & exprimeret. Illicò Saulus sciens hanc cæcitatem, ac cætera quæ postmodum illi acciderunt aduersa, à Domino immitti, acquieuit & aperuit, id est, illa libenti animo tolerauit, ut ipsemet fatetur dum ait : *Spiritus sanctus per omnes* Act. 20. *ciuitates mihi protestatur dicens, quoniam vincula & tribulationes Hierosolymis me manent, sed nihil horum vereor*. Quibus verbis ostendit illa vincula & tribulationes sibi parata esse à Spiritu sancto; ideo libenter eò se conferebat ad illa subeunda. Deus igitur sicut omnium rerum causa est, ita in omnibus operatur: & sicut per illas nobis bona elargitur tanquam prima & præcipua causa: ita per illas etiam nos flagellat, ut ipsemet testatur per Amos Prophetam, dum de illa quam immiserat siccitate loquitur: *Ego quoque prohibui à vobis* Amos 4. *imbrem, &c. & plui super vnâ ciuitatem, & super alteram ciuitatem non plui, pars vna compluta est, & pars super quam non pluit, aruit*. Et per Isaiam sic minabatur: *Nubibus meis* Isai. 5. *mandabo, ne pluant super eum imbrem*. Ex quo patet, quodd illa siccitas ab illo imbrem prohibente promanabat, sicut & cætera quæ nos hic vexant.

I Apud Ioannem legimus Diuum Petrum voluisse gladio impedire, ne Christus caperetur

Ioan. 18.

retur in horto, flagellaretur in ciuitate, & moreretur in Cruce. At Christus, *Calicem*, ait, *quem dedit mihi Pater, non bibam illum?* Non dixit Iudæos, aut Phariseos hunc sibi propinasse calicem, sed Patrem, à quo per manus Iudeorum accepit. Si aliquando mundus, aut Sathan te ob aliquam animi, aut corporis ægritudinem & afflictionem ad impatientiam inducat, dic ei; *Calicem*, id est, infirmitates, animi molestias, tribulationes, infestationes, quas dedit mihi Deus per manus persequentium & odientium me, non patiar? Cum igitur pro comperto habeas, omnes tuos dolores, morbos, paupertatem, persecutiones, & cætera te vexantia à Deo obuenire, illa patienti animo tolerare debes.

Epist. 77.

[Quicquid, ait Seneca, viro bono acciderit, æquo animo sustinebit; sciet enim id accidisse lege diuina, qua vniuersa procedunt.] Habes saltem vnde consoles, quia Deus qui te percutit & affligit, ipsemet te sanabit.

Iob. 5.

Audi Iob: *Ipse vulnerat, & medetur; percutit, & manus eius sanabunt.* Ergo ab eo expectes medelam, à quo recepisti plagam. Scit ille sanare, qui nouit vulnerare. Habet quando te cupiat eripere, qui habuit, quando te voluit percutere. Ab eo patienter spera tempus liberationis, à quo iuste recepisti modum vexationis. Scit enim quando sis curandus, qui nouerat quando fuisti castigandus.

Dicitum B.

Cath. Sen.


Deiua Catharina Senensis in extremo spiritu, spiritualibus filiis hoc memorabile documentum reliquit. Oportet Christianum magnam fiduciam habere de prouidentia

Dei,

Dei, scientem omnia quæ sibi, vel aliis eueniunt, ex diuina prouidentia prouenire, non ex odio ipsius, sed dilectione eximia ad creaturam. His consentiunt hæc verba Diui Augustini: *Constanter, inquit, Deo crede, ei que te totum committe, quantum potes. Noli esse velle quasi proprius, & in tua potestate, sed eius clementissimi Domini te seruum profiteri. Ita enim te ad se subleuare non desinet, nihilque tibi euenire permittet, nisi quod tibi profuit, etiamsi nescias.* Tom. I. in fine lib. I. Solit.

Conformanda est nostra voluntas voluntati diuinæ, etiam dum nobis immittit aduersa, vt patienter illa tolerare valeamus.

CAPVT XI.

A  VAMV I S. fit homo libero arbitrio præditus; non tamen licet ei pro libito viuere, sed debet omnino voluntati sui creatoris subiici, qui ideo iubet, vt iuuet; imperat, vt remuneret. *Quid tam superbum, inquit Hieronymus, quid tam ingratum, quam aduersus eius viuere voluntatem, qui ideo aliquid imperat, vt occasionem habeat remunerandi? neque enim obsequij nostri Deus indiget, sed nos illius indigemus imperio. Noli igitur renuere, quod tibi opus est.* Epist. ad Colontiam.

Ideo data est nobis voluntas, vt velimus
G s quod

Epist. II.

in Psal. 93.

quod Deus vult : si aliud velis , tortuosa est tua voluntas , atque corrupta , regulanda & corrigenda est, conformando illam voluntati diuinæ, quæ est vera regula. Notum est illud Senecæ dictærum ; [Nisi ad regulam praua non corriges.] Illa regula, nempe diuina voluntas , semper est recta & integra, nunquam tortuosa : si illam sequaris , recta, & non tortuosa ambulabis via. Quando non vis sequi Dei voluntatem , sed potius vis vt ipse sequatur tuam, tunc tortuosam vis facere illius voluntatem , quod maximè cauendum est. Audi Augustinum ; *Quid volunt homines ? parum est , quia voluntatem suam tortuosam habent ; etiam volunt Dei voluntatem tortuosam facere secundum cor suum , vt hoc faciat Deus quod ipsi volunt , cum ipsi hoc debeant facere quod Deus vult , &c.*

Num. II.

Si contingat aliquando , vt velit homo voluntatem Dei conformari suæ voluntati, non propterea curuabitur voluntas diuina, sed maximè torquebitur voluntas humana, quia multa ei euement iniucunda. Quædam sunt huius rei exempla proponenda. Existentibus filiis Israël in deserto , misit Dominus manna , illóque solo cibo eos tunc pascere volebat : illi autem , non hoc cibo contenti, voluerunt adhuc carnes , quas cum lacrymis postulauerunt : ideo Moyse ait ad Dominum ; *Flent coram me dicentes ; da nobis carnes , vt comedamus.* Ipsi etiam vbique clamabant ; *Quis dabit nobis ad vescendum carnes ?* Ad quos Dominus ; *Ego, inquit, audiui vos dicere : Quis dabit nobis escas carniū ?* Contulit igitur Deus

Deus illis quod volebant, & in tanta abundantia, vt dicat Dauid; *Et pluit super eos sicut Psal. 77. puluerem carnes, & sicut arenam maris volatilia pennata, &c. Manducauerunt, & saturati sunt nimis.*

B Voluerunt ipsi carnes, Deus autem noluit ferre dare carnes: tandem importunis eiulatibus illas obtinuerunt; sed non remansit impunita illorum propria voluntas. Nam, ait facer textus; *Adhuc carnes erant in dentibus eorum, & ecce furor Domini concitatus in populum, percussit eum plaga magna nimis: vocatusque est ille locus, sepulchra concupiscentiae; ibi enim sepelierunt populum qui desiderauerat carnes.* Noli igitur petere, vt Deus tuam sequatur voluntatem. *ibidem.*

Nolebat olim Deus dare filios Racheli, ipsa autem rogabat sibi dari filios: dicebat enim; *Da mihi filios, alioquin moriar.* Datus *Genes. 30.* est illi filius; Deus conformauit voluntatem suam voluntati istius mulieris, cui hoc male cessit: nam mortua est pariendo huiusmodi filium. Voluntas nostra, secundum Philosophum, est potentia caeca: si illam sequaris, caecam sequeris; hoc tibi non consulit Plutarchus, qui ait. [Neque caecum ducem, neque amentem consultorem adhibeas.] Si enim caecus caecum ducat, ait Christus, nonne ambo in foueam cadunt? Noli igitur tuam sequi voluntatem, nisi voluntati Dei, qui omnia videt, vniatur. Optimè videt ductor, quia fit caeco transeundum; ideo non debet caecus quærere, vt ductor eum sequatur.

Sapientissimus est Deus, atque optimus;

vt

ut sapiens nouit, quid nobis magis expediat: ut bonus, vult nobis dare non nociua, sed quæ nobis necessaria sunt. Magis te diligit Deus, quam pater filiū; malus pater non vult mala dare filio suo; *Vos*, inquit Christus, *cum suis malis, nostris bona data dare filiis vestris*. Ergo Deus qui optimus Pater est, non dabit nobis nisi optima, quamuis aliquando nobis non arrideant; non enim placent morbi, contumeliæ, afflictiones: non autem attendit Deus Pater, an illa nobis placeant, sed an magis conueniant.

Vis autem scire quid Deus velit omnibus hominibus? Salutem. nam, teste Apostolo, *1. Tim. 2. omnes homines vult saluos fieri*. Si illius voluntatem sequaris, salutem assequeris, ad quam omnes qui peruenerunt, per ærumnas, & afflictiones transierunt. Audi Augustinum; *Epist. ad Lippium. Sine laboribus nequaquam ad Deum peruenire possumus. Necessè est ut omnes discant: Per multas tribulationes oportet nos intrare in regnum cœlorum, &c.*

At verò non satis est, ut Deus velit te saluum fieri, necesse est etiam ut velis & tu. Qui te fecit nescientem, non saluabit nolentem. Vnde Hieronymus; *Vult Deus saluari omnes: sed quia nullus absque propria voluntate saluatur (liberi enim arbitrij sumus) vult nos bonū velle, ut cum voluerimus, velit in nobis & ipse suum implere consiliū, &c.* Itaque, ut illa voluntas Dei fiat completa & efficax, id est, ut efficaciter sortiatur effectum, scilicet salutem ab ipso volitam, debet accedere conditio à Deo requisita ex parte hominis, nimirum, ut ho-

mo

mo cooperetur, ac mediis ad salutem præscriptis vtatur, nec deferat viam, licet asperam, per quam vult illum Deus ducere ad patriam.

Vtinam omnes, qui Christianum nomen profitentur, ita diuinæ voluntati subiaceant, vt dicere cum Demetrio valeant. [Quid vis à me Deus immortalis? vis aliquam corporis mei partem? Sume, non magnam rem promitto: citò relinquam totum. Vis spiritum? Quidni? nullam moram faciam, quominus recipias quod dedisti, à volente feres quidquid petieris; maluissem offerre, quàm tradere. Quid opus fuit auferre? accipere potuisti. Sed nec nunc quidem auferes, quia nihil eripitur, nisi renitenti: nihil cogor, nihil patior inuitus; non seruiò, sed assentio Deo.] Quid quæso melius & Christianius dici potest? Pudeat nos, qui nondum ad talem diuinæ voluntatis conformitatem deuenimus.

Si autem hanc tuæ propriæ voluntatis re-signationem ab Ethnico discere erubescas, à pio saltem & Catholico viro se omnino diuinæ voluntati conformante, discas. Refert igitur Diuus Taulerus fuisse olim insignem quendam Theologum, qui annis octo precibus continuis à Domino cupiebat obtinere, vt ipsi hominem quendam ostenderet, qui eum viam veritatis edoceret: cùmque vice quadam vehementissimo huius rei flagraret desiderio, vox quædam cœlitus lapsa ita ipsum alloquuta est. Exi foras ad limina templi, & offendes illic hominem, qui

Seneca de diuin. prom.

in Collo. Theologi, & mendici. pag. 685.

qui te viam veritatis edoceat. Exiens igitur inuenit mendicum quendam diruptis, sordidis, lutosis pedibus, cuius vestes in vniuersum vix tribus obolis supputares, quem salutans ita affatus est.

Det tibi Dominus prosperum mane. Respondit mendicus: non memini me vnquam aduersum mane habuisse. Et Magister: Eia, inquit, vt fortunatum te faciat Deus. Quid ita loqueris? Respondit mendicus: Sed nec infortunatus aliquando fui. Rursus itaque Magister: Saluet, inquit, te Deus, iam nunc apertius loquere: neque enim capio quod dicis. Tunc pauper respondit: Id faciam libenter. Optabas mihi, Magister, prosperum mane, & ego me nunquam aduersum mane habuisse respondi. Quando enim fame premor, Deum laudo; si frigus patior; si grandio, si nix, si pluuiam cadit; si aura serena est; vel turbulenta, Deum laudo: & ideo nunquam triste mihi mane contigit. Optabas me etiam fortunatum fieri, & ergo nunquam me infortunatum fuisse respondi. Noui enim cum Deo viuere, certusque sum quicquid ille facit, non posse non esse optimum. Vnde, quicquid ipse vel dabat, vel euenire mihi permittebat, siue gratum id esset, siue contrarium, dulce, vel amarum, lætus id tanquam optimum ab ipso suscepi, ideo nunquam infortunatus fui. Dicebas præterea, vt fœlicem me faceret Deus; ad quod ego similiter, nunquam me infœlicem fuisse subiunxi: soli namque diuinæ voluntati inhærere statui, in quem sic integrè omnem meam transfudi
volun

Liber I. Cap. XI. III

voluntatem, ut quicquid ille vult, & ego velim, & meam ipsi voluntatem ex integro resignauerim.

Hæc autem cum mendicus ille retulisset, ita eum rursus Magister affatus est. Quid obsecro dicturus esses, si te Dominus Majestatis in abyssum demergere veller? Et ille, in abyssum me demergeret? Et reuera, si id faceret, duo mihi brachia sunt, in quibus eum amplexarer: vnum est vera humilitas; & hoc illi suppono, atque per ipsum sacratissimæ humanitati ipsius vnitus sum: alterum, idemque dextrum est amor, qui diuinitati ipsius vnitus est; atque per hunc ipsum circumplector, ita ut mecum ad infernum descendere cogeretur. Oportius autem mihi foret in inferno cum Deo esse, quàm vel in cœlis sine illo. Ex his igitur Magister ille didicit, veram resignationem cum humilitate profunda compendiosissimam ad Deum semiram esse.

Ita tua voluntas cum diuina conformanda est, ut in neutram partem semper inclines, nec in prospera, nec in aduersa. Deus enim non solum scit, quid nobis magis ad salutem expediat: sed nulla alia de causa immittit nobis afflictiones, quàm qua largitur consolationes. Hoc antidoto munitus erat Abraham, *Genes. 22.* cum iussus esset vnigenitum suum immolare, firmissimè credens, non posse sibi aliquid à Deo imperari, quod non in maiorem suam, filiique cederet incolumitatem. Vnde legimus quendam sanctorum Patrum in afflictione constitutum si orare consueuisse; *Fili in vit. Patr.*
Dei,

Dei, Fili Dei, sicut scis, & sicut vis, miserere mei.
 Cum enim tribulamur, non debemus tempus, nec modum Domino præscribere: sed magis cuncta arbitrio eius relinquere.

Idipsum nobis omnibus exemplo suo E
 Christus imitandum reliquit, qui cum ex impendentis passionis acerbitate tanto more obrueretur, ut sanguinem sudaret, peteretque tam durum calicem à Patre cœlesti
Matth. 26. transferri à se; tamen semper addidit, *Non sicut ego volo, sed sicut tu vis.*

Cum in hæc verba Christi inciderimus, quærendum est, an Christus aliquam habuerit voluntatem discrepantem à Patris voluntate, cum dixerit; *Pater, si possibile est, transeat à me calix iste.* Volebat enim Pater illum mori: ipse autem videbatur nolle mori. Ergo alia erat Christi voluntas à Patris voluntate. Respondetur breviter; illam Christi voluntatem, quæ mortem renuebat, fuisse conditionalem: non enim dicebat apud se, nolo mori, sed nollem mori, si fieri posset:

lib. 3. de ideo subiungit, *si possibile est*: quod, teste Augustino, idem valet quod, *si vis.*
conf. Euan-
gel. cap. 4.

Marc. 14. Obiicies: cum Christus sciret esse Deo possibile transferre huiusmodi calicem, ut ipse apud Marcum fatetur, *omnia tibi possibilia sunt*: & cum perspecta fuisset ei voluntas Patris, cur addidit, *si possibile est*, vel, *si vis*; cum hæc sint verba ignorantis, aut dubitantis, & non omnia cognoscentis? Respondeo, Christum in hac oratione ita locutum fuisse, ut si prorsus fuisset homo, cui neque diuina voluntas cognita esset, neque satis esset ei fortitu

fortitudinis ad mortem superandam. Relinquebatur natura humana partes suas agere, quemadmodum egisset, si neque cum diuinitate coniuncta fuisset, nec de diuino decreto quicquam sciuiſſet. Vnde Athanasius; *Christus in occulto habuit suam diuinitatem: at- Athan. de que ideo sub tempus mortis anxius esse, & mœrere cruce & cœpit, & obsecrabat calicem transire. Propterea pass. Dom.* non est mirandum, si per modum dubitantis, & ignorantis locutus fuerit, licet Patris potestatem & voluntatem agnosceret.

F Quæres præterea: vel illa voluntas Christi, qua mortem respuebat, erat bona, vel non: si bona, quare non fiebat? si non bona, quomodo erat Christi? Hanc quæſtionem mouet Diuus Bernardus, illamque deuotiſſimè soluit. O Domine, inquit, *voluntas, de qua serm. 3. de dixisti, ut non fieret, si bona non erat, quomodo Resurrect. tua? Si bona erat, quare derelicta est? Et bona erat, & eius erat, neque tamen minus relinquenda, ob hoc videlicet, ut fierent meliora, neque enim oportebat propria præiudicare communibus. Erat ergo voluntas Christi, & bona erat, qua dicebat; Pater, si fieri potest, transeat à me calix iste: sed ea, de qua dicebat, fiat voluntas tua, melior erat, quia communis non solum Patris, sed & Christi, & nostra. Hæc voluntas Patris erat, ut videlicet haberet, quos adoptaret in filios: Christi erat, ut sit ipse primogenitus in multis fratribus: nostra erat, quia pro nobis faciebat ut redimeremur. Hæc de Christi voluntate, quibus docemur, quomodo tandem diuina voluntas præferenda, illique nostra in omnibus conformanda sit. Christum imitabatur Sanctus ille, de quo*

H

quo legitur, quod positus in oratione Alphabeti literas referebat, & à Domino postulabat, ut eas coniungeret, sicut vellet, & id concederet, & non aliud, siue illud esset aduersum, siue prosperum.

lib. 3. nat.
quæst.

Stob.

Laërt. lib.
6. in Diogene.

Existimabat olim Seneca, sic nos aduersa tolerare debere, quasi voluerimus ea nobis accidere. [Nam, *inquit*, debuisses velle, si sciisses ex decreto Dei fieri.] Nos autem certi sumus ex decreto diuino nobis euenire aduersa, quatenus ordinantur vel ad pœnam, vel ad augenda merita. Cùm igitur velit te pati quod pateris, debes velle quod ipse vult. Est etiam, iuxta Stobæum, voluntas nostra euentibus accommodanda. Idcirco Diogenes Cynicus rogatus, quid ex Philosophia lucratus fuisset, respondit; [Etsi nihil aliud, vel hoc ipsum, quod ad omnem fortunam paratus sum.] Utinam tu ex Philosophia Christiana discas esse paratum ad omnem euentum, & ad omnia infortunia, quæ volente, vel permittente Deo tibi obuenient.

Orat. 2. in
orat. Dom.

Qui infirmantur, impatientes sunt, ac minimo ictu læduntur. Si propriam voluntatem sequaris, scito te infirmari; non mirum igitur si impatienter feras quicquid tibi contingit aduersi. Vis autem ab illa infirmitate liberari? noli à Dei voluntate separari. Nam, *inquit* Gregorius Nyssenus, *sanitas animæ est diuinæ voluntatis prosper successus; sicut è contrario excidisse ab ea, morbus est in mortem desinens.* Itaque, ut curari valeas, & sic omnia patienter feras, dic, *fiat voluntas tua.* Quandoquidem,

dem, teste eodem doctore, *verba hæc morbi ibidem. animo inharerentis curatio sunt.*

Saulus voce, tanquam fulgure, è cælo delapsa percussus, atque in terram deiectus, surgere non potuisset, nisi hæc verba protulisset; *Domine, quid me vis facere?* Quicquid *Act. 9.* iusseris, præstabo, quicquid immiseris, subibo: in posterum tuum velle meum erit: si vis patiar animo, quid mihi ferendum sit, ostende. Ideo Christus Ananiæ: *Ego, inquit, ostendam illi quanta oporteat eum pro nomine meo pati.*

Dolebat Dauid, quodd aruerit cor suum; aruit autem, quia oblitus erat comedere panem suum: ait enim; *Aruit cor meum, quia Psal. 101. oblitus sum comedere panem meum.* Cibus hominis est executio diuinæ voluntatis. Vnde Christus; *Meus cibus est, ut faciam voluntatem Ioan. 4. Patris mei.* Anima quæ hanc voluntatem non perficit, panem suum non comedit, atque ita arefcit, flaccescit, ac minimo flatu perfectionis, aut alicuius aduersitatis corrui.

Gaudebat Iob, quodd in persona propria & filiorum, ac in sua substantia voluntas diuina adimpleretur: idcirco statim vt audiebat sibi aliquod aduenisse infortunium, dicebat, & bene dicebat; *Sicut Domino placuit, ita factum est, sit nomen Domini benedictum Iob. 1.* Hoc pacto subleuabatur, videns sibi euenire, quæ Deo erant placita. Pudeat te, quodd tibi displiceant, quæ Domino placent. Crede mihi, *de vita beata & Iob. 15. quasi. 1. can. non* omnis tibi placebit aduersitas, si propria tibi displiceat voluntas. Nam, teste Ambrosio, *non est quod cuiquam nostrum ascribamus arum. est.*

nam, nisi nostra voluntari. Idem sentit Augustinus, qui ait ; *Sola voluntate miser quisque*
serm. 28. de verb. Apost. *efficitur.*

Conquerebatur olim Deus de Pharaone, H
Exod. 10. cui dicebat; *Vsq̃ue quò non vis subiici mihi?* Cane
 ne etiam conqueratur de te. Ille enim Deo
 non vult subiici, qui patienter aduersa pati
 non vult, quæ Deus vult. Vis autem scire,
 quid sit Deo subiici? est velle voluntatem
 eius perfici. Vis adhuc scire, quid hoc sit? est
ad fratres de monte Dei. similem Deo effici. Audi Bernardum; *Velle*
quod Deus vult, hoc est iam similem Deo esse.
 Nonne peroptas patria illa Paradisi tandem
 perfrui, in qua beati volunt, quod Deus
 vult, nec possunt velle, quod Deus non vult?
 Incipe iam exequi in via, quod completu-
 rus & perfecturus es in patria. Hoc incipias
 operari, sine quo non poteris beari.

Ostendebat olim Epictetus Philosophus,
Epict. qua in re omnia nobis prosperè succederent,
 dum ait; [Ne velis quæ fiunt, fieri vt velis:
 sed velis quæ fiunt, fieri vt fiunt, & prosper
 eris.] Velis, inquam, quæ fiunt, fieri vt fiunt,
 scilicet à Deo, vel vt ita fiant permittitur à
 Deo. Hoc sanè velle debemus, quia tunc
 aduersa nobis vertentur in prospera. Itaque,
1. Mach. adueniente tibi aliqua aduersitate, dic humi-
 liter cum beato illo Machabæo; *Sicut fuerit*
voluntas in cælo, sic fiat.


Diuus Augustinus vocat illos recticordes,
 qui sequuntur in hac vita voluntatem Dei.
in Psal. 36. Quod, inquit, saepe diximus, illi sunt recticordes,
 qui sequuntur in hac vita voluntatem Dei. Vo-
 luntas Dei est aliquando, vt sanus sis; aliquando
 vt agro

Liber I. Cap. XII. 117

ut agrotas. Si quando sanus es, dulcis est voluntas Dei, & quando agrotas, amara est voluntas Dei, non recto corde es. Quare? Quia non vis voluntatem tuam dirigere ad voluntatem Dei, sed Dei vis curuare ad tuam. Illa recta est, sed tu es curuus. Voluntas tua corrigenda est ad illam; non illa curuanda est ad te, & rectum habebis cor tuum. Si simus recto corde, erimus etiam lato corde; erimus autem recto corde, si rectam Dei sequamur voluntatem, non nostram curuam.

In omni angustia semper ad Deum per orationem recurrendum; ut consolationem & leuamen consequamur.

CAPVT XII.

A  *EGIVS* psaltes sic de Deo nostro loquebatur; *Deus noster* Psal. 45. *refugium & virtus, adiutor in tribulationibus quæ inuenerunt nos nimis. Sunt quædam tribulationes quæ inueniunt nos: est & alia tribulatio, quam nos inuenimus, de qua sic idem psalmista; Tribulationem & dolorem inueni. Psal. 114. Dum à tribulationibus inuenimur, aut dum illas inuenimus, quid nobis agendum sit, docet Augustinus In utraque tribulatione, inquit, in Psal. 45. siue qua te inuenit, siue quam tu inuenis, ut utramque depellat, ille rogandus est, qui est adiutor in tribulationibus.*

H 3 Inter

Interdum insurgente aliqua aduersitate confugit homo ad potentes huius sæculi, vel ad parentes, aut amicos, & non attendit dicentem; *Nolite confidere in principibus, nec in filiis hominum, in quibus non est salus.* In illis, inquam, non est salus, quia Domini est salus. Quando ad illos recurris, tunc confugis ad fugientes te, quæris deferentes te, accedis ad recedentes à te. Sunt enim aliqui, quibus meritò dici potest,

Petron. in fragmen.

*Cum fortuna manet, vultum seruatis amici,
Cum cecidit, turpi vertitis ora fuga.*

Psal. 90.

Deus autem non deserit hominem in tribulatione, ait enim; *Cum ipso sum in tribulatione, eripiam eum, &c.* Ipse est, qui vult inuocari in tribulatione. *Inuoca me in die tribulationis, eruam te, &c.* Quis Rex, aut diues ad conuiuium inuitaret te, & non reficeret te? Ad hoc inuitat, vt pascat: non inuitaret, si reficere non optaret. Cum igitur Dominus te inuitet, promittatque te liberandum, cur orare renues? Pauci sunt inter homines, qui velint postulari, vel quæri ab his qui in aduersa sunt fortuna; at verò Deus noster ab ipsis præcipuè vult inuocari.

Exempla docent, quid in angustiis, atque salutis nostræ discriminibus nobis sit agendum, nimirum, cum pio rege Iosaphat, totos nos ad rogandum Dominum conferre debemus, dicendo; *Cum ignoremus, quid agere debeamus, hoc solum habemus residui, vt oculos nostros erigamus ad te.* Ita & multi alij dum vexarentur, oratione se munierunt; de quibusdam sic Augustinus. *Per orationem, inquit, Ezechias*

serm. 22. ad frat. in Ere- mo.

Ezechias sanatur, & salutem anima & corporis adipiscitur: per orationem Hieremias confortatur in carcere: Daniel inter leones exultat: Job in sterquilinio nudus triumphat: Susanna inter senes defenditur: Paradisum de cruce latro inuenit: Stephanus de torrente in cœlum suscipitur. Ipsi orando consolationem sunt assequuti, consequeris & tu, si oraueris vt illi. Ideo fortè permittit Deus, vt in hoc mundo aduersitatibus premamur, quibus ad illum ire compellamur; nam, teste Gregorio, mala qua nos hic premunt, ad Deum ire compellunt.

De nobis potest Deus conqueri, sicut olim de populo suo per Oseam: *Non clamauerunt Osee 7, ad me in toto corde suo, sed ululabant in cubilibus suis: super triticum & vinum ruminabant, recesserunt à me.* Sunt nonnulli, qui dum aliquid perdiderunt, aut aliqua afficiuntur iniuria, vel dum eis aliqua accidunt aduersa, nimium anguntur, omnino se excruciant muliebriter flentes, ac discindunt corda sua, ruminantes & attentè considerantes illam quam fecerunt iacturam, aut illam quam acceperunt iniuriam, aut aliam quam patiuntur aduersitatem, quando potiùs ad illum deberent accedere, qui talia eis permisit accidere. Nihil prodest flagella considerare, & multùm prodest in flagellis Deum exorare; planctus, & eiulatus non verè liberant hominem, nec auferunt tribulationem, sed potiùs augment miseriam. Irasci autem, vel blasphemare, aut maledicere Deo, vel creaturis eius, impium est, augétque iram cœlestem: desperare verò totum hominem hic, & in æternum per-

dit, sicut patet in Caini, Saülis, Achitophelis, Iudæ, & aliorum plurimorum exemplis.

Christus ipse suo exemplo docuit nos ad orationem tanquam ad sacram anchoram maximè tempore tribulationis confugiendum esse: vnde doctissimus Iansenius asserit, Christum Dominum non solùm in orto, & in Cruce inchoasse & perfecisse passionem suam orando: verùm etiam, quoties aliquid graue pateretur, vel notabili iniuria afficeretur, ad Patrem orasse, præueniendo scilicet oratione dolorem, vel contumeliam talem.

Quòd autem Christus passionem suam C oratione inchoauerit, affirmant Euangelistæ: quòd in Cruce orando animam efflauerit, testatur Diuus Hieronymus, dicens, Christum in Cruce decem recitasse Psalmos, incipiendo à Psalmo vigesimo primo, cuius initium est, *Deus meus, respice in me, quare me dereliquisti?* &c. vsque ad Psalmum; *In te Domine speravi*, &c. inclusiue: ac spiritum emisisse recitando vltimum illius Psalmi versiculum; *In manus tuas commendo spiritum meum*. Hoc attendens pius ille Cæsarius Arelaten-
 sis, increpat nos, quòd in afflictione constituti, Christi exemplo non recurramus ad orationem; sic enim scribit. *Quid indigebat Christus, vt taliter supplicaret? Non ille quidquam indigebat, sed nobis suo exemplo orationis remedia preparabat: orat misericordia, & non orat miseria: orat charitas, & non humiliatur iniquitas: prostratus in terra orat medicus, & non inclina*

inclinatur agrotus : orat innocentia , & non orat nequitia : orat qui peccatum non fecit , & non se prosternit multis peccatis obnoxius : orat Iudex , & desiderat parcere , & non orat reus , ut indulgentiam mereatur accipere.

Opportunum itaque & commodum tempus orandi est , cū Dominus nos durius & grauius affligit : quandoquidem nos ad se præsertim tunc inuitat , quando ad extrema discrimina redigit , vel aduersa immittit ; eam ob rem Dauid de se scribit : *In tribulatione mea inuocaui Dominum.* Qui potuit & voluit flagellare , poterit curare : non curabit , si illum orare non cures : illi fundas orationem , qui potest conferre curationem ; nec differas deprecari , qui optas citò liberari : sit tibi refugium , à quo speras subsidium. Refert Diuus Ambrosius piscem esse in mari , qui oborta tempestate , ne ab ea rapiatur , sese rupi adiungit & adhæret , quousque cesset tempestas. Magnis quatiuntur tempestatibus homines , procellis que agitantur , quibus facili negotio resistere poterunt , si Domino adhæreant , atque ad eum per orationem recurrant. Sic faciebat , qui dicebat ; *Mihi adherere Deo bonum est , ponere in Domino spem meam.*

- D Qui ita Deo adhæserit , non habebit quod timeat. Audi Augustinum Deum alloquentem : *Cum inhafero tibi ex omni me , nusquam erit mihi dolor , & labor , & viua erit vita mea plena te.* Ipsemet Iob optabat poni iuxta Dominum , ibique nullius manum formidabat ; *Pone me Domine iuxta te , & cuiusvis manus*

pugnet contra me. Veniant quæque aduersa, insurgant aduersarij, non timebo mala, quoniam tu mecum es. Illi autem sunt iuxta Dominum, iuxta quos est Dominus. Vis autem scire iuxta quos sit Dominus? Audi dicentem; *juxta est Dominus his, qui tribulato sunt corde.* Si igitur Dominus iuxta sit tribulatis; & secundum eundem psalmistam, *propè est Dominus inuocantibus eum*; necessaria, imò beata erit tribulatio, cui iungitur oratio, qua acquiritur Dei approximatio: tunc cum Apostolo dicere possumus; *Propior est nostra salus, quàm cum credidimus.* Non credas te longè esse à salute, cum sit prope te conferens salutem. Inuoca ergo & ora illum, qui iuxta te, prope te, & intra te est.

Porro, qui in afflictione sunt, videntur quodammodo extincti, & suffocati: sed orent, ut respirent; nam, teste Chrysostomo, orare est respirare. Ionas in ventre piscis non poterat naturaliter aërem trahere; verum illum respirasse dicimus, quia illum orasse legimus, atque ita fuit ab illa angustia liberatus. Sicut igitur semper est nobis necessaria respiratio, ut viuamus: ita semper est nobis necessaria deprecatio, ut ab angustiis eripiamur. Audi respirantem: *Ad Dominum, cum tribularer, clamavi, & exaudiuit me.*

Merito Diuus Chrysostomus vocat orationem, *anima Solem*: quia ut Sol mundum, sic oratio mentem illuminat; & Beatus Paulinus *naufragorum tabulam*, quæ inter fluctus tribulationum nos ad portum deducit. Sit itaque in aduersis tua tabula oratio Dominicæ:

Psal. 11.

Psal. 33.

Rom. 13.

Hom. 18.
in Matt.

Ion. 2.

Psal. 119.

lib. 1. de
orando
Deum.

Epist. 31.

Matth. 6.

nica: ibi enim Deum appellas Patrem, qui nouit conferre filiis non sæpe quæ illi cupiunt, sed semper quæ eis expediunt. Ibi insuper oras, vt fiat eius voluntas: quòd si velit te aliquo morbo, aut penuria, vel graui alia aduersitate affligi, debes velle & tu; quia hoc pacto incipies more Angelorum viuere, quorum, teste Bernardo, præcipua fœlicitas *serm. 6.* in hoc consistit, quòd Dei voluntas iam omnino facta sit ipsorum voluntas. Opta igitur, vt sicut ipsi in cœlo parati sunt agere quod Deus vult, & præcipit: ita in terra paratus sis pati quod voluerit & permiserit: tibi sit iucundum pati, sicut illis agere, quod Deus vult; & ipse liberabit te à malo, à quo te nouerit liberandum: aliquando enim illud malum à quo liberari postulas, tibi potius bonum est, quàm malum. Ideo, ait Augustinus, *in Ioan. serm. 29.* non fit quod vis, sed fit quod tibi expedit.

Si dicas te non bene posse orare dum angustiaris, aut dum premit tribulatio. Respondebo, te tantò feruentius Deum debere deprecari, quantò vehementius te videris affligi: nam tribulatio ad feruorem orationis plurimum conducit. Quod Diuus Chrysostomus probat hac similitudine: Sicut, inquit, *Hom. 5. de aqua dum per plana & ampla spatia fertur, non incõp. Dei in altum consurgit, sed tenuem sè latè quaquauer-* nat. *nat.* sus expandit; cùm autem coarctatur in angustum, se in excelsum iaculatur, petitque supernam regionem: sic mens humana, dum otiosa & liberior degit, diffunditur, & latè diffluit: cùm autem asperiori rerum euentu, casuque aduerso coercente sollicitatur, iam agilius se extrudit, & dilucidat orationes

orationes mittit in excelsum. Dum otio & deliciis fruebaris, otiosè orabas; ideo necessaria fuit tibi tribulatio, ut frequentior & feruentior tua fieret oratio, quæ eò citiùs exaudietur, quò feruentiùs emittetur.

Si autem statim post orationem tuam non **F** exaudiaris, & à tribulatione tua non eripiaris; noli propterea animo deficere, sed expecta Dominum, qui nouit, quando sis ab afflictione tua liberandus. Audi Hieronymum; *Dominus noster sciens clementia sua pondera, atque mensuras, interdum non exaudit clamantem, ut eum probet, & magis prouocet ad rogandum, & quasi in igne excòctum iustiores & puriores faciat.*

Si membrum aliquod habeas putridum, nouit medicus, quid vel quantum sit præscindendum; & licèt clames, illumque roges, non debet te exaudire; multum enim tibi noceret. Vnde Augustinus. *Crudelis est medicus, inquit, qui exaudit hominem, & parcit vulnèri. & putredini. Matres quomodo fricant in balneis ad salutem filios? nonne paruuli clamant inter manus earum? Illæ ergo crudeles sunt, ut non parcant, non exaudiant lacrymas? Nonne sunt plena pietate? & tamen clamant pueri, & non eis parcitur. Sic & Deus noster plenus est charitate; sed ideo videtur non exaudire, ut sanet, & parcat in sempiternum.*

Cæterum cùm Dauid dicat Dominum iustos à tribulationibus liberaturum, *Multa tribulationes iustorum, & de omnibus his liberabit eos Dominus*; quæritur, an omnes iusti fuerint à suis tribulationibus liberati. Respondeo, quòd

quòd liberatur quis dupliciter à tribulatione, scilicet corporaliter & spiritualiter. Corporaliter, quando ipso durante eius tribulatio terminatur ; sic enim liberatus fuit Petrus corporaliter de tribulatione carceris : Paulus de naufragio. Spiritualiter autem, quando quis tribulatus non succumbit per impatientiam tribulationi ; sed ipsam superat, patienter illam ferendo ; & hoc modo fuerunt liberati iidem Petrus crucifixus, & Paulus capite truncatus, & Laurétius dum in craticula vreretur, & alij quamplurimi, qui nusquam suppliciis, sed potiùs ipsamet supplicia illis cesserunt, & quorum, secundum Cyprianum, *pulsata, ac laniata corpora, pulsantes lib. 1. Epist. ac laniantes ungulas vicerunt.* Et sic iustos de 6. omnibus tribulationibus liberat Deus, quia ipsos triumphare facit in pœnis : licèt enim succumbant corpore ; mente tamen superant.

G Hunc Davidis versiculum explanans Augustinus, eadem utitur distinctione, cum ait ; *Noli timere, tantùm fac quod Deus iubet : si te non Aug. in eruat corporaliter, eruet spiritualiter. Ille enim Psal. 33. qui tulit de flamma tres pueros, nunquid tulit de flamma Machabaos ? Nonne illi in ignibus hymnizabant ; hi in ignibus expirabant ? Deus trium puerorum, nonne ipse est & Machabeorum ? Illos eruit, & hos non eruit : imò virosque eruit. Sed tres pueros sic eruit, ut & carnales confunderentur : Machabaos autem ideo non sic eruit, ut illi qui persequiebantur, in pœnas maiores irent, cum putabant se oppressisse Martyres Dei. Eruit Petrum, quando venit ad illum Angelus, cum esset in vin*

in vinculis, & ait illi; Surge & exi. Nunquid Petrus perdiderat iustitiam, quando non illum eruit de Cruce? Non eruit nunc, & eruit tunc: an ideo diu vixit, ut iniustus feret? Fortè plus eum exaudiuit postea, quam prius, quando illum verè de omnibus pressuris eruit. Nam, quando primum illum ruit, quanta ille pertulit postea? Ille enim misit postea, ubi nihil mali pati potuisset.

Itaque in tribulatione ne cesses orare, quia vno aut altero modo liberaberis: aut enim Deus postulata concedet, aut quæ tibi magis conueniunt: oratione saltem obtinere poteris, quo fortiter tribulationem feras. Audi Bernardum vnumquemque nostrum adhortantem: *Nemo nostrum, inquit, parvipendat orationem suam; dico enim vobis, quod ipse ad quem oramus, non parvipendit eam. Postquam egressa est ab ore nostro, ipse scribit eam in libro suo, & vnum ex duobus indubitanter sperare possumus, quoniam aut dabit quod petimus, aut quod nouit utilius.*

Bernard.

In omni tribulatione plurimum iuuat intercessio Beatissima Virginis Genitricis Dei Mariae, ideo ad eam recurrendum.

CAPVT XIII.

*traff. de
mag.*



CRIBIT Plutarchus moris fuisse A apud Romanos, singularem aliquam personam piam à Senatu designari

signari certis statis stipendiis, vt in pauperum causis aduocaret, eisque patrocineretur. Scio quidem in iure ciuili cautum esse, ne *l. fœmina. ff. de reg. iur.* fœminæ admittantur ad officium aduocandi, tam in causis ciuilibus, quàm in criminalibus. Verumtamen in causis pupillorum & orphanorum, similiûmque aliorum pauperum, & miserorum, fœminis aduocare & suffragari concessum est. Voluit diuina bonitas, vt in cœlesti Curia inter tot suffragantes & intercessores præcipuum locum teneret Beatissima Virgo Maria, quæ in omnibus causis, peccatoribus & in miseria constitutis suffragaretur, ac pro eis ad Dominum incessanter intercederet.

Hanc autem protectionem, vel intercessionem non obscurè indicant verba illa, quibus Sapiens in persona Virginis vtitur, *sicut Eccl. 24. platanus exaltata sum.* Nam, teste *Æliano, fol. I. de natura anim.* folia platani noctuas arcendi vim habent. Africanus etiam in his quæ de agricultura conscripsit, vespertilionem eò non ingredi tradit, vbi platani folia suspensa conspexerit. Per huiusmodi animalia nocturna, lucifque inimica intelligi possunt dæmones, qui intercessione istius gloriosissimæ Virginis à nobis arcentur & expelluntur. Obseruat Hugo Cardinalis platani folia speciem & figuram habere clypeorum, ita vt tot quasi clypeis platanus cingatur, quot foliis ornatur, in typum quidem Genitricis Dei, quæ ideo meritò platano comparatur, non quòd sibi, sed quòd nobis plurimos clypeos, id est, protegendæ rationes administret: est enim clypeus

*Cant. 4.**ops. 4.*

peus protectionis symbolum : vnde in Canticis de illa mysticè Sponsus ; *Mille*, inquit, *clypei pendent ex ea*. Quæ verba sic interpretatur Diuus Thomas ; mille clypei, id est, mille remedia ex Beata Virgine contra pericula pendent. Quare si telis tentationum grauaris, voca Mariam.

Præterea, illa est notissima platani commendatio, quod æstate ab infestatione radiorum solarium homines protegit ; hyeme illos admittit. Habet namque folia ita inter se connexa, & intexta, vt sub vmbra illius quiescentes tempore æstatis, radij solares minimè offendere queant : hyeme tamen accedente, folia illa inter se connexa sic adinui cem explicantur, & separantur, vt radiis solaribus facilis pateat aditus ad fœcundandas suo calore radices eius. Hæc duplex platani proprietas, duplex sapientissimæ Virginis officium, quo erga nos vtitur, egregiè adumbrat. Ipsa enim tempore æstatis, diuinæ iracundiæ velut platanus se interponit, ne scilicet radij diuinæ vindictæ peccatores attingant. Tempore etiam hyemis, cum videlicet dura peccatorum corda frigescent, ipsa viam parat, & iter pandit, quo radij diuinæ misericordiæ, velut ceram, rebelles eorum voluntates emolliant, vt dignos pœnitentiæ fructus faciant. Diuus Germanus sic sacratissimam Virginem alloquitur : *Nemo est, qui liberetur à malis, nisi per te ô Virgo purissima.*

*de zon.
Dom.*

Cant. 6.

Indicat etiam eandem Virginis protectionem communis illa Lunæ appellatio, qua Beata Virgo, *pulchra vt Luna*, cohonestari solet.

solet. Dicunt Astrologi, & Albumazar, quòd si Luna nocte omnino non radiaret, vapores ascendentes de terra, adeò condensarentur, vt animalia respirantia suffocarentur. Non dissimiliter Maria, quasi Luna conseruat hominibus vitam spiritualem: tempore enim noctis, id est, aduersitatis surgunt continuò ex melancholia vapores tristitiæ, quibus homo quodammodo suffocabitur, nisi interueniat, intercedatque Virgo illa sanctissima. Hinc Anselmus; *Sicut, o Beatissima Virgo, Ansel. in omnis à te auersus, & à te despectus, necesse est orat. de ut intereat: ita omnis ad te conuersus, & à te respectus, impossibile est ut pereat.* land. Virg.

B Sciendum est autem in omni mediatore, & intercessore duo requiri, vt eius favor aliquem consequatur effectum. Primum, vt velit alterum, vt possit. Vtrūque repetitur in Virgine; & vt alia omittam, patet ex verbis quæ in nuptiis, deficiente vino, Virgo habuit ad filium, & ex responso filij ad matrem. Ait itaque mater; *Vinum non habent.* Quibus verbis Ioan. 2. manifestè constat Virginem voluisse orare, nā etiam non rogata rogabat. Quid si rogaretur? Vnde Bernardus: *Quid mirum, inquit, super missinuocata adest, qua etiam non vocata preesto est? sui est.* Præterea id colligere licet ex amore Virginis in Deum, qui optat & vult omnes homines saluos fieri, & præcipuè ex amore eiusdem erga filium: nam cum ipsa præ oculis videret illum pro nobis natum, passum, & mortuum; sciatque ad eius gloriam & honorem pertinere, non perire eos, quos pretioso sanguine suo redemit, quid non hac ratione præstabit?

I quo

quo non orabit ardore, ut passio filij sui optatum assequatur intentum, & ne tantus labor sit cassus, nec tantum pretium irritum fiat? Non est igitur de eius voluntate dubitandum.

Iustinus
quæst. 136.

ibidem.

Iean. 2.

Quod verò plurimum possit erga filium, constat ex responsione ipsius filij ad illam, & ex miraculo ab eo petitione matris patrato: sic enim respondit filius; *Quid mihi, & tibi est mulier?* Quæ verba, licet repulsam præ se ferre videantur, tamen non sunt verba recusantis, nec indignantis, aut increpantis; sed, ut notat Divus Iustinus (cuius libenter sequor huius loci expositionem) verba sunt monentis, & concedere volentis. Monet enim Christus his verbis, nihil sibi, & matri esse, vel nihil inter se, & matrem reperiri, quod prohibere, & impedire possit, quin ab ea postulatum concedat; quod miraculum statim subsequutum comprobavit. Nam volens Dominus ostendere matrem à petendo non repulisse, protinus miraculum edidit. Si enim ei molesta petitiō fuisset; si matrem postulantem reieciisset, sanè non statim post eius petitionem, vinum, quod ipsa perebat, conuiuiis largiter suppeditasset. Non, inquit Iustinus, *obviargande matris causa à Salvatore dictum est; Quid mihi, & tibi reiest mulier?* Non enim Christus matrem verbo obviargauit, quam re honorauit. Quapropter intelligens Virgo filij loquentis tam verba, quam animum quo illa proferebat, sciensque filium concessurum, quod ipsa postulauerat, dixit ministris; *Quodcumque dixerit vobis, facite.* Cum igitur

igitur Deipara velit pro nobis rogare, & possit à Deo nobis impetrare, miror quoddam afflicti illam inuocare. Audiamus Bernardum de illa loquentem: *Si pie nobis pul-* *serm. 2. in*
sata fuerit & inuocata, compatietur nobis; nec Dom. 1.
deerit necessitati nostra: siquidem nec facultas Epib.
desse poterit, nec voluntas; quoniam regina cœ-
lorum est, & mater misericordie. Quali dicat,
 quia regina cœlorum, potest: quia mater mi-
 sericordie, vult.

C Quoddam autem vinum pia mater à filio pe-
 tierit, non caret mysterio. Est enim vinum
 lætitiæ symbolum, iuxta illud; *Vinum lætificat Psal. 103.*
cor hominis. Hinc fortè dictærum istud à Pie-
 rio relatum: [Nulla adest hilaritas ei qui *lib. 53.*
 aquam bibit.] Propterea tristi & perturbato
 homini Plautus vinum propinandum mo-
 net. Cui concordat; quod à Sapiente iniun-
 gitur; *Da mœrentibus vinum, & eis qui in ama- Prou. 31.*
ritudine sunt. Si quis cordis deliquium patia-
 tur, statim vino hausto corroboratur; quibus
 patet vinum esse lætitiæ & consolationis
 symbolum. Cum igitur Dei Genitrix postu-
 lauerit vinum suppeditari, quod solet cor
 hominis lætificare, mœrentesque consolari,
 clarè ostendebatur illam futuram esse aduo-
 catam mœrentium, ac omni consolationis
 vino destitutorum. Itaque deficiente vino,
 id est, deficiente gratia, quæ lætificat ani-
 mam, aut sanitate, vel deficientibus bonis
 temporalibus, & premente aliquo morbo,
 aut paupertate, vel urgente persecutione,
 aut aliqua alia calamitate, rogabit pro te
 Beatissima Virgo, vt tibi vinum consolatio-

nis, aut aliquod solamen à Domino concedatur. Maximam igitur senties consolationem, si ad illius recurras intercessionem: magnum in te experieris effectum, si erga illam magnum habeas affectum. Si enim non rogata rogauit adhuc existens in terris, quanto magis inuocata nunc regnans in cœlis inuocabit? Audi Bonauenturam: *Magna fuit erga miseros misericordia Maria adhuc exulantis in mundo; sed multò maior erga miseros est misericordia eius iam regnantis in cœlo. Maiorem per beneficia innumerabilia nunc ostendit hominibus misericordiam, quia magis nunc videt innumerabilem hominum miseriam. Quis est super quem Sol non luceat? Quis est super quem misericordia Maria non resplendeat?*

in speculo
Virg. cap.
8.

Cant. 6.

Vides Seraphicum illum doctorem Virginis misericordiam, & intercessionem Soli comparare. Est enim hæc Virgo electa ut Sol: quia sicut Sol non tantum hunc mundum illuminat, sed & in ipsis terræ visceribus vires suas exercet; ibi enim aurum & gemmas producit, ac multa, veluti flores, herbas, & similia foras emittit & erumpere facit: ita huius sanctissimæ Virginis clementia & miseratio tam longè, latèque se diffundit, ut non solum pro his qui in terris vitam degunt, sed & pro illis qui in inferis pœnas luunt, intercedere legamus. Quod quomodo debeat intelligi, attende. Certum est, iuxta sententiam Diui Thomæ, omniumque Theologorum, damnatos puniri in inferno citra condignum; aliqui autem docent huiusmodi beneficium punishmentis citra condignum

1. part.
quest. 21.
art. 4.

gnum intercessioni Beatissimæ Virginis Mariæ ascribi debere, inter quos Rutilius Benzonius Episcopus Lauretanus, qui sic scribit; *Quantitas pœna damnatorum ex Dei misericordia, & intercessionibus Beata Maria Virginis citra condignum taxatur.* in *Psal. 36. cap. 32.* Si ipsi damnati, qui hanc Virginem non rogant, sunt eius intercessionis participes, quantò magis nobis adhuc viatoribus aderit, præcipuè si in nostris necessitatibus illam humiliter inuocemus?

D Legimus etiam nonnullos fuisse ex inferno, ex ipso statu damnationis, efficacissima ac potentissima Deiparæ intercessione reuocatos: ut de quadam muliere in territorio Lionicensi, siue Lingonensi, narrat idem Rutilius, quæ licèt aliàs religiosè viueret, in eo tamen defecerit, quòd facinus quoddam in iuuentute commissum nunquam in specie, sed tantùm in communi, ac generaliter confessori aperuisset, ac proinde, postquam è vita discessit, à dæmonibus ad flammæ inferni raperetur; illicò Beata Virgo Iesum filium exorauit, ut ab eiusmodi pœnis inferni eam liberaret, eo quòd dum viueret, quotidie coram eius imagine illam piè exorasset, ne ob tale peccatum damnationi addiceretur æternæ. Annuit filius Dei, & mulier vitæ restituta occultum, ac tamdiu non propalatum peccatum integrè cum aliis confessa est: Virginisque precibus iterum moriens in cœli gloriam recepta est. Habetur etiam hoc exemplum in speculo exemplorum. Nec mirum: nam si Apostolis ex priuilegio concessum fuit, ut nonnullos Ethnicos

lib. 2. de anno Iubi. laj. cap. 45.

distin. 3. exemp. 46.

qui ad infernum iam descenderant, resuscitarent, qui sic ad vitam reuocati, peracta pœnitentia, iterum mortui, salui fierent, vt scribit Egesippus: & Beatæ Agneti, vt filium Præfecti, quem diabolus occiderat ob stuprum in Virginem tentatum, resuscitaret, vt narrat Diuus Ambrosius; cur matri Dei negandum erit, potuisse ex summo filij priuilegio portas inferni infringere, & quos voluisset ad vitam mortalem iterum reuocare, vt peracta debita pœnitentia salui fierent?

lib. 3. cap. 2.

serm. 90.

lib. 2. de
Ciuit. Dei.
cap. 24.

quæst. 6. de
veritate.
art. 6. ad 4.

Dices; quomodo hoc fieri potuit, cùm, vt canit Ecclesia, *in inferno nulla sit redemptio*: & iuxta Diuum Augustinum, *nimis presumptuosum sit dicere cuiquam eorum supplicium æternum non futurum, quos Deus ituros ad supplicium dixit æternum*? Respondeo, huiusmodi animas precibus Beatissimæ Virginis, aut aliorum Sanctorum ad vitam reuocatas, & tandem peracta legitima pœnitentia, ad gaudia cœlestia translatas; licet ex occultis Dei iudiciis in mortifero peccato decesserint, ac proinde in inferno secundum præsentem earum iniustitiam cruciatæ fuerint; tamen suspenso finali iudicio nondum fuisse ad huiusmodi locum damnatorum finaliter deputatas, sed absolutè prædestinatas fuisse ad salutem æternam per medium illud prodigiosum ex immensa Dei benignitate, & Virginis intercessione, qui habent, licet diuersimodè, clauis mortis, & inferni, vt docet Diuus Thomas.

Si igitur tam singulare beneficium quibusdam per intercessionem Virginis à Deo collatum

E

collatum est, ut ab æternis miseriis eriperentur; quomodo non liberabimur à præsentibus tribulationibus, si, ut decet, sub illius confugiamus præsidium? Si autem postquam illam rogauerimus, non eripiamur, signum erit huiusmodi miseras & afflictiones nobis maxime expedire; quia fortè ab æternis non eriperemur, nisi præsentibus cruciaremur: hoc saltem illius intercessione obtinere poterimus, ut nimirum miseria æterna præsentibus nobis commutetur; ideo semper est obsecranda, quia semper illius interuentu nobis aliquid à Deo conceditur, quod in utilitatem nostram semper vertitur. Nullus ergo est qui ab hac Virgine vacuus recedat, *qua, serm. de ait Bernardus, omnibus suavis est, omnibus misericordia sinum aperit, ut de plenitudine eius accipiant vniuersi, captiuus redemptionem, ager curationem, tristis consolationem, peccator veniam.* Si quid igitur à Deo obtinere desideras, roga Mariam, quia, teste eodem Sancto, *nihil nos serm. in vi. Deus habere voluit, quod per manus Mariæ non gil. nat. transiret.* Dom.

Vnum adhuc adiiciam, quod paradoxum videbitur, in quo tamen apparebit, quanti sit meriti hæc Virgo apud Deum. Nondum erat, & Deus propter ipsam populo Israëlítico non deerat: ipsa non rogabat, & Deus propter ipsam erogabat: nondum existerat, & multis, ut ita dicam, adsiscebat. Nam, *serm. 61. de secundum Diuum Bernardum, ac secundum Virg.* illum Rabbinum qui dicitur Acchados, Deus propter istam nobilem creaturam saluauit protoparentes nostros de prima eorum transgressio

gressione; Noë de diluuiò inundante; Abraham de Hur Chaldæorum; Isaac de Ismaële; Iacob de Esau; Israëliticum populum de Ægypto, & de impia Pharaonis manu, de mari rubro, de captiuitate Babylonica, & Assyriorum; Dauidem de leone & vrsis, de Goliath, & de Saule infestissimo eius hoste. Omnia denique beneficia à Domino Deo collata sunt propter huiusmodi benedictæ Virginis reuerentiam, & amorem, quibus eam Deus in æterna sua prædestinatione honorandam cunctis operibus suis ab æterno præordinauit. Imò verò, teste Beato Fulgentio, *Cælum & terra iamdudum ruiſſent, ſi Maria precibus non ſuſtentaffet.* Si Deus populum suum à multis eripuit calamitatibus Mariam tantum præuidendo; quid nobis nunc denegabit illam & videndo simul & audiendo? Insuper, si cœli & terra stare non possunt sine Mariæ precibus, quomodo poterimus subsistere sine eius interuentione? *Merito*, inquit Bernardus, *in te, Maria, respiciunt oculi totius creature, quia in te, & per te, & de te benigna manus omnipotentis quicquid creauerat, recreauit.*

Optarem maximè, vt dum aliqua necessitate premeris, aut afflictione afficeris, veniant tibi in mentem incommoda quæ Beatissima Virgo passa est in hoc mundo. Nam magnam afflictionem subiit, quando Ioseph mysterij ignarus, *voluit occultè dimittere eam.* Maiorem, quando cum filio in Ægyptum fugere cogitur. Maximam, quando Christus crucifigitur. Certè non doluit Virgo quando Christus ex ea natus est, sed quando coram ea pas-

lib. 4. Mythol.

serm. 2. in die Pent.

Matth. 1.

Liber I. Cap. XIII. 137

ea passus est. Tunc enim adimpletum est illud Simeonis: *Tuam ipsius animam pertransibit gladius.* Qui quidem gladius non illam trucidauit, sed vehementer transfuerberauit; adeo fuit intensus huius gladij dolor, ut alios quoscunque homines occidisset. Audi Diuum Bernardinum. *Tantus fuit dolor Virginis, quod si in omnes creaturas qua pati possunt, diuideretur, omnes subito interirent.* Si diuisus occideret, quid si integer? Ipsa tamen non interiit, quia peculiari auxilio Dei vires ei suppeditantis adiuta, omnia aduersa patienti animo perulit.

Itaque libenter compatiatur afflictis, quæ alias fuit afflicta: compatiatur virginibus, quæ semper fuit Virgo: compatiatur coniugatis, quæ aliquando mansit coniugata: compatiatur viduis, quæ fuit vidua: compatiatur pauperibus, quæ pauperem vitam duxit: compatiatur denique miseris, quæ veriùs quàm Dido apud Virgilium dicere potest;

Non ignara mali, miseris succurrere nosco. *Æneid. 1.*
& cui miserorum demandata est cura. Dicamus igitur cum Augustino & Ecclesia; *Sancta Maria succurre miseris, iuuua pusillanimes, refoue flebiles, &c.* Et ut compassio miseriæ nostræ semper sit apud eam, congratulemur ei, quod ab istis miseriis ad gaudia transierit Paradisi; hoc, teste Bonauentura, consulit Diuus Anselmus: *Affidue roganda est Maria, in speculo & congratulatio beatitudinis eius sit semper apud nos, ut compassio miseriæ nostræ sit semper apud eam.* *Beaz. Virg. cap. 9.*

Tandem, quia, iuxta Diuum Thomam, *opusc. 4.*

conuenit Beatæ Virgini nomen Maria, quæ interpretatur stella maris, ac nauigamus in huius mundi periculoso pelago; ne ventis tentationum, vel procellis afflictionum obruamur, sed ad portum salutis dirigamur, illam sæpe salutemus, dicamúsque cum Ecclesia; *Aue maris stella*, &c. aut cum Damasceno: *Aue unicum molestiarum solamen. Aue omnium cordis dolorum medicamentum.* Ad hoc nos hortatur Bernardus. *Si insurgant ventis tentationum, si incurras scopulos tribulationum, respice stellam, voca Mariam. In periculis, in angustiis, in rebus dubiis Mariam cogita, Mariam inuoca, non ab ore, non discedat à corde.* Et cum summo Pontifice Innocentio III. huius Beatissimæ Virginis auxilium in nostris miseriis sic imploremus:

orat. 2. de dormit. Virg.

Hom. 2. super missus est.

Inn. 111. Papa.

*Angelorum Imperatrix,
Peccatorum consolatrix,
Consolare me lugentem,
In peccatis iam fatentem.*

*In omnibus angustiis semper est nobis
Christus proponendus, pro quo sunt
omnia aduersa equanimiter toleranda.*

CAPVT XIV.

Senec. Epist. 96.



ON incongruè à Seneca dictum est; [Vita sine proposito vaga est.] Sicut nauigantibus ad aliquod sydus

duſ dirigendus eſt curſus : ita neceſſe eſt, vt nobis proponamus aliquod exemplar , ad quod nitamur , & quod imitemur.

Assignat Diuus Paulus ad quem reſpicere debeamus, dum ait ; *Per patientiam curramus ad propositum nobis certamen, aspicientes in authorem fidei, & consummatorem Iesum.* Quasi dicat; pergamus patienter , & fortiter perseuere- mus : currendum enim nobis eſt per exilia, per bonorum rapinam , per medios hostes; ita fiet , vt cœleſte præmium ritè currenti- bus propositum aſſequamur. Induamus ergo patientiam ; hæc nobis erit thorax impene- trabilis, quo omnium hostium tela elidamus: hac armati alacres , & inuiolabiles in media persecutionum certamina irruemus.

Præterea , alludit Apostolus ad pictores, qui vt ex prototypo paragolum, vel imagi- nem exprimant, neceſſe eſt sæpe prototypum ipsum, siue exemplar intueantur & reſpi- ciant ; vel ad illos, qui vt aliquas literas , aut charateres optimè efformare valeant, debent frequenter exemplaria, quæ præ oculis ha- bent, reſpicere. Sic, inquit Paulus , propono vobis exemplar patientiæ , ſcilicet Chriſtum crucifixum, vt in illud aſſiduè intuentes, eius patientiam , & conſtantiam in vobis expri- mere & imitari ſtudeatis.

Ad hoc propositum Diuum audiamus Au- gustinum. *Cauſa*, inquit , *patiendi capiti fuit, in Psal. 34.* vt corpori praberet exemplum : Dominus enim voluntate paſſus eſt, nos neceſſitate : ille miſeratio- ne, nos conditione. Proinde illius voluntaria paſſio, noſtra eſt neceſſaria conſolatio , vt quando talia forte

forte perpetimur, intueamur caput nostrum, ut eius exemplo commoniti, dicamus: si ille, quid nos? Si, inquam, ille, qui peccatum non fecit, nec inuentus est dolus in ore eius, tot ludibria, tot alapas, tot flagella, mortem denique pertulit: quid nos, qui tot peccata commisimus, tolerare debemus? Quando igitur aliquid patieris, hoc tibi semper versetur in ore, vel mente: si ille, quid ego? Si iniuria afficiaris: si paupertate premaris: si te inimici persequantur: si falso accuseris, continuo dic, si ille, quid ego? Nam, teste Diuo Petro, hæc est vna ex causis cur Christus passus sit, ut videlicet esset nobis in exemplar, vel exemplum: *Christus, inquit, passus est, vobis relinquens exemplum, ut sequamini vestigia eius.*

1. Petr. 1.

S. Brigit. in
reuelat.

August.

Cass. in
Psal. 44.

Beatæ Brigittæ reuelatum fuit, quòd dum B
Christus visibiliter versaretur in terris, familiaris hic erat sermo Hebræis mœstitia affectis; *Eamus ad intuendum filium Maria, ut hilares reddamur.* Fortè quia speciosus erat præ filiis hominum, vel quia, teste August. facies decoris eius erat laudabilis. Non tantum ob id, sed etiam quia patiens fuit præ cæteris hominum, quamuis pulchrior ac purior extiterit omnibus hominibus, in qua quidem puritate præcipuè fulgebat eius pulchritudo. Audi Cassiodorum; *Non quia forma eius decore lactei coloris eluxit, aut flauo crine lampauit, aut insigni statura pramichit, sed veraciter humano genere pulchrior fuit, quia peccatum non habuit.* Tantus itaque fuit Christi aspectus, ut conspicientes exhilararet. Quem modò oculis corporeis intueri non possumus, saltem

Liber I. Cap. XIV. 141

saltem mente respiciamus, & quæ pro nobis pertulerit attendamus, ut vel sic pro illo patienter omnia feramus.

Ideo Apostolus, qui paulo antè hortabatur nos ut essemus *aspicientes*, modò ait; *Re-Hebr. 12.*
cogitate eum, qui talem sustinuit à peccatoribus
aduersus semetipsum contradictionem, ut non fa-
tigemini animis vestris deficientes, nondum enim
usque ad mortem restitistis. Quem in hac vita videre non potestis, illum recogitate, id est, seridò, sæpe cogitate. Ait Paulus Christum sustinuisse contradictionem. Hoc prædixerat senex ille Simeon; *Hic positus est in signum, cui Luc. 2.*
contradicetur. Huic contradixit Lucifer, cùm eius incarnatione impedire tentauerit. Huic contradixit Herodes, cùm illum recenter natum de medio tollere voluerit. Ei contradixerunt Iudæi, quando in eum blasphemantes, eius miracula negabant, multaque improperabant, & dùm eum usque ad mortem persecuti sunt.

Sicut igitur Christus positus est in signum illarum contradictionum; noli mirari, nec tristari, si tibi interdum contradicatur. Vt autem valeas quascunque contradictiones patienter ferre; sit tibi Christus in signum, illum expendito, ad hoc te hortatur Diuus Basilius: *Sic, inquit, pauper es, memor sis Do- Hom. de*
mini nostri Iesu Christi, qui cùm diues esset, nostri tra-
gratia egere voluit. Si verò stultus & indoctus ap-
pelleris, reminiscere eorum, quæ à Iudæis iactata
sunt in veram sapientiam. Alapa seu pugillo castus
es? expuit aliquis in faciem? eadem & Dominus
est passus: non enim ab expuentibus, & cadentibus
faciem

faciem auertit. Calumniâ pateris? & Dominus. Tua laceratur vestis? & a Domino quoque vestis per vim extracta est, & super eam missæ sunt sortes. Nondum condemnatus es: nondum Cruci affixus es: multa tibi toleranda sunt, vt ad eius imitationem peruenias. Hæc ille.

lib. de bono patient. Tantos autem labores Christus sustinuit, C vt postquam illos Diuus Cyprianus fusè prosequutus est, tandem concludat; Talis est Christi, ac tanta patientia, quæ nisi tanta, ac talis esset, Paulum quoque Apostolum Ecclesia non haberet. Ac si dicat. Nedum Christus sustinuit persecutiones, sed & persecutores, inter quos fuit Paulus, qui cū esset sua malitia vas indignationis, factus est Christi patientia vas electionis: & qui Christum in fidelibus persequabatur, multa postea pro Christo ab infidelibus patiebatur: & qui prius Christi membra non agnoscebat, membris eius Christus post non ignoscebat: in corpore suo aspera sustinere non recusauit, qui multa caput suum Christum sustinuisse cogitauit: Greg. quia, teste Gregorio, nihil est adeò graue, quod non equanimiter toleretur, si Christi passio ad memoriam reuocetur.

Et secundum alium Gregorium, passionis & laborum Christi consideratio fiet nostrarum passionum & moestitiarum extinctio. Greg. Naz. Si quando, inquit, animus tuus acceptæ iniuriæ in sententiis dolore exarserit, fac tibi Christus, Christi quæ tetrastrich. vulnera in memoriam veniant; quantulæque pars hac sint eorum, quæ Dominus tuus perpeffus est; hac ratione animi dolorem velut aspersa aqua extinxeris. Et, vt cum Diuo Augustino loquar,

Liber I. Cap. XIV. 143

soto nobis figatur in corde, qui pro nobis fixus est *lib. de san-*
in Cruce. Titus Liuius hæc de milite dicere *ita virgi-*
 solebat: [Deuotus miles non sentit sua, cum *nitate.*
 benigni ducis intuetur vulnera.] Attente *lib. 2. de-*
 igitur Christi vulnera consideremus, vt no- *cad. 1.*
 stra patienter toleremus.

Vult Diuus Petrus, vt Christum passum
 sæpe cogitemus; ait enim, *Christo igitur passo* *1. Petr. 4.*
in carne, & vos eadem cogitatione armamini.
 Vocat Apostolus hanc cogitationem passio-
 nis Christi, armaturam, qua facili negotio
 poterimus quibuscunque tentamentis ad im-
 patientiam impellentibus, resistere. Experi-
 mento didicit idem Apostolus, quantum
 prodest semper oculos & affectum ad Chri-
 stum dirigere. Legimus enim apud Mat- *Matth. 14.*
 thæum, ambulantiem illum supra mare, vi-
 dentem ventum validum, timuisse, ac cœ-
 pisse mergi; quia fortè oculos à Christo ab-
 duxerat, illòque ad huiusmodi ventum,
 procellamque coniecerat. Qui itaque à Chri-
 sto mentis oculos abducit, eosque ad tem-
 pestates, atque ad aduersa quæ illi accidunt,
 conuertit, illic demergitur; id est, aduersis
 frangitur, irascitur, in verba blasphemiarum
 prorumpit.

D Tanta fuit Christi in sustinendis iniuriis
 patientia, vt propter ipsam voluerit Tertul-
 lianus, Phariseos Christum agnoscere de-
 buisse. Hinc, ait, *vel maxime Pharisei Domi-* *lib. de par-*
num agnoscere debuistis; patientiam huiusmodi *cap. 3.*
nemo hominum perpetraret. Sicut in patientia
 cognoscebatur Christus, sic in patientia co-
 gnoscatur Christianus. Ab illis etiam debe-
 bat

bat agnosci, à quibus patiebatur se crucifigi. Quia si illum pro ipsis talia patientem agnouissent, similia ipsi pro illo patienter sustinuis-
lib. 4. Epist. *nuissent. Nam, ait Apollinaris, si quantamlibet nobis anxietatem vite presentis propinet afflictio, parua toleramus, si recordemur, quid biberit ad patibulum, qui inuitat ad cœlum, &c.*

Itaque, vis pati pro Christo? quid passus sit, assidue cogitato. Vis autem scire, quid sit pati pro Christo? Diuum Chrysostomum
Hom. 4. in Epist. ad Philip. *audito: Pro Christo pati, inquit, munus est maioris admirationis, quam sit reuera mortuos excitare, & signa miranda patrare: nam illic quidem debitor sum, hic verò Christum habeo debitorem. Debet tibi Christus, si pro ipso patiaris, & tu debes Christo, cum per ipsum miracula operaris. Inter beneficia discipulis collata, istud annumerat Scriptura, quòd, videlicet, digni habiti sint pro nomine Iesu contumeliam pati. Optanda potius est ista dignatio, quam miraculorum operatio. Non ideo Sancti Deo grati sunt, quòd miracula patrauerint, sed quòd multa pro ipso grauissima sustinuerint.*

Sciendum denique est, Christum ad omnium nostrum maiorem consolationem omnia sustinuisse incommoda, quæ in hominem cadere possunt: omnia, inquam, pertulit, quæ solent esse hominibus dolori & mœstittæ, peccato & ignorantia dempris. Ideo non immeritò Propheta vocat illum, *virum dolum*: quia verè languores nostros tulit, & ægrotationes nostras ipse portauit.

Nam si molestum sit homini fuisse in vili loco

loco natum, nullum habere domicilium, pauperem vitam ducere; persecutionibus agitari, iniuriis affici, alapis percuti, flagellis cædi, falsò accusari, à cunctis despici, ab omnibus derelinqui, morti adiudicari, ac denique patibulo suspendi; hæc ideo omnia Christus pro nobis passus est, ut si quædam ex his nobis contingant, statim illius recordemur, atque in eo consolemur, dicamúsque semper, ut supra, cum Augustino; *si ille, quid ego?* prius ille, postea ego: ille innocens, & ergo peccator: ille tunc pro me, & ego nunc pro illo: ille iniuste patiebatur, & ego iuste: ille tristabatur, & ego gaudebo? Pauper erat, & ego ditabor? Afficiebatur iniuriis, & ego laudibus? Non habebat, ubi caput reclinaret, & ego habebò, ubi totum corpus reclinem? Esuriuit, & ego satiabor?

Quod Christus præcepit, hoc ipsum perfecit: quod aliis iniungebat, sibi adiungebat. Unde optimè Augustinus; *Omnia bona lib. de ca. e. terrena contempsit homo Deus, ut contemnenda eligendis monstraret, & omnia terrena mala sustinuit, que rudibus sustinenda præcipiebat, ut neque in illis quæreretur felicitas, neque in ipsis timeretur infelicitas.* Dicit Ambrosius probat Christum sufficientissimum esse ad consolandum nos in quodam quacunque aduersitate constitutos. *Omnia, serm.* inquit, *habemus in Christo, & omnia in nobis Christus.* Si à vulnere curari desideras, medicus est: si febribus astuas, fons est: si grauaris iniquitate, iustitia est: si indiges auxilio, virtus est: si mortem times, vita est: si tenebras fugis, lux est: si cælum desideras, via est: si cibum quæris, alimentum

mentum est. Quomodo autem Christus nos consoletur, ostendit alibi idem doctor, dum ait; *Factus est Christus pauper pauperibus, flens super Lucam lib. 4. flentibus, esurientibus esuriens, sitiens sitientibus, est in carcere cum paupere, cum Maria flet, cum Samaritana sitit.* Verè de homine dicit; *Cum ipso sum in tribulatione.* Sed ut tecum sit in tribulatione, noli illum tibi auferre in tribulatione; *Nemo, inquit idem, tibi Christum potest auferre, nisi te illi auferas.* Auferes autem, si illum offendas, vel si patienter propter ipsum tribulationem non feras.

Diuus Hieronymus nulla timebat incommoda, dummodo post illa Christus adueniret; *Veniant, inquit, plaga, veniant omnia maiorum genera, dummodo post plagas Christus adueniat.* Si autem vis, ut Dominus tibi adueniat, opta ut aduersa tibi adueniant; & cum aduenerint, patienter ferto, quod ut præstes, veniat tibi in mentem Christus, illum tibi semper proponas.

Ostendit disertissimus Leo, quam via ad Christum tendere possimus, dum ait; *Per Christum ad Christum tendit, qui per semitam patientia & humilitatis incedit, in quo planè itinere, nec æstus deest laboris, nec nubes tristitia, nec procella formidinis: ibi sunt insidia iniquorum, persecutiones infidelium, mina potentium, contumelia superborum, quæ Dominus Rex gloria ideo omnia percurrit, ut inter presentis vite pericula, non tam optandum sit nobis declinando ista effugere, quàm tolerando superare.*

Senecam illum notissimum Philosophum ad subeundos difficiles, durósque labores,

Sextij

Sexrij cuiusdam liber adeò incendebat, vt casus omnes ad congressum prouocaret. Quid autem de se scribat audiamus. [In qua Epist. 65. cunque positione mentis sum, cum lego Sextium, liber omnes casus prouocare, libet exclamare; quid cessas fortuna? congregederè paratum vides; illius animum induo, qui quærit vbi se experiatur, vbi suam virtutem ostendat: libet aliquid habere quod vincam, cuius patientia exerceat.] Si vir Ethnicus libi alium proponebat Ethnicum ad omnia incommoda toleranda; quid Christianus præstare debet? Christum libi proponat, maiora namque sumet à Christo, vito dolorum, incitamenta, quàm Seneca à Sextio. Dicatur igitur: cum Christum opprobria, flagella, mortem denique ferentem intueor, libet omnia pro illo aduersa tolerare; quid moraris aduersitas? accede, paratum inuenies.

Sed vt illud præstare valeamus, nobis Christus tanquam vestis induendus est: ad hoc nos hortatur Apostolus; *Induimini Dominum Iesum Christum*. Si ille Seneca animum Sexrij induere fatebatur, itaque vt alter Sextius apparebat; induat fidelis Christum Dominum. Quid autem sit induere Christum, indicat Diuus Chrysostomus: *Induere, ait, Christum, est vndique in nobis per sanctimoniam & mansuetudinem Christum conspicuum esse. Homo enim indutus, id esse videtur, quod indutus est: appareat itaque in nobis Christus*. Vel secundum Diuum Thomam, Christus induit, qui Christum imitatur, quia sicut homo continetur vestimento, & sub eius

colore videtur : ita in eo qui Christum imitatur, solus Christus, eiusque indumenti color, id est, sanctitas apparet.

Ut igitur illum, vel illo induaris, oportet G
ut illum intuearis, & quem debes contem-
plari, necesse est imitari : nec poteris cum il-
lo in coelis regnare, nisi vaeas pro illo in ter-
ris aduersa tolerare. Nam, teste Apostolo,
qui non comparitur, non conglorificabitur.

Rom. 8.

*Serm. 44. de
Sanctis.*

Et Diuus Augustinus existimat illum recu-
sare esse in corpore, qui tribulationem non
vult sustinere cum capite, nec mereri con-
gaudere in patria, qui recusat condolare in
via. Non enim erunt in coelo membra glori-
ficata sub coronato capite, quæ hic sub spi-
noso extiterunt delicata : nec Christum vi-
debit regnantem, qui recusat imitari patien-

Hieron. in tem. Vnde Hieronymus ; *Si vis habere partem
quad. Epist. cum Christo, tibi viuendum est Christi exemplo.*

Cæterum quosnam consolentur Christi
additiones & passionibus, ostendit Bernardus his
Bernard. verbis. *Non consolatur Christi infantia garrulos :
non consolantur lacryma cachinnantes : non conso-
lantur panni eius ambulantes in stolis : non conso-
lantur stabulum & præsepe amantes primas cathedras in synagogis.* Vis igitur, ut Christus te
consoletur ? fac ut vita tua illum imitetur :
consoletur enim humiles, consoletur paupe-
res, consoletur mites, & eos qui persecutio-
nem patiuntur propter iustitiam : non con-
solatur Christi paupertas diuites, nec pau-
peres optantes esse diuites : nec eius humili-
tas inflatos : nec obedientia rebelles : nec im-
patientes patientia eius.

Valde

Valde sunt consideranda verba Apostoli sic ad Romanos scribentis; *Christus non sibi* Rom. 15. placuit. In quæ verba ostendit Diuus Chrysostomus, Apostolum semper nobis Christum proponere in exemplum. Quid dicat iste doctor audiamus. *Semper*, inquit, *nobis* Hom. 27. *Christum in exemplum* Apostolus proponit: nam & cum de eleemosyna loqueretur ipsum adducebat, dicens; Cognoscite gratiam Domini, quoniam cum dives esset, propter vos egenus factus est: & cum ad dilectionem adhortaretur, dixit: sicut & Christus dilexit nos: de ferenda etiam confusione, & periculis consulens ad eundem confugit, dicens: Qui pro gaudio sibi proposito Crucem sustinuit, confusione contempra. Postmodum iste doctor explicans supradicta verba Apostoli, sic ait; Quid est, non placuit sibi ipsi? poterat nulla ferre opprobria, poterat qua passus est, non pati, si qua sua sunt spectare voluisset; verum noluit, sed quod nostrum erat respiciens, quod suum erat neglexit.

H Itaque ille sibi placet, cui pati pro Christo non placet: sed sicut Christus tormenta pro nobis sustinendo sibi placere recusavit; ita consentaneum est, ut pro ipso patienter omnia aduersa ferendo nobis ipsis displicere studeamus. Naturaliter tibi displicent labores, dolores, morbi, paupertas, & similia, quæ si recuses, aut impatienter feras, tibi placebis, sed non Deo, quia non vis, quæ tibi non sunt placita: si verò æquo animo sustineas, tibi exemplo Christi displicebis, sed Deo placebis. Audi Bernardum: Quidni ea- serm. 1. imput suum membra sequantur? si bona suscepimus capite tein- ab hoc capite, id est, Christo, mala autem quare nō.

non sustineamus? An respuere tristitia volumus,
 & communicare iucundis? Si ita est, indignos nos
 capitis huius participatione probamus. Omne enim
 quod ille patitur, pro nobis est. Quod si in opere
 salutis nostra ei collaborare piget, in quo deinceps
 coadiutores nos exhibebimus illi? Non est magnum
 si compatimur, membrum capiti, cum quo & glo-
 rificandum est. *Fœlix membrum*, quod huic adha-
 serit per omnia capiti, & sequetur illud quocunque
 ierit. Ducem Catonem sic Poëta inducit lo-
 quentem;

Lucanus
 lib. 8.

——— *Primus arenas*
Ingrediar, primusq; gradus in pulvere ponam:
Mœ calor æthereus feriat, mihi plena veneno
Occurras serpens, fatôque pericula vestra
Prætentate meo. ———

Sic Christus Dux, & Deus optimus maxi-
 mus per huius mundi tribulationes suos du-
 cens milites, primus in pulvere gradus po-
 suit, vestigiâque reliquit impressa, quibus
 insistamus. Nam primum impiorum oppu-
 gnauit inuidia, primum labores afflixere, pri-
 mum truculenti vulnerauere leones, primus
 torrentem mortis transfretauit; videamus
 illum; & sequamur: eius exemplo omnia
 subeamus aduersa. Olim Hebræorum exer-
 citum per Arabiæ deserta loca præcedebat
 columna; nos autem non columna nubis &
 ignis, sed Deus ipse in nube, hoc est, in hu-
 manitate, præcedit. Sequebantur illi nubem,
 nos sequamur Christum, iuxta illud Am-
 brosij; *Exercitata mens non aquilarum præfert*
imagines, nec dracones, sed in Cruce Christi, & in
Iesu nomine progreditur ad prælium.

lib. 2. de
 Abraham
 cap. 7.


Nullum

Liber I. Cap. XV. 151

Nullum certè ad omnem patientiam efficacius remedium dari potest, quàm Christi Redemptoris vel exemplum, vel gratia, vel doctrina. Sanctus Alzearius Comes, cum vxor eius nimiam eius, vt videbatur, patientiam miraretur, quòd in tam ampla familia, & tam multis negotiis toties offensus nullum offensionis signum daret. Ecquid verò, inquit, prodest irasci? Nihil profectò. Attamen expolicabo tibi arcanum pectoris mei. *Apud Sur. tom. 5. in vita eius cap. 23.* Noueris me interdum sentire aliquam in animo aduersus infestantes me indignationem. Sed illicò me conuerto ad cogitandas iniurias Christo illatas, dicòque mihi ipsi eum imitari cupiens: Etiam si famuli tui barbam tuam conuellerent, & colaphos tibi impingerent, nihil hoc totum esset præ illis quæ Dominus tuus, & plura, & maiora perpeßus est; certòque habeas, coniux mea, me nunquam cessare à commemorandis iniuriis Saluatoris mei, donec animus meus planè sit tranquillus. Hæc ille, qui sæpe offendebatur, sed nunquam irascebatur; quia Christum meditabatur. Magis attendebat dolores; quos pro nobis Christus perferbat, quàm iniurias; quas domestici ei inferebant.

Spe beatitudinis æternæ omnia aduersa sunt equanimiter toleranda.

C A P V T XV.

A  OLENT hi, qui minùs acri sunt Similes oculorum acie, eos auocare ab intuitu rerum nocutarum; defigere

K 4 verò

Hom. de
grat. act.

verò in flores & viridantia, vt refocillentur. Ita anima auertere debet à rebus molestis & mœrore plenis, quas patitur: obuerrere verò ad eorum contemplationem quæ bona & iucunda sunt, vtpote Paradisi gaudia. Idcirco Diuus Basilii; *Affecit te, inquit, aliquis ignominia? Quin tu ad eam suspice gloriam, qua reposita in cœlis est. Iacturam rerum tuarum adiisti? Imò oculos imprime fixius illis cœlestibus diuitiis, & thesauro incomparabili. Patrione solo exclusus es? At patriam habes cœlestem illam Hierusalem. Perit tibi filius? Sed Angelos habes cum quibus in circuitu diuini illius throni tripudies latitia sempiterna exhilarandus, &c.*

lib. 9. Inst.
cap. 13.

Potest igitur homo in omni angustia & aduersitate mentem suam erigere spe, & fiducia promissæ felicitatis æternæ, si patienter sustinuerit. Hoc vnum etiam Ioannes Cassianus pro curanda omni tristitia, quæ concipitur ex rebus aduersis, antidotum proponebat. *Hanc ergo, inquit, perniciosissimam passionem ita de nobis expellere poterimus, vt mentem nostram spiritali meditatione ingiter occupatam futura spe, & contemplatione repromissæ beatitudinis erigamus. Hoc enim modo vniuersa tristitiarum genera, siue quæ ex præcedenti ira descendunt, siue quæ amissione lucri, vel detrimenti illatione nobis adueniunt, siue de irrogata generantur iniuria, siue quæ de irrationabili mentis confusione procedunt, sen quæ lethalem nobis desperationem inducunt, valebimus superare, &c.*

Indignum existimat Diuus Cyprianus, si B
Christiani ad Paradisum inuitati, dolore afficiantur ob aliqua aduersa, de quibus nihil
omnino

omnino curare debent, cum copia regni celestis eos expectet. *Vinea fullat, inquit, & olea decipiat, & herbis siccitate morientibus astuans campus arescat, quid hoc ad Christianos? Quid ad Dei servos, quos Paradisus inuitat, quos gratia omnis & copia regni celestis expectat? exultant semper in Domino, & letantur & gaudent in Deo suo, & mala atque aduersa mundi fortiter tolerant, dum bona & prospera futura prospectant, &c.* Verissimum enim est illud Publij Mimi; [Ex præmij spe, solatium fit laboris.] Loquens Diuus Paulus de Moyse tenuente delicias aulae Pharaonicae, ait, hoc ideo præstitisse, quia afficiebat in remunerationem. Ac si diceret: ideo Moyse opes Ægypti posthabuit gentis suae miseriis, quia sic secum ratiocinabatur. Si ego Ægyptiis deliciis & honoribus me dedam, his tantum fruor ad viginti, vel triginta annos, & mox ab irato Deo damnabor ad æterna inferorum tormenta: sin autem, his abdicatis, populo Dei afflicto me iungam, cum eo premar latere & luto, affligar tantum ad viginti, vel triginta annos, & mox à Deo remuneratore liberalissimo donabor æternis gaudiis. Satiùs est autem hic modica miseria emere æternam fœlicitatem, quàm modica fœlicitate & voluptate præsentis emere æternam miseriam. Atque hæc conclusio, & spes Moysen ad omnia dura & ardua fortiter subeunda impulit. Nec mirum, cum dicat Diuus Augustinus; *Quis non in Psal. 65. contemnat dulcedinem sæculi inhians dulcedini vitæ æternæ?* Similiter tu, si aliqua afficiaris iniuria, si premaris penuria, si morbo detinearis,

nearis, aut aliquam aliam afflictionem patiaris, *aspice in remunerationem*, & inuenies consolationem. Nam, teste Gregorio, *consideratio præmij minuit vim laboris*.

D.Greg.

Simile.

Baiuli seu onerarij homines, dum onera C gestant, gunt quidem & sudant, sed pretij consideratione pergunt, feruntque patienter onus, imò sæpe lætantur, & finito labore alia quærunt onera vehenda, nec pristino labore deterriti cessant onera indagare: & quidem, si nos præmij cœlestis magnitudinem attentè contemplaremur, non solum virtutis & sanctitatis onera, omniâque aduersa non detrectaremus, sed & vehementer optaremus. Si enim baiuli onera illa adedò amant, quia ex illis vitæ suæ ratio pendet; cur nos onera Christi, pondus Crucis, nimirum afflictionum, portare renuemus, cum sine illis sempiternum & cœleste præmium nancisci non possimus? *Non cogites arumnam*, ait Chrysostomus, *sed libertatem, non flagella, sed honores*. Sanctus Stephanus non lapides, sed superna brauia considerabat, ideo *lapidum ictus, veluti suauem quendam rorem excipiebat*, inquit Nysenus. Ratio est, quia, teste Scriptura, *erat intendens in cœlum*.

Hom. 22.
ad Pop.

lib. de beatitud.

Proposita temporali vita, nullos recusas labores, curris, huc illuc vagaris, insudas, operaris, mari, terræque te das; cur ita? Vt viuam, inquis. Quanto tempore? Per viginti, vel triginta, aut fortè sexaginta annos. Ergo tibi grata est vita sexaginta annorum, ad quam traducendam tanta subis incommoda. Cur potius tibi gratior non est vita, non
centum

centum annorum; sed æterna? Cum cupias hic aliquandiu viuere, cura in cælo in æternum viuere: cogitato aliquo temporali lucro, multa sustines; propolito verò sempiterno præmio, non omnia subibis aduersa? [Cogita, inquit Seneca, quàm multa temerè pro pecunia, quàm multa laboriosè pro honore tentaueris: aliquid & pro otio audendum est.] Sed dic tu; aliquid pro Deo, pro vita æterna audendum & subeundum est. Quid non moliantur homines? quid non patiuntur pro tuenda, aut recuperanda ualitudine? Vnde Poëta;

Epist. 19.

*Ut corpus redimas, ferrum patieris & ignem, Ouid, lib. de
strida nec sitiens ora lauabis aqua. remed.
Ut valeat animo, quicquam tolerare negabis? amo.*

D Quid non patiuntur auari? Quas vigilias, nauigationes, labores non tolerant, ut aurum cumulent? Et tamen terrena bona nullo conatu, nulloque labore sunt digna: pro æternis bonis sunt labores subeundi. *Tanti in lib. ad vitreum;* inquit Tertullianus, *quanti verum Martires. margaritum?* Bona huius sæculi sunt veluti vitreum margaritum, & nullius pretij: cæli bona veræ sunt gemmæ. Si vitreum margaritum, id est, sæculi caduca bona auari tanto emunt pretio & labore; verum margaritum, id est, cælestia bona quantis laboribus nos comparare debemus? Ideo addit idem doctor; *Quis ibidem. non libentissimè tantum pro vero margarito habeat erogare, quantum alij pro falso?* Vnde & Hieronymus: *Quantis,* inquit, *sudoribus hereditas Epist. 2. ad cassa expetitur? minori labore margaritum Chri- Nepotian. sti emi poterat, &c.* Diuus quoque Chrysostomus

mus

Hom. 24.
in Metell.

mus sic à minori ad maius argumentatur: Si nautis, inquit, minaces illi pelagi fluctus, si tempestates, atque hyemes agricolis, si vulnera, cadésque militibus, si grauissimi illi ictus, plage- que pugilibus leues videntur, atque tolerabiles propter spem temporalium ac perennium commodorum, multò magis tùm cælum proponatur in premio, & ineffabilia illa bona, atque perpetua, nihil ex presentibus his aduersitatibus sentietur.

Certè æterna beatitudo labore æterno ef-
fet emenda, sed dignatione & miseratione
diuina temporali comparatur labore. Vnde
in Psal. 93. de ea sic August. *Digna est quidem emi labore
perpetuo, sed necesse est, vt labore temporali ema-
tur. Certè tantus debuit esse, id est, sempiternus
labor pro requiæ sempiterna, &c. Audi precor
quid idem doctor Deo loquenti dicat. Venale
habeo. Quid Domine? Regnum cælorum. Quo
emittur? paupertate regnum, dolore gaudium,
labore requies, vilitate gloria, morte vita.*

Magna esset Christianorum confusio, si
patientiam in aduersis non haberent expe-
ctatione æternæ gloriæ, quam multi Genti-
les habuerunt ostensione virtutis, & acqui-
sitione laudis humanæ. De Theodoro Cyre-
næo refert Valerius, quòd cùm Symmachus
Rex illum iussisset crucifigi, libera voce, &
parui pendens huiusmodi tormentum, re-
spondit: [Mea quidem nihil interest, an hu-
mi, aut in sublimi putrescam.] Laudat idem
lib. 4. Valerius patientiam Zenonis, qui dum in
equuleo torqueretur, non supplicem emisit
vocem, nec eiulatum, sed ita fortiter illud
tormentum sustinuit, vt Tyrannus, qui eum
damna

damnauerat, à populo lapidibus obrutus fuerit: Plurimum commendat Seneca paupertatem Fabricij, exilium Vitellij, tormentum Reguli, venenum Socratis, mortem Caronis, quia viri illi libenti animo pro maiori quadam gloria omnia illa pertulerunt: quam quidem transeuntem gloriam sic magnificiebat idem Seneca, ut de illa diceret; [Nos non aduocabimus patientiam, quos tantum premium expectat?] Hoc de pereunte gloria dixit Ethnicus; nos verò Christiani maiori ratione de perenni dicere possumus, non habebimus patientiam, qui cœlestem speramus gloriam?

lib. de Provid.

lib. de Provid.

F Attamen sunt nonnulli, qui tanto amore prosequuntur istud sæculum, ut maiores subeant labores pro terrenis & perituris rebus, quàm pro sempiternis & cœlestibus, de quibus merito conqueritur Diuus Gregorius. Omnes, inquit, huius sæculi dilectores in terrenis rebus fortes sunt; in cœlestibus autem debiles: nam pro temporali gloria desudare usque ad mortem appetunt, & pro perpetua nec parum quidem in labore subsistunt. Pro terrenis lucris quolibet tolerant iniurias, & pro cœlesti mercede, vel tenuissimi verbi contumelias ferre recusant. Terreno Iudici toto etiam die assistere fortes sunt, in oratione verò coram Domino, vel unius hora momento lassantur. Sæpe nuditatem, deiectionem, famemque pro acquirendis diuitiis, atque honoribus tolerant: superna autem laboriosa tantò magis querere dissimulant, quanto ea tribui tardius putant, &c.

Et habetur dist. 1. cap. omnes.

Dilectores autem cœlestis patriæ tantò magis de illa cogitant, quanto minùs de terrenis

renis

D. Greg.

Epist. 32.
ad Pauli-
num.Rom. 37. in
Evang.

Hebr. 10.

renis curant; quia, teste eodem Gregorio, *vilescunt temporalia, dum cogitantur eterna.* Terrena ad tempus negligunt possidere, ut valeant cœlestibus sine fine gaudere: non curant hic omnibus tormentis affici, ut possint ibi diuina visione refici. Omnia patienter tolerant, quia cœlum impatienter desiderant, dicuntque cum D. Augustino; *Desideramus Hierusalem cœlestem, & quanto impatientius desideramus ipsam, tanto patientius sustinemus omnia propter ipsam.*

Pudeat nos, qui pro tanta gloria nihil in hoc mundo sustinere volumus. Cruciabantur Martyres omni tormentorum genere. Aliqui enim in frustra discerpti extremum exhalabant spiritum; aliorum corpora vnguibus dilacerata, aceto & sale perfundebantur. Hi bestiis dilanandi tradebantur, illorum carnes candentibus forcipibus identidem carpebantur. Quæ omnia æternis consideratis præmiis fortiter perferebant; sciebant enim ad magna præmia non posse perueniri, nisi per magnos labores. *Igitur, ait Gregorius, deletet mentem magnitudo premiorum, sed non deterreat certamen laborum, &c.*

Laudat Diuus Paulus Hebræos, quod cognita meliori in cœlo substantia, cum gaudio rapinam bonorum suorum ferebant. *Rapinam, inquit, bonorum vestrorum cum gaudio suscepistis, cognoscentes vos habere meliorem & manentem substantiam.* Sciebant Hebræi qui Christo nomen dederant, huius sæculi opes esse inania quædam parui momenti accidentia: cœlestes verò diuitias esse substantiam solidam

solidam ac sempiternam: Ideoque cum gaudio rapinam ferebant accidentium; ut substantiam perpetuam compararent. Iucunda enim est iactura plumbi, qua comparatur aurum. Cur nobis eadem cognoscentibus, eademque sperantibus, idem non contingit gaudium? Quia idem nobis non inest desiderium. Nam, ait Augustinus, *temporalibus in Psal. 52. gaudent, qui bona aeterna non norunt desiderare, &c.* At verò, teste Isidoro, *qui futura vita Isidor. premia diligenter excogitat, presentis vita mala equanimiter portat.* Denique, omnibus mihi liceat dicere, quod suis lociis Aeneas;

Per varios casus, per tot discrimina rerum Virg. 1. Tendimus in cœlum. — Aeneid.

Cùm post huius vitæ incommoda cœlestibus bonis fruemur, poterimus gratias agentes Deo, hæc Israëlitarum verba vsurpare; *Latati sumus pro diebus, quibus nos humiliasti, Psal. 79. annis quibus vidimus mala.* In quæ verba luculenter loquitur Diuus Bernardus in hunc modum. *Opportune post tristitiam gaudium serm. 68. subit: post laborem quies, post naufragium portus: Super Cant. placet cunctis securitas, sed ei magis qui timuit: incunda omnibus lux, sed euadenti de potestate tenebrarum incundior: transisse de morte ad vitam duplicat vitam gratiam.* *Beatus A. 1. 1. 1.*

H Beatissimus Pater noster Franciscus dum affligeretur, dicere solitus erat; *Tanta est S. Franc. gloria, quam expecto, ut omnis me pena deleat, omnis morbus, humiliatio omnis, persecutio omnis, mortificatio omnis.* Pudeat nos nullis velle cruciari molestiis, qui optamus æternis gaudere deliciis.

Tanta

Tanta est gloria illa cœlestis, ut pro illa comparanda, omnia sint nobis tormentorum atque tribulationum genera perferenda.

serm. 2. de fest. omn. Sanct. Hinc Augustinus: *Si quotidie, ait, oporteret nos tormenta perferre, si gehennam ipsam paruo tempore tolerare, ut Christum videre digni essemus venientem in gloria, & Sanctorum eius numero sociari; nonne erat dignum pati omne, quod triste est, ut tanti boni, tantaque gloria participes haberemur?*

Et reuera, si ritè cœlestem dulcedinem gustaremus, huius vitæ amaritudines non respiceremus. Hinc Gregorius: *Cum quis æternæ patriæ quanta sit dulcedo considerat, pro ea præsentis vitæ amaritudines ardentè amat.* Et

lib. 7. mor. cap. 6. hanc modò Apostolicam rationem afferamus: *quia non sunt condigna passiones huius temporis ad futuram gloriam, quæ reuelabitur in nobis.* In quem locum obseruat Diuus Thomas,


Rom. 8. Apostolum non dixisse actiones, sed passiones, quia, inquit, passio maior est actione, ut innueret, quòd ad comparandam æternam beatitudinem, illud est dandum quod maximum est inter ea quæ ab homine dari possunt; scilicet passiones. Homo igitur patiatur, ut tali gloria potiatur: ferat, ut ad illam se conferat: subeat tormenta, ut transeat ad oblectamenta. Vnde Augustinus ad unumquemque nostrum: *Tolera, inquit, quod non vis, ut assequaris, quod vis.* Idem assignat rationem, cur

super illud Psal. In die tribulationis meæ clam. in hoc mundo tribulemur, cum ait: *Tota die tribulatio, quando in patria non est delectatio.* Id est, si patriæ cœlestis consideratione, & expectatione delectaremur, nullo modo huius vitæ molestias sentiremus.

Denotissi

Deuotissimè prolato, & inuocato sacratissimo nomine Iesu, omnis dolor, omniâque aduersa vel mitigantur, vel a quo animo feruntur.

CAPVT XVI.

A  ON solum persona Christi Iesu, sed & ipsius nominis inuocatio, & prolatio est maximæ virtutis. Romani, teste *lib. prole-* Plutarcho, Deum Romæ tutelæ *mat.*

larem nominare nefas ducebant: unde Valerium Soranum malè periisse dicitur, quod numinis nomen efferre ausus esset. Huius *lib. 28. c. 2.* autem occultationis rationem assignant Plinius, & Macrobius. Solebant enim Romani, *lib. 3. Sa-* dum hostium urbem obsiderent, euocare *tur. cap. 9.* Deum tutelarem illius urbis, illique eundem, aut ampliorem locum, & cultum promittere; quia aliter urbem capi posse non credebant. Ideo ipsi Romani Deum in cuius tutela urbs Roma erat, ignotum esse voluerunt, ne vilo modo nominari, ac inuocari posset ab hostibus, atque ita non caperetur urbs.

Occultabant ergo Romani Dei tutelaris nomen: at Deus omnipotens, non tutelaris solum, sed omnium deorum, quibus seruiebant, nomina iam obruit: nomen verò Iesu toti orbi patefecit, ut illud possit quisque

L nomi

nominare, laudare, & inuocare; ideo Angelus ad Virginem antequam Christus conciperetur; *Vocabis*, inquit, *nomen eius Iesum*. Idem dictum est Iosepho, postquam conceptus est. Quando est circumcisis, palàm *vocatum est nomen eius Iesus*. Et dum crucifixus est, concelebratum est nomen eius Iesus, imposita à Pilato supra caput eius hac insigni inscriptione: *Iesus Nazarenus Rex Iudeorum*.

Excogitabant impij sacrum istud nomen deperdere, & de medio tollere, vt Dauid in persona Christi prædixit: *Inimici mei dixerunt mala mihi, quando morietur, & peribit nomen eius*? Ieremias quoque nomine eorum inquit; *Eradamini eum de terra viventium, & nomen eius non memoretur amplius*. Non tamen Deus illorum vota impleri permisit: imò nomen Iesu filij sui ad omnem propagauit æternitatem. Quod vt perageret, trophæum Crucis erexit; vbi nomen illud maneret inscriptum, nulla vnquam obliuione delendum: & sicut quæ sunt sublimi loco posita ab omnibus cernuntur, sic nomen Iesu non in porphyreticis columnis, non in Ægyptiorum obeliscis, aut æneis statuis, vel altis pyramidibus, sed in culmine, ac throno Crucis locauit, vt sic omnibus manifestaretur, & ab omnibus honoraretur, ac inuocaretur. Debit enim illud nomen ab omnibus videri, quod ab omnibus debet proferri; ac in altum eleuari, quod à cunctis debet inuocari; & omnibus esse conspicuum; quod omnibus est proficuum.

Olim

B Ollis nomen *Jehonah* erat Hebraeis ineffabile; vel quia, ait Eusebius, non constabat, quomodo proferendum esset, vel secundum Galatinum, quia Deus trinus & vnus, qui omnino ineffabilis est, per illud nomen significabatur. Eam ob rem antiqui Iudaeorum a Mose edocti, ad designandam hanc diuinam Trinitatis & vnitatis ineffabilitatem, statuerunt hoc nomen minime proferri; sed ubique cunctique inueniretur, loco eius nomen *Adonai* pronunciarı debere. At nomen Iesu non vult Pater aeternus, vt sit nobis ignotum & ineffabile; sed notum & effabile; atque ita pronunciarı, efferri; ac inuocari possit ab omnibus. Hoc praedixerat *Isaias*: *Vocabitur tibi nomen* *Isai. 62.*
noium, quod os Domini nominabit.

Tria dicit Propheta sanctus. 1. *Vocabitur tibi*, id est, a te; quia omnis homo potest nomen Iesu vocare, & inuocare. 2. *Nomen noium*. Querit *Diuus Thomas*, an hoc nomen Iesu nouum debeat appellari, cum in veteri Testamento pluribus fuisse impositum legatur. Sed respondet idem doctor, quod his qui fuerunt ante aduentum Christi, potuit nomen Iesu, quod Saluatorem significat, conuenire secundum aliquam particularem, & temporalem salutem, quam illi hominibus attulerunt: at vero secundum rationem spiritualis, & vniuersalis omnium hominum salutis, nomen Iesu est proprium Christi; & hac ratione praedictum est, ipsum esse habiturum nomen nouum: & vocatur nouum, quia ei conuenit, quatenus homo ex tempore factus est; vel quod ex nouo in car-

nationis, & redemptionis opere accepit nominatum, & in libro vitæ tanquam omnium saluandorum caput conscriptum: vnde Diuus Bernardinus: *Nomen Iesus, inquit, primò fuit à*
serm. 1. Patre prænominatum, imò à tota Trinitate in
serm. 49. principio libri vitæ æternaliter fuit scriptum. Illud igitur Pater nominauit, in capite libri vitæ descripsit, ac nobis reuelauit, vt etiam nos illud nominaremus, scriberemus, & in omnibus actionibus, & angustiis nostris inuocaremus, cum huiusmodi inuocatio & nominatio aded sit grata & vtilis, vt dicat Bernardus: *Si scribis, non sapit mihi, nisi legam ibi*
serm. 5. in Iesum: si disputes, aut conferas, non sapit mihi,
Cant. nisi sonuerit Iesus. Diuus Augustinus etiam ante suam conuersionem hoc nomen semper sibi in veneratione, & deliciis fuisse testatur, cum ait: *Hoc nomen Saluatoris mei filij tui in*
lib. 3. Conf. ipso adhuc lacte matris, tenerum cor meum piè bi-
cap. 4. berat, & alitè retinebat: & quicquid sine hoc nomine fuisset, quamuis literarum, & expolitum, & veridicum, non me totum rapiebat. Illa autem nominatio ac huius nominis veneratio plurimum ei profuit ad conuersionem.

In nominando sacratissimo nomine Iesu, C
 ita delectabatur Diuus Paulus, vt in quatuordecim suis Epistolis illud repetat ducenties decies nouies. Maiores erant consolationes, quas in illo inueniebat, quàm afflictiones, quas pro illo tolerabat: Iesum, inquam, sæpe proferebat, pro quo libenter omnia perferebat; sic enim prædictum erat à Domino:
Act. 9. Ego ostendam illi quanta oporteat eum pro nomine meo pati. Patiebatur pro Iesu, & deliciabatur in

tur in Iesu: nominabat Iesum; & vapulabat pro Iesu; ait enim, *ter virgis casus sum*: portabat Iesum, & ligabatur pro Iesu: scribebat Iesum, & necabatur pro Iesu. Audi illum clamantem; *Non solum alligari, sed & mori paratus sum propter nomen Domini Iesu.* 2. Cor. 11. Act. 21.

Et non tantum dulce illud nomen Iesu viuendo protulit, sed & moriendo. Nam resectum eius caput Iesum protulisse referunt Historici. Quia sicut vas, vnguento odorifero imbutum, licet frangatur, semper odorem seruabit, iuxta illud;

Quo semel est imbuta recens seruabit odorem Testa diu. ----- Horat.

Ita Paulus, de quo Christus, *Vas electionis est* Act. 9. *mibi iste, ut portet nomen meum coram Gentibus, & Regibus, & filiis Israel.* Vas, inquam, rota tertij coeli elaboratum, vas quidem terreum, & fragile, coctum tamen in fornace tribulationum, tantam in illo nomine recepit fortitudinem & constantiam, ut quamuis Tyranni in ipsum defœuientes huc caput, & illuc corpus proiecerint, nunquam nomen Iesu, pro quo moriebatur, dimiserit; imò tantum vas quod suauissimum diu continuerat liquorem, licet confractum, bonum eius odorem retinens, suauitatem exhalabat.

Nec minus mirabile prodigium fuit, ter saliente Pauli capite, postquam fuerat abscissum, tres in eodem loco fontes aquarum erupisse, impleto non solum in spiritu, sed & re ipsa, quod prædixerat Isaias; *Haurietis aquas* Isai. 12. *de fontibus Saluatoris.* Est autem Iesus ille Saluator, cuius non solum persona, sed &

nominis ipsius inuocatio, & prolatio est tantæ virtutis, ut Moyses, virga in operatione miraculorum longe sit eo infirmior, & impotentior; illa enim fontem unum; nomen autem Iesu à Paulo repperitū, tres fecit scaturire, qui adhuc extant, & de quorum aqua ego ipse bibi. Celeberrimus est hic Romæ locus trium fontium; qui omnium peregrinorum concursu visitur. Itaque, illud nomen quod fecit emanare è terra fontes aquarum, faciet etiam emanare è cælo aquas consolationum, si deuotè proferatur, & inuocetur, & non tantum nobis, afferet præsentem consolationem, sed æternam saluationem. *Non enim aliud nomen est sub cælo datum hominibus, in quo oporteat nos saluos fieri; præterquam sacratissimum nomen Iesu.*

Inter nomina, quibus Deus incarnatus vocari voluit, præcipuum locum tenet nomen Iesu, quod magno pretio sibi comparauit, scilicet proprio sanguine, ac propria morte: cætera autem nomina nullo pretio, nulloque labore acquisiuit. Itaque quando illud venerabile nomen Iesu nominamus, & inuocamus, tunc passionem eius commemoramus. Est enim Iesus veluti signum illa omnia in memoriam reuocans, quæ, ut homines saluaret, admirabilia fecit Deus. Docet hoc Diuus Bernardinus. *Nomen Iesu, inquit, est signum representans tibi omnia, quæcumque Deus undique fecit propter salutem humanæ naturæ. Cum itaque Iesum nominas, liberatorem, & saluatorem dicis; Ipse enim saluum faciet populum suum à peccatis eorum.* Ergo, ut salueris,

rom. 4.
serm. 48.

Matth. I.

salueris, & ab omni malo, & angustia libereris, illud est sapissime nomen proferendum, & inuocandum, quod saluatorem & liberatorem importat. Audi Bernardum. *Cum* ferm. 15.
nomino Iesum, hominem mihi propono mitem, hu- in Cant.
milem corde, benignum, sobrium, castum, miseri-
cordem, & omni sanctitate conspicuum; eundem-
que ipsum Deum omnipotentem, qui suo me exem-
plo sanat, & roborat adiutorio. Hac omnia simul
mihi sonant, cum insonuerit Iesus; sumo mihi
exempla de homine, & auxilium à potente.

Aliqui existimant hoc nomen Iesu fuisse Patriarchæ Iacob reuelatum, & ab eo in extremis diebus vitæ suæ ægrotante inuocatum, quando scilicet inter benedicendum filios suos, dixit; *Salutare tuum expectabo, Domine:* Genes. 49. vel, ut alij cum Procopio transferunt; *Iesum tuum expectabo, Domine.* Proc. in 6. Quæ verba exponens Oleaster, ait, quod quemadmodum 49. Gen.
solent senes & ægroti inter verba suspiria
emittere; ita Iacob iam fessus, nimirum se-
nio confectus, morboque detentus hanc vo-
cem emisit ad Deum: Salutem tuam expecta-
bo, Domine. Iesum infirmus inuocabat sub nomine Saluatoris, vel salutis, docens filios suos, ac posteros sperandum esse in Iesum, illumque in omni angustia, & in omni euentu inuocandum. Vnde Gregorius: *Beati Iacobi,* Hom. 8. super Ezech.
inquit, mens ostenditur, quomodo Iesu desiderio ardebat, qui moriens expectare se perhibebat.

E Notat Diuus Ambrosius, nomen Iesu ante lib. de Spiritu sancto.
 incarnationem fuisse quasi in vase inclusum, cap. 7.
 postea verò effusum per totum orbem: vnde

*Cant. 1.
lib. 2. cap.
109.*

sponsa sic sponso suo hoc nomine insignito loquebatur; *Oleum effusum nomen tuum.* Teste Plinio, si mare intumescat, tranquillum efficitur iniectione olei: si cor nostrum affligatur, & laborum, tribulationumque fluctibus, tanquam mare æstuans conturbetur, illicò recreabitur & requiescet, si hoc oleum infundamus, id est, si deuotè proferamus & inuocemus nomen Iesu. Vnde Bernardus:

*serm. 15. in
Cant.*

Tristatur aliquis vestrum? veniat in cor Iesus, & inde saliat in os, & ecce ad exortum nominis lumen, nubilum omne diffugit, redit serenum. Labitur quis in crimen? Currit insuper ad laqueum mortis desperando? Nonne, si inuocet nomen vite, confestim respirabit ad vitam? Cui in periculis palpitanti, & trepidanti, inuocatum virtutis nomen non statim fiduciam præstitit, depulit metum? Cui quaso in dubiis æstuanti, & fluctuanti, non subito ad inuocationem clari nominis emicuit certitudo? Cui in aduersis diffidenti, iam iamque deficienti, si nomen adiutorij sonuit, defuit fortitudo?

*serm. de
Circumci-
sione.*

Audiendus est etiam Beatus ille Laurentius Iustinianus Patriarcha, qui, vt in tentationibus, doloribus, periculis, miseræque huius vitæ tempestatibus Iesum inuocemus, sic adhortatur: *Si tentaris à Diabolo, si ab hominibus opprimeris, si configeris agritudine, si doloribus fatigaris, si desperationis agitaris spiritu, si concuteris formidine, si dubietate pulsaris, Iesu nomen edicito. In arduis, in periculis, in terroribus, in domo, in via, in solitudine, in fluctibus, ubicunque extiteris, Saluatoris profer nomen. Adest enim Iesus piè illum inuocantibus, & sanctum*

sanctum nomen suum reuerenter proferentibus. Idcirco quoties tibi aliquid occurreret aduersi, dic; *Adesto mihi Iesu*. Iob audita morte filiorum, omnique sua deperdita substantia, ac toto suo vlcerato corpore, & in sterquilinum proiecto, totam spem suam in nomine Domini collocauit, dicens; *Sit nomen Domini benedictum*. Quibus verbis confortabatur, & ad omnia aduersa fortiter subeunda roborabatur, imò beatificabatur: Nam *beatus vir, cuius est nomen Domini spes eius* Psal. 39.

F Infundendum est igitur hoc oleum in tumescentes fluctus: est, inquam, proferendum, & inuocandum sacratissimum nomen Iesu, cuius inuocatione insurgentes aduersitates vel auferentur, vel patienter ferentur. Obseruat Beda, nomen Iesu apud Hebræos à littera *Iod*, & apud Græcos à *Iota* incipi, quæ utraque in sua gente denarij numeri est nota; quem quidem numerum tanti faciunt prisca scriptores, vt, teste Alexandro, illud decumanum, seu decimum vocitent, quod ingens, & amplissimum est; & præcipue inter fluctus maris, decimum obseruarunt esse maximum, quod astruit Ouidius his verbis:

Qui venit hinc fluctus, fluctus supereminet omnes: Lib. 1. de Trist.

Posterior nono est, undecimoq; prior.
& alibi sic scribit:

Vastius insurgens decima ruit impetus unda.
Hinc Gregorius Nazianzenus ait: *Doctus* lib. 10. *stor.*
Gubernator decimas undas cauet, propterea in distichis.
quod cæteris maiores & ampliores sint; quod

L s & ipse

& ipsemet Beda adnotauit, qui de mari æstuante sic loquitur. *Dein & dein fluctus ordinantur, quorum decimus est maximus.* Existente itaque maiore ac periculosiore decimo fluctu, eoque insurgente, appositè tunc infunditur oleum, vt conquiescat. Sic, quò maior fuerit tribulatio, eò crebrior debet esse inuocatio huius nominis à numero denario inchoantis, ac oleo infuso assimilati.

Familiares fuit patribus antiquis, in suis calamitatibus petere auxilium à Deo propter nomen illius. Vnde Dauid sic precabatur:

Psal. 78.

Adiuua nos Deus salutaris noster, & propter gloriam nominis tui Domine libera nos, & propitius esto peccatis nostris propter nomen tuum. Libenter nomen Iesu nominasset, si illud Dominus ei reuelasset, tunc enim cœpit inuocari,

quando cœpit reuelari: & tunc auxiliatur, quando ritè inuocatur. Multùm confidebat Augustinus in nomine Iesu; præstat illum audire deprecantem personam Iesu, propter

*de contrit.
cordis, c. 5.*

nomen eius Iesu. *Iesu, inquit, propter nomen tuum dulce, fac mihi secundum nomen tuum Iesu: respice pie miserum, te inuocantem: Iesu nomen delectabile, nomen confortans peccatorem, & nomen beatæ spei. Quid est enim Iesus? Esto mihi Saluator benignus: noli Domine, noli attendere sic malum meum, vt obliuiscaris bonum tuum: ô bone Domine Iesu, etsi ego admisi, vnde me damnare possis; tu non amisisti, vnde saluare soles. Sic ille, docens nos quomodo sit Iesus inuocandus & exorandus. Quod si illo inuocato nondum cesset quassatio & tribulatio; non propterea debet cessare huius nominis inuocatio,*

catio, quia nunquam nobis deerit, vel in
presenti, aut in futuro auxilio. Igitur sic
cum Bernardo concludam: *Semper tibi in si-* *ferm. 15. in*
nu sit Iesus, semper in manu, quod tui omnes in le- *Cant.*
sum & sensus dirigamur & actus.

*Plurimum confert conscientia munda
ad omnia aduersa patien-
ter ferenda.*

CAPVT XVII.

A



DVERTENS Diuus Grego-
rius quid possit conscientia,
ait; *Nihil poterit obesse, si sola Hom. 9. su-*
conscientia defendat. Sed non per *Ezech.*
defendet te, si accuset te, accu-
sabit te, si peccatum sit in te. Sicut enim in
externo iudicio reperiuntur accusatores qui
accusant, satellites qui ligant reum, Iudex
qui sententiam fert, sententia quæ poenæ ad-
dicat, cruciatus qui torquent: ita si culpa sit
in te, habebis intus apud te, quod acculabit,
ligabit, condemnabit, & castigabit te; *Nam, li. 25. Mor.*
inquit idem Gregorius, *conscientia accusat, & cap. 5.*
mor ligat. ratio indicat, dolor excruciat, &c.

Ipsi Ethnici agnouerunt hominem tum
à bona conscientia subleuari & defendi, tum
etiam à mala vexari. Vnde Tullius; [*Magna, Cicero pro*
inquit, Vis est conscientia in utramque par- *Milone.*
tem, ut neque timeant, qui nihil commise-
runt, & poenam semper ante oculos versari
putent,

*lib. de trā-
quil. anim.*

putent, qui peccauerint.] Plutarchus quoque conscientiam mundam ab omni labe maximum esse adminiculum affirmat: sed [vice versa, *ait*, facinorosa conscientia instar ulceris in corpore pœnitentiam relinquit in anima lancinantem iugiter, impetentem, atque excarnificantem.] Arbitrabatur insuper idem Plutarchus flagitiosos ac facinorosos homines non indigere Deo, aut homine ultore; sed perniciosam ipsorum vitam omni prauitate, impietate, ac scelere corruptam, refertam & contaminatam, satis superque ad seipsam plectendam, ac torquendam sufficere, iuxta illud Tullianum; [Sua quemque fraus & suus error maximè vexat, suum quemque scelus agitat.]

*Cic. pro
Roscio.*

Hæc malæ conscientia tormenta ex antiquis nonnulli, teste Macrobio, rectè vulturis imagine significari dixerunt, iecur Tityri perpetuò dilanantis. [Vulturem, *ait ille*, iecur immortale tondentem, nihil aliud intelligi voluerunt, quàm tormenta malæ conscientia obnoxia flagitio, viscera interiora rimantis, & ipsa vitalia, indefessa admissi sceleris admonitione laniantis.] Dicere igitur potest quisque peccator, quod Poëta de seipso,

*lib. 1. c. 10.
desom. Scip.*

*Ouid. lib. 1.
de Ponto.
lib. 3. de
summo bono.
lib. de moribus.*

----*Facto torqueor ipse meo.*

Nam, teste Isidoro, *nulla pœna grauior est pœna conscientia.* Seneca quoque quid timendum sit, ostendit. [Nullum, *inquit*, conscium peccatorum tuorum magis timueris, quàm te metipsū: alium enim potes effugere, te autem nunquā; nequitia enim ipsa est sui pœna. Consi

Libër I. Cap. XVII. 173

B Considerat Diuus Chrysostomus, quid *Epist. 7.*
 filij Iacob dixerint, dum accusarentur, quod
 aureum poculum essent suffurati; *Merito, Genes. 42.*
 inquit, *hæc patimur, quia peccauimus in fra-*
tre nostrum, &c. Quid illos torquebat? non
 furtum: non enim surripuerant huiusmodi
 poculum: & quamuis ab eis crimen illud
 exigeretur, atque ob id in iudiciũ traherentur,
 non propterea discruciabantur, quia
 illius criminis non erant conscij. Merito ta-
 men se pati fatebantur, quia in fratrem pec-
 cauerant; quod quidem peccatum nemo eis
 obieciat; nemo ab eis de illo pœnas exi-
 gebat: sed solum eos perstringebat, accusa-
 batque conscientia. Vnde, inquit ille doctor,
misericors Deus conscientiam eiusmodi accusato-
rem assistere voluit, ut nunquam soli relinquamur, in Genes.
sed illa nobis indefinenter congregiatur, claret, &
pœnam exigit delictorum, &c.

Si igitur nulla in te dominabitur iniqui-
 tas, nulla tibi nocebit aduersitas, licet tibi
 obuেনiat. Vis scire, cur Sancti gaudebant in
 medio tormentorum? Quia nulla erat in eis
 culpa, propter quam talia paterentur, ideo
 illa omnia tormenta æquo & læto animo fe-
 rebant, non enim illis nocebant, sed condu-
 cebant. Ideo optime consulit Isidorus, *Vis, lib. 3. de*
inquit, nunquam esse tristis? bene vine. Secura summo bô-
mens tristitiam leniter sustinet. Audita Diuus 110.
 Cyprianus Valeriani Imperatoris contra se
 sententia respondit; Deo gratias, quia sciebat
 se omni culpa carere.

C Vide quid de animabus iustorum dicat
 Sapiens; *iustorum anima in manu Dei sunt, & Sap. 3.*

non tanget illos tormentum mortis. Quodnam est hoc mortis tormentum, quò non sunt iusti tangendi? nunquid iusti sicut cæteri doloribus corporis, infirmitatùmque acerbitate in morte non vexantur? Inò sæpe acerbius. Tormentum igitur mortis, quò iusti non plectuntur, non est corporis, sed cordis, non est carnis, sed spiritus: tormentum, inquam, conscientia non tanget illos, cum nullo sint obstricti crimine. Illud autem malæ conscientia tormentum solet tunc magis torquere, quàm quatumcunque corporearum pœnarum acerbitas, ac ipsa animæ à corpore separatio. Audi Diuum Augustinum: *Inic*

in Psal. 45. omnes, inquit, anime humane tribulationes nulla maior est, quàm conscientia delictorum. Si enim ibi vulnus non fuerit, ubicunque alibi passus fuerit homo tribulationes, illuc confugiet, & ibi Deum inueniet: quòd si non fuerit ibi requies propter abundantiam iniquitatis, quid facturus est? quò confugiet, cum tribulationes coeperit pati? fugiet ab agro in ciuitatem, à publico in domum, à domo in cubiculum; à cubiculo iam quò fugiet? non habet, nisi interius ad cor suum. Quòd si ibi tumultus est, si fumus iniquitatis, si sceleris flamma, illuc confugere non potest; pellitur enim inde: & cum inde pellitur, à se ipso pellitur, quò fugiturus est? quocunque enim fugerit, se trahit post se, & quocunque traxerit se, cruciat se. Arcta igitur ista & vehementes omnino tribulationes sunt, &c.

in explan.
7. Psalm.
pœnit.

Idem affirmat Gregorius; Si mala conscientia tribulationem perferens, in arcano cordis Deum non inuenit, quoniam fortè recessit ab hospitio cordis pro abundantia iniquitatis, quid facturus est homo?

Liber I. Cap. XVII. 175

homo? ubi consolationem inueniet? ubi requiem perquiret? Grandis tribulatio, ubi nullus euadendi aditus, ubi nulla libertatis spes, ubi nulla crepionis fiducia. Si ad exteriora recurrit, si in transitoris consolationem quaesierit, ibi animi afflictio urgebit. Quae enim in temporalibus consolatio? quale in diuitiis gaudium? nunquid nobiscum permansurae sunt?

D Videntur isti doctores censere, nullum superesse homini refugium, si laesa sit conscientia. Ego autem dicerem adhuc illi superesse poenitentiam, ad quam tanquam ad secundam post naufragium tabulam confugere poterit, quam nullo pacto relinquere debet, donec mundetur. *Naufragus*, ait Gregorius, *ibidem*. *capient vitam in undis seruare, semel adeptam tabulam non ante dimittit, quam vehiculi praesidio adiutus optatum litus attingat, &c.*

Si igitur intra te sit fumus iniquitatis, aperienda sunt fenestrae, ut exeat fumus; aperiendum, inquam, est os tuum per confessionem, ut exeat peccata: si flamma sceleris consurgat, proficienda est aqua, ut extinguatur; effundenda sunt lacrymae. Nam *lacrime veniam non postulant, sed merentur*, inquit *Ambrosius in Lucam.* Danda est etiam eleemosyna, qua extinguuntur peccata, sacra testante Scriptura; *ignem ardentem extinguit aqua, & eleemosyna resistit peccatis.* Atque ita tua munda-bitur conscientia, quae nihil aliud est, quam scientia & testimonium animae, quo anima bene sibi conscia est, sibi que attestatur se pure & sancte iuxta Dei legem viuere.

Cum igitur magis cruciet culpa, quam poena,

de Cate-
chumenis.

pœna, purganda est sæpe anima per confessionem sacramentalem, & alia bona opera, vt ad illam sic mundatam recurrat homo in aduersitate constitutus: quia plus lætabitur ex bona conscientia inter aduersa, quàm ex mala inter prospera. Vnde Augustinus; Tu, inquit, qui veram requiem, quæ post hanc vitam Christianis promittitur, quæris, eam inter amarissimas huius vite molestias degustabis, iucundiusque ex bona conscientia inter erumnas lætaberis, quàm ex mala inter delicias, &c. Quid enim melius, quàm

Horat. lib.
1. Epist. 1.

Nil conficere sibi, nulla pallefcere culpa?

in Iob. 11.

Itaque præcedat confessio, vt sequatur E
consolatio. Exeat quod te intus torquet, vt
cesset quod foris tibi nocet. Quia, teste Gre-
gorio, vulnera clausa plus cruciant: nam cum
putredo, quæ interius feruet, desiccitur, ad salutem
dolor aperitur. Vt sit Deus consolator tuus,
esto tu accusator tui: vbi enim est culpa ani-
mam maculans, ibi non est Deus animam
consolans. Igitur, vt ingrediatur in te Deus
totius consolationis, egrediatur à te pecca-
tum sacramento confessionis. Nam, ait Au-
gustinus, antequam confitearis peccata, interclu-
seras ad te viam Dei, non erat qua ad te veniret:
confitere vitam, & aperi viam, & veniet Chri-
stus. Neque hoc latuit Poëtam cum dicat,

Ouid. lib.
10. Met.

Numen confessis aliquod patet.---

Judith 4.

1. Mach. 2.

Ad pœnitentiam tanquam ad consolatio-
nis portum confugiebant olim Israëlitar. in
afflictione existentes, vt liquet in historia
Judith, Machabæorum, & alibi: Si gens illa,
inquit Deus, pœnitentiam egerit à malo suo, quod
locutus

locutus sum aduersus eam, agam & ego pœnitentiam super malo quod cogitavi, ut facerem ei. Ioan. 3.
Ierem. 18.

Hoc antidotum Gregorius Nazianzenus commendauit populo suo, cum fruges iam maturæ grâdine percussæ fuissent. *Cum Deus,* Orat. in
plag. grand.
inquit, non nisi coactus nostris peccatis percutiat, quid afferri potest, quin natua sua bonitate utens, indulgentem se nobis prabiturus sit, modò nosmetipsi nostri miscreamur, iustisque patris visceribus viam patefaciamus, ac proinde in lacrymis seminemus, ut in exultatione metamus, peccato mœdeamur, ne cum peccato conficiamur?

F Quid præterea præstet bona, vel mala conscientia, videre licet in ipso Ioseph, & duobus illis Pharaonis Eunuchis cum ipso incarceratedis. Nullum Ioseph patrauerat crimen, idcirco nulla tristitia, nullòque mortis metu afficiebatur, quamuis carceribus mancipatus fuisset: at verò Eunuchi, quia malè sibi erant conscij, timebant, ac tristabantur. Vnde ad illos aliquando Ioseph; *Cur tristior est hodie solito facies vestra?* Si fuissent innoxij, nullo modo timuissent, nec consolatione indiguissent: nullus consolabatur Ioseph nisi propria conscientia, quæ culpa carebat. Interrogatus Bias, quidnam in vita metu vacaret, respondit: *Bona conscientia.* Genes. 40.

Quis Petrum inter catenas, & sui carceris Act. 12.
custodes tam securè dormientem non demitteretur? Iam contra eum lata erat mortis sententia, in crastinum erat iugulandus, gladius paratus, locus martyrij iam constructus, & tamen tam profundo somno sopitus erat, vt ad illum excitandum necesse fuerit latus

M eius

lib. 2. de
vita con-
temp. c. 18.

eius ab Angelo percuti; dormiebat somno confidentiæ, sciebat enim nullum se commisisse crimen: ideo non ægrè ferebat carcerem, qui etiam patienter tolerasset mortem: non dolebat, inquam, de carcere qui tam secure dormiebat in carcere. *O quantum securitatis habent, qui sibi bene sunt conscij!* inquit D. Prosper.

PROV. 15.

Bona conscientia est veluti perpetuum conuiuium, iuxta illud Sapientis; *Secura ment quasi inge conuiuium.* In conuiuium nihil triste auditur, omnia sunt læta, quandiu quis conuiuiatur, tandiu lætatur. Quodd si fortè aliquid triste annuncietur, adsunt illicò ex amicis conuiuantibus qui consolantur, quia vt plurimum solent amici vocari ad conuiuium. Si bona fruaris conscientia, iugi etiam frueris conuiuium, ad quod vocabitur patientia, quia, teste Augustino, *patientia amica est bonæ conscientia.* Si igitur tibi aliquid aduersi contingat, aderit statim amica patientia consolans te. Audi D. Bernardū; *Bona conscientia, inquit, quotidie virescit, laboribus non affligitur: afficit gaudio viuentem, consolatur morientem, &c.*

lib. de pat.
cap. 5.

lib. de conf.

ibidem.

bonæ conscientia. Si igitur tibi aliquid aduersi contingat, aderit statim amica patientia consolans te. Audi D. Bernardū; *Bona conscientia, inquit, quotidie virescit, laboribus non affligitur: afficit gaudio viuentem, consolatur morientem, &c.*

Conscientia munda non tantum consolatur, sed etiam non patitur hominem pati, quia, teste eodem Bernardo, nihil aduersi formidat. *Quid dulcius, ait, aut quietius bona conscientia, qua nec damna, nec verborum contumelias, nec quicquam aliud formidat?*

Vnde sancti viri nulla afflictionum, aut tormentorum genera timuerunt: habebant enim conscientiam placidam & pacatam, nulliusque peccati sibi consciam. Ideo non solum

solum æquanimitè illa ferebant, verum & parui pendebant; inter quos Diuus Tiburtius martyr, qui, ut habent eius acta, ad Torquatum Iudicem insultans & quasi triumphans dicebat; *Applica equitulos, suspende Christianos, damna, percutè, incende, vniuersa denique supplicia adhibe, decerne quicquid libet, omnis nobis vilis est poena, ubi pura comes est conscientia.* Tertullianus Scapulam Carthaginis Præsidentem in Christianos sæuientem sic alloquebatur; *Cum omni scititia vestra concertamus, etiam ultro erumpentes, magisque damnati, quam absoluti gaudemus.* Vnde tanta libertas, nisi ex recta eorum conscientia? Merito igitur interrogatus Periander, quid esset libertas, respondit; [Recta conscientia.] Libere enim possunt loqui, qui rectæ sunt conscientia. Hinc Plautus,

lib. ad Scap.
cap. 1.

Periander.

Qui non deliquit, decet audacem esse, & confidenter loqui. Plaut. in Amph.

G Cæterum tempore prosperitatis bene operare, ut si fortè in aduersitatem incidas, tibi sit consolatio bonorum operum recordatio; sed non poteris recordari, si neglexeris bene operari. *Felix conscientia,* inquit Hieronymus, *in Isai. lib. II.* *qua afflictionis tempore bonorum operum recordatur, &c.* Recordare præcipue tuam mundare conscientiam, ut valeas in te veram seruare patientiam: imò & murum seruare aeneum; sic enim à Poëta vocatur recta conscientia,

--- *Hic murus abeneus esto.*

Horat. lib.
I. Epist. 1.

Omnia subibis, nihil tibi noimento esse poterit, si hoc muro protegaris, qui quidem murus, si culpa destruat, pœnitentia erigatur.

M 2 tur.

tur. Si enim tibi sit munda conscientia, habebis quod consoletur te; si praua, quod cruciet te.


Nihil magis consolabatur Iob in afflictione constitutum, quàm pura conscientia, quam quidem peccatorum suorum confessione purgauerat; quod patet his verbis; *Si abscondi quasi homo peccatum meum, & celauit in sinu meo iniquitatem meam.* Quod exponens D. Gregorius, ait; *Mirentur in eo qui volunt castitatis continentiam, mirentur integritatem iustitiae, mirentur viscera pietatis: ego in eo non minus admiror confessionem humillimam peccatorum, quàm tot sublimia gesta virtutum, &c.*

Quod autem bona conscientia nihil paueat, nihilque timeat, docet Bernardus. *Quid,* inquit, *securius bona conscientia? damna rerum non metuit, nec verborum contumelias, non corporis cruciatus, quæ & ipsa morte magis erigitur, quàm deprimitur.* Huic consentit Tullius ad Torquatum scribens. [Conscientia, ait, rectæ voluntatis maxima consolatio est rerum incommodarum.] Iuuat & Diuum Chrysostomum audire ad hoc propositum loquentem, & in quo consistat tristitia, & in quo consolatio, differentem. *Nihil,* inquit, *aliud est triste, nisi Deum offendere; quod cum aberit, non poterunt tribulationes sapientem animam contristare: sed quemadmodum, si exiguam scintillam in profundum lacum deieceris, statim extinxeris; iidem & omnis tristitia superabundantia in bonam missa conscientiam, extinguuntur.*

Ad

*Ad omnes afflictiones, & persecutio-
nes fortiter subeundas plurimum
prodest sanctissimum Eucharistia
Sacramentum dignè sumptum.*

CAPVT XVIII.

A  I G N A Dominici corporis re-
ceptio vehementer accendit in
amorem Dei, & ad ardua quæ-
que pro Christo perferenda,
magnasque vires subministrat
in afflictione, vel persecutione existentibus,
tum quia typus est Dominicæ passionis ra-
tione sacrificij incruenti, in quo Eucharistia
conficitur, tum quia Christus mandauit il-
lud in memoriam suæ passionis offerri & su-
mi. Poterat quidem Dominus hoc venerabi-
le Sacramentum alio tempore instituere: ve-
rùm tempus suæ passionis expectauit, qua
imminente illud instituit, eoque suos mu-
niuit discipulos; & quid dico discipulos?
Imò seipsum seipso, si sic fari liceat, robo-
rauit, vt ostenderet eo etiam nos esse mu-
niendos urgente aliqua afflictione, aut per-
secutione. Idcirco, cum olim à Tyrannis fi-
deles ad tormenta, & cædem propter Chri-
stiani nominis confessionem vulgò raperen-
tur, ne illi fortè dolorum acerbitate victi in
salutari certamine succumberent, vetus in
Ecclesia Catholica mos fuit, vt his Sacra-

mentum Dominici corporis præberetur. Vnde Cypranus : *Cum ad hoc*, inquit, *fiat Eucharistia*, ut possit accipientibus esse tutela, quos tutos esse contra aduersarium volumus, munimento Dominica sacritatis armemus. Et alibi sic scribit, *Idoneus esse non potest ad martyrium, qui ab Ecclesia non armatur ad prælium : & mens deficit, quam non recepta Eucharistia erigit & accendit*. Quod igitur vires suppeditat ad fortiter, & alacriter ferendum martyrium, conferet etiam ad quascunque tolerandas tribulationes.

Quod iste panis Eucharisticus habeat vim corroborandi, indicant diuersæ versiones istius versiculi ; *Et erit firmamentum in terra in summis montium* : ubi alia translatio habet secundum Chaldaëum ; *Erit substantificus panis in terra*. Alij sic legunt ; *Erit fulciens*, scti, *confortans panis in terra*. Quidam verò sic vertunt ; *Erit panis robustorum in terra*. Vnde alibi vocatur panis fortium, ut notat Diuus Hieronymus, qui etiam hæc verba Dauidis ; *Panem Angelorum manducauit homo*, sic vertit ex Hebræo ; *Panem fortium manducauit homo*. Et vocatur panis fortium ab effectu, quia fortes illum dignè sumentes efficit ad omnia aduersa subeunda. Hinc Diuus Thomas asserit, ideo Christum Dominum istud Sacramentum instituisse in pane triticeo potius quam in hordeaceo, quia frumentum magis hominem confortat, ad denotandum hunc huius Sacramenti effectum.

Secundum eundem doctorem Angelicum, præfigurabatur olim huiusmodi effectus subcineri

cineritio pane, quo Elias ex persecutione impiæ Iezabelis de via fessus ministerio Angelorum pascus est, sic ut quadraginta dierum inediam sustinuerit. Quid enim aliud designat panis subcineritius, nisi corpus Domini sub cineribus specierum panis delitescens? Si sola figura tunc Prophetam roborauit, quid modo veritas? Hoc etiam patet in alio huius Sacramenti typo, scilicet manna, quod vires integras & sanitatem fumentium conseruabat, fortésque reddebat, ac erat facillimæ decoctionis. Nam, ut notat Genebrardus in Psal. 77. post Abulensem, totum sine excrementis in membrorum vertebatur substantiam. Quales vires dignè fumentibus non præbebit ipsa met veritas, istud, inquam, Sacramentum de illo sic Laurentius Iustinianus, *Hoc Sacramentum est tanquam cellarum quoddam omnium aromatum in se continens pretiositatem & virtutem. in ipsum qui ingrediuntur, refocillantur ab omni fatigue, nec deficiunt, donec præsentis vitæ sermone finiatur.* *de discipl. & perfect. Monast.*

C Multa occurrunt exempla, quibus vis & efficacia nutriendi & corroborandi huius diuini Sacramenti comprobatur. Narrat: Socrus in Prato phronius, Petrum Ponticum sumpta Eucharistia in monte Sina, vsque Alexandriam longo & locorum & temporis intervallo emenso, absque vilo cibo, potuque perrexisse. In agro Tullenfi puella quædam, teste Fulgoso, duodecim annos nata, sumpta tantum sacra hostia sine alio cibo & potu triennium vixit. Idem scribit sua tempestate compertum, ut Perusij Palumba mulier lu-

ibidem.

teramnensis annos nata viginti, ipsa Eucharistia, nullo alio sumpto cibo, septem annos vixerit : quod Innocentius Octauus Ponti-

*Vuernerius
in fasciculo.*

fex re diligenter quæsitâ inspexit. Heremita quidam valdè pius Suitensis nomine Nicolaus, sola Eucharistia apud Heluërios prope Vnderualdem singulis mensibus sumpta, annos quindecim, nullo prorsus alio sumpto cibo, vixisse traditur circa annum Domini 1465. Beata Catharina Senensis, sola Eucharistia sumpta diu vixit, vti Pius Secundus suis literis in eius canonizatione testatus est. Ita fit, vt is qui aliis cibis vim alendi contulit, ipse longè excellentior sit homini cibis nutriendis, roborans, & diu seruans, maxime quando sic expedire cognoscit.

*lib. 9. hist.
cap. 5.*

Placet hic referre, quod ab Eusebio refertur de sancto Luciano presbytero & martyre, qui cùm in carcere esset supinus, substratis acutis testulis, & pedibus in cippum iniectis, atque distractis, sine cibo & potu, sacram Eucharistiam ardentè desiderabat, & suspensis discipulis quomodo altare illuc inferrent, ait : Mensa erit nobis hoc pectus meum; templum verò sanctum vos mihi eritis, me omni parte circundantes. Impositis igitur suo pectori signis diuini sacrificij, sublato in cælum obtutu, & sacro ritu precibus peractis, & ipse fuit particeps Sacramentorum, & aliis distribuit, quibus maxime confortatus, tandem in hac voce, *Christianus sum*, emisit spiritum. Fœlix, in cuius pectus intrauit hostia, quæ supra idem pectus fuerat consecrata, & quæ illum interiùs roborauit,

borauit, qui eam exterius portauit: diuinus ille cibus suam reficiebat mensam.

D Valde expendenda sunt hæc Christi verba; *Qui manducat meam carnem, & bibit meum sanguinem, in me manet, & ego in eo.* *Ioan. 6.* Quidam sic interpretantur, *in me manet*, quasi gutta aquæ cum intrat in mare: & *ego in eo*, sicut virga ferrea fortis in arundine. Gutta aquæ, si seorsum & in se sola existat, tenui vento, aut modico calore siccat, & consumitur: at verò, si in mare iniiciatur, diu conseruabitur. Sic quamuis homo per se fragilis sit, potest tamen sumpto hoc Sacramento in Christo existere, ac proinde quibuscunque tentationibus resistere. Et sicut arundo, licet debilis sit, omnique vento agitur, tamen, si intra illam virga ferrea includatur, facile poterit quoscunque ventorum impetus repellere: sic homo per susceptionem huius Sacramenti habens in se Christum, fortior efficitur ad omnes subeundos labores. Vnde Beda; *Si tentatio pulsauerit, inhareamus stabili corde Sacramento nostræ redemptionis.* *Beda lib. 3. in Lucam.*

Vis adhuc scire quid Christus efficiat dum manet in nobis? Audi Cyrillum; *Sedat sauetum membrorum nostrorum legem, pietatem corroborat, & perturbationem animæ extinguit.* *lib. 3. in Ioan.* Itaque si aliqua animi mœstitia afficiaris, aut aliqua calamitate premaris, sume hoc Sacramentum, & inuenies medicamentum: nam secundum Ignatium, *Eucharistia est pharmacum immortalitatis, mortis antidotum, medicamentum purgans vitia, & omnia pellens mala.* Pergat ager ad medicum, pauper ad diuitem,

M s tem,

tem, afflictus ad fontem torius consolationis, & dicat assumpto, postquam dignè sumplerit; *Non timebo mala, quoniam tu mecum es.*

Psal. 22.

Asserit Plinius carnes ceruorum manè sumptas habere vim expellendi febres, corpusque corroborandi, aitque suo tēpore fœminas quasdam à febribus præseruatas, quòd ceruorum carnem degustare solitæ essent

lib. 8. c. 32.

quotidie. [*Quasdam, inquit, fœminas scimus omnibus diebus matutinis carnem ceruorum degustare solitas, longo æuo caruisse febribus.*] Nōne Christus cerua matutina dicitur, iuxta versionem Diui Hieronymi in titulo Psalmi vigesimi primi? Nam, quemadmodum mitis cerua à venaticis exagitur canibus; sic Christus matutino tempore à rabidis vexatus hominibus, domum Pilati adductus, verberibus laniatus, ad Crucem perlatus est. Vox mitissimæ huius ceruæ hæc est; *Circumdederunt me canes multi.* Heu quot illam canes circumdederunt! quàm sauos diuino illi corpori dentes infixerunt! nec verò ab ea insectanda destitere, quousque vitam eripuerunt: huius autem ceruæ carne qui pascitur, à diris peccati febribus præseruatur, ac consequenter agilis fortisque efficitur: scribit enim idem auctor, ceruos febrium non sentire morbos. Hinc Bernardus: *Si quis, inquit, vestrum non tam sape modo, non tam acerbos sentit iracundiæ motus, inuidiæ, aut ceterorum huiusmodi, gratias agat corpori, & sanguini Domini, quoniam virtus Domini operatur in eo.*

Psal. 21.

Circumdederunt me canes multi. Heu quot illam canes circumdederunt! quàm sauos diuino illi corpori dentes infixerunt! nec verò ab ea insectanda destitere, quousque vitam eripuerunt: huius autem ceruæ carne qui pascitur, à diris peccati febribus præseruatur, ac consequenter agilis fortisque efficitur: scribit enim idem auctor, ceruos febrium non sentire morbos. Hinc Bernardus: *Si quis, inquit, vestrum non tam sape modo, non tam acerbos sentit iracundiæ motus, inuidiæ, aut ceterorum huiusmodi, gratias agat corpori, & sanguini Domini, quoniam virtus Domini operatur in eo.*

ibidem.

serm. 1. in Cæna Domini.

Hom. 49. in Ioan.

Assumat Diuus Chrysostomus, quòd ingredien-

grediente in nos corpore Christi, statim in fugam dæmones vertuntur, qui solent tentare nos, & ad impatientiæ motus impellere, qui præsentiam Christi verentur: Angeli verò concurrunt tanquam Dominum suum comitantes. Pulsis igitur malignis spiritibus, & præsentē Dominō cum Angelis suis, cur times? cur doles? Non timebat Iob iuxta Dominum positus; *Pone me iuxta te, & cuius iob. 7.*
iussus manus pugnet contra me. Quasi dicar; insurgant aduersitates, vrgeant dæmones, sæuiant homines, omnis denique in me irruat dolor, horum nihil ego verebor, dummodo, Domine, sim iuxta te. Sume hoc Sacramentum, & eris non tantum iuxta Dominum, sed intra Dominum, qui proteget, consolabitur & roborabit te. Nam qui viuit propter Christum, libenter patitur propter Christum: ille autem viuit propter Christum, qui manducat Christum. Audi dicentem; *Qui manducat me, & ipse uiuet propter me. Ioan. 6.*
 Quia sumendo hoc Sacramentum non mutatur Christus in nos, sed nos in Christum, iuxta illud Augustini inducentis Christum loquentem sibi; *Non tu me in te mutabis, sicut lib. 7. Conf.*
cibum carnis tuæ, sed tu mutaberis in me. O fac cap. 10.
 licem mutationem! mutatur homo in Christum, id est, fit Christo similis. Fuit autem Christus patiens, libenter omnia opprobria, alapas, flagella, ac mortem sustinuit: similiter fiet patiens, libenterque sustinebit, qui illum dignè manducabit.

F Cuiusdam mensæ Solis meminit Diuus in Epist. ad Hieronymus, dum ait. *Apollonius perrexit Paulinum, Aethio*

Æthiopiam, ut Gymnosophistas, & famosissimam Solis mensam videret in Sabulo. In ea noctu à diuitibus apponebantur cibi: deinde Sole lucescente, licitum erat omnibus indigenis ad illam accedere, cibosque capere, ac illis vesci & refocillari; de illa sic Herodotus. [Solis, inquit, mensa talis esse memoratur. Est in suburbanis pratum omnium quadrupedum assa refertum carne, quam per noctem singuli ciuium magistratus properant ponere, ad eamque, vbi illuxit, cuilibet epulatum licet accedere. Hæc autem à terra red-di assidue indigenæ aiunt.] Vnde Cælius ait diuitum domos, omni rerum copia affluentes, expositasque inopum necessitatibus, atque alimentis, rectè dici mensam Solis. Sed multò rectius famosissima mensa Solis, maximi Solis, id est, Christi, mensa appellari potest, quam ipsemet noctu, hoc est, in qua nocte tradebatur, nobis parauit; ut postea ipso lucescente, id est, resurgente ad illam accederemus, non carnes assas, sed ipsummet Christum manducaturi: de qua mensa sic Psalmista; *Parasti in conspectu meo mensam aduersus eos qui tribulant me.*

Non timebant antiqui ad mensam accumbentes, quia Deos suos mensæ adesse credebant: ait enim Plautus,

Mos erat & mensa credere adesse Deos.

Nihil nobis timendum occurret, si ad hanc mensam accedamus; in ea enim Christus adest, manducatur & consolatur, sumitur & non consumitur. Mensa secundum Varro-nem, quasi mesa, id est, media, dicitur, quia inter

Herodot.
lib. 3.

lib. 29. lect.
Antiq.

1. Cor. 11.

Psal. 22.

Plaut. Me-
nach. sc. 1.
act. 1.

Varro.

Liber I. Cap. XVIII. 189

inter duos statuitur : mediante hac mensa, id est, mediante huius Sacramenti susceptione fortes, & generosi efficimur ad omnia aduersa subeunda. *Medius vestrum stetit.* Non *Ioan. 1.* accedet ad te malum, nullæque tibi nocebunt aduersitates, si inter te & illas hæc mensa, vel Christus medius steterit. Dico etiam quoddam mediante hac mensa, Christus nobis vnitur, vel potius nos Christo; nam secundum Chrysostomum, *hæc mensa est fiducia vinculum, nervi mentis.* *Hom. 24. in 1. ad Cor.*

Inualuit quondam vsus, vt milites fortes, & præliis explorati ad liberum conuiuium, & mensam reciperentur : vnde narrant historici, Rodericum de Biuar habuisse mensam rotundam à maioribus nostris valde celebratam, ad quam accumbere solum licebat ducibus, ac militibus animo & rebus gestis præstantibus. Verum aliam Christus in Ecclesia mensam erigit longè pretiosorem: nam illa, de qua diximus, non faciebat conuiuias ex ignavis fortes, vel ex imbecillis firmos: sed illos iam strenuos ac præstantes tantum admittebat. At Christi mensa, in qua caro eius sumenda proponitur, ideo parata est, vt fortes & generosi Christiani efficerentur, atque aduersus visibiles & inuisibiles hostes armarentur. Vnde Chrysostomus sic Christum loquentem inducit; *Ego Hom. 61. carnis meis vos alo, & meipsum vobis appono, ad pap. vos omnes generosos esse volens.* Cui non afferet robur tam eximij roboris cibus? Quem non faciet fortem panis fortium? Quem non reddet generosum, animoque forti excelsum,

ibidem.

sum, & caducarum rerum contemptorem, aded generosa mensa : à qua, teste eodem doctore, *tanquam leones ignem spirantes recedimus facti diabolo terribiles.*

Hinc est, quòd in primitiua Ecclesia fideles sumpto hoc diuino Sacramento tanta erant fortitudine præditi, vt nulla vi, nullis cruciatibus, nulla Regum, & Imperatorum potentia superari potuerint. Mulieres ipsæ, ac teneræ virgines, pueri, & impuberes maxima cum animi alacritate ad vincula, ad tormenta, & ad mortem tanquam ad conuiuia properabant. Propterea, si aliqua aduersitate premaris, præmissa integra omnium peccatorum tuorum confessione, accede humiliter ad hanc mensam, & sume hoc venerabile Sacramentum, &, teste eodem Chrysostomo, *tribulationes efficientur consolationes*; præcipuè, si cogitaueris te illud recipere corpus, quod pro te flagellatum est, spinis coronatum, & cruci affixum: & quod, sicut prius voluit accipi & manducari, quàm pati, ita illud accipias, priusquàm patiaris, vel dum pateris: vt ipsa passio tua sit consolatio; quia ideo Christus tibi seipsum præbuit, vt illius

1. Cor. II. passionis recordareris: *Quotiescunque enim manducabitis panem hunc, & calicem bibetis, mortem Domini annunciabitis.* Sicut igitur instituto hoc Sacramento, & discipulis exhibitto, libenter Christus pro nobis quæque tormenta passus est; ita sumpto eodem Sacramento, patienter pro eo omnia aduersa feramus. Vis autem scire, qua de re tantum dolere debeas? Audi eundem doctorem;

Vnus

*Vnus sit nobis dolor, una mœstitia, si hoc alimen-
to spiritali priuemur. Quia tunc robore & ani-
mi viribus ad subeundas quascunque tribu-
lationes, priuaremur.*

*Hem. 60.
ad pop.*

*Illi sunt reuocandi in memoriam, qui
multa patienter tolerauerunt in-
commoda, vt illorum exemplo, si-
milis aequo animo feramus.*

CAPVT XIX.

A



V X T A Senecæ dictionem, *Epist. 25.*

prodest sine dubio habere
quos respicias: & præcipue,
si eadem, quæ nos ipsi pa-
tiantur, vel passi sint. *Nam, Hom. 1. ad*

*ait Chrysostomus, molestiarum communicatio popul.
quandam affert lapsis consolationem.* Volantia
animalia se vicissim alis suis feriunt; atque
hoc pacto ad volandum excitantur: ille te
ala sua percutit, qui, verbi gratiâ, exemplo
suarum patientiæ te ad similia ferenda accendit.

Olim Miltiades Imperator Atheniensium, *Philo in
vt scribit Philo, quando Rex Persarum tam
lib. cui ti-
multa millia traiecit in Europam, quasi ad
ratus. Quod
primum clamorem oppressurus Græciam, oronis pro-
conuocatis sociis pugnantes gallos gallina- bus est li-
ceos ostendit, ratus hoc spectaculum maio- ber.
rem vim habiturum ad permouendos ani-
mos Græcorum, quam orationem; nec eum
fessellit*

sefellit sua opinio, spectata in brutis patientia, pertinacique contentione, usque ad necem pugnantibus, inuicto pectore, correptis armis eam expeditionem susceperunt contemptis mortibus & vulneribus. Sic Philo. Huiusmodi milites ad pugnam animabantur propositis gallis illis pugnantibus. At nobis non galli gallinacci, nec alia bruta animalia, sed homines exhibentur dimicantes, tormenta, ludibria, conuicia, filiorum mortem, bonorum iacturam, ac similia mala, imò mortem ipsam fortiter & a quo animo ferentes, ut illorum exemplo, similia simili animo ipsi feramus.

Referunt historiographi nonnullos etiam inter Gentiles forti animo ad supplicia corpora sua tradidisse: nam Mutius dextram suam comburendam libens in ara reliquit; Empedocles totum se Catanensium Ætnæis incendiis donauit.

Regulus, ne vnus pro multis hostibus viueret, toto corpore cruces patiebatur; ideo *Apol. c. 50.* illum in captiuitate victorem appellat Terullianus.

Anaxarchus Philosophus; teste Laërtio, dum à Nicœcreonte quasi in mortario pila contunderetur, sic exprobrando Tyranno loquebatur. Tunde, tunde Tyranne follem, Anaxarchum enim non tundis; follem vocans corpus suum, Anaxarchum verò animam, vel potius animos, quos gerebat excelsos.

Quid Atticam meretricem memorem, quæ carnifice iam fatigato linguam suam postre

postremò in Tyranni sæuientis faciem expuit, vt expueret & vocem, ne coniuratos confiteri cogeretur?

Laudatur & animi fortitudo Zenonis Eleatis, qui à Dionysio interrogatus, quidnam Philosophia præstaret, cùm respondisset, contemptum mortis, impassibilis flagellis obiectus, sententiam suam ad mortem vsque signabat.

Quales non pertulit ærutinas celeberrimus ille Socrates, cuius exemplo, ait Apuleius, & commemoratione in nos ipsos erigimur? Talia illi pro se ipsis ad inanem quandam laudem comparandam, patiebantur: fortem igitur illorum animum, non inane eorum intentum, imitemur.

B Nonnullos etiam nobis proponamus ex tot Sanctis, qui pro Deo, & perenni ac cœlesti gloria tam multa incommoda sunt perpessi; nam, teste Chrysostomo, *ideo Deus Sanctos tribulari permittit, vt reliqui in gratia pop. incidentes, sufficientem mitigationem, & consolationem habeant in eos respicientes.* Veniat imprimis Abel ante oculos, qui & occisus à fratre scribitur, & non legitur reluctatus: Iacob ad memoriam reducatur, qui iam multos perpeffus labores, iram etiam fratris sui potius eligebat mitigare, quàm fratrem superare: Ioseph ad mentem redeat, qui à fratribus venditus, à sua domina falsò accusatus, & in carcerem coniectus, semper fuit patienti animo, atque ita membra sua nouerat regere, vt regenti quoque Ægyptum præfuerit: Moysen & Aaronem ante oculos deducamus,

N qui

*lib. 1. in
Ezech.*

qui persecutionem populi passi sunt, ad tabernaculum concurrerunt pro ipso populo exorantes, quem fugiebant. Sancta autem eorum mens & tumorem superbientium pertulit, & tamen contra eos ad odium non erupit. *Nam, ait Gregorius, patientia vera est, quæ & ipsum amat quem portat: nam tolerare, sed odisse non est virtus mansuetudinis, sed velamentum furoris.* Samuelem cogitemus, qui de principatu deiectus à populo, cum idem populus petiisset, ut pro eo ad Dominum preces funderet, respondit; *Absit à me hoc peccatum, ut cessem orare pro vobis.* Iudicabat enim peccare pro inimicis non orare. Dauid ad memoriam deducatur, qui persequentem Regem cum posset occidere, bonum elegit, quod ipse facere tenebatur, non malum, quod ille pati merebatur, dicens: *Absit à me & mittam manum meam in Christum Domini;* atque eum, quem persecutorem dum viveret pertulit, fleuit occisum.

3. Reg. 8.

2. Reg. 13.

Porro, si filius, frater, aut aliquis ex parentibus, vel amicis tuis repentina, aut turpi morte sublati sunt, aut soror tua fornicata fuerit, veniat tibi illico in mentem idem Dauid, cuius filius Ammon propriam sororem Thamar violavit, propter quod & ipse iussu fratris sui Absalon interfectus est: ac tandem ipse Absalon propriis capillis suspensus, lanceis fuit confossus, & sic misere periit; quæ omnia Dauid patienti animo tulit.

Si ignis domum tuam absumpsit, vel latrones substantiam tuam deprædati sunt, aut
si ali

Liber I. Cap. XIX. 195

si aliquod aliud tibi infortunium obuenerit
propone tibi Iob in sterquilinio iacentem,
gravi vlcere percussum; omni medicamine,
imò & linteamine carentem, testa saniem ra-
dentem per putredinem defluentem, liberis
& omni substantia orbatum, ab amicis dere-
lictum; præterquàm duris & importunis,
eum potius ad desperationem inducentibus,
quàm consolantibus; omni ope & auxilio
humano destitutum, à propria vxore deri-
sum. Ille erat, qui, vt observat Gregorius, à *lib. 3. Mor.*
Domino laudabatur, & tamen plagis vsque *cap. 5.*
ad sterquilinium sternebatur. Et, vt cum Au-
gustino loquar; *Humiliatus videbatur Iob per-* *in Psal. 30.*
ditâ substantia sua, perditis filiis suis; perditis
quæ servabat, perditis quibus servabat, remansit
sine hereditate, & quod tristius est, sine herede:
remansit ad solum uxorem, non suam consolatri-
cem, sed diaboli potius adiutricem. Hæc autem
omnia patienti animo tulit. Si captiuitate,
paupertate, aut cecitate premaris, veniat ti-
bi in mentem Tobias similia passus, & cui,
teste Scriptura, ideo hæc acciderunt, vt po-
steris patientiæ præberet exemplum. Hanc *Tob. 2.*
autem temptationem ideo permisit Dominus eueni-
re illi, vt posteris daretur exemplum patientiæ
eius, sicut & sancti Iob.

C Propterea Origenes sic de sanctis viris lo-
quitur; *Incedant primi armati: ipsos enim nobis* *Orig.*
proponimus, & videntes fortia eorum facta, ad
prelium spirituale armamur, & dimicamus. Pro-
cedant igitur illi, quos Apostolus tam grauiâ
sustinuisse commemorat, quorum alij distenti
sunt, &c. Alij verò ludibria & verbera experti, *Heb. xi.*

in super & vincula, & carceres, lapidati sunt, secti sunt, tentati sunt, in occisione gladij mortui sunt, circuierunt in melotis, in pellibus caprinis, egentes, angustiiati, afflicti, quibus dignus non erat mundus, in solitudinibus errantes, in montibus, & speluncis, & in cauernis terra.

Loquitur hîc Apostolus de multis sanctis viris veteris Testamenti, quorum aliqui *distenti sunt*, vel secundum Græcum, *tympanizati sunt*: vbi nota tympanum fuisse genus tormenti, quo homines fortiter & rigidè distendebantur quasi in equuleo, & pulsabantur vti pelles distentæ in tympano. De illorum numero fuit Eleazarus, qui *voluntariè præibat ad supplicium*: Græcè, *ὁτι τὸ τύμπανον*, id est, *ad tympanum*: & septem fratres Machabæi, quos Antiochus Epiphanes dire cruciauit *flagris & taureis*, id est, neruis & loris-taurotorum: in tympano enim & flagris, lorisque cædebantur, & fustibus pulsabantur & baculis, saxis, malleisque tundebantur, & quasi tympanum omnium verberibus cruciatibusque obiciebantur.

Alij verò ludibria & verbera experti, in super & vincula, & carceres. Talis fuit Ieremias, qui cùm rebellibus Iudæis minaretur excidium Hierosolymæ, ab eis durissima est passus, scilicet probra, alapas, verbera, famem, carcerem, sæpe à toto populo reus mortis est proclamatus, ac tandem lapidibus obrutus martyr occubuit. Itaque Ieremias Christi à Iudæis afflicti expressissimus typus extitit, ac meritò ab Isidoro Pelusiota calamitosissimus *lib. 1. Epist.* nuncupatur. Talis quoque fuit Michæas, qui quòd

quòd cladem prædiceret Achab Regi, ab eo in vincula coniectus, & à pseudopropheta irrisus & verberatus est. Dicat igitur Climacus; *Parit talia certamina superna peregrinatio: Climac. magnorum enim reuera est pari à suis ludibria.*

Lapidati sunt, vt Naboth procurante Iezabele, & Zacharias filius Ioiadæ Pontificis, aliique multi. De Zacharia sic Tertullianus: *Zacharias, inquit, inter adem & altare occiditur perennes cruoris sui maculas silicibus assignans.*

Sæti sunt. Talis fuit Isaias, quem tradunt Hebræi serra dissectum esse à Manasse, quòd eius & Principum vitia acrius, & sæpius ob- iurgasset. Idem tradit Epiphanius, & Sanctus in vita Thomas; dicunt autem serram illam fuisse ligneam, nimirum vt Isaias, qui nomine suo, Iesu Saluatoris nomen & aduentum figura- bat, morte quoque sua materiam & formam crucis in lignea serra figuraret; vnde carmen:

*Quem populus sectum ligno sine labe repertum,
Immeritum demens crudeli morte peremit.*

D *Tentati sunt*, scilicet alij grauibus & diu- turnis calamitatibus, vt Iob: alij persecutio- nibus, exiliis, fame, & penuria, vt Propheta sub Iezabel: alij per arduam obedientiam, vt Abraham: alij omni pœnarum genere tenta- ti sunt, vt præfati Machabæi; sed fide & spe cœlestis gloriæ has omnes tentationes vicerunt.

In occisione gladij mortui sunt. Tales fuerunt Israëlita illi in persecutione Antiochi, de quibus dicitur: *Fiebant ergo cades iuuenum & seniorum, & mulierum, & natorum exterminia,*

virginumque & patrumque necesse; erant autem
 toto triennio octoginta quinque millia interfecti.

Circueverunt in meloris, &c. Melota dicitur
 ovina pellis, aut potius exuvium, hoc est, pel-
 lis corpori ovæ detracta vna cum lana. Nam
 μέλον Græcè vocatur ovæ. Adde melotem
 per catachrésim cuiusvis quadrupedis pel-
 lem significare. Hoc vili & aspero amictu
 utebantur olim Elias, Elisæus, multi que alij
 Prophetæ, tum quia Achab, Antiochus &
 alij ad extremam paupertatem eos adige-
 bant, ut homines & hominum solatia fuge-
 re, atque in montibus & speluncis instar fe-
 rarum oberrare & latere cogerentur: tum
 quia hoc suo vili habitu volebant docere
 homines, luxum vestium esse spernendum.

Vide hîc quanta sint passi sancti veteris
 Testamenti, qui nondum viderant Christum
 passum, quid si vidissent? Vis videre quanti
 Christiani in primitiva Ecclesia pro fide
 Christi passi sint? Audi Tertullianum, ad

lib. ad Scap. Scapulam Præsidem. Quid facies de tantis
 Præsi. c. 5. nullibus hominum; tot viris ac fœminis, omnis

sexus, omnis ætatis, omnis dignitatis, offerentibus
 se tibi? quantis ignibus, quantis gladiis opus erit?

Indigebat potius Tyrannus instrumentis tor-
 quentibus, quàm Christianis illa subire vo-
 lentibus: plures erant martyres, quàm mar-

lib. 1. offic. tyria; & ut cum Ambrosio loquar, defecerunt
 cap. 41. supplicia, cesserunt tortores, non defecerunt mar-
 tyres.

Epist. ad Audiamus Divum Cyprianum de marty-
 marty. & ribus sui temporis sic scribentem. Steterunt
 confessores. tortorquentibus fortiores, & pulsantes ac lamian-
 tes

res ungulas pulsata ac laniata membra vicerunt. Inexpugnabilem fidem superare non potuit diu re-
petita plaga: quamvis rupta compage viscerum
torquerentur in seruis Dei iam non membra, sed
vulnera; fluebat sanguis, qui incendium persecu-
tionis extingueret, qui flammam & ignes gehennæ
glorioso cruore sopires.

E Dico itaque, si senex sis, & aliquid triste
patiaris, vel aliquid tibi præter, aut contra
voluntatem obueniat, propone tibi Eleaza-
rum illum, virum ætate prouectum, & vultu
decorum, qui mortem fortiter maluit subire,
quàm turpiter patriis legibus contraire; qui-
que, teste Scriptura, *intuens quemadmodum* 2. Mach. 6.
oporteret accedere, patienter sustinens, destinauit
non admittere illicita propter vitæ amorem. Defi-
cientibus autem propter nimiam ætatem
corporis viribus, noli animo deficere, cuius
tantò virtus est validior, quantò corporis de-
bilior.

Si iuuentutis flore gaudeas, considera,
quid in illa florescente ætate subierint se-
ptem illi fratres Machabæi; qui, ait Grego- cap. 7. orat.
rius Nazianzenus, *t tormenta quasi thesauros* 20. de Ma-
præcipientes, pro magistra lege pericula subeuntes, chab.
quæ non magis illata formidabant, quàm relicta
requirebant. Illis enim fuit lingua amputata,
& cutis capitis abstracta, postmodum præ-
cisus manibus & pedibus sarragine torrerii
iussi sunt; quæ omnia pro Deo obseruandæ
legis gratiâ libenti animo subierunt.

Si mulier existas, reuoca in mentem, quid
mater illorum septem filiorum præstiterit,
quidque tam in se, quàm in filiis pertulerit.

lib. 1. off. *Qua, ait Ambrosius, spectabat lata filiorum quot
cap. 41. funera, tot trophæa; & morientium vocibus, tanquam psallentium cantibus delectabatur, pulcherrimam ventris sui citharam in filiis cernens, & pietatis harmoniam omni lyra numero dulciorem.*

O virilem animum in muliebri corpore!

2. Mach. 7. *Nam, sacra testante historia, singulos illorum hortabatur voce patria fortiter, repleta sapientia, & feminea cogitationi masculinum animum inferens, &c. nouissime ipsa post filios consumpta est.*

Si adhuc puerascas, vel adolescas, ferto E
patienter eas quæ tibi euenient aduersitates,
& scito multos tuæ ætatis non tantum mundi illecebras spreuisse, sed & multa tormenta subiisse. De Diuo Pancratio legitur, quod nobili genere natus annorum duntaxat quatuordecim Romam se contulit, ubi suscepto baptismo, postea virili fortitudine pro Christo ceruices præbuit, ut illustrem martyrij coronam consequeretur. Recordare etiam illius adolescentis, quem Diuus Hieronymus laudibus celebrat, qui seruandæ pudicitia gratiâ, linguam expuit in faciem blandientis mulierculæ illum tentare satagentis.

lib. 1. de *Si puella sis, vna tibi veniat in mentem,
virg. Virgo scilicet Agnes, quæ vix tredecim annos nata, non habuit, inquit Ambrosius, in suo corpusculo quo ferrum reciperet, habuit quo ferrum vinceret. Hæc inter cruentas carnisicum impauida manus, hæc stridentium granibus immobilis tractibus catenarum, nunc fureptis mucroni militis totum offerre corpus, mori adhuc nescia, sed parata; vel si ad aras inuisa raperetur, tendere Christo*

Christo inter ignes manus, atque in ipsis sacrilegis focis trophaum Domini signare victoris, nunc ferratis colla manisque ambas inserere nexibus: sed nullus tam tenuia membra poterat nexus includere. Corpus autem suum volebat perire, quod amari poterat oculis, quibus ipsa nolebat. Tandem stetit, orauit, ceruicem inflexit, virgo permanfit, & martyrium obtinuit. Hæc potuit & voluit puella subire in illa tenera ætate; quare non tu in eadem, vel in maturiori tolerabis ea quæ tibi aduenient aduersa? Audi Augustinum tuam socordiam arguentem. *Tu non potes? quare ille potest? quare alter potuit? nunquid tu infirmior es illo, aut illo in valetudine? nunquid tu infirmior es feminis? femina potuerunt, viri non possunt?* in Psal. 119.

G Si cogaris manere sub dio, extra ciuitates, oppida, omniâque ædificia, vino carere, cibisque priuari delicatis, ac mollibus vestimentis, quibus alij abundant, atque vtuntur, mentis oculos in Ioannem reducito in eremo commorantem, rigida veste indutum, pauperem vitam degentem, ab omni lautitia abstinentem, à deliciis segregatum, ac tandem capite truncatum. Illum miratur Diuus Gregorius: miremur & nos, & imitemur. *Non sine grauissima admiratione*, inquit ille lib. 3. Mor. doctor, perpendo, quod ille prophetia spiritu intra matris uterum impletus, atque, ut ita dixerim, priusquam nasceretur, renatus, ille amicus sponsi, ille quo inter natos mulierum maior nemo surrexit, ab iniquis in carcerem mittitur, & pro puella saltu capite truncatur, & vir tanta senectutis pro risu turpium moritur. Nunquidnam

credimus aliquid fuisse, quod in eius vita, illa sic despecta mors tergeret? Sed quando ille vel in cibo peccauit, qui locustas solummodo, & met siluestre edit? Quid Deo vel de qualitate sui tegminis deliquit, qui camelorum pilis corpus operuit? Quid de conuersatione sua offendere potuit, qui de cremino non recessit? Quid illum loquacitatis reatus polluit, qui disunctus longè ab hominibus fuit? Ita Gregorius. Vbi vides Ioannem ne leui quidem fame vitam maculasse; & tamen multa aspera tolerasse: in nullo, inquam, offendisse, & in multis passum fuisse. Quanta tibi post tot commissa peccata sunt perferenda?

ibidem.

Porro querens idem doctor, cur Deus quos sibi charos in æternum conspiciet, tam vehementer, quasi despiciens affligat, sic prosequitur. Quid est, inquit, quod Deus omnipotens sic vehementer in hoc sæculo despicit, quos sic sublimiter ante sæcula elegit; nisi hoc quod pietati fidelium patet, quoniam idcirco sic eos premit in infimis, quia videt quomodo remuneret in summis, & foras vsque ad despecta deiicit, quia intus vsque ad incomprehensibilia perducit? Hinc ergo unusquisque colligat, quid illic sint passuri quos reprobat; si hic sic cruciat quos amat: aut quomodo ferientur, qui in iudicio arguendi sunt, si sic eorum vita premitur, qui ipso iudice teste laudantur. Quid dicis ad hæc? vides probos cruciari, & tu peccator vis deliciari? Optes igitur flagellari, si cupias beari. Nam melius est, inquit Augustinus, ut Deus flagellet te, & recipiat te, quam parcat tibi, & deserat te.

ferm. 4. de verb. Dom.

Præterea, si assiduis angaris sollicitudini-
bus,

bus, ac præter huiusmodi innumeris agiteris incommotis, variisque afficiaris iniuriis; recordare Apostoli Pauli, qui tot tantæque pertulit, ut, teste Chrysostomo, omnia enumerare difficile sit. Vide Paulum, inquit, quanta *Hom. quod passus est, quæ etiam enumerare difficile est, car- nemo ladi-* ceres, vincula, verbera, supplicia. A Iudæis lapidatur nisi à se *ipse.* datur, virgis caditur, precipitatur, latrones incurrit; ab inimicis, & a falsis fratribus insidias perfert: inuis timores, foris pugnas patitur, famem, nuditatem, calumnias, tribulationes, hostias tolerat; & quid opus est multa dicere? quoridie moritur. & tamen in his omnibus non solum nihil blasphemum ex ore suo profert, sed & gaudet, gloriaur, atque exultans dicit, Gaudeo autem in passionibus meis. Si ergo hic tanta patiens gaudebat & gloriabatur; quæ erit venia, quæ excusatio his, qui pro parvis iniuriis, aut qualibuscunque tribulationibus, quæ utique illis longè inferiores sunt, blasphemant? Ita Chrysostomus.

Tu nondum sicut Paulus fuisti incarcerationis; quod si fueris, nondum flagella subiisti: quod si fortè subieris, non tot quot ipse: nec adhuc fuisti catenis vinctus; nec lapidatus, aut semimortuus relictus, nec fuisti sicut ipse in profundo maris, nec tot terras sicut ille propter Christum peragraisti. Quare ergo de minimis illis quæ pateris, conquereris, qui tibi cœlestem beatitudinem promittere non vereris?

Sic itaque cum Diuo Augustino exclamet unusquisque nostrum. Cum tot viri, tot mulieres, & tanta, ac tam delicata puella, flammæ ignes, & bestias aequanimiter pertulerint; nescio, qua

qua fronte, vel qua conscientia cum omnibus Sanctis partem in aeterna beatitudine habere desideramus, quorum exempla sequi non acquiescimus. Excitemus nos ipsos ad sectanda illorum vestigia, ac sæpe sæpius nobis dicamus, quod eidem Augustino aliquando torpenti dictum

lib. 8. Conf.
cap. 11.

est; *Tu non poteris quod isti & ista?* Non est quod dicamus illos, vel illas alterius aut præstantioris fuisse naturæ; sed ingenuè fateamur maioris quàm nos fuisse patientiæ, ac purioris conscientiæ: nos verò maximè esse mollioribus. Ideo meritò sic nos increpando inuitat Ambrosius: *Imitemur Sanctorum patientiam, & cognoscamus illos non natura præstantioris fuisse, sed obseruantia maioris, nec vitia nescisse, sed emendasse.*

lib. de Io-
seph.

Cæterùm, sentis tuam afflictionem, non sentis alienam: grauiora semper nobis videntur quæ experimur in nobis, quàm quæ videmus in aliis. Interim alios vides sua incommoda patienter tolerare: quare tu non tua? dic; *Tu non poteris quod isti & ista?* Et si quos vidisti impatienter tulisse, quæro, an sua patientia illis aliquod remedium contulerit? Scito etiam quòd si te excrucies, nihil omnino proficies: Seipsum consolabatur D. Chrysostomus propositis sibi his, qui ante ipsum passi fuerant, dum ab Eudoxia in exilium pelleretur. Ego, inquit, cum è ciuitate fugarer, nihil horum curabam, sed dicebam intra meipsum. *Si Regina vult exulem, agat in exilium, Domini est terra. Et si vult secare, secet, idè passus est Isaias. Si vult in pelagus mittere, Iona recordabor. Si me lapidare vult, Stephanum habebò socium.*

Epist. ad
Cyriac. E-
pist. 3. tom.
1.

Liber I. Cap. XX. 205

*socium. Si caput tollere vult, tollat, habeo socium
Ioannem. Si substantiam auferre, auferat, nudus
exiui de utero matris mee, nudus reuertar illuc.
Et tu fac similiter.*

*Ad patienter ferenda quæcunque
aduersa, magnopere prodest pro
illis gratias Deo agere.*

CAPVT XX.

A **D**IVVS Paulus scribens ad
Thessalonicenses, sic eos hor-
tabatur. *Semper gaudete, sine* 1. Thess. 5.
*intermissione orate, in omnibus
gratias agite.* Tria hic commen-
dat Apostolus, scilicet, gaudere, orare, &
gratias agere. Quasi dicat: vt gaudeatis, ne-
cesse est oratis, & gratias agatis: qui enim
orat, & gratias agit, cum Deo versatur, ac
Deo loquitur; hæc autem sunt homini læ-
tandi occasio. Vnde Theophylactus in hæc
verba; *Iter, ait, monstrat Apostolus, quo fiat vt* Theophyl.
semper gaudeamus, orationem nimirum qua non
cesset, atque gratiarum actionem, qui enim as-
suevit cum Deo versari, eique gratias agere in
omnibus rebus, tanquam utiliter contingentibus,
planum est, quod perpetuum sit gaudium habi-
turus.

Et reuera vix in Scriptura reperitur gau-
dium & læticia sine gratiarum actione. Apud
Esdras;

2. Esdr. 12. Esdras; *In dedicatione muri Hierusalem requisierunt Lenitas de omnibus locis, ut facerent dedicationem; & lætitiā in actione gratiarum, &*

Isai. 51. *cantico, & in cymbalis. Prædixit quoque Isaias lætitiā quandam, quæ hæc terrestris Hierusalem accidere debebat, sed non sine gratiarum actione; Gaudium, inquit, & lætitiā inuenietur in ea, gratiarum actio, & vox laudis.*

Apo. 7. Et, teste Ioanne, inter acclamationes eorum qui in cœlesti Hierusalem stabant in conspectu Throni, semper audiebatur *Gratiarum actio*. Si igitur aliqua tristitia afficiaris, non parum tibi eueniet gaudij, si Deo gratias agas.

Antiqui Religiosi maximè lætabantur audito hoc verbo, *Deo gratias*; idcirco illud frequenter habebant in ore, eoque cum inuicem fierent obuij, se mutuò salutabant, vti etiamnum multi faciunt. Hunc morem laudat Diuus Augustinus, quem carpebant Circumcelliones, sed defendit ille doctor, dicens. *Qui dicit Deo gratias, gratias agit Deo. Vide si non debet frater Deo gratias agere, quando videt fratrem suum. Num enim non est locus gratulationis, quando se inuicem vident, qui habitant in Christo?* Hoc ipsum verbum magni facit idem doctor, illudque plurimum commendat, dum ait. *Quid melius & animo geramus, & ore promamus, & calamo exprimamus, quam Deo gratias? Hoc nec dici breuius, nec audiri lætius, nec intelligi grandius, nec agi fructuosius potest Deo gratias, qui se tam fideli pectori ditauit.*

Prima autem quæ hoc verbo, *Deo gratias*, vltima est,

uſa eſt, exiitit Beatiffima Virgo Deipara, vt *Barrad.*
dicunt aliqui; dum enim ſalutabatur, aut *rom. 1. lib.*
vocabatur, reſpondebat, Deo gratias. Quid *7. cap. 13.*
de illa dicat D. Bonauentura, audiamus: *D. Bonau.*
Ne forte in ſalutatione ſua Virgo à Dei laudibus tollé-
retur, ſi quis eam ſalutabat, illa pro ſalutatione
ſua, reſpondebat, Deo gratias. Diuus quoque
Antoninus ſic de illa ſcribit. *Virgo, cum voca-*
batur, reſpondere ſolita erat, Deo gratias, vt illud *4. part.*
modicum verbum non eſſet ſine laude Dei. Et me- *ſum. Theol.*
ritò illa eructabat, Deo gratias, quæ erat grã- *tit. 6.*
tia plena: & tam in proſperis, quàm in aduer-
ſis non ceſſabat à gratiarum actione, quæ
propriè ad fideles, & Chriſtianos pertinet,
vt teſtis eſt Hieronymus, qui ait; *Chriſtiano-* *in Epist. ad*
rum propria virtus eſt, etiam in iis qua aduerſu *Ephes. 5.*
putant, referre gratias Creatori. Qui ſibi ſanctio-
res videntur, ſolent Deo referre gratias, quòd de
periculis, vel miſeriis liberati ſunt: ſed, iuxta
Apoſtolum, hæc virtus eſt maxima, vt in ipſis
periculis, & miſeriis gratia Deo referantur, &
ſemper dicamus: Benediçtus Deus; minora me
ſcio ſuſtinere, quàm mereor: hæc ad mea peccata
parua ſunt: nihil mihi dignum redditur. Hic ani-
mus Chriſtiani eſt, hic crucem ſuam tollens ſequi-
tur Saluatorem, quem nec orbitas, nec damna de-
bilitant, quem, vt Flaccus ait, ſi fractus illaba-
tur orbis, impanidum ferient ruina.

- C Sciens igitur Apoſtolus, quantum con-
ducatur gratias Deo referre, ſic hortatur: *1. Theſſ. 5.*
omnibus gratias agite. Et alibi vult, vt ſumus
gratias agentes ſemper pro omnibus. Pro omni- *Ephes. 5.*
bus, inquam, & in omnibus gratiæ agenda
ſunt Deo, putà tam in morbo, quàm in ſani-
tate:

tate : tam in inopia, quàm in copia : tam in desolatione, quàm in consolatione : tam in bello, quàm in pace : tam in humiliatione, quàm in exaltatione : tam in aduersitate, quàm in prosperitate : tam in iactura, quàm in lucro. Quia non minus, imò sæpe maius donum & beneficium Dei est morbus, inopia, desolatio, bellum, humilitas, aduersitas, iactura, & similia, quàm sanitas, copia, consolatio, pax, exaltatio, prosperitas, &c. Atque hæc est, vti iucundissima, ita & sanctissima vita, qua per ærumnas huius vitæ læti, & quasi ludibundi imus in cœlum, si nimirum in quauis re cum psalte canamus;

Psal. 33.

August. in

Psal. 33.

Benedicam Dominum in omni tempore. In quæ verba iuuat audire Augustinum; Dicis: quando benedicam Dominum? ait tibi aliquis, quando tibi benefacit, quando abundant secularia, quando multum abundat frumenti, olei, vini, auri, argenti, mancipiorum, pecorum, salisque ista mortalis innulnerata, & incorrupta persistit, nihil immatura morte subtrahitur, felicitas tota abundat in domo, circumfluunt omnia, tunc benedices Dominum: non, sed in omni tempore; & quando ista dat, benedic, & quando ista tollit, benedic: quia ille dat, ille tollit, sed seipsum à benedicente se non tollit.

Nota hæc postrema verba; *Deus seipsum à benedicente se non tollit.* Tollantur à nobis omnia, dummodo Deus non tollatur: derelinquant nos omnia, dummodo non derelinquat nos Deus noster: non autem derelinquet, si illum etiam in aduersis non derelinquamus, sed illum benedicamus. Illum Iob

non

non derelinquebat, qui semper illum benedicebat, atque plus meruit in aduersitate Deum benedicendo, quàm in prosperitate domum suam egenis aperiendo: illumque non tam admiramur facultates suas amittentem, quàm ob id Deo suo gratias agentem. Audi Chrysostomum. *Non perinde minor Iob domum suam egenis aperiens, ut suspi-* Hom. 1. in
2. ad Cor.
cio & celebro, quòd facultates amiserit gratias agens. Neque tu perinde magnum fructum tul-
eris, si diuitias erogaueris in egenos, & tuas facul-
tates esurientibus dissipēs, quantum per hoc ver-
bum, Deo gratias, lucraberis.

D Existimat idem doctòr, diabolus ideo petiisse, ut eidem Iob mala infligeret, quia sperabat se aliqua verba blasphemiae ab eo auditurum: idemque optaret à nobis dum afflictamur. *Propterea, inquit, damna nobis* Hom. 10. in
Epist. ad
Hebr.
diabolus facit, non solum ut pecunias nobis aufer-
rat, sed ut per hoc nos cogat dicere aliquod bla-
sphemum: sic in causa Iob, non hoc egit ut tantum
illum faceret pauperem, sed ut blasphemiam ali-
quam proferret.

Verum non blasphemiam, sed gratiarum actionem promebat, dicens; *Sit nomen Do-* Iob. 1.
mini benedictum: & sic percussus percutien-
tem percutiebat; superbumque hostem vul-
nerantem vulneratus vulnerabat. *Nam, ait* lib. 2. Mor.
cap. 12.
Gregorius, *quot voces patientia in Dei laudem*
beatus Iob percussus reddidit, quasi tot in aduer-
sarii pectore iacula intorsit.

Diuus etiam Chrysostomus gratiarum actione Iob Satanæ vulnus intulisse scribit. Hom. 1. ad
pop.
Hoc vulnus infert diabolo, inquit, ex hoc corona-
batur

batur beatus Iob, & predicabatur, quòd cum tentationes illata essent innumerabiles, & uxor quoque eum supplantare vellet, non auersus est, sed Deo de omnibus perpetuò gratias egit: non solum quando fuit diues, sed etiam quando erat pauper: non solum quando erat sanus, sed etiam quando caro scatebat ulceribus. Hoc enim est in primis grati animi, in rebus aduersis Deo semper habere & agere gratias.

Exemplo etiam Christi docemur, in aduersitatibus gratias agere, qui imminente sua passione Deo Patri gratias egit, instituens tunc nobilissimum Ecclesiæ nostræ Sacramentum & sacrificium cum gratiarum actione, Eucharistiæ scilicet, quæ idem est ac gratiarum actio, ut docet idem Chrysostomus, dum ait; *Reuerenda ac salutaria illa mysteria, qua in omni certè Ecclesia congregatione celebramus, Eucharistia, id est, gratiarum actio nuncupatur.*

De huiusmodi gratiarum actione, & quid per eam Christus nobis innuere voluerit, *Greg. lib. 2. hæc adnotat Gregorius. Christus, inquit, cum appropinquaret passioni, accepto pane, gratias egit, & benedixit. Gratias itaque egit, & benedixit, qui flagella alienæ iniquitatis suscepit: & qui nihil dignum percussione habuit, humiliter percussus benedixit, ut hinc scilicet ostendat, quid unusquisque nostrum in flagello propria culpa facere debeat, si ipse aequanimiter flagella portat alienæ culpæ: & quid in correctione faciat subditus, si in flagello positus patrem benedicit, & patri gratias filius agit aqualis.*

Diuus Ambrosius exponens illa verba *E*
Psalmi

Psalmistæ; *Memor fui nocte nominis tui*, ostendit parum esse in prosperis tantum, & non in aduersis Domino gratias agere. *Non magnum est*, inquit, *si tunc Domino gratias agas*, *quando in prosperis, & secundis es; sed si tunc adhaereas Christo, quando te persecutio exagitat, quando aliqua procella perturbat. Amisisti filium, memento Domini Dei tui, ne in tua preuariceris erumina: pulsus in exilium, memento Domini Dei tui: alicuius diuitis oppressus potentia, amisisti proprias facultates, memento Domini Dei tui, ne te nox egestatis abducat à deuotionis affectu. Tunc memor eris nocte Domini Dei tui, quando illi gratias ages in aduersis. Esto Philomelæ similis, quæ ita in caliginosæ noctis tenebris, ac in ipso auroræ, aut meridiei tempore cantat.*

Dices; quam vtilitatem haurire potero ex illa gratiarum actione? Certè magnum thesaurum, magnasque diuitias, inconsumptum bonum, imò armaturam fortem lucraberis: sic enim vocat Chrysostomus gratiarum actionem; quia gratias agendo lucratur quis animam suam, quam blasphemando amittit. *Magnus thesaurus*, inquit, *magna diuitia, inconsumptum bonum, armatura fortis. Perdidisti pecunias? si gratias quidem egeris, animam lucratus es, & maiores nactus es diuitias, quia Dei beneuolentiam hausisti amplius: si verò blasphemaueris, insuper & salutem tuam amisisti, & quam habuisti animam, occidisti.*

Ex gratiarum actione, tanquam ex magno thesauro Iob cuncta quæ amiserat, in duplo recuperauit: tres pueros in camino flamma

idem.

non terruit, nec tantillum læsit, quia gratiarum actione, veluti fortè armatura erant induti, illamque cæteras creaturas assumere suadebant, dum ad diuinas laudes & benedicendum Dominum illas inuitabant. Vnde exclamat idem Chrysostomus: *O rem admirabilem! vinctos soluit flamma, & ipsa de reliqua à vinctis est vincta: compedes dirumpit, & talos non attingit. Erit igitur in tribulatione remissio, si semper in ea Deo gratias agamus.* Illos impij accularunt, ligauerunt, in fornacem miserunt, & tamen nunquam blasphemauerunt, aut maledixerunt; & ita laudantes & benedicentes Dominum, ignis illius camini non consumpsit. Sic nec te ignis tribulationis consumer, si in illa Dominum benedixeris, illique gratias egeris.

Iob. 1.

Psal. 102.

in Psal.

144.

*super c. 41.
Genes.*

Quacunque igitur calamitate premaris, **F** aut tristitia afficiaris; vel si tibi aliquid aduersi contingat, statim dic; *Sit nomen Domini benedictum*: vel, *Benedic anima mea Dominum*: aut, *Benedictus Deus*: vel, *Deo gratias*: aut similia verba in Dei laudem, & gratiarum actionem. *Sine in donis eius*, ait Augustinus, *sive in flagellis, lauda eum: quia laus flagellantis, medicina est vulneris.* Hoc visum fuit in Iob, cuius vulneribus nulla fuit adhibita curatio, nisi gratiarum actio. Nec tu poteris in aduersis, aut ab aduersis subleuari, vel saltem aliquid mereri, nisi in illis Deum benedicendo, & gratias agendo. Audi Chrysostomum: *In aduersitate gratias asseramus Domino, ut visa gratitudine nostra, largiorem suam erga nos declararet prouidentiam.* Ideo alibi sic monet idem doctor.

doctor. *Admoneo vos, inquit, ut Dominum in tract. de
semper benedicatis. Si venerint mala, benedicite, Symbolo.
& dissoluentur mala: si prospera venerint, bene-
dicite, & perseverabunt bona.* Et licet mala non
cessarent, & bona non perseverarent, non
minus est à nobis Deus benedicendus, ac illi
gratiæ agendæ; ut illum iam incipiamus lau-
dare in terris, quem desideramus laudare in
cœlis. Procul igitur sint à nobis maledictio-
nes, aut verba blasphemix: cum enim per *Act. 14.
multas tribulationes oporteat nos intrare in regnū
cœlorum*, gratias agamus Deo, qui nobis iam
illud immittit, per quod sumus ad regnum
ingressuri: iamque nobis accidit, sine quo
non possumus ad cœlum accedere.

Othilia virgo, refetente Marulo, apud *lib. 3. c. 3.*
Bavariam cæca nata fuerat, ac propter hu-
iusmodi corporis vitium multa incommoda
perpessa est à patre, qui eò processerat insa-
niæ, ut ei necem intentaret. Illa verò in om-
nibus quas patiebatur angustiis, Deo gratias
agens, meruit tandem & visum recipere, &
in gratiam patris redire, & quod his præsta-
bilis, beatiùsque est, in sanctarum virginum
numero computari.

Vis tandem videre, quid conferat in ad-
uersis, & propter aduersa gratias Deo agere?
Audi Chrysostomum: *Nihil hac lingua san- Hom. 8. in
ctius, qua in aduersis Deo gratias agit. Certe non Epist. ad
inferior est lingua martyrum, utraque pariter Coloss.
coronatur. Nam & aduersus istam instat licetor
Deum per maledicentiam negare cogens, instat
diabolus argutis cogitationum questionibus lace-
rans, & animi angustiis obtenebrans. Si ergo do-
lores*

lores pertulerit, & gratias egerit, martyrum coronam sortitur. Martyres in tormentis si in Deum blasphemassent, nunquam martyrij coronam meruissent; sed illam sunt adepti Deum benedicendo, illique gratias agendo. Eandem tu consequeris, si in aduersitatibus gratias agas.

Ex his, quæ hic inuiti patimur, haurire etiam utilitatem, imò æternam salutem possumus.

CAPVT XXI.

Epist. 68.

Hom. 64.
ad popul.

ECCE à Seneca dictum est. A
[Patientia suadet, quod effu-
gere non possis, quàm fortissi-
mè ferre.] Et hic est vnus ex
effectibus patientiæ, vt scilicet
æquo animo feramus omnia aduersa quæ
euitare non possumus, cùm ex his non me-
diocrem utilitatem haurire valeamus. Pro-
pterea Diuus Chrysostomus vult, vt ex ne-
cessitate voluntariam faciamus virtutem, aut
quod est necessitatis, fiat per patientiam no-
stræ voluntatis. Cogita, inquit, quòd sine velis,
sine nolis, calamitatem patieris. Quòd si grate,
maxima lucraberis: si verò agrè & impatienter
feras, neque illam ita minorem facies, sed maio-
rem reddes procellam. Cogitantes ergo, quod neces-
sitas est, hoc nostræ voluntatis esse faciamus: verbi
gratiâ,

gratiâ, proprium quis amisit filium, alteri verò substantiam, si noueris, quòd semel peractum est solui non posse, licebit ex illa insanabili calamitate aliquid utilitatis comparare, si magno & virili animo aduersos tuleris casus, & pro maledictione Dea referas laudem: hoc pacto, qua prater spem obuenerint mala, in voluntatis officium commutabis.

Aliquos tibi præ oculis afferre desidero, quibus coacta aduersitas, patienter tamen perpeffa æternam attulit salutem. Mendicum Luc. 16: primò attende Lazarum: pauper erat; sed non voluntarius: premebatur fame; sed præter voluntatem: vulneribus; quæ noluiſſet, erat plenus: iacebat humi & ad ianuam, qui libenter intra domum iacuiſſet in lecto: micis carebat, qui de illis saturari cupiebat: potiùs optaſſet famulos pascentes quàm canes lingentes; à quopiam poſcebat; quod nemo illi dabat. Verumtamen, quia in his omnibus quæ inuitus patiebatur, fuit ſemper patientia munitus, nunquam blaſphemauit, nemini detraxiſſe legitur, ab Angelis in ſinum Abrahamæ portari meruit. Vnde de illò Theophylactus: Num in tantis malis Lazarus blaſphemabat? num conuiſciabatur? num inſeſſebat luxum diuitis? num inhumanitatem condemnauit? num prouidentiam Dei reprehendebat? Nihil horum, ſed fortis erat & magna philoſophia.

B Idcirco meritò Chryſoſtomus communem orbis doctorem illum appellat. Communiſ, ait, orbis doctor Lazarus propoſitus eſt rem quacumque moleſtam patientibus. Sed quid nos docet iſte doctor? Deum in tribulationibus

Chryſoſt.
hom. 1. de
Lazaro &
diuine.

non incusare: diuitibus non inuidere: dementi nobis auxilium non obrectare, atque libenter tolerare quæ non possumus euitare.

Nulla alia bona opera illum fecisse legimus. Hoc solum nobis constat, quod omnia mala sibi aduenientia æquo animo tolerabat, sicque partem cum Abraham habere meruit. Vnde optimè de illo idem Chrysostomus:

tom. 5. Epistol. 3. ad Olympiadem.

Solummodo, inquit, patiebatur, & viriliter portabat, cum non esset, qui curaret: tolerabat enim dolorem venientem à vulneribus, à fame, ab aspectu diuitis & crudelitatis eius. Interim nostri quantas adipisci meruit postea coronas; & quidem nullum eius præclarum facinus inuenimus; non quod pauperibus sit misertus, non quod oppressis affuerit, non quod aliud quid effecerit boni, sed quod ianua diuitis permiserit exclusionem, & debilitatem, & canum linguas; & despectum diuitis contra se; qua omnia laboriosa esse constabat. Magnificum autem nihil fecerat: verum, quia tantummodo malorum istorum tristitiam fortiter pertulit, Patriarcha, quem plurimas fecisse virtutes scimus, finem habere promeruit. Fortè dices, Lazarus saltem nullum patrauerat crimen; non mirum igitur si patienter aduersa ferendo, æternam adeptus est salutem.

Fides boni Latronis.

Volo tibi alium exhibere, bonum scilicet **C** Latronem, qui ob multa patrata scelera cruci affixus est. Quomodo autem se in illa gesserit, & ex ea ad Paradisum cum Christo euolauerit, attentè considerandum est: nam credidit, sperauit, confessus est. Quid credidit? Christum innocentem: ait enim; *Hic verò nihil*

Liber I. Cap. XXI. 217

nihil mali gessit. Quid amplius? Christum Dominum, Christum Regem, Christum Salvatorem, ac bonorū remuneratorem; hæc omnia continebat illa quam obtulit deprecatio,

Domine, memento mei dum veneris in regnum Luc. 23.

tuum. Vnde optimè de illo magnus Leo:

Qua, inquit, istam fidem exhortatio persuasit? *serm. 2. de*

Qua doctrina imbuit? Quis predicator accendit? *pass.*

Non viderat prius acta miracula, cessauerat tunc languentiam curatio, cecorum illuminatio, viuificatio mortuorum, ea ipsa qua mox erant gerenda, non aderant, & tamen Dominum confitetur, & Regem, quem vidit supplicij sui consortem.

Nec in illo supplicio perdidit spem: quan- *Spes. boni*

do enim alij diffidentes clamabant; *Seipsum* *Latronis.*

non potest saluum facere, ipse firma quadam *Marc. 15.*

in Christum confidentia gratiam & gloriam ab eo postulabat, nec dubitabat ab eo petere veniam, qui tantam pro nobis sustinebat ignominiam: ac tunc confugiebat in eum, quando omnes fugiebant ab eo: optabat esse in illius memoria, cuius Iudæi volebant perdere memoriam: illum sperabat regnaturum, quem Iudæi amplius negabant venturum: hunc agnoscebat redimere, quem Iudæi volebant interimere: illum affirmabat resurrecturum, quem ipsi nullo modo credebant viuturum. Ideo ab eo meruit exaudiri, pro quo libenter sustinuisset crucifigi.

Vnde meritò exclamat Augustinus; *Vim fe-* *serm. de se-*
cisti, credidisti, rapuisti, hodie mecum eris in *via 3. in*
Paradiso. *pass.*

Confessus est igitur Christum, vt diximus, innocentem, Regem & Salvatorem,

O s de qua

- de qua quidem confessione sic Ambrosius:
serm. 45. *Confitetur Latro, quē discipulus abnegauit: Latro honorificat patientem, quem Iudas prodidit osculantem.* Videbat enim vulneratum, nudum, contemptum, & opprobriis affectum, Regem tamen esse profitebatur. Confitetur illum primum, quem Propheta appellat nouissimum virorum. Propterea miratur Diuus
in psal. 39. Augustinus: *Alij, inquit, non cognouerunt miracula facientem; agnouit ille in Cruce pendentem.*

Quid præterea confessus est? Culpam. D

- Hom. de bono Latrone.* Ita de eo Chrysostomus; *Electus peccatum agnouit, & confessus est publicè.* Item & Diuus Augustinus: *Exclusit, inquit, iniquitatem suam, accusauit eam, & caruit ea.* Si quæ habuit membra libera, his usus est ad salutem suam. Nam, ait Gregorius, *in cruce clauis maræ*
lib. 28. Moral. cap. 23. *nus Latronis, pedesque ligauerant, nihilque in eo à pænis liberum, nisi cor & lingua remanserat. Inspirante Deo totum illi obtulit, quod in se liberum inuenit, ut corde crederet ad iustitiam, ore autem confiteretur ad salutem.* Fac & tu similiter. Quibuscumque premaris afflictionibus, offer omnia Deo quæ tibi erunt libera. Si non præpediatur lingua, illum lauda; peccata tua confitere. Si solum tibi relinquatur cor liberum, corde crede, corde ora, corde benedic, corde diligas, & semper sicut iste Latro patientiam habeas. Si quæras causam tantæ patientiæ istius Latronis in suppliciis sibi debitis, dixerim ego fuisse Christi patientiam in tormentis sibi non debitis. Vidit enim Christum tam libenti animo tot ludibria,

bria, opprobria, ac crucis mortem subire, atque pro crucifigentibus orare; & ut ait Ambrosius, *intellexit Latro, quod pro alienis serm. 45. peccatis has plagas Christus susceperet*. Voluit, inquam, ipse exemplo Christi patienter sua ferre tormenta, quæ quidem se meruisse confessus est; *Nos, inquit, digna factis reci- Luc. 23. pimur.*

Vis itaque tu, sicut & ille, à doloribus, tormentis & angustiis tibi ob peccata tua debitis, ad eandem peruenire gloriam? Patienter, sicut ipse, omnes animi & corporis angustias ferto: fatere te illa mereri tormenta: blasphemantes Christum in tribulationibus increpa: ingentes Christi dolores, quos iniuste pro te sustinuit, meditare: ab illo auxilium postula: illum lauda: in illum spera, eique gratias age: atque ita non parum ex tuis tribulationibus hauries emolumentum.

E Notandum est autem, hunc Latronem in cruce existentem nunquam petiisse, ut ex ea liberaretur, sed ut sui Christus tantum recordaretur; *Memento mei, inquit. Non erat Luc. 23. quidem in eius potestate euitare crucem, sed erat in eius voluntate patienter subire crucem*. Libenter pati voluit, quod euitare non potuit; nec poterat fugere illud ad quod damnatus erat supplicium, sed ex illo posuit sibi comparare meritum. Non potuisset impetrare à iudicibus, ne ad tempus pateretur, sed à Christo impetrauit, ne in æternum damnaretur.

Contra verò impius Latro, quia coacte & impatienter patiebatur, postulabat ab illis tormen

tormentis eripi, dicebat enim; *Saluum fac te metipsum & nos.* Malorum est huiusce vitæ misérias respuere, indignanter tolerare, vel tolerando blasphemare. Bonorum verò gratanter accipere, patienter ferre, atque in his semper Deum benedicere.

Sed quid huic impio sua profuit impatientia? Quid sua in Christum iactata conuitia? Quid sua sibi contulit blasphemia? Nihil penitus. Imò verò de cruce ad crucem; de tormentis ad tormenta conuolauit, quia impatienter pœnam illam sibi debitam perferebat, à qua ore blasphemio liberari postulabat. Sic nec tibi quicquam prodest tua in tormentis & aduersitatibus impatientia, nihil tuæ blasphemantes voces, nihil tua in Deum obmurmuratio. Vnde, teste Diuo Augustino, sicut sub vno igne aurum rutilat, palea fumat: ita sub pari pœna boni proficiunt, & mali deficiunt.

Quæritur autem, an pius Lattro martyr extiterit in sustinendis patienter pœnis sibi debitis. Diuus Augustinus refert, Beatum Cyprian. illum affirmare martyrem. *Lattro ille, ait, non ante crucem Domini sectator, sed in cruce confessor à Cypriano Sancto inter martyres computatur.* Hæc autem sunt verba Cypriani: *Lattro factus est particeps regni, factus collega martyrij.* Certum est iuxta eundem Augustinum, non pœnam, sed causam martyrem facere. Veruntamen tanta fuit fides istius Latronis, tam magna illius confessio, ac tanta in cruce perferenda patientia, vt cum eodem Augustino dicamus, inuentam fuisse in eo mensu

*lib. 1. de
Ciuit. Dei.*

*lib. 1. de
anim.
orig. tom. 7.*

*serm. de
pass. Domi-
ni.
lib. 3. con-
tra Cre-
scen. c. 4.*

mensuram martyris, quamvis propriè martyr non fuerit, quia pro Christo & fide eius non est mortuus. *Apud Deum, inquit, tantum valuit quòd confessus est Dominum crucifixum, quantum si fuisset pro Domino crucifixus. Atque ita inuenta est in eo mensura martyris, qui tunc in Christum credidit, quando defecerunt, qui futuri erant martyres.* Ita Augustinus.

Alij volunt illum fuisse martyrem desiderio, & sic intelligendum esse Diuum Cyprianum. Optasset enim nullum commississe crimen, ob quod crucifigeretur, sed tantum credidisse in Christum, ob quod cum ipso in cruce moreretur.

Aliqui autem re ipsa martyrem esse contendunt, quia, quando milites fregerunt Latronis crura, id non solum effecerunt, quia ita moris erat crucifixos hoc supplicij genere, antequam morerentur, afficere; sed simul etiam ex odio in Christum, eo quòd viderant hunc Latronem eum coluisse, & tanquam Regem cœli & terræ confessum fuisse. Cum igitur hæc illata tormenta patienter sustinuerit propter egregiam, quam de Christo protulerat confessionem, non dubitarim illum martyrem vocitare. Præterea magnam aduertimus in illo Latrone fortitudinem; nam & fortiter pro suo peccato supplicium & crucifragium pertulit, & fortiter de Christo testimonium protulit. Secundum autem D. Thomam, præcipuus actus fortitudinis, est martyrium. Videas, quæso, quomodo quis patientia, etiam in tolerandis tormentis sibi debitis, sit propè martyr.

*Cart. lib.
11. hom. 3.
de conuers.
Latron.*

*D. Thom.
2. 2.*

Quic

Quicquid sit, siue ut martyr, siue ut confessor, à cruce ad lucem, à Caluario ad cœlum, à pœna ad gloriam, culpam suam agnoscens, Christum confitendo, ac illa tormenta patienter pro suis demeritis perferendo, euolauit. Inuenit in illis tormentis Paradisum. Caue, ne tu impatientia tua cum altero Latrone in tuis afflictionibus inuenias infernum. Propterea patienter aduersa sustine, in illis culpam tuam agnosce, Deum semper lauda: hæc in ore tuo versentur; *Digna factis recipio, &c. Domine, memento mei, &c. Sit nomen Domini benedictum.* Ac Dominum deprecare, ut omnia quæ pateris aduersa, ab ipso acceptentur pro pœnis peccatis tuis iuste debitis, atque ita illud erit tibi adiumentum, quod tibi prius fuerat tormentum, ibique inuenies consolationem, ubi antea patiebaris afflictionem. Interim *deprece-mur*, inquit Chrysostomus, *Dominum, ut Latronem & istum Lazarum pauperem imitari possimus. Si persecutio venerit, imitemur Latronem; si pax fuerit, imitemur Lazarum.*

*Conc. 1. de
Lazaro.*

Dico itaque, omnes fideles posse in hoc mundo aliquod meritum sibi comparare ex illis aduersitatibus, & afflictionibus, in quas Deus illos etiam inuitos cadere permittit: id ipsum similiter posse eos, qui ob sua scelera sunt aliquibus suppliciis adiudicati, dummodo omnes patienter illa aduersa ferant: verbi gratiâ, illi qui sunt ad triremes damnati, vel carceribus mancipati: aut qui graui & insanabili morbo laborant, si illa omnia incommoda patienti animo sustineant, applicando

cando ea pœnis peccatis suis dēbitis, Deūm-
que semper glorificent; & ipsum inuocent,
vt bonus Lātro, sine dubio de trirēibus ad
portum salutis; de carcere ad regnum; de
miseria ad gloriā conuolabunt. Idem est
iudiciū de aliis, qui vel vltimo supplicio
afficiuntur, aut alia calamitate premuntur.
Vnde Diuus Chrysostomus: *Vt discas, inquit, Epist. 3. ad
quantum lueri afferunt passiones, etiamsi non pro- Olymp.
pter Deum eas quis patiatur (neque id me hyper- tom. 5.
bolicē quis dicere credat) dummodo patienter &
mansuetē ferat, & Deum in omnibus glorificet;
vide Iob, qui nesciebat se propter Deum pati, quā
patiebatur, & tamen pro his coronabatur, quod
cū causam nesciret, patienter ferebat.*

H Plus enim potest homo mereri mala pa-
tiendo, quā bona faciendo. Probat Gerson,
ipsum Iob plus patientia sua meruisse bona
sua perdendo, quā si illa pauperibus distri-
buisset. Non inuocabat, nec incitabat diabo-
lum ad sibi auferenda illa bona, & ad corpus
suum flagellandum; neque etiam Tobias se-
ipsum excœcauit: Ioseph seipsum non ven-
didit Ismaēlitis, nec voluntariē ingressus est
carcerem: Dauid non quærebat, nec opta-
bat, vt ipsum Saül persequeretur, nec vt ei
Semei malediceret: sed quæ libenter euitas-
sent, patienter illi ferebant, quando ipsis ac-
cidebant, ac volebant quæ noluisent; vole-
bant, inquam, æquo animo ferre, quæ no-
luisent sibi accidere.

Tribus tantū in locis dolores reperiun-
tur: in tartaro, in purgatorio, in hoc sæculo.
Magnum tamen inter huiusmodi dolores di-
scrimen

scrimen est. Etenim tartari dolores æterni sunt, nullumque meritum, ac nullam pœnæ debitæ peccatis solutionem afferunt. Purgatorii dolores temporarii sunt, peccatisque satisfaciunt; at tamen nouum meritum gratiæ, aut gloriæ minimè pariunt. Dolores verò huius sæculi pretiosissimi sunt, breui tempore cruciant, peccatis debitam pœnam soluunt, noua nobis gratiæ, gloriæque comparant merita. Quis igitur nolit hic potius dolores, vel tormenta, quàm in tartaro, aut in Purgatorio tolerare? Quis nolit hic potius, quàm illo igneo Purgatorio expurgari?

Metu æternæ damnationis, vel considerata æterna damnatorum pœna, omnes huius vitæ labores æquanimitè tolerantur, & voluptates spernuntur.

CAPVT XXII.

*Rom. 3 l. in
Epist. ad
Rom.*



OVERAT Diuus Chrysostomus, quàm utilis esset æternæ gehennæ consideratio, tum ad abstinendum ab omnibus illecebris, tum ad quoscunque perferendos labores: ideo de illa semper & ubique colloquendum ac disputandum esse iudicabat; *Vtinam*, inquit, *in prandis, & cenis, & balneis, imò & ubique de gehenna disputaremus.*

Liber I. Cap. XXII. 225

taretur. Nec enim mœrore affecti essemus in vita huius malis, neque in bonis illius deliciati, & lætati. Quid enim mihi potes obicere incommodi, paupertatem, morbos, captiuitatem, corporis cecitatem? omnia hæc comparatione futuri iudicii ridicula sunt. Continuos itaque sermones de gehenna versemus, non enim sinet in gehennam incidere gehennæ recordatio. Vbi triplex inferni considerationis commodum obserua; scilicet huius mundi prospera contemnere; aduersa facillè tolerare; & bona opera præstare, quibus à gehenna liberemur.

Et certè hæc pœnarum æternitas cogitanda est, vt voluptatum turpem dulcedinem hoc felle amarissimo repellamus. Nam, vt ait Diuus Prosper, hæc terribilia mala, fidelium *lib. 3. de* mentes salubri terrore concutiunt, & ab omnibus *vita con-* vitiosis delectationibus abducunt. Hæc cogitare *temp. cap.* nihil est aliud, quàm vitiis omnibus repudium *12.* dare, & omnia blandimenta carnalia refrænare. Quis adèò insanus est, vt pro voluptate vnus diei, igneos centum annorum cruciatus ferre velit? ô insaniam hominum impiorum! pro modica voluptate in tormenta se præcipitant sempiterna. *Quis vestrum*, inquit Isidorus Clarius, *uno die ignem ferre eligat ac-* *orat. 11.* cepto. mille nummorum aureorum pretio? & pro longè minori re non veremini perferendi ignis periculo vosmet exponere? Vnde & alibi adiicit: *Nihil mihi videtur tam efficax ad auocandos ani-* *orat. 12.* mos ab istis caducis quàm hæc cogitatio.

Si aliquis Iudex cuidam teterrimum carcerem, vel exquisitissimas pœnas esset interminatus, & posset ille eas cogitando vel eua-

dere, vel diminuerè, aut aliquam aliam utilitatem ex illarum consideratione reportare; certè à tali cogitatione nunquam animum suum abduceret. Miror sanè, quòd cùm æternarum pœnarum cõtemplatio efficiat, vt eas euadamus, & præsentes aduersitates æquo animo feramus, pauci sint qui eas timeant, ac mente reuoluant. Hoc mirabatur *serm. 18. de* Diuus Augustinus: *Timet homo, inquit, car-*
verb. Apost. cerem; & non timet gehennam: timet cruciatum
temporalem, & non timet pœnas ignis æterni: ti-
met ad modicum mori, & non timet in æternum
mori.

Solet nutrix volens paruulum ablaſtare, B
 aliqua amaritudine mammillã suam perungere, qua præguſtata diſcat infantulus deinceps à nociuo lacte abſtinere. Vt ab omnibus huius vitæ voluptatibus abſtineamus, neceſſe eſt æternas illas inferni amaritudines conſideremus; vel expedit temporales amaritudines præguſtemus, vt ab æternis liberemur. Ad hoc fortè intendebat Propheta nos adhortari his verbis; *Pone tibi amaritudinem, dirige cor tuum in viam rectam.* Quasi dicat: vt recto tramite ad patriam cœleſtem incedas, propone tibi æternas amaritudines. Vnde idem Augustinus: *Melior eſt modica amaritudo in faucibus, quàm ſempiternum tormentum in viſceribus.* Nam huius vitæ labores & dolores modicæ amaritudinĩ ſimiles ſunt, quæ ex amara potione in faucibus reſidet: tormenta verò inferni non ſolùm fauces, ſed viſcera ipſa penetrant, grauiffimamque illis afferunt amaritudinem.

Valdè

Valdè attendendum est quod ait Sapiens; *Sap. 1.*

Nec inferorum regnum est in terra. Quod, meo iudicio, sic potest intelligi. Non sunt super terram æterna inferni supplicia: quicquid in hac vita patimur, breui finietur: non sunt morbi, labores, aut dolores sempiterni: ideo non debemus moueri, aut conturbari, si hîc quibusdam afficiamur angustiis & calamitatibus, cùm temporales & finibiles sint; imò quò maiores & intensiores, eò vt plurimum sint breuiiores. Hoc testatur Seneca: [Summi doloris, *inquit*, intensio citò inuenit finem.] Quîdam magnæ authoritatis vir, dum aliqua calamitate premebatur, sic seipsum consolabatur. Sicut Iob, inquebat, munda-na quorundam fœlicitate exposita, de ipsis tandem concludebat; *Ducunt in bonis dies suos, & in puncto ad inferna descendunt.* Ita è contrà de afflictis, & miseris huius sæculi affirmare & dicere possumus; *Ducunt in malis dies suos, & in puncto ad cælum ascendunt.* Quia si patienter præsentia mala tolerant, ab æternis malis liberabuntur, & æterna bona consequentur. Nam, teste Gregorio, *dum lib. 6. Mor. transitorio labore atterimur, à perpetuo dolore liberamur.*

Non sunt igitur tartaræ pœnæ super terram, sed infra terram, id est, in centro terræ, quò afflictî sæpe descendere debent viuentes, eas mente considerando. Hoc videbatur optare Dauid: *Descendant in infernum viuentes*, vt scilicet damnatorum pœnas considerent. Sic interpretatur hunc locû Aiguanus, aliàs Incognitus. *Ille, inquit, in infernum mor-*

tui descendunt, qui post mortem in inferno cruciantur: illi autem vivi descendunt, qui hic viuentes mentem inclinant ad ipsum meditandum. Sæpe, inquam, descendant viuentes semper reuerfuri, ne semel descendant morientes nunquam egressuri. Descendant mente, inquit Bernardus, in infernum viuentes, ne postea descendant morientes.

Bernard. in
quodam
serm.

Descendat vnusquisque nostrum viuens C in infernum, non vt Æneas Virgilianus, sed vt prudens Christianus, immania illa supplicia percurrat, & videbit leue, vel nihil omnino esse quod patitur, si illis tormentis æternis comparetur. Vnde Chrysostomus:

Hom. 2. in Si terribile aliquid videris, cogita gehennam, &
Epist. 2. ad illud deridebis. Cogita, inquam, horrendos
Theff.

illos cruciatus sine fine duraturos, teterimum illum carcerem, à quo nunquam damnati liberabuntur, catenas igneas, quibus ligantur, & flammæ æternas, quibus cruciantur, horribiles dæmonum visiones, quibus afficiuntur. Cogita denique damnatorum gemitus, lamenta, vlulatus, inutilia emissâ suspiria, mœstitiam, dolorem, desperationem, tormentorumque acerbiteriam & æternitatem, & audi illos tibi dicentes;

Ouid. 5.
Trist.

Elige nostrorum minimum, minimumque dolorum,

Isto quo quereris grandius illud erit.

Vnde Diuus Isidorus sæpe hoc dicere solebat; *Patienter leuiora portabis, si grauiorum fueris recordatus.* Verbi gratiâ, si hic quibusdam afficiaris doloribus, cogita intensissimos illos dolores, quos patiuntur damnati, de

lib. 1. Soli.
cap. 10.

de quibus Dominus ; *Congregabo super eos Deus. 321*
mala : & Iob, Irruet super eos omnis dolor. Quia Iob. 5.
 in omnibus potentiis animæ, & in omnibus
 partibus suorum corporum acerbissimos pa-
 tientur dolores, propter quos clamabunt, &
 non exaudientur ; *Vos clamabitis pro dolore. Isai. 65.*
 Clamat, & in æternum clamabit diues ille
 epulo ; *Crucior in hac flamma. Satiis tibi sit Luc. 16.*
 cruciari temporaliter in lecto, quàm æterna-
 liter in flamma. Hos patere dolores, ne coga-
 ris sine fine clamare ; *Dolores inferni circunde- Psal. 17.*
derunt me. Tanti erunt inferni dolores, vt
 vnusquisque damnatorum mori, imò ratio-
 ne tam grauium suppliciorum annihilari de-
 sideret. *Desiderabunt mori,* ait Ioannes, *& fu- Apoc. 9.*
giet mors ab eis. Desiderabunt, inquam, mori,
 ne ampliùs patiantur, qui hic cupiebant
 viuere, vt ampliùs deliciarentur. Vnde Au-
 gustinus ; *O mors ! quàm dulcis es quibus tam lib. de mi-*
amara fuisti : te solam desiderant, qui te vehe- ser. huius
menter oderunt. Non possunt verbis explicari, mundi.
 & dinumerari quæ à damnatis in inferno to-
 lerantur : exclamet igitur Sibylla apud Vir-
 giliū ;

Non mihi si lingua centum sint, oraq, centum, Æneid. 6.

Omnia pœnarum percurrere nomina possem.

His itaque consideratis, patienter quam-
 cunque infirmitatem, omnesque tolerabis
 dolores, dicēsque cum Augustino ; *Hic vte, August.*
hic scinde, hic seca, dummodo Domine in æternum
parcas. Scito omnia tormenta, omnia marty-
 ria, quæ in hac vita excogitari possunt, com-
 paratione minōris pœnæ inferni solatia &
 delectationes esse. Hoc restatus est quidam

in obitu Sancti Hieronymi ad vitam reuocatus, & à Beato Cyrillo interrogatus. Ergo, *elige tibi*, ait idem Augustinus, *unum de duobus, aut temporalem dolorem, aut æternum laborem.*

Quales, putas, & quantos subirent labores damnati, si in hanc vitam reuertèrentur? Sanè si daretur optio, libenter eligerent per centum millia annorum acerbissimos cruciatus, omnimodam paupertatem, omniâque genera contumeliarum, ac afflictionum perpeti, omniâque consolatione priuari, dummodo possent ab illis suppliciis æternis eripi, & vitam æternam consequi. Hoc agnouit Poëta,

Virg.

Quàm vellent athere in alto

Nunc & pauperiem, & duros perferre labores.

Si igitur paupertate, fame, sitive premaris, recordare qualem famem, qualémque sitim damnati in inferno patiantur. Vide quid

Jerem. 44. illis per Prophetam dicatur; *Ibi moriemini*

Iob. 18. *fame & siti.* Similiter & per Iobum: *Exarscet contra eos sitis, & attenuabitur fame robur eorum, & inedia inuadet costas eorum.* Tanta erit illorum fames, vt, teste alio Propheta,

Isai. 9.

vnusquisque carnẽ brachij sui voret. Nunquã potuit, nec poterit epulo guttulã aque ab Abrahã obtinere: fugit ab eis omne quod refrigerare, & reficere potest. Si insuper tibi in hoc mundo nihil succedat ad nutum, sed omnia præter, vel contra voluntatem tuam accendant; cogita, damnatos nihil penitus posse consequi ex his omnibus quæ desiderant; attende, nihil fuisse huic diuiti epuloni concessum

orat. 12,

1994

Digitized by Google

Considerata huius vite breuitate, omniumque temporalium volubilitate, prospera libenter negliguntur, & aduersa quæ parua etiam sunt durationis, patienter feruntur.

CAPVT XXIII.



2. Cor. 7.

GREGIE argumentatur Apostolus; dum sic ad Corinthios scribit. Hoc itaque dico fraïres, tempus breue est; reliquum est, ut qui habent uxores, tanquam non habentes sint; & qui flent, tanquam non flentes; & qui gaudent, tanquam non gaudentes; & qui emunt, tanquam non possidentes; & qui utuntur hoc mundo, tanquam non utantur; præterit enim figura huius mundi. Huius autem argumenti hoc est antecedens, tempus breue est; quod ita verum est, ac ipsa experientia compertum, ut rationibus comprobare necesse non sit; illud, inquam, antecedens ab omnibus conceditur & admittitur; imò ab his, qui finem vitæ & mortem attendere non curant; Exiguam, & cum tadio est tempus vite nostræ. Conceditur etiam ab ipsis damnatis, qui apud Sapientem, quàm citò & breuiter transierit huius vitæ tempus, fateri coguntur, comparantes illud rebus omnibus quæ citò transeunt, veluti tenui ymbra, nuncio præ

Sap. 2.

cap. 5.

cio præcurrenti, naui mare secanti, aui transuolanti, sagittæ emissæ, lanugini, spumæ, fumo, vento, hospitio diei vnus, & similibus. Conceditur & ab ipso Iobo, *breues dies hominis sunt*: vel secundum originale Hebraum, *decurtati*, seu *præcisi sunt*. Quasi dicat: longiori tempore homines olim viuebant; nam aliqui ad annum ferè millesimum perueniebant: nunc autem ita à Deo decurtata & præcisa est vita hominum, vt pauci sint qui septuagesimum annum attingant; ita adhuc in posterum decurtabitur & abbreviabitur, vt, secundum aliquos, antequam mundus finiat, vix possint homines ad annum trigesimum quintum peruenire; eisque tunc vsurpare licebit illud Plinij; [Dimidio vitæ viuimus.]

Plin. Iuv.
lib. 2.

Adeo breuis, euanida, & momentanea est vita nostra, vt ipse Quintilianus sic declamare audeat; [Tota vita hominis, vnus est dies.] Hinc Pindarus vocat nos, *vnus dei homines*. Quàm parua sit durationis vita nostra, ostendit Diuus Iacobus, cum ait; *Quid enim est vita nostra? vapor est ad modicum parens*. Alludit fortè ad illud prouerbum apud Varronem; *Homo bulla*: quod scilicet similis bullæ vita hominis sit fluxa, & momento caduca: est enim bulla tumor quidam excrecens in aqua qui repente euanescit. Vnde Bernardus; *Verè breue est omnino tempus nostrum: infelix perinde, qui in huius vitæ lubrico fidens, perituram insumit operam, nec aduertit, quoniam vapor est, & ad modicum parens*.

declamat.
vnus 4.
in Pythia.

Iac. cap. 4.

in quibus-
dam dictis.

P s Quid

Quid verò inter alia ex illo antecedente B
sequatur, ostendit Paulus cum sic inferat;
*Relinquitur est, id est, ergo, qui flent, tanquam
non flentes sint.* Quasi dicat: qui laboribus &
tribulationibus vexari flent, fleant ac si nihil
paterentur, quia transeunt etiam velocissi-
mo cursu tribulationes, sicut reliqua omnia,
sicut vita ipsa. Vnde & *qui gaudent, tanquam
non gaudentes sint*, id est, qui prosperitatibus
gaudent, recordentur quòd citò evanescent
illæ prosperitates: nam quicquid est in hac
vita, momentaneum est, ac citò transit. Ideo
Christus volens discipulos suos animare ad
omnia aduersa fortiter subeunda, ac prospe-
ra parui pendenda, bis apud Ioannem vsus
est hoc verbo, *modicum*: vt innueret: tum
aduersitates, tum prosperitates huius vitæ
modico tempore duraturas. Aptè igitur Au-
gustinus præsentem vitam torrenti similem
esse scribit; *Sicut torrens, inquit, pluuiælibus
aquis colligitur, redundat, perstrepat, currit, &
currenda decurrit, id est, cursum finit: sic est om-
nis iste cursus mortalitatis. Nascuntur homines,
vivunt, moriuntur, & aliis alij nascuntur.*

Ioan. 16.

in Psal.
109.

3. Reg. 17.

in Psal.
109.

Quid hic tenetur? quid hic non decurrit?
quid non quasi de pluuiâ collectum in
mare, in abyssum? Hinc in huius rei figu-
ram, torrens ille de quo bibebat Helias, pau-
corum dierum spatio siccatus dicitur, quem-
admodum expendit Hieronymus: *Andicu-
tes, inquit, torrentes huius sæculi, nolite despera-
re, frequenter hic torrens deficit, videtur quidem
tumesce, videtur habere aquas multas: sed citò
deficit, si sustineas: unde & Helias defecit aqua
torrens*

torrentis. Attalus apud Senecam paucis, & pulchrè res huius vitæ describit. [Quid miraris? pompa est, ostenduntur istæ res, non possidentur, & dum placent, transeunt.] Dum tentaret dæmon Christum Dominum, *ostendit ei omnia regna mundi*: non dedit, sed ostendit; promittebat quæ non possidebat, nõ enim possunt dari, quæ nõ possunt possideri: vnicum est regnum, nimirum cœleste, quod cùm firmum & stabile sit, verè possidetur; terrena verò, cùm fluxa sint, non possunt, nec merentur possideri, licet per transennam tantum possint videri. De illò stabili regno sic alibi Christus; *Regnum meum non est de hoc mundo.*

Epist. 110.

Matth. 4.

Ioan. 18.

Nota torrentis appellationem conuenientiùs laboribus huius vitæ accõmodari, quàm appellationem fluminis, ea potissimum de causa, quòd torrens quamquam multum intumescat, cùm tamen aquam habeat collectitiam, non manantem ex fonte, citò defluit, & siccat: sic enim omnes huius vitæ calamitates, quasi repentè excitatæ, & primo ipso aspectu grauissimæ, quàm citissimè Deo suis opitulante dissipantur; & non tantum aduersitates, sed & huius sæculi prosperitates citò præterfluunt.

- C Vellem te diligenter attendere quæ ad hoc propositum à Seneca dicuntur, qui miratur quòd ea amemus, quæ fluxa & fugacissima sunt. [Quicquid vides, inquit, currit cum tempore. Nihil ex his quæ videmus, manet. Ego ipse dum loquor mutari ista, mutatus sum. Hoc est, quod ait Heraclitus: In idem

Epist. 59.

ad Lucil.

idem flumen his non descendimus : manet enim idem fluminis nomen, aqua transmissa est. Hoc in amne manifestius est, quam in homine; sed nos quoque non minus velox cursus præteruehit : & ideo admiror dementiam nostram, quod tantopere amamus rem fugacissimam, corpus, &c. Igitur ista imaginaria sunt, & ad tempus aliquam faciem ferunt; nihil horum stabile ac solidum est; & nos tamen cupimus tanquam aut semper futura, aut semper habituri. Mittamus animum ad illa quæ æterna sunt : miremur in sublime volitantes rerum formas, Deumque inter illas versantem.] Hæc ille, & verissimè, & Christianissimè.

Quod si Ethnicum audire renuas, cogita quid antecederet dixerit Apostolus : *Præterit figura huius mundi.* Figura ad scenam tragicam spectat, ubi alter figuram Regis, alter verò serui gerit : est enim iste mundus instar scenæ, in qua peragitur fabula vitæ huius : homines personæ sunt; intrant alij, abeunt isti : *Generatio præterit, generatio aduenit.* Locus theatri est terra; *Terra autem in æternum stat.* Duæ in scena sunt portæ, ingredientibus ortus, siue natiuitas; egredientibus occasus, siue mors; vestes quisque hic commodato accipit. *Nihil enim intulimus in hunc mundum.* Qui Regem agit, non aufert secum purpuram, quam hic gestauit. *Nec auferre quid possumus.* Breui finitur hæc Comœdia, qua finita, ubi Rex? ubi seruus? *ubi sunt principes gentium?* Rex non ampliùs imperat, nec seruus ministrat. Sicut igitur qui Regem agit, non

Ecel. 1.

1. Timot. 6.

ibidem.

Ezech. 3.

non habet unde gloriatur: nec qui pauperem agit, unde tristetur, cum illius regnum, huius verò paupertas brevis sint durationis: ita nullus est, qui debeat tritari, quòd priuetur prosperis, vel agitetur aduersis, cum hæc omnia citò transeant.

O passi grauiora, dabit Deus his quoque finem. Virg. 1.

Audiendus est Basilii, quid de hac vita sentiat. *Vidisti*, inquit, *de via plantam, herbam, aquam, aut aliud, quiduis non indignum spectatu. Nonnihil hinc decerpisti oblectationis? Hac interim abs te defluerunt. Rursus in lapides incidisti, cum in colles, in precipitia, scopulos, vel ligna acuminata, aut forte in feras incurristi, reptilia, spinas. Hinc nonnihil contraxisti mæroris? Mox ista reliquisti. Talis est vita præsens, quæ nec delectabilia, nec rursus acerba, & tristia diu retinet.* Basil. in Psa. 1.

D Referens Diuus Chrysostomus supradicta verba Apostoli, sic scribit. *Cum audieris, quòd transit, quid amplius iam quaris? Cum audieris, quòd figura sunt omnia humana veritate carentia, quare sponte sustines deceptionem, non cogitans eorum mutabilitatem, & instabilitatem? Quare non transfers desiderium tuum ad illa in æternum manentia, & mutationem non aduertentia?* Eruditissimus Lipsius sæpe dicere solebat, atque hoc diu præmeditandum suo sepulchro inscribi iussit,

Humana cuncta, fumus, umbra, vanitas, Lipsius.

Et scene imago, & verbo ut absoluiam, nihil.

Fertur quendam cordatum, & prudentem virum cum pluribus in dies, maioribusque à Rege suo beneficiis afficeretur, interrogatum,

tum, quid amplius optare posset, nihil aliud respondisse, nisi clauum vnum; significare volentem timere se volubilitatem illius rotæ & mundanæ fœlicitatis, ne, qui in summo erat rotæ, mox ad infima præcipitaretur: quocirca optabat clauum, quo infixo totam eius volubilitatem sisteret. Verùm ita fortuna, ac omnia humana rotant, vt nullo clauo retineri valeant. Audi quendam apud Plu-

lib. de tran-
quil. anim.

tarchum post deperditas opes; [Sciebam precarias me opes, nec trabali clauo fixas, vt aiunt, possidere, omninóque vtendas accepisse.] Propterea non doluit illis amissis.

Cur autem huius mundi res fluxæ sint, E mutationique obnoxia, rationem assignat Gregorius Nanzianzenus, dum Christo sic loquitur. *Non sine magna sapientia hoc à te Christe constitutum est, vt res omnes huius vite incerta atque instabiles sint; nempe vt rerum firmarum, stabiliumque amore ac desiderio inardescamus, & vt discamus à stulta carnis cogitatione mentem erumpere, vitam ab hac vita alienam ducere, ac denique cum altero mundo mundum hunc commutando, difficultates omnes huius vite, molestiasque forti animo perferre.* Nam vix humana mens ab amore transeuntium, & per-euntium vult se abstrahere; quid si essent permanentia? Vnde idem doctor alibi; *Quid fecissemus, ait, si prosperitas nobis firma, & perpetua esset? cum licet fluxa, & fragilis sit, vsque eò tamen ipsi tanquam vinculis quibusdam astricti simus, eiusque voluptate in hanc seruitutem redacti, vt nihil presentibus rebus melius, atque excellentius cogitare possimus. Quis prateruentia prateribit?*

tract. de
vita itine-
ribus.

orat. 16.

scribit? quis stabilibus, & æternis mentem adiunget? quis de presentibus rebus, tanquam de absentibus cogitabit? quis picturam à veritate, quis umbram à vita sempiterna discernet?

Iuuat & audire, quid hac de re alius Gregorius cognomento Magnus scribat. *Superba mens nostra adhuc non vult hoc sponte deserere, quod quotidie perdit inuita. Et alibi dolet, quod amarum mundum diligamus, fugientem sequamur, & labenti inhæreamus. Ecce, inquit, iam mundus in seipso aruit, & adhuc in cordibus habita ad nostris floret. Vbiq; mors, vbiq; luctus, vbiq; desolatio. Vndique percutimur, vndique amaritudinibus replemur, & tamen cæca mente carnalis concupiscentia ipsas eius amaritudines amamus, fugientem sequimur, labenti inhæremus.* Hom. 4. Euang. H m. 28. honorem SS. marty. Nerei, Achill. De-mittit. Virg. & Pancrat. Diuus Augustinus non poterat non conqueri de sua miseria, & infirmitate. *Mundus clamat, deficio, tu Domine clamas, reficio, & miseria mea praua magis sequitur deficientem, quam reficientem: plane infirmitas mea hæc est. Vtinam vnusquisque nostrum cum quodam pio viro dicere possit.* Solil. c. 13.

Suspiro ad Dominum, non est mortale quod opto,

Futilis mundi fastus, honorque vale.

F Non perpendunt mali hanc rerum humanarum velocitatem: ideo eis adhærent, deperditas deflent; boni verò illas non diligunt, nec de illis curant, cum tam citò curant. *Carnales mentes, inquit Gregorius, idcirco presentia diligunt, quia vita carnis quam fugiua sit minime perpendunt: nam si velocitatem transitus eius aspicerent, hanc etiam prosperitatem* lib. 8. Mor. 11.

tem minimè amarent. Electi autem, quia præsens vita momenta sub festinatione conspiciunt, nequaquam in hoc tanta mobilitatis itinere, cordis intentionem figunt.

Reuera boni ex præsens vitæ velocitate harum omnium rerum contemptum colligunt: at verò impij, licèt etiam illius breuitatem agnoscant, tamen comestationibus, potationibus, ac voluptatibus dandam esse operam concludunt; sic enim illos se inuicem inuitantes inducit Propheta: *Manducemus, & bibamus, cras enim moriemur.* Illos irridet Diuus Augustinus tanquam malè colligentes. Vni ergo horum nebulonum sic lo-

Isai. 22.

in Psal. 70.

quitur. *Quid ais? repete: Manducemus, & bibamus. Age, quid postea dixisti? Planè hoc ipso quod postea dixisti, incussisti mihi timorem ne tibi consentiam; cras enim moriemur. Terruisti, dixisti, & præcessit, manducemus, & bibamus: cum enim dixisses, manducemus, & bibamus, adiunxisti, cras enim moriemur. Audi contra à me; imò ieiunemus, & oremus, cras enim moriemur. Ac si diceret: ex eo quòd cras simus morituri, sequitur quòd hodie ieiunare, benefacere, orare, pœnitentiam agere debeamus: non autem manducare, bibere, & lasciuire. Quid enim cras morituro proderit hodierna voluptas, & comestatio? Nihil quoque nocet citò morituro præsens tribulatio.*

Cùm itaque & bona, & mala huius vitæ citò præterlabantur, non est de illis curandum; sed illa bona sunt quærenda, & mala timenda, quæ æterna sunt. De bonis & voluptatibus huius sæculi, audi quid in inferno dicunt

Liber I. Cap. XXIV. 241

dicunt aliàs experti, & his modò priuati,
transferunt omnia illa tanquam vmbra. Caue tu, *sap. 5.*
 ne propter transeuntes vmbas, ad sempiter-
 nas transeas tenebras. De laboribus verò &
 doloribus huius vitæ sic Paulus: *Id quod in 2. Cor. 4.*
presenti est momentaneum, & leue tribulationis
nostræ, &c. & Petrus; Modicum, inquit, nunc 1. Petr. 1.
si oportet contristari in variis tentationibus. Mo-
 mentanea, & leuia sunt, quæ in hoc mundo
 patimur; hæc si patienter feramus, emolu-
 mentum referemus; quia, teste Gregorio,
dum transitorio labore atterimur, a perpetuo do-
lore liberamur. *lib. 6. Mor. 14.*

Propterea, cum omnia in hoc sæculo mo-
 dica sint, & blandimenta, & tormenta; hæc
 libenter sustineamus: illa verò fugiamus,
 & sempiterna attendamus. Audiamus La-
 Etantium: *Hæc vita, inquit, quia brevis est; lib. 6. de*
idcirco & bona eius, & mala breuia sint necesse est. vero cultu.
Altera verò, quia sempiterna est; idcirco & bona cap. 4.
eius, & mala sempiterna sunt. Ita fit, ut & bonis
brenibus, mala æterna; & malis breuibus bona
æterna succedant.

Renocāda sunt aliquando in memoriā
quæ euenire possunt aduersa, ut cum
acciderint, æquo animo ferantur.

C A P V T XXIV.

A **R**VDENTIS est scire illud posse
 sibi accidere, quod alteri. Nam,
 ait Publius, [quod vni accidit, Pub. Mi.
 Q cuique

Epist. 108.

cuique contingere potest.] Itaque iuxta consilium Senecæ, [id agendum est, ne quid nobis inopinatum sit; quia omnia nouitate grauiora sunt; hæc cogitatio assidua præstabit ut nulli sis malo tyro.] Cum omnibus sis calamitatibus obnoxius, omnibûsque telis fortunæ expositus, quid mirum, si quibusdam feriaris? Quod euitasti, pati poruisti, & adhuc potes. Cogita, antequam sentias, quid humanarum rerum varietas possit. Errare illos dicit Cicero, [qui in prosperis omnes impetus fortunæ putant fugisse; contra verò sapienter cogitare, qui temporibus secundis casus aduersos reformidant.]

Cic. 2. Rhe.

Joan. 16.

Hom. 46. in

Euang.

Multum valet hæc præmeditatio futurarum afflictionum; ea de causa Christus cum aliis, tum Apostolis imprimis futuras accurate prædixit, ne postquam euenissent, aut scandalizarentur, aut conturbarentur.

Hæc, inquiens, locutus sum vobis, ut cum venerit hora eorum reminiscamini, quia ego dixi vobis.

Vnde optimè Gregorius: *Minus iacula feriant que præuidentur, & nos tolerabilius mundi mala suscipimus, si contra hæc per præscientia clypeum munimur.* Cui conuenit illud Senecæ: [Præmeditatio futurorum malorum iam lenit eorum aduentum.]

Hoc antidotum Gentiles ipsi magni fecerunt. Vlysses, teste Plutarcho, peregrè reuersus cognita repentina sui canis morte, illacrymassè fertur, non autem cognita morte uxoris, qui multò antè præsumpserat morientis uxoris imaginem. Anaxagoras hoc præsidio inunitus, nunciata filiorum morte nihil turbatus,

batus, respondit: [Siebam me genuisse mortales.] Seuerus Imperator, auctore Dione Nicæo, vnam sibi parari voluit, in qua sepeliretur, quam crebrò manibus contrectans dicebat: Tu virum capies, quem totus orbis ferè capere non potest. Idque fecit vt memoriam mortis retineret; illudque sibi non esset insolitum, quod sæpe fuerat cogitatum. Quid apud se debeant homines meditari, indicat Terentius his verbis.

*Meditari secum oportet, quo pacto aduersam in Per-
erumnam ferant,*

*Pericla, damna, exilia; peregrè rediens secum
cogitet,*

*Aut filij peccatum, aut uxoris mortem, aut
morbum filie.*

*Communia hac esse, & fieri posse, vt ne quid
animo sit nouum,*

*Quicquid præter spem eueniat, omne id depu-
tare esse in lucro.*

Theſeus quoque in Euripidis Tragœdia optimum ostendit contra dolorem remedium esse, non expectare tempus obliuionis patrem cuncta mitigantem; sed omni studio præueniendo, cuncta prius præmeditari; ait enim:

*Futuras mecum commentabar miseras, Volaterran.
Aut mortem, aut exilium, seu magnum aliquod c. 31.
malum,*

Nè me imparatum cura laceraret recens.

Scitum est & illud Senecæ elogium. [Quæ Epist. 77.
alii diu pariendo leuia faciunt, vir sapiens
leuia facit diu cogitando.]

Hoc antidotum est etiam à diuino Spiritu
Q 2 incul

- Ecd. 18.* inculcatum. *Memento paupertatis in tempore abundantiae.* Ex quibus verbis Diuus Chrysostomus fortè suum desumpsit, consilium: *In rebus prosperis, dicit, expectes aduersas: in tranquillitate tempestatem: quæ sanitate morbum: in diuitiis pauperatē, ac mendicitatem.* Alium enim inexpectatum perturbat animam, si incidat.
- Idem doctor,* assignans rationes, cur Iob tam constans perstiterit in aduersis, atque illam forei animo pertulerit. *Quia,* inquit, *cum dives esset, expectabat egestatem: cum sanus esset, expectabat agrotationem: cum tot liberorum esset pater, expectabat, ut subito fieret orbis. Et hanc anxietatem semper apud se aluit, intelligens rerum humanarum naturam, & volubilitatem.* Huiusmodi autem consideratio, ac futurorum malorum præmeditatio, non solum piæ illi virum disponebat ad patienter ferenda quæque aduersa, sed etiam impedi-
bat ne prosperis delictaretur. Dicebat enim, *Si latatus sum super multis diuitiis meis; & quia plurimum reperit manus mea.* Vnde sic illum interrogat Chrysostomus, *Quid ais Iob? non delictatus es diuitiis affluentibus tibi? nequaquam. Quid ita? Quoniam illarum mutabilem fluxamque naturam, ac possessionem non durabilem videbam.* Dicam ego cum Poëta:
- Quid lib. 4. de Ponto.* Tu quoque fac timeas, & quæ tibi lata videntur, Dum loqueris, fieri tristia posse puta.
- Insanus ille est,* qui hic in quibusdam rebus prosperis confidit. Multos vidimus, aut sanè audiuius è felici statu in maximam cecidisse miseriam; labi poterant, sed non ladi, & si

& si lædi, non tam grauitèr, dummodo se
posse cadere sapius præcogitassent. Quæ mo-
dò possides, scito te posse amittere: noli de
sanitate gaudere, quia vel minimo morbo
priuari poteris. Habes pecuniam, sed potes
perdere: habes filios, sed poteris non habere.
Vnde Seneca: [Ille amisit filios, & tu amitte-
tere potes: ille damnatus est, & tua innocen-
tia sub ictu est.] Qui quidem ictus iuxta
eundem sit præmeditatione mollis. Nam,
inquit, [præcogniti mali mollis ictus venit.] *lib. de con-
sol. cap. 6.*
Idem auctor quærit cur in aduersis con-
solari nolumus, ac multis angamur dolori-
bus; & hanc affert rationem, [Vnde, inquit, *lib. de con-
sol. cap. 9.*
pertinacia in deploratione: nisi quod nihil
mali antequam eueniat, proponimus. Quæ
multo antè præuisa sunt, languidiùs incur-
runt. Non putauì futurum quicquam: tu
putas non futurum, quod multis scis posse
fieri, quod multis vides euenisse.]

- D Idcirco suum adhortans Lucilium, vult,
vt non solum præmeditatione, sed etiam
exercitatione ipsa, quasi quadam praxi præ-
paremur ad omnia incommoda patienter
subeunda; vt, verbi gratiâ, qui multis abun-
dat, sit minimis contentus: qui delicatissi-
mis cibis nutritur, ab illis aliquando absti-
neat: qui mollibus vestimentis induitur, du-
ris & asperis interdum vestiatur; asseritque
multos hæc præstitisse, atque experimento
comprobatse, se in his plurimum profecisse.
[Interpone, inquit, aliquot dies, quibus con-
tentus minimo ac vilissimo cibo; dura, atque
horrida veste, dicas tibi: hoc est quod time-
batur,

batur. In ipsa securitate animus ad difficilia se præparet, & contra iniurias fortunæ inter beneficia firmetur. Miles in media pace decurrit sine vlllo hoste, vallum iacit, & superuacuo labore lassatur, vt sufficere necessario possit. Hoc secuti sunt, qui omnibus mensibus paupertatem imitati propè ad inopiam accesserunt, ne vnquam expauescerent, quod sæpe didicissent.] Hoc optabat Ethnicus, vt sic duntaxat leues redderentur calamitates. Quantò magis idipsum & optare, & præstare debet vir Christianus, vt fortiori animo, ac cum merito ferantur infortunia pro amore ipsius, nempe Dei, à quo immittuntur, vel possunt immitti?

Agésilæus cùm admoneretur, vt aliquid de vitæ rigore remitteret, causam addente quodam, eam vitæ volubilitatem euenturam, vt tempus aliam viuendi rationem exigeret. [At ego, *inquit*, me consuefacio, vt quæcumque inciderit fortunæ mutatio, ne quæram ipse mutationem.] Qui ægrotant, Medicos consulunt, remedia adhibent, pharmaca, potiones, sanguinisque effusionem libenter admittunt: sed prudentiùs agunt, qui vt infirmitates præueniant & euitent, huiusmodi remediis tanquam præcautione vtuntur, iuxta Sapientis consilium: *Ante languorem adhibe medicinam*, scilicet præseruatiuam, ne postmodum purgatiua indigeas. Sic quibusdam contingit, vt adueniente aduersitate, ad remedia, si tamen ad remedia, non potiùs aliquando ad desperationes, recurrant. Quod minimè facerent, si variis euentibus se omnino

Ecccl. 18.

Liber I. Cap. XXV. 247

nino esse obnoxios præcogitant, ac executioni mandarent, quod ab eodem Sapiente inculcatur: *In die bonorum ne immemor sis malorum.* Obfirmandus est itaque animus contra omnes calamitates aliquando obuenturas, ut cum aduenerint, dicas; sciebam illas mihi posse accidere. Fac ut te paratum ad illas ferendas inueniant. Nam impiorum esse existimat Gregorius nolle futura mala præuidere. *Anima, inquit, peruersa præuidere futura refugit, qua præsentem lætitiā conturbent.* *Eccl. 12. Hom. 29. in Euang.*

Ad patienter ferenda quæquæ aduersa plurimum prodest recordatio nostrorum delictorum, propter quæ sæpe Deus nobis immittit tribulationes.

CAPVT XXV.

A



Ic mihi cum Poëta exordiri liceat;

Æquo animo pœnam, qui meruere, ferant. *Onid.*

Peccante Adamo, miseriæ & tribulationes in mundum sunt introductæ. Quamuis per peccatum illis ianua adaperita sit; verumtamen propter propria peccata Deus plurima nobis immittit aduersa.

Sicut enim tonitrua, grando, nix, fulgura, simile
Q 4 fulmi

fulminaque è cœlo aëreo descendunt, quorum si causa meteorologica perquiratur, inueniēmus vapores & exhalationes è terra sursum ascendere, ex quibus tempestates illæ formantur, atque promanant. Itaque terra subministrat materiam, qua à cœlo vexatur. Interim non videntur huiusmodi vapores dum ascendunt; in tonitrua verò aut fulgura, & grandines conuersi, percipiuntur. Sic nimirum ex patratīs peccatis emanant quidā vapores, qui sursum ascendentes efficiunt, ut ad nos descendant fames, pestes, bella, variae infirmitates, & similia mala, quæ videmus & patimur, licet peccata sursum ascendentia, & hæc procurantia, non viderimus. Vnde optime Chrysostomus: *Auferamus, ait, malorum fontem, & omnia malorum fistent fluentia.*

Jerem. 4.

Opprimebatur olim Hierusalem acerbissimis malis, causam ignorabat, cui Dominus per Prophetam: *Via tua*, inquit, *& cogitationes tue fecerunt tibi hæc.* Id est, non est quod in inquirenda causa tuarum aduersitatum, o Hierusalem, fatigeris, via tuæ, & peruersæ tuæ cogitationes fecerunt hoc tibi.

Micha. 1.

Sic & Michæas Propheta postquam grauissima comminatus fuerat ei, cui admiratio aliqua subire posset, cur Dominus tam diras pœnas in populum suum electum inducere veller, sic ait: *In scelere Iacob omne istud, & in peccatis domus Israel.* Quasi dicat: non in me, sed in peccatis populi mei, quasi in propria radice continentur omnia mala hæc, quia radix omnium malorum culpa. *In scelere Iacob omne istud.*

Diuis

Liber I. Cap. XXV. 249

Diuus Hieronymus affirmat, Deum propter peccata populi interdum permittere malos etiam in sacra & sancta malè agere, & affert exemplum de Antiocho Epiphane Rege crudelissimo. *Qui, inquit, subuertit altare, lib. 2. consipiamque iustitiam fecit conculcari, quia contra Pelasum ei erat à Domino; non hoc fecit quod ipse gianos. tantum voluit, sed quod propter peccata populi concessit Dominus.*

Quòd si vniuersaliùs totius orbis mala, prout mala sunt, consideraueris, & causam eorum nosse volueris, tibi pariter respondebo; *In scelere Adam omne istud.* Vnde tot cæci, claudi, surdi, paralytici, tot infirmi? vnde tot pauperes, egentes, afflicti? *In scelere Adam omne istud.* Quòd si ob peccatum protoparentis solum originaliter contractum, ita clementissimus Deus vniuersum genus humanum punit, ita affligit; quid mirum, si pro actualibus peccatis nos grauiter puniat?

Quam falsò accusant superos, stultique queruntur Chrysippus.

Mortales! etenim nostrorum causa malorum

Ipsi nos sumus, & sua quemque recordia lædit.

Refert Ockor, in quadam Britannia: prouincia iam appropinquante messe numerosam Ockor.

aduenisse locustarum copiam, quæ omnem deuorarunt segetem: aliqui autem quædam ex illis locustis acceperunt, in quarum alis hæc duo verba conscripta reppererunt; *Ira Dei*: ne scilicet existimarent homines illius regionis, hæc aliquo casu & ex naturali tantum causa ita euenisse. Multa illi adhibebant remedia quibus illas effugarent, sed nihil

Q s profi

proficiebant, cum ex iusta ira Dei propter illorum peccata prouenirent.

Leuit. 26. Olim Deus quibusdam minitans sic loquebatur; *Si ambulaueritis ex aduerso mihi, ego quoque contra vos aduersus incedam.* Alij secundum Oleastrum sic vertunt hunc locum; *Si ambulaueritis mihi à casu, ambulabo etiam ego à casu.* Id est, si casui attribueritis ea, quæ mihi attribuenda sunt, ambulabo etiam ego vobiscum cum casu, id est, ostendam me vestra quodammodo non curare, ac si nihil mea intersit gubernare vos, Hoc est pessimum Dei flagellum, cum scilicet ipse tecum egerit, ac si tua non curaret. Qui enim ita delinquent, ac si nulla esset Dei erga humana prouidentia, solet Deus eos negligere, ac si sua non curaret, vt sine villo fræno labantur, & eis promiscuè mala contingant, ac si Deus non aduerteret.

Cum igitur scias omnia mala pœnæ iustæ à Deo procedere, noli illi per culpam te opponere, cum ipse sit durior te, & extremum malum sit in Deum aduersarium impingere. Si enim vis in eum insurgere, tribulationes in te faciet consurgere: si committas culpam, immittet pœnam.

Itaque, qui crimina, quibus se obstringit, C
considerat, supplicia quæ illis sunt debita, patienter tolerat. Ratio est, quia videt se temporaliter in hoc mundo cruciari, qui in futuro merebatur in æternum damnari. Vnde *Lact. Firm.* de Lactantius: *Nemini, inquit, mirum debet videri, si pro nostris saepe delictis castigamur à Deo: imò verò cum vexamur, ac premimur, cum maxime*

maximè gratias agamus indulgentissimo Patri, quòd corruptelam nostram non patitur longius procedere, sed plagis, & verberibus emendat. Ex quo intelligimus nos esse Deo cura, quibus, quoniam peccamus, irascitur.

Assignans D. Augustinus rationē, cur Deus hic puniat, sic nos hortatur, simulque consolatur. *Ad tempus Deus emendat, ne in aeternum in Psal. 94. damnet. Elige tibi unum ex duobus, temporalem dolorem, aut aeternum dolorem: omni quippe culpæ debetur pœna, aut aeterna, aut temporalis.*

At dices; sunt multi peccatores, qui senescendo pinguescunt, & pinguescentes senescunt, quos nulla pœna tangit, nullus dolor angit: cur igitur hi ob crimina sua non puniuntur, sed usque ad senectam & senium remanent impuniti? Noli, fili, horum felicitati invidere, cum nihil sit infœlicius felicitate peccantium, & cum, secundum Anselmum, illi meritò lugendi sint, qui cum in vita Ansel. in 1. peccent, in hac vita non puniuntur. Nullus est, Cor. 11.

qui hic puniri non pateretur, si suorum delictorum recordaretur. Qui enim scit se culpam commisisse, novit etiam se pœnam meruisse. *Perpendant iusti, inquit Gregorius, lib. 21. Mor. quæ sint mala, quæ iniquos manent, & nequaquam cap. 4. eorum felicitati invideant, quæ percurrit. Quid est enim quòd de eorum gaudiis admirentur, quando & ipsi per iter asperum ad salutis patriam, & illi quasi per amœna prata ad foveam tendunt? Unde Iob; Nunquid est perditio iniquo? quasi dicat: etiam Illi igitur non est invidendum, licet omnia habeat ad nutum, cunctaque illi prosperè succedant.*

Notan

Notanda est valde inclyta illa Dauidis patientia, qua Semei tolerauit conuicia: cum enim dixisset; *Obmutui, & humiliatus sum, & filii à bonis: statim addidit; & dolor meus renouatus est.* Quis dolor renouatus est Dauidi; cum iniuriis à Semei afficeretur? Præteriti adulterij dolor, cuius tunc recordabatur, vt annotauit Theodoretus, cuius hæc est paraphrasis. *Conuiciis affectus, peccati memini, & stimulus è peccato emissis confgebatur, reputans hanc esse causam, cur ego maledictis assitiam, & tyrannide opprimar, & a regis domibus exactus fugere cogar.*

Ex hac peccati memoria etiam ab ore eiusdem Dauidis emanarunt hæc verba: *Domini præcepit ei, ut malediceret mihi*, videlicet propter adulterium quod admisi. Idcirco subiungit idem Theodoretus: *Peccati memoriam habet hæc clausula, quoniam per hoc castigatio euenit.*

In hanc quoque sententiam audiamus Gregorium. *David, inquit, exurgentem contra se filium fugiens, reduxit ad animam, malum, quod patrauit; & æquanimitèr pertulit, quod audiuisset, & contumeliosa verba, non tam conuicia, quam adiutoria, quibus se purgari, sibi que misereri posset, credidit.* Vide illa conuicia vocari adiutoria. Certum est enim omnia aduersa, si æquo animo ferantur, nos plurimum iuuare ad Dei misericordiam obtinendam, vitamque æternam capeffendam. Cane igitur, ne tua impatientia, illa sint tibi impedimenta, quæ tibi esse possunt adiumenta.

Ideo perpende quod ab eodem Gregorio subdi

subditur: Turpe, ait, illata conuicia bene toleramus, cum in secreto mentis ad mala perpetrata recurramus; leuia quippe videbitur, quod iniuria percutimur, quoniam conspiciamus, quia peius est quod meremur.

3. Hæc peccati recordatio vocatur alibi ab eodem doctore omnis furoris, omnisque mœstitiæ extinctio. Quasi, inquit, aqua ignis lib. 20. exinguitur; cum surgente furore, animi sua cui. Mor. cap. 5. que ad mentem culpæ erodatur.

Quanta etiam sit utilitatis nostrorum peccatorum recordatio, attendenda sunt verba Diui Chrysostomi de eodem Dauide loquentis. Non est oblitus, inquit, peccati sui, quamuis in Psal. 50. indultum sibi fuerit, ille tamen in conscientia sita tanquam in imagine adulterium, & homicidium depictum habebat: & per singulos dies videbat putredinem, & ideo dicebat: & peccatum meum contra me est semper: Ego illud video, tu ne id consideres: Ego illud scribo, tu quasi Dominus dele. Vide enim quid sit. Si tu memor sis, Deus non erit memor; si tu oblitus eius fueris, Deus eius memorabitur. Vides quomodo Dauid peccati sui etiam remissi recordabatur, ut Deus illius obliuisceretur. Tunc enim Deus obliuiscitur, quando non irascitur: & tunc non irascitur, quando peccatum cognoscitur. Tunc autem cognoscitur, quando poena propter illud immola patienter toleratur. O felix recordatio, qua cessat, aut saltem minus vexat diuina castigatio! Qui graui morbo corripitur, statim recordatur præteritæ intemperantiæ suæ in edendo & potando, unde illum sibi morbum contigisse putat: hoc enim

enim pacto tantò redditur morbus tolerabilior, quantò, causa illius cognita, fiet curabilior. Sic cognita per recordationem culpa, tanquam afflictionis causa, fiet per consolationem leuior pœna.

Et cùm quis ex inopinato captus à magistratu, ducitur in carcerem, statim memoria repetit priùs scelera admissa, de quibus timet se accusatù, & propterea tunc detrudi in carcerem; quibus quidem in memoriam reuocatis, tunc sibi ipsi consulendo, & seipsum consolando, qualiter sibi sit respondendum, cogitat.

Clarissimum huius effectus recordationis exemplum habemus in fratribus Ioseph, qui durè admodum, asperèque tractati à Ioseph, & in carcerem coniecti, vt sacra testatur historia, confestim recordati sunt sceleris, quod in fratrem admiserant, ideòque se meritò illa pari confessi sunt, dicentes: *Meritò hac patimur, quia peccauimus in fratrem nostrum, videntes angustias anime illius, dum deprecaretur nos, & non audiuimus: idcirco venit super nos ista tribulatio.*

Hæc omnia audiuit, & percepit Ioseph nescientibus fratribus, eo quòd, ait Scriptura, per interpretem loquebatur ad eos: & miserans eis, auertit se parumper & fleuit, & reuersus locutus est ad eos. Tandiu Ioseph peccatores fratres suos flagellauit & corripuit verborum suorum stimulis, donec peccatum suum agnoscerent, & dicerent; *Meritò hac patimur.* Diu & durius fuissent cruciati, nisi peccatorum suorum fuissent recordati. Sic misere

miseribi
pœnas
merito
Deum
iusta esse

memus;
mstra. Vt
do, inquit
tu corporis
& orit at
qua vsum
stam inc
iudicia

re tribu
niant i
in os pe

In ill
vocatione
velare fa

percuter
gunt, d
Sic solet

nos affici
sanctibus.

aliove ca
mus; ide

gimur, q
illa nobis

Pulchr
gorius qu
timur, te
peratur, e
que ferran
in magis

Liber I. Cap. XXV. 255

miserebitur nostri. Deus noster, si debitas
pœnas nos luere cognoscamus, dicamúsque;
meritò hæc patimur, quia peccauimus in
Deum nostrum: ac fateamur cum Dauide,
iusta esse iudicia Dei, atque sic humiliter cla-
memus; *Induxisti omnia hæc propter peccata* Dan. c. 3.
nostra. Vnde optimè Diuus Hilarius; *Quan-* D. Hil. in
do, inquit, *morbis vexabunt, passiones & crucia-* Psal. 118.
tus corporis deficiunt, damna defatigabunt, luctus
& orbitates affligent, semper utemur hac voce,
qua usus est Propheta: iustus es Domine, & re-
ctum iudicium tuum. Verè iusta & recta illa
iudicia, quæ cessare non faciunt in peccato-
re tribulationem, quoadusque peccata ve-
niant illi in mentem per recordationem, &
in os per confessionem.

In illo ludo, qui vulgò, *la main chaude,*
vocatur, consueverunt ludentes alicuius
velare faciem, & postmodum illius manum
percutere, eumque iteratos ictus subire co-
gunt, donec percutientem deprehenderit.
Sic solet Deus propter peccata calamitatibus
nos afficere; sed quia aliquando bellis gras-
santibus, interdum verò aëris intemperiei,
aliisve causis, & non delictis nostris imputa-
mus; ideo iterum affligari meremur & co-
gimur, quoadusque propter peccata, aduersa
illa nobis euenire confiteamur.

Pulchra similitudine ostendit Diuus Gre-
gorius quonam pacto sint dolores, quos pa-
timur, temperandi. *Dolor,* inquit, *flagelli tem-* lib. 10. Mo-
peratur, cum culpa cognoscitur, quia tantò quis- val. c. 5.
que ferramentum Medici patientius tolerat, quan-
tò magis putridum conficit esse quod secat.

Quid

Luc. 23.

Quid in cruce consolabatur pium Latro-
nem, nisi delicti sui recordatio, propter quod
se merito cruciari fatebatur? Nos, inquit, di-
gna factis recipimus. Nisi humiliter culpam
agnouisset, patienter pœnam nō sustinuisset,
atque ita de salute sua, sicut alter Latro de-
sperasset. Itaque ex vexatione oriebatur pec-
cati recordatio: ex recordatione consolatio:
ex consolatione confessio: ex confessione
deprecatio: ex deprecatione exauditio: ab
exauditione promissio: & ex promissione in
Paradisum migratio.

Obiicies: Iudas suum agnouit peccatum;
Matth. 27. dicebat enim; *Peccavi tradens sanguinem in-
stum*. Verumtamen in illa recordatione non
inuenit consolationem, sed in sui dispen-
dium properauit ad suspendium. Ergo vide-
tur peccati recordatio parum prodesse, sed
potius obesse. Respondeo, Iudam impatien-
tia sua periisse; poterat enim expectare Chri-
sti passionem, quam sperando, maximam
inuenisset consolationem, quia suam distu-
lisset desperationem. Vnde magnus Leo sic
illum alloquitur. *Si expectasses*, inquit, *donec*
serm. 11. de *Christi sanguis pro omnibus funderetur peccatori-*
Passione. *buss, informis lethi suspendium distulisses*. Debe-
bat enim attendere, & humiliter recurrere
ad Christum quem offenderat, & non ad eos
quibus illum tradiderat, & illam punitio-
nem expectare, atque libenter tolerare, quæ
sibi ob suum scelus fuisset immissa; sed ma-
luit sibi mortē consciscere, quàm in hoc mū-
do vel minimam pœnam subire, & potius se
interimere præ tristitia, quàm viuere cum
tristitia.

tristitia.
confite,
Nole
uenire
stom; ad
ei morie
tiz est O
preuenire
currere ei
precans
Theoph
gulaui;
do salut
tentiar
veniam
exaudi
Dico it
recorda
Iudam
Noli
petrare.
aduersa
perpetra
Quod
Sancti i
David, a
que pecc
lerant.
salatio, se
semissa,
dum eur
meruerit.
Et qu
fam igne

tristitia. Ille, inquit Euthymius, ad mortem *Euthym.*
confugit, ut a tristi vita citius liberaretur.

Nolēbat scelestus ille in hoc mundo con-
uenire Christum, sed in alio praeuenire Chri-
stum; ad eum viuens noluit recurrere, sed
ei moriēdo putauit occurrere. Huius senten-
tiae est Origenes, qui ait; *Existimauit Iudas Traſt. 35.*
praeuenire in morte moriturum magistrum, & oc. *in Matth.*
currere ei cum anima nuda, ut confitens & de-
precans misericordiam mereretur. Idem sentit
Theophylactus. Idcirco, inquit, se Iudas stran- *Theophyl.*
gulauit, ut praeueniat Iesum in inferno, & ibi oran- *in Matth.*
do salutem assequatur. Verum; qui hic pœni-
tentiam non agit in corpore, anima nuda
veniam non impetrat; neque ibi potuit eius
exaudiri deprecatio, ubi nulla est redemptio.
Dico itaque cum Diuo Leone, non peccati *ſerm. 3. de*
recordationem, sed desperationem traxisse *paſſ.*
Iudam ad laqueum.

Noli tu desperare, cum possis veniam im-
petrare. Ideo cum propter peccata veniant
aduersa, noli recusare pœnam, qui voluisti
perpetrare culpam.

Quod merito pateris patienter ferre memento. Cato.
Sancti ipsi, inter quos Daniel, Isaias, Esdras,
David, afflictiones suas semper suis suorū-
que peccatis imputarunt; ideo libenter to-
lerarunt. Nam, teste Gregorio, *facilis erit con- in Registro.*
ſolatio, si inter flagella, qua patimur, delicta qua
fecimus, ad memoriam reuocemus. Quia, secun-
dum eundem, mala, qua patimur peccata nostra
meruerunt.

Et quamuis tuarum tribulationum cau-
sam ignores, scito tamen illas iuste tibi im-
mittere

R

mittere

lib. 3. de
sum. bono.

mitti ab eo, cuius iudicia iniusta esse non possunt. Hinc Diuus Isidorus : *Discat non murmurare, qui mala patitur, etiamsi ignoret, cur patiatur. Per hoc quisque se iuste pati arbitretur, quia ab illo iudicatur, cuius nunquam iudicia sunt iniusta.*

Suam sortem, suumque statum quisque patienter ferat.

CAPVT XXVI.



Man. lib. 4.

APIENTER à Manilio dictum est,

---Sors est sua cuique ferenda.

de consol.
Philosophia
s. 2. prof. 4.

Ad hoc autem maximè prodest patientia, sine qua non potest quis intra limites sui status se continere. Testis sit mihi Boëtius, qui ait; *Quis est ille tam felix, qui cum dederit impatientia manus, statum suum mutare non optet? Quis est enim tam composita felicitatis, ut non aliqua ex parte cum status sui qualitate rixetur?*

Primus suæ sortis impatiens extitit Lucifer, qui adhuc existens in cœlis, suo non contentus statu altiora appetiit, ac Dei similitudinem affectare præsumpsit : sed qui plus æquo ascendere voluit, descendere coactus est. Postmodum, qui sua sorte non fuerat contentus, hominem sui status impatientem reddere studuit, illi inuidendo, ac impatienter ferendo quòd ad imaginem & similitudinem

dinem Dei conditus esset, ac sedes illas, è quibus ipse cum sociis suis meritò eiectus fuerat, occupaturus esset. Hoc optimè obseruauit Tertullianus de impatientia diaboli differens: *Adco, inquit, decepit hominem, quia lib. de pa-*
inuiderat: inuiderat autem, quia doluerat: do-
luerat, quia patienter utique non tulerat. Itaque si patienter diabolus tulisset, non doluisset: si non doluisset, non inuidisset: si non inuidisset, non decepisset: & non decepisset, si de coelo lapsus non fuisset: nec lapsus fuisset, si suæ sortis patiens extitisset.

Sicut igitur diabolus fuit proprii status impatiens, impatienter etiam tulit tranquillum illum statum primorum parentum, qui vtinam sua sorte contenti in illo amœnissimo loco mansissent: non enim in tot damna genus humanum fuisset prolapsum. Quantum malorum causa adhuc extat nostræ fortis impatientia? Hinc illa animi inquietudo, vt vnusquisque iudicet sortem alienam sua propria fœliciores. Vnde Horatius,

Alienum nobis, nostrum plus aliis placet. lib. 1. Epi-
 Iucundior nobis apparet aliena conditio, ac stol. 14.

Fertilior seges est alienis semper in agris. Ouid. lib. 1.
 B Inuidet mercator militi, miles autem de arte.
 mercatori: laudat Iurisperitus agricolam:
 agricola verò solos ait fœlices in vrbe morantes.

O fortunati mercatores! grauis annis Horat. lib.

Miles ait, multo iam fractus membra labore. 1. Epist.

Contra mercator, nauim iactantibus Austris,

Militia est potior. -----

Agricolam laudat iuris, legumque peritus,

*Ille datis vadibus, qui rure extractus in urbem
Solos felices viuentes clamat in urbe.*

Epist. 45. Illum Seneca existimat beatum, [qui neminem videt, cum quo se commutatum vellet.] Scito in quocunque statu huius vitæ semper aliquid reperiri, quo doleamus. Pensanda sunt verba Saülis ad filios Gemini:

1. Reg. 22. *Non est, ait, qui vicem meam doleat ex vobis.* Quid videbatur dolendum in Saüle? Rex erat, & diues: quando adhuc erat armentarius & asinas pascebat, magis videbantur eius vices dolendæ; sed in regia dignitate constitutus, nescio qualiter fuerit plangendus, nisi quia etiam in sublimioribus, regiisque dignitatibus huius sæculi, quædam semper inveniuntur compassione & dolore digna. Aliquid Saül patiebatur, quod, licet non appareret, illum tamen plurimum cruciabat. Habent Reges & Principes suum calicem, suamque gestant crucem: quamvis enim diuitiis ac deliciis affluent, imperent, ac potentia sua subditos terream, non tamen sunt sine metu, qui eos plurimum angit. Quod autem & aliquando cur non sint sine

lib. 2. Epist. 2. ad Donatum. metu, ostendit Cyprianus. *Maiores illis, inquit, quam ceteris metus est: tam ille timere cogitur, quam timetur; qui securos non sinit esse subiectos, tam necesse est ut non sit ipse securus.*

Optabant filij Zebedæi suam mutare sortem, & ab humili ad sublimem statum transire: sed Christus ad eos; *Potestis, inquit, bibere calicem, quem ego bibiturus sum?* Ac si diceret: sedeatis licet ad dexteram, siue ad sinistram in regno meo, semper erit vobis calix bibendi. C

bibendus; quia nullus est status in hoc mundo, qui suum non habeat calicem. Quod quidem figuratur in sacculo Benjamin quamvis dilecti, in quo repertus est calix. Traditum est memoriae, quendam ex olitore factum esse Regem, & cum ex eo requirerent aliqui, qua ratione prioris vitae inopiam & incommoda tolerasset, respondisse; requirere potius deberetis, quemadmodum toleraturus sim acerbitates vitae regiae. Magna in oleribus reperiebat acerba, sed maiora in sceptris & diadematribus.

Si vidisses Aman in Curia Regis Assueri, fortè illi inuidisses, statimque tuum cum suo commutare voluisses, felicemque illum iudicasses, tanquam secundum à Rege, omnibusque diuitiis & honoribus affluentem; sed scito ipsum cruce non caruisse, cum tandem in ipsa fuerit suspensus. Quot Regum amasij fuerunt trucidati, aut ultimo supplicio affecti? Dices; hæc omnia euadam: esto; sed animi anxietatem, curam & sollicitudinem quam adhibere oportet, ut Regi placeas, inuidiam & calumnias vix euadere poteris, quæ tibi amarissimum calicem propinare poterunt, quem nolens bibes. Ergo si non mihi, saltem Poëtæ credito,

Vive bene, & longè nomina magna fuge.

& paulo post,

Crede mihi, bene qui latuit, bene vixit; & intra Ouid. lib. 1.

Fortunam debet quisque manere suam. Tristibus.

Quid nobis à Sapiëte dicatur, attendere debemus: *Minima pro magnis tibi placeant.* Cui congruit quod ait Seneca; [Redige te ad

R 3

pauca

pauca ex quibus cadere non possis.] Nam de parvis parua : de minimis minima : & de magnis magna reddenda est ratio. Eorum semper timemus casum, quos testa, aut arborum summitas, vel montium cacumina ferunt; non autem eorum qui in imo iacent: sic valdè pertimescendum est ne in aliquo sublimi statu, aut dignitate constituti, lapsu grauiore ruant.

Duobus potissimùm generibus hominum inuidere solemus, nimirum, potentibus, & possidentibus, illorùmque statum cum nostro, si inferior sit, commutare optaremus; sed reuera compassione potiùs, quàm æmulatione digni sunt. Atque imprimis hoc vnũ, quod à Sapiente de potentibus huius sæculi, & de superioribus dicitur, tibi sufficiat, vt tua sis tenuitate contentus, & gaudeas, imò

Sap. 6. Deum laudes, quòd exiguus sis. *Exiguo enim,* ait ille, *conceditur misericordia: potentes autem potenter tormenta patientur.* Gaudeas etiam quòd inferior & subditus sis, nec optes aliis præesse: *Quoniam,* ait idem, *iudicium durissimum in his qui præsunt, fiet.* Vis igitur grauissima tormenta, ac durissima euadere iudicia? noli dignitates, vel prælationes quærere. Item, si in aliqua dignitate constituaris, vel bene te geres, vel malè. Si bene, infirmaberis,

2. Cor. 11. cogerisque cum Apostolo dicere; *Quis infirmatur, & ego non infirmor? Si autem malè, omnes irridebunt te, quod non minimo tibi erit supplicio. Ergo necesse est Prælatos vel infirmari, vel irrideri, vel in sollicitudine esse;*

Rom. 12. nam, *qui præest, in sollicitudine est.*

Præterea,

Præterea, noli possidentibus siue diuitibus inuidere: si pauper sis, esto tua paupertate contentus. Sic se habebat mater Tobia, dum diceret; *Sufficiebat nobis paupertas nostra.* Tob. 5. Perpende quid diuitibus contingat. Nam in primis non dormiunt: *Saturitas diuitis non* Eccles. 5. *finis eum dormire.* Maledicuntur; *Va vobis diuitibus.* Luc. 6. Vix intrabunt in regnum cælorum: *Amen dico vobis,* ait Christus, *quia diues difficile intrabit in regnum cælorum.* Non debent inuitari ad prandium, nec ad cænam; *Cum* Luc. 14. *facis prandium,* ait idem Saluator, *aut cænam,* noli vocare diuites. Irretiuntur laqueo diaboli; nam, teste Apostolo, *qui volunt diuites fieri,* 1. Tim. 6. *incidunt in laqueum diaboli.* Cur igitur optas sortem illorum, qui non dormiunt, qui anathemate feriuntur, qui à cæna & à cælo excluduntur, & qui à dæmone illaqueantur? Deinde non ille diues est, quem tu putas; audi Aufonium:

Quis diues? qui nil cupiet; quis pauper? avarus. Aufonium.

Hinc illud Stoicorum axioma: Solus sapiens diues est, eo quòd nihil concupiscat. Qui enim adhuc aliquid concupiscit, non habet satis, ac consequenter diues non est. Vt igitur ditescas, nihil concupiscas. [Quid enim, ait Seneca, deesse potest extra desiderium omnium posito? quid extrinsecus opus est ei, qui omnia sua in se collegit?]

E Apud antiquos commune erat illud elogium; *Se contentus est sapiens.* Quod explicans idem Seneca ait; [Ad beatè viuendum, sed non ad viuendum tantum; ad hoc enim illi multis rebus opus est, ad illud autem solo

*Cicero pa-
radox. 2.*

animo suo, & erecto & despiciente fortunam.] Vnde Cicero, [Virtus, inquit, se ipsa est contenta, & qui virtutem habet, ei nihil deest ad beatè viuendum.] Sibi olim gratulabatur Socrates, quòd iuxta naturam viuens, ac paucis assuetus, diuitum delicias non cuperet.

Senec.

Receptissima etiam semper hæc fuit inter sapientes sententia: *Natura paucis est contenta.* Quid autem postulet natura, ostendit Seneca. [Panem, inquit, & aquam natura desiderat, nemo ad hæc pauper est, intra quæ quisquis desiderium suum clausit, cum ipso loue de fœlicitate contendat.] Vnde & luuenalis;

Satyr. 14.

————— *Panem quæramus aratro,*

Qui satis est mensis.-----

Idipsum clamat Lucanus,

*lib. 4. de
bell. ciuili.*

Discite quàm paruo liceat producere vitam,

Et quantum natura petat.-----

Qui autem ad luxum, ad vanitatem, & voluptatem, vel ad delicias viuere cupit, nullis est contentus: quia postquam vnum adeptus est, aliud insequitur, quo adeptus, alterius tenetur desiderio; atque ita nunquam est contentus eo, quod possidet, quia non habet illud quod desiderat. Effet semper homo contentus, si nihil aliud optaret, nisi quod illi satis est. Illud autem quod nobis satis est, præ manibus nostris est, teste eodem Seneca; [Ad manum est, ait, quod satis est.]

Epist. 4.

Reuera ad manum habemus, quod nobis sufficit & satis est, nempe Deum, qui est *Saddai*, id est, ipsa sufficientia; quam quidem
sufficien

sufficien
manib
stare de
aperta
& indice
æqualite
quia tres
do litter
& polle
quibus
dei, que
signific
bere q
ergo e
Deo n
Cypri
Si suffic
Pule
tò magi
ribus fu
nostræ e
ne, inqu
non egen
digenus
quanti p
vitam de
tanto ma
libertas e.
solum A
digebit.
tem, qu
simillim
cum De
multa d

sufficientiam ut ostendatur nos habere prae manibus, observandum est, nos in manu gestare descriptum nomen illud *Saddai*; nam aperta palma, duobus digitis, scilicet pollice & indice, paululum inflexis, & tribus aliis aequaliter erectis, efformatur nomen *Saddai*: quia tres digiti erecti formant quodammodo litteram Hebraicam *ש* *schin*: index verò & pollex inflexi litteras *ד* *daleth* & *י* *iod*, quibus quidem litteris coalescit nomen *Saddai*, quod cum sufficientem Deum significet, significatur etiam nobis, ad manum nos habere quod satis esse & sufficere debet. Nimis ergo est avarus cui Deus non sufficit, aut qui Deo non est contentus. *Homo*, inquit Divus D. Cyprianus, *cuius Deus est, quid quarit amplius? Si sufficis tu Deo, sufficiat tibi Deus.*

F Pulchrè ostendit Chrysostomus, nos tantò magis Angelis assimilari, quantò paucioribus fuerimus contenti, ac maximè libertati nostræ derogare, si multa desideremus. *Non- Hom. 79. ne, inquit, in hoc ab Angelis differimus, quòd ipsi in Ioan. non egent, ut nos? Igitur quantò paucioribus indigemus, tantò magis Angelis appropinquamus: quantò pluribus, tantò magis ad hanc caducam vitam deflectimus: & quantò plura amplecteris, tantò magis derogas tuae libertati, vera namque libertas est, nulla re indigere, &c.* Imò verò non solum Angelis assimilabitur, qui nulla re indigebit, sed & ipsi Deo, secundum Socra- Socrat. tem, qui dicere solitus erat, illum esse Deo simillimum, qui quàm paucissimis egeret, cum Deus omnino nullius egeat rei. *Qui multa desiderat, multis indiget, qui pauca, paucis.*

paucis. Idem Socrates per forum obambulans, cum aspiceret mercium copiam, quæ illic vendebantur, ita secum loqui consuevit; Quàm multis rebus non egeo: ast alij cruciantur animo sic cogitantes; quàm multa mihi defunt.

Porro, attendas velim multos te esse pauperiores, te inferiores, ac te miseriores. Postquam igitur ad ditiores & ad sublimiores respexeris, conuertere parumper ad eos qui inferioris sunt conditionis. Chilon cuidam propter sua mala dolenti, dixit: [Si aliorum omnium mala perpenderis, minùs ægrè feres tua.] Similiter & Poëta,

Chilon.

Ouid. ult.
Met.

----- Similes aliorum respice casus,

Mitius ista feres.-----

Quanti sunt, qui pauciora quàm tu possident, & tamen viuunt contenti? Talibus loquebatur Iuuenalis,

Iuuen. Satyr. 14.

Veniite contenti casulis & collibus istis,

O pueri.-----

Sed meliora & gratiora, qui propter Deum paucis, aut nihilo fuerint contenti, vel si quæ possederint, pauperibus erogauerint, audient à Christo; Venite benedicti Patris mei, possidete paratum vobis regnum, &c.

Matth. 25.

Plutarch.

Teste Plutarcho, sicut quidam alienas picturas, poëmata diligenter aspiciunt, ac singula excutunt per otium, sua neglectui habent: sic multi alienas fortunas magis admiran-
tatur, suas oderunt.

Similia.

Item, quemadmodum victi beatos iudicant solutos, soluti liberos, liberi ciués, hi rursus diuites, hi Reges, Reges verò Deum, tonare

tonare propemodum ac fulgurare cupientes:
sic qui semper expendit, quantò sit aliis in-
ferior, nunquam sua contentus est sorte.

Insuper, sicut qui morbo laborant, cibos
purissimos & lautissimos fastidiunt & recu-
sant, iidem restituti bonæ valetudini, caseos
aut carpe libenter vescuntur: ita stultis &
animo laborantibus magnifica fortuna iniu-
cunda, sapientibus autem humilis ac tenuis
fortuna iucunda & grata erit.

Qui aliqua tristitia aut miseria afficiun-
tur, se solos infortunatos esse putant, nec re-
cordantur similes casus aliis accidisse, & ad-
huc accidere posse. Vnde Sophocles dicebar;

Nunquam oportet felicem existimare sortem Sophocl.
fortunati.

Quia, ait alius,

Fortunam habemus in dies mutabilem.

Diphilus.

Itaque Horatius ipse stultum iudicat, cui
propria fors non placet,

Epist. lib. 1.

Epist. 14.

Rure ego viuensem, tu dicis in urbe beatum,

Cui placet alterius, sua nimirum est odio fors:

Stultus uterque locum immeritum causatur
iniquè.

Interrogatus Epicætetus, quis ditior & fæli-
cior in hac vita haberetur; cui, inquit, satis
est, quod habet.

Morosum sanè est genus humanum for-
tem suam accusans, & animum gerens graua-
tum, propriumque vnūquemque plus quàm
alienum afficit, & quo quisque tenetur, hoc
omnium molestissimum esse dicit. Quod
ipsum etiam in egregia & lepida fabella de
asino subinde dominos suos mutante de-
pingitur.

pingitur. Nam apud olitorem seruiens conquerebatur de pabuli inopia & nimio labore: apud figulum illi molestum erat, quod cogeretur assidue portare lutum & lateres; multò igitur magis in hoc suo rerum statu deplorabat suam iniquiorem sortem, quàm prius. Tandem venditus coriario, ibi deinceps acerbam & luctuosam vitam agebat. Onustus enim foetidis fratrum suorum & affiniù pellibus, vanis votis serò priores conditiones exoptabat. Teste me igitur Cicero, [Sua, inquit, quemque fortuna pœnitet.] Sed immeritò, cum in hoc huic stolido animali assimilatur.

Pulchra quadam similitudine ostendit **H** Apostolus, non esse conquerendum de sorte qua Deus nos donauit, aut de statu ad quem vocati sumus: sic enim loquitur. *Nunquid dicit figmentum ei qui se finxit, quid me fecisti sic? An non habet potestatem figulus luti ex eadem massa facere aliud quidem vas in honorem; aliud verò in contumeliam?* Hinc sequitur, quòd quisque sua sorte contentus esse debeat: sicut enim lutum tantum est lutum; sed ex manu figuli hanc, vel illam formam sortitur: ita homo ex sua humo nil nisi humum & lutum habet; sed ex Deo habet, quòd sit homo rationalis, diues, nobilis, sapiens, foelix, gratiosus. Deus enim cuique dat suam formam; & secundum sapientem, cuique diuidit sua dona prout vult. Deinde, sicut lutum non potest dicere figulo, cur me fecisti sic? Ita nec nos Deo dicere possumus, cur nos fecisti pauperes, ignobiles, rudes, infirmos; illos verò diuites.

Rom. 9.

Ecel. 33.

diuites, nobiles, formosos, sapientes, validos & fortes? Et sicut vas non inuidet vasi pulchrioris formæ: ita non debet homo homini sublimioris fortunæ inuidere.

Noli esse ad modum materiæ horum inferiorum, siue elementaris, quæ non contenta sua forma, semper aliam appetit, vnde subsequitur illius corruptio & alteratio: sed, cum potius cœlo, quàm mundo natus sis, esto sicut materia cœlestis, cuius forma satiat omnino appetitum eius, ideo corpora cœlestia remanent incorruptibilia. Fac itaque vt sateris & contentus sis illo statu, ad quem Deus te vocauit, ac illa tibi sufficiat sors, quæ Deus te donauit, in illa propter Deum patienter ferendo quicquid tibi aduersi contigerit: vnicum dumtaxat doleas & fugias statum, scilicet peccati, à quo tibi, quàm citissime poteris, recedendum est, & ad alium, videlicet gratiæ, transeundum, quam tanta debes auaritate appetere, quanta nouam materia sublunaris appetit formam.

Alium quoque tibi consulo quærere statum, nimirum cœlestem illum & æternum, in quo viuunt beati: ibi enim erimus contenti, quia illum videbimus, illoque fruemur, in quo omnia sunt contenta. Vnde Augustinus: *Quid vagaris*; inquit, *homuncio? ama vnum bonum in quo sunt omnia bona, & sufficit.* *Desidera simplex bonum, quod est vniuersale bonum, & satis est.* *Quid enim amas caro mea? Quid desideras anima mea? ibi est quicquid amas, ibi est quicquid desideras.*

Ex ma-
nual. Aug.
tom. 9.

Sumendum est igitur documentum ex illa
nostra

nostra inquieta conditione, dicendumque cum eodem doctore. *Inquietum est cor nostrum, Domine, donec requiescat in te; quia non ad creata, sed ad creatorem conditi sumus.*

*Nihil prodest, imò plurimum obest
mœrore confici.*

CAPVT XXVII.

Epist. 100.



in reg. breu.
interrog.
192.

RECEPTISSIMA est illa Seneca's sententia; [Superuacaneum est dolere, si nihil dolendo proficias.] Notandum est duplicem dari tristitiam; vnam secundum Deum; alteram saeculi. De vtraque sic quærit Basiliius; *Quæ est tristitia secundum Deum, & quæ saeculi?* Respondet ipsemet: *Tristitia, inquit, secundum Deum est; cum quis ob mandati negligentiam ac contemptum tristatur. At verò mundi tristitia est, ubi quid humanum & mundo dignum fuerit, quod tristitia afficit.*

2. Cor. 7.

Tristitia igitur secundum Deum est, quæ concipitur propter Deum offensum, de qua sic Apostolus ad Corinthios; *Gaudeo, non quia contristati estis, sed quia contristati estis ad pœnitentiam. Contristati enim estis secundum Deum: quæ enim secundum Deum tristitia est, pœnitentiam in salutem stabilem operatur.* Quasi diceret: non simpliciter, quia contristati estis, ego gaudeo, sed quia dolentes de Dei offensa,

offensa, recurristis ad pœnitentiam. Illa sola bona est & laudanda tristitia, quam sequitur pœnitentia. Nullus dandus est locus tristitiæ, nisi ad expulsionem nequitiae. Peccati remedium tristitia est, quæ ideo tantum conceditur, ut patratum peccatum deleatur: nec ad aliud valet tristitia, qua si quis afficiatur, frustra dolet, si tantum propter Deum offensum non dolet. Audi quæso auream Diui Chrysostomi sententiam, de usu, fine & fructu huius tristitiæ loquentis: *Tristitia*, ait, ob Hom. 5. ad
id nobis data est, non ut in morte, aut alia re do- pop.
leamus, sed ut deleamus peccatum, quasi morbi
illius remedium. Sicuti ergo remedium lippitudi-
nis illam tollit, non alias morbos: sic tristitia pec-
catum tollit, non alias agitudines: verbi gratia,
pecunia quis mulctatus est, doluit, non emendauit:
filium amisit, doluit, non resuscitauit mortuum:
contumeliis affectus est, doluit, non renouauit con-
tumeliam: infirmatur, dolet, morbum non aufert,
imò auget: & peccat quis, tristatus est, peccata
deleuit. Ergo tristitia tantum facta est propter
peccatum, a quo nata est; ideo ut tinea ipsum
corrodit & absument, &c. Vult iste doctor, ut
dumtaxat tristemur & pœniteamus propter
peccata commissa, cum aliàs sit nostra tristi-
tia superuacanea.

- B Tristitia autem sæculi, vel carnalis est, quæ nascitur ex nimio amore & amissione bonorum huius sæculi, ut propter opes, voluptates amissas, aut propter amicos, aut potentes offensos. Hæc sæpe mortem animæ operatur, quia incitat ut per Dei offensam illa recuperentur. De illa sic idem Apostolus;
- Sæculi*

ibidem.

Sæculi autem tristitia mortem operatur, etiam aliquando corporis; multi enim, dum nimis sua, vel suos lugent, tabescunt, luctu opprimuntur & moriuntur. Vnde Ecclesiasticus:

Eccl. 30.

Multos, inquit, occidit tristitia. De illa igitur sæculi tristitia loquor, quam, cum nullum afferat commodum, inno multa incommoda, explodendam omnino censeo, iuxta consilium eiusdem Sapientis, qui ab ea sic dehortatur; *Tristitiam longè repolle à te.*

ibidem.

Sed dices: quomodo expellere potero huiusmodi mœrorem, qui etiam mihi nolenti accidit? Imprimis, si non reputaveris tibi aliquid triste accidisse: quia ut plurimum opinione nostra potius quam re ipsa dolemus. [Levis dolor est, inquit Seneca, si nihil illi opinio adiecerit. Ad opinionem dolemus, tam miser est quisque, quam credidit.] Epictetus quoque Philosophus dicebat, homines perturbari non rebus, sed his, quas de rebus habent, opinionibus.

Epiſt. 77.

Epiſt.

Idcirco dicere solebat: [Si videris aliquem flentem in luctu, vel propter absentem filium, vel amissas pecunias, caue ne tua te phantasia in errorem simul abripiat, tanquam ille malo quopiam laboret: sed statim cogites illum non rei euentu, sed opinione sua cruciari.]

Hoc autem ita se habere constat: nam plurimis legimus aliqua placuisse, quæ aliis omnino displicent. Tibi, verbi gratiâ, non arident infirmitates, contumeliæ, necessitates, persecutiones, & cætera huiusmodi: placebant verò Apostolo Paulo, qui dicebat;

Placeo

Placco mihi in infirmitatibus meis, in contumeliis, in necessitatibus, in persecutionibus, in angustiis pro Christo. Tibi aliquis locus erit exilium; aliquibus verò patria. Vnde Boëtius; *Hic ipse locus, quem tu exilium vocas, incolenti-* lib. 2. de *bus patria est. Adeo nihil est miserum, nisi cum* conf. Phi. *pues.* prof. 4. Vides igitur te potius opinione tua, quam rebus ipsis torqueri: desinat illa tua opinio; desinet & tristitia. Potes opinionem deferere; ergo & mororem.

C Quod autem hoc sit in nostra potestate, sic ostenditur. Tristitia causatur ex apprehensione alicuius noliti; vnde vocatur etiam ab Augustino, apud Divum Thomam, afflictio quædam voluntatis de his quæ nobis nolentibus accidunt. Itaque duo concurrunt simul tanquam causæ partiales ad tristitiam, scilicet intellectus apprehendendo aliquod disconveniens, & voluntas illud nolendo: potes autem auertere huiusmodi apprehensionem, impediendo intellectum tuum, ne feratur ad considerationem illius disconvenientis: potes similiter impedire huiusmodi nolationem, quia potest voluntas tua elicere actum volendi etiam ea quæ sibi displicent, utpote afflictiones, morbos, temporalium iacturam, & similia, in quibus plerique non tantum non tristantur, sed ea cupiendo & volendo delectantur. Est igitur in tua potestate tritari, vel non tritari. Quod si non esset; cur diceret Scriptura; *Tristitiam ne des* Eccl. 30. *anima tua?* Præsupponit ergo Sapiens, nos posse non dare tristitiam animæ nostræ; ideo hortatur ne demus carnalem illam & sæculi

S trist

Gabr. lib.
14. quest.
1. art. 3.
D. Thom.
1. 2. quest.
35. art. 3.

tristitiam, tanquam nociuam. Vnde Cassia-
Cass. lib. 9. nus; *Absque illa, inquit, tristitia, quæ vel sa-*
inst. c. 12. lutari pœnitentia, vel pro studio perfectionis, vel
 pro desiderio futurorum suscipitur, omnis tristitia
 tanquam saculi, & quæ mortem inferat, equaliter
 repellenda est, ac sicut fornicationis spiritus, vel
 philargyria, vel ira, de cordibus nostris penitus
 extrudenda.

Cum itaque in nostra potestate sit posi-
 tum, repellere huiusmodi tristitiam, meritò
 arguit Seneca eos, qui in dolore non conso-
 lantur, nisi cum dolore lassantur, quia sic
 non relinquunt dolorem, sed à dolore relin-
 quuntur. *[Turpissimum est, inquit, in homi-*
ad Lucil. Epist. 64.] ne prudente remedium mœroris, lassitudo
 mœrendi. Malo relinquo dolorem, quàm
 ab illo relinquaris.] Vult etiam Diuus Am-
 brosius, vt ratione, non tempore nostra le-
 niatur mœstitia. *Cur, inquit, mœstitiā tuam*
erat. 2. in Sazyr. non ratio potius, quàm dies leniat?

Præterea, considera, sitne futurum, præter-
 ritum, an præsens malum, ob quod mœrore
 afficeris. Si enim sit futurum, vel erit cer-
 tum, vel incertum: si certum & infallibile,
 cur doles, antequam necesse sit? Nam, teste
 Seneca, *[ille plus dolet, quàm necesse est,*
qui antè dolet, quàm necesse sit.] Noli igitur
 esse futuri anxius, ne fias ante miseras
 miser. Plus enim inest mali expectando,
 quàm patiēdo, ait Euripides.

Si autem incertum sit, scito Diuum Chry-
 sostomum existimare animi esse proflus ab-
 iecti & stulti mœrore se conficere ob futura
 mala incerta. Summæ est amentia, inquit,
 in re

in rebus incertis certo se iam cruciatu conficere. Quia sic erit tuus dolor certus pro incerto euentu. Et Seneca; [Infirmi, *inquit*, & *Epist.* 13. imbecillis animi est timere id, quod nondum *ad Lucil.* accidit, vel longinquum est.]

Si præteritum sit malum, vel iam euenisse existimetur, vt filius absens mortuus, vel merces naufragio periisse; necessitatem conuertere in virtutem; fortiter & lubenter sustine, ed quod ansam tibi hic casus præbeat præclarissimas exercendi virtutes, vt patientiæ, magnanimitatis, fiduciæ in Deo: deinde tibi data sit occasio Deo studiosius seruiendi, & plus apud eum merendi. Qua cogitatione munitus Dauid Propheta dicebat; *Vide humilitatem meam, & laborem meum, & dimitte omnia peccata mea.* De præteritis malis, præterquam de culpa, noli dolere: nam ad præteritum non est potentia. [Quid iuuat, *inquit* Seneca, *Epist.* 79. præteritos dolores retractare, & miserum esse, quia fueris? naturale est mali sui fine gaudere. Circuncidenda ergo duo sunt, & futuri timor, & veteris incommodi memoria. Hoc ad me iam non pertinet: illud nondum.]

E Si verò malum sit præsens; videas antequam doleas, quid dolendo proficias. Interroga, an aliquis malo præsentis dolendo, contristando, remedium adhibuerit. Multos Diuus Chrysostomus se audiuisse testatur, qui fatebantur nihil utilitatis sibi ex dolore comparasse. *Audiu*, *inquit*, *multos ad seipsos dicentes. Quæ utilitas quod dolui? nec pecunias recuperavi, & meipsum læsi, &c.* Sed quod ille de

multis, idem de omnibus effari nobis licet. Cui enim aliquando suus profuit dolor? Non est nouum quod tibi accidit. Multi idem passi sunt; qui si patienter illud sustinuerunt, mercedem suæ patientiæ receperunt: si autem impatienter, quære, quid eis contulerit eorum impatientia. Optimum igitur est sæpe cogitare dolorem, siue sæculi tristitiam nullius esse vtilitatis, ac verissimum esse quod de illa ait Sapiens; *Non est vtilitas in ea.* Quia hoc pacto patienter ferre poterimus omnia aduersa. Vnde Seneca; [*Illud, inquit, te non minimum adiuerit, si cogitaueris, nihil futurum dolorem tuum.*]

Eccl. 30.

lib. de conf.
cap. 20.lib. 2. de
prouid.

Euripid.

Epiſt. 3.

Demum perpendite, tristitiam non tantum nihil prodesse, sed plurima incommoda attulisse tam corpori quam animæ, ac quosdam, teste Chrysostomo, ob nimium mœrorem sibi manus violentas intulisse, & seipsos trucidasse. *Mœror, inquit, etiam absente dæmone, multa per se horrenda efficit, plurimosque eorum, qui sibi vel nexuerunt laqueos, conscinerunt gladios, vel fluij se undis, vel flammis donauerunt, vel alio quouis genere perdidere seipsos, sola doloris ac mœoris vi ad ita occumbendum impulsos reperiemus, &c.* Videte quid nimia carnalis tristitia efficiat, & quàm, iuxta Sapientis consilium, sit à nobis longè repellenda. Cum non tantum vnum sit malum, sed multiplex; *Tristitia, ait Euripides, multiplex malum.* quid boni ex multiplici malo hauriri potest? Audite quid de illa dicat idem Chrysostomus. *Tinea est, inquit, non ossium tantum, verum etiam mentis, & carnifex perpetuus, non latus*
trans

Liber I. Cap. XXVIII. 277

transfodiens, verum animi vires labefactans, &c.
Sicut nihil prodest tinea nisi ad corroden-
dum; ita nec mœror. Dicam igitur illud
Æneidum,

Virg. 1.

Durate, & vosmet rebus servare secundis. Æeid.

Precor diligenter attendas, quid ad no-
strum institutum dicat Philemon, unde colli- *Philem.*
ges quod certè flendum & dolendum esset.

Si lacryma nostra malis mederentur,

Et lugens semper dolere desineret,

Vel aurum lacrymæ commutavimus.

*Verum ipse res non auscultant, neque respiciunt
lacrymas,*

Et siue lugeas, siue non, pergunt.

Quid igitur proficis? Nihil.

*Quibusdam respondetur quasiun-
culis, quas obiectare solent, qui ni-
hil aduersi in hoc mundo tolerare
vellent.*

CAPVT XXVIII.

A



ANTA est hominum mollities,
ut nihil molestum, nihilque
quod vel minimum dolorem
animæ, vel corpori inferre pos-
sit, subire velint: sed quia non
possunt omnia effugere incommoda, ad
causas, siue ad rationes, propter quas ta-
lia patiuntur, se conferunt. Vnde Grego-

S

3

rius

Greg. li. 23. riuſ; *Afflicti cordis eſt proprium, vt ſi fieri poſſit.*
 cap. 11. *cur ita, vel non ita ſit, diuinis ſibi reſponderi voci-*
bus velit. Verùm, ſic mihi cum Paulo liceat in
 hominem inuehi; *ô homo tu quis eſ, qui reſpon-*
 Rom. 9. *deas Deo? dicam modò & ego, ô homo tu quis*
eſ, cui reſpondeat Deus? Non poteſ tu reſpon-
dere Deo; nec Deus debet reſpondere tibi:
fatiſ eſt, quòd homo dignoſcaris, vt inſuffi-
 cientiſ ad Dei iudicia inueſtiganda conuinca-
 riſ. Quia, teſte eodem Gregorio, *reſpondere*
 lib. 9. Mor. *Déo non poſſe conuincitur, qui homo nominatur,*
 cap. 8. *qui per hoc quod de humo ſumptuſ eſt, iudicia ſu-*
perna diſcutere dignuſ non eſt. Quamuiſ igitur
 ad reſpondendum impareſ ſimui; conabor
 tamen fretuſ Patrum authoritatibuſ, aliquai
 retundere obiectioneſ, quai ſolent propo-
 nere, qui quærunſ, & conqueruntur, quòd
 in hoc mundo afflicentur. Hæc itaque eſt
 prima quæſtio.

1. Cur tanta in hoc ſeculo patimur incom-
 moda? Quare potiùſ non licet nobiſ indul-
 gere voluptati, ac deliciis?

Reſpondeo: poſſet quidem Deuſ, abſoluta
 ſua potentia, dare nobiſ gloriã ſempiter-
 nam, ſine vllò perpeſſo labore. Sed quia hoc
 non decet, iuſtè ſtatuit, vt illam adulti boniſ
 operibuſ, multiſque toleratiſ aduerſitatibuſ,
 adſpicamur. Hoc enim pacto tanto nobiſ
 erit illa gloria iucundior, quanto fuerit ad
 ipſam viã laborioſior. Suauior eſt cibuſ poſt
 in Pſal. 43. maximam famem. Inuitantur, ait Auguſtinuſ,
aliquando homineſ ad cœnam magnam, & cum
ad eam volunt auidi venire, ieiuuant. Omneſ
 vocamur ad cœnam cœleſtem, quæ vt tibi
 gratior

gratior sit, abstinendum est à voluptatibus huius vitæ, multaque tibi sunt ferenda incommoda, quibus gratiora efficiuntur prospera. Qui nulla vexaretur calamitate, nesciret bona, & beneficia à Deo sibi exhibita æstimare, nec ei gratias agere. Idcirco meritò nobis immittuntur aduersa: nam dulcia non meruit, qui non gustauit amara. Opposita etiam iuxta se posita magis elucescunt. Vnde Gregorius Nazianzenus: *Sol Orat. de nubibus obiectus, latius postea splendet, & ver post Cyprian, hyemis tristitiam est acceptius: iucundior tranquillitas post seditiones ventorum, & perturbationes aquarum. Sic post afflictiones, est tranquillior vita.*

B 1. Cur vni potius, quàm alteri Deus immittit tribulationes? Aut, cur Deus vni, sicut & alteri non impertitur bona temporalia?

Tibi vno verbo respondere possem, voluntatis diuinæ nullam dari causam, cum sit ipsa prima causa, primaque regula contingentium: verumtamen hac similitudine tibi satisfacere conabor. Ingreditur Medicus Xenodochium quoddam, vbi varij & multi sunt infirmi; hic febribus assiduus æstuat; ille latrum dolore corripitur; alius podagra torquetur; alij aliis infirmitatibus laborant: cognitis his omnibus, Medicus diuersa adhibet remedia pro diuersitate morborum, quia cupit omnes curare. Huic enim potionem amaram; alteri verò dulcem præscribit: cibum huic; vinum denegat illi, vel concedit. Cur ita? Quia sic vnicuique iudicat expedire.

Mundus iste est veluti quoddam Xeno-

dochium; infirmi verò nos omnes filij Adæ sumus: infirmitates nostræ sunt, passiones concupiscentiæ, Medicus verò noster Deus est, qui cùm sapientissimus sit, vnicuique id præscribit, quod magis ei nouit expedire. Huic ergo diuitias, illi paupertatem: huic salutem, illi verò infirmitatem: huic honorem, alteri humilitatem: huic tribulationem, illi consolationem elargitur. Cur ita? Quia sic vnicuique nouit esse tribuendum. Nostrum igitur est Medico obedire, & quod præscripsit executioni mandare. Itaque si tibi Deus immisit, verbi gratiâ, paupertatem, vel aliquam infirmitatem, aut aliam tribulationem, scito hæc tibi plurimum expedire; noli reluctari, si optes curari; noli conqueri, cùm hæc ad tuam spectent salutem. Das Medico pecuniam, quamuis amara iniungat, Deo saltem gratias referas, licet immixtat aduersa.

*Hieron. in
cap. 5. Iob.*

Nam, teste Hieronymo, *artis Medicorum est, per dolorem reddere sanitatem.* Anima sanaberis, si corpore percutiaris. Sicut nulla est medicina iucunda, sic nulla grata est aduersitas: libenter tamen hauritur medicina, spe recuperandæ sanitatis: ita libenter feratur quæque aduersitas, spe salutis æternæ. Audi Augustinum: *Intelligat homo Medicum esse Deum; & tribulationem medicamentum esse ad salutem, non*

in Psal. 21.

pœnam ad damnationem. Sub medicamento positis vreris, secaris, clamas, non audit Medicus ad voluntatem, sed audit ad sanitatem. Propterea idem Doctor conqueritur alibi, quod de medicina doceas: *Vnde plangis, inquit, medicina est, non pœna, castigatio, non damnatio.*

*in Psalm.
102.*

Cùm

C 3. Cum propter peccata ut plurimum veniant aduersa, cur permittit Deus alicui malum accidere, qui nullum commisit peccatum? verbi gratia, Iob cur tot flagella pertulit, qui tantam virtutum custodiam sine reprehensione seruauit?

Respondet Diuus Gregorius, dicens: *Idco in p̄fat. Iob flagellatus est, vt pro flagello eius, diuina gloria laus cresceret; non autem vt per flagella peccata, quæ nunquam commiserat, emendaret.* Hoc est, ideo Iob, quamuis iustus flagellatur, vt discat in aduersis, sicut in prosperis Deum laudare & benedicere, atque hæc verba proferre: *Sit nomen Domini benedictum.* Quamuis igitur nullum commiseris peccatum, non debes esse immunis ab omni afflictione, quæ ideo tibi immittitur, vt afflicti discas Deum laudare. Scio quidem mandata diuina seruantibus vitam promitti æternam: sed ad illam non potest quis intrare, nisi per multas tribulationes. Hoc nobis asseuerant duo Apostoli: *Per multas tribulationes oportet nos intrare in regnum celorum.* Quomodo vis ire ad aliquem locum, & non transire per viam, quæ ducit ad talem locum? Viæ cæli, tribulationes sunt; per illas Christus, qui non potuit peccare: per illas Beatissima Virgo ab omni peccato etiam originali immunis, omnesque Apostoli, ac reliqui Sancti, transierunt. Quare vis eximi à via, qui non cupis excludi à patria?

Si itaque bonus & sine peccato sis, amaberis à Domino, & castigaberis ab eo. Audi Paulum: *Quem diligit Dominus castigat, flagellat* Hebr. 12.

gellat autem omnem filium, quem recipit. Vis talem dilectionem? non recuses castigationem. Optas huiusmodi filiationem? noli respuere flagellationem. Nam, teste Augusti-
lib. de past. no, si exceptus es à passione flagellorum, exceptus es à numero filiorum. Recipe, vt recipiaris: recipe, inquam, aduersa & amara, vt à Domino recipiaris. *Aug. serm.* Nonne, inquit idem, melius
4. de verb. Domini. est, vt Deus flagellet te, & recipiat te, quam parcat tibi, & deferat te? Ne deferaris, oportet, licet iustus & bonus, multa patiaris.

Porro non est quod conqueraris, cum tibi D quamuis iusto Christus velit conferre gloriam eodem pretio, quo ipsam acquisiuit. Si à mercatore amico vis emere auream telam, verbi gratiâ, & ille eodem pretio telam tibi vendat, quo ipse emerat, nonne tibi maximum præstaret beneficium, cum lucrum, quod ex aliis emptoribus reportare solet, tibi remittat? Christus quidem regnum cælorum iustis exhibet, non maiori pretio, quam sibi constitit. Emit ille gloriam suam flagellis, spinis, opprobriis, tribulationibus, morte; sic oportuit pati Christum, & ita intrare in gloriam suam. Quid mirum, si eodem pretio cælum iustis offerat? Quidni tu passionibus quoque in alienam intres gloriam?

Apoc. 7. Vidit Ioannes turbam magnam in cælo, quam dinumerare non poterat, ex omnibus gentibus, & tribubus, & populis, & linguis, stantes ante thronum Dei, & in conspectu Agni, amicti stolis albis, & palmæ in manibus eorum: quærenti autem, vnde isti venerint, respondit vnus ex illis, *Hi sunt, qui venerunt de*

de tribulatione magna: non de deliciis, aut voluptatibus huius mundi; sed quamuis iusti, venerunt de tribulationibus tamquam de termino à quo, & peruenerunt ad terminum ad quem fœlicitatis æternæ.

4. Cur multi pessimi peccatores hîc non puniuntur, & ego, qui tot peccata non patraui, quor ipsi, multa tamen aduersa sustineo?

Respondet Diuus Chrysostomus his verbis. *Multi Pharaonis scelera commiserunt; sed Pharaonis pœnas non dederunt, nec in mari rubro* Homil. 27.
ad populu
Antiochen.

submersi sunt, quoniam pelagus eos expectat abyssi sempiterni. Multi Israëlita peccata sunt aggressi; sed eos serpentes non momorderunt: manet autem eos vermis, qui non morietur. Multi Giezi peccata perpetrarunt; neque tamen lepra respersi sunt: eos enim manet pro lepra in binas partes secari, & cum hypocritis poni. Multi quoque iurauerunt, & peierauerunt; si verò fugerunt, ne confidamus, imminet eis quoque dentium stridor. Multa igitur mala perpetrantes, nec dantes pœnas, terreri magis & timere debent: augebuntur enim supplicia propter impunitatem, & Dei longanimitatem. Ergo non attendamus, an modò puniamur, sed an peccemus: quòd si peccantes non pœnas damus, magis pauere debemus. Dat autem tibi Deus temporis pradiſſinitionem, ut ablui possis; cum verò in peccato perseveraueris, tunc demùm graues infliget pœnas. Hæc ille, quibus ostendit non esse mirandum, si Deus in hac vita quibusdam peccatoribus paucas, aut nullas immittat afflictiones, cum in alio sæculo grauiora illis referuentur supplicia. Gaudeas verò, si tibi peccanti statim hîc immittat pœnas: non enim

enim Deus punit bis in idipsum.

5. Adiungis; cur Deus hunc iustum pauperem, illum autem iniustum diuitem facit? E

Respondeo : Non propterea est in Dei operibus deordinatio, sed potius in humana ratione, cui interdum contingit quod phrenetico, aut insano, cui omnia, quæ videt, apparent moueri, & nulla in sede morari: hæc autem turbatio non est in rebus, sed in eius cerebro. Eodem modo, opera diuina summo sunt ordine disposita, ac stabilita; quòd si aliud tibi apparet, deliras, & mente turbaris. Si autem scire desideras, cur Deus alios pauperes, alios verò diuites constituat; scito ita illum statuisse, vt illi humilitate, & patientia in sua paupertate: hi eleemosyna, & benignitate in pauperes saluarentur. Nec potest pauper conqueri contra Deum, quòd illi malè consuluerit; satis enim prouidit, præcipiens diuiti vt eum pascat: quod si ille non præstet, non Dei culpa est, sed iniqui diuitis malè dispensantis, & quæ pauperis sunt, retinentis. Quemadmodum cum in vno lecto duo decumbunt, quorum alter vniuersa stragula ad se rapit, sociumque frigori expositum relinquit, non potest hic conqueri de hospite, qui sufficientem lectum prouiderat; sed de socio, qui totum stragulum ad se traxit. Ita planè Deus noster dat omnibus sufficienter; nam *aperit manum suam, & implet omne animal benedictione.* Si ramen avarus diues sibi omnia rapiat, quæ in pauperes fuerant eroganda, eius est crimen, non Dei.

Psalm. 14.

6. Qua de causa Deus tam multa animalia condidit,

condidit, quæ non tantum non sunt homini necessaria, sed ei etiam pernicioſa, timenda, ac fugienda; ut ſerpentes, ſcorpiones, & cætera huiusmodi?

Dicerem ego, partim Deum ideo hæc animantia condidiſſe, ut nimirum videamus, quantum intereſt verſari in terris cum venenofis animalibus, & in cælis cum mundis ſpiritibus. In illis item animalibus diſcamus perniciem, ac crudelitatem dæmonum, & inde fugere ſtudeamus, & præcipue peccata, quæ illis immundis ſpiritibus nos ſubdunt: bonisſque incumbamus operibus, quibus ſocietatem beatorum ſpirituum nobis comparemus. Vnde Auguſtinus: *De pernicioſis animalibus*, inquit, *vel punimur, vel exercemur, vel terremur; ut non vitam iſtam multis periculis, & laboribus ſubditam, ſed etiam meliorem, ubi ſecuritas ſumma eſt, diligamus, & deſideremus, & eam nobis pietatis meritis comparemus.*

lib. 1. de
Gen. contra
Manich.
cap. 16.

F Idem Doctor loquens alibi de infectis, & exilibus animalibus, docet ea creata eſſe ad domandam noſtram ſuperbiam. Propter ſuperbiam, ait, inſtituit Deus minimas, & aliectioniſſimas creaturas, ut ipſæ nos torqueant; ut cum homine exerit, pulicibus ſubdatur. Quid eſt, quod te inflas humana ſuperbia? pulcibus reſiſte, ut dormias. Populum Pharaonis ſuperbum potuit Deus domare de urſis, de leonibus; ſed muſcas, & ranas illis immiſit, ut rebus viliffimis ſuperbia domaretur.

tract. 1. in
Ioan.

Diuſus etiam Hieronymus docet, parua illa animalia eſſe condita ad manifeftrandam noſtræ carnis fragilitatem. *Huiusmodi*, inquit,

an.

animalia idcirco fecit Deus, ut fragilitatem nostra carnis ostenderet, quæ in tantum nihil est, ut ab iis, quæ parua sunt, vulneretur. Multis aliis de causis nobis incognitis produxit Deus illa animalia tum venenata, tum exilia. Non sunt igitur superflua, cum ex illis nostra domatur superbia, & fragilitas manifestatur humana, & in quibus etiam docemur diabolica vitare contagia.

7. Quæritur insuper; cum peccatum originale sit causa, saltem remota, omnium afflictionum, & infirmitatum, quæ nobis accidunt, cur illo per Baptismum ablato, non tollitur omnis peccati poena? ac cur etiam sublatis per poenitentiam peccatis actualibus, non cessant aduersa, quæ propter illa nobis obuenerunt?

Respondeo: certissimum est, quodd homo nullis omnino miseriis subiacuisset, si in statu gratiæ, in quo conditus fuerat, remansisset. Verumtamen iustissimè visum est diuinæ prouidentia, ut etiam sublata culpa originali, adhuc multæ homini remanerent poenæ subeundæ, ut scilicet maiorem aduersus peccatum indignationem conciperemus, maiorique odio illud prosequeremur. Atque moralis hæc vna ratio inter plures alias tibi impræsentiarum sufficiat; quam ut melius intelligas, notandum est, quid de Scythis referant Historiographi: dicunt enim aliquos ex ipsorum hostibus tanto cum impetu aduersus eos irruisse, ut coacti fuerint, relictis domibus, & patriâ, fugam arripere, & ad tutiora loca se conferre, dirutis interim ab hostibus

hostibus illorum domibus, oppidisque subuerfis. Huiusmodi autem hostibus tandem profligatis, reuersi sunt Scythæ in patriam, vbi de restaurandis vrbibus, & oppidis cogitauerunt; sed inuito consilio, ruinas sine vlla reparatione consultò dimiserunt, vt posterius illis animaduersis contra hostes huiusmodi sæuius indignarentur, & vt nunquam cum ipsis inirent pacem; imò de illis acerbiores fumerent vindictam. Sic se voluit habere diuina prouidentia: tribulationes, mundi labores, infirmitates, ruinae quidem sunt generis nostri ex peccato promanantes: vt igitur aduersus peccatum exanDESCAMUS, & acerbius indignemur, miseras illas, etiam peccatis remissis, permittit Deus apud nos remanere; vt illis vilis, & perpeffis discamus odisse causam, cuius non possumus euitare effectum.

G 8. Quomodo efficere poterò, vt nimia calamitate, vel afflictione non frangar, aut in aliqua verba blasphemiae in Deum, aut proximum non prorumpam?

Respondeo: si cogitaueris omnes tuas blasphemantes voces nihil tibi prodesse, imò plurimum nocere: atque fieri non posse, vt quod factum est, infectum fiat.

[Illud, inquit Seneca, re non minimùm adiuerit, si cogitaueris nihil profuturum dolore tuo.] *lib. de con-*

Cogita etiam, Deum nunquam plus aduersi immittere, quàm ferre possimus:

sic consolabatur Corinthios Apostolus; *1. Cor. 10.*

delis est Deus, qui non patietur vos tentari supra id, quod potestis, sed faciet etiam cum temptatione prouentum.

prouentum. Homines suis iumentis non plus oneris imponunt, quàm ferre queant : multo minùs hominibus plus tribulationum immitteret Deus, quàm sustinere possint. Deus, inquam, qui tibi aliquam immitterit aduersitatem, dat tibi, vnde illam valeas sustinere. Accusanda est igitur tua mollities, quamdam prætendens imbecillitatem. Audi eundem Senecam : [Dura res est dolor, *inquit*, inò tu mollis es. Pauci, ais, dolorem ferre potuerunt, simus ex paucis. Imbecilles, addis, natura sumus: naturam infamare nolite: illa nos fortes genuit.] Vides Ethnicum fateri, nos habere satis virium ab ipso naturæ Deo ad ferendas quascumque aduersitates. Si itaque viribus naturæ, auxiliisque diuinis respondere renuas, non mirum est, si vel minima tribulatione frangaris.

*lib. de re-
med. fort.*

*Hom. 9. in
Epist. ad
Roman. in
moralis.*

Diuus quoque Chrysostomus imbecillitati animi potius, quàm afflictionum grauedini tribuit, dum quis illarum oneri succumbit. Cur, inquit, aliquos afflictio transuersos egit, atque in errorem induxit? Nempe, quòd erroris inductio non ab afflictione, sed ab illorum imbecillitate profecta sit: neque enim, si quis stomacho laborans medicamen acre, quo purgari ipse queat, non admittit, sed illud alterat, medicamen incusabimus; sed membri valetudinem, quemadmodum & hic animi infirmitatem.

Iob. 31.

Dices: Iob forti erat stomacho, verumtamen videtur oneri succubuisse, dum ait: *Pondus eius ferre non potui.* Respondeo, Iob nunquam afflictionibus, sed potius illi afflictiones cecidisse, vt patet in eius historia.

Sed

Sed loquitur hîc comparatiuè , & in persona impij iudicia diuina subeuntis ; comparat enim pœnas temporales æternis , & vltima iudicia præsentibus : quasi dicat. Si hîc vix potui subire supplicia temporalia, quomodo potero æterna ? Hinc Gregorius : *Ex ipso, lib. 21. mor. inquit, præsentis verberis iudicia æterna pensanda cap. 16. sunt; hinc etenim perpendere summopere debemus, quomodo feratur illa, quæ reprobis, si ferri modò vix valet eius ira, quæ purgat.*

Quacumque igitur aduersitate premaris, cauè ne conqueraris : sunt enim aduersitates veluti alæ, quibus homo subleuatur à terra, & in cælum erigitur : & sicut ala necessaria est aui ad volandum, licèt eam videatur onerare ; ita tribulatio homini , vt tendat ad cælum, licèt eum videatur aggrauare. Vnde Augustinus de iugo Christi , quod potissimum consistit in aduersitatibus pro ipso perpeffis, sic loquitur. *Si aui pennas detrahas, quasi in Psal. 59. onus tollis; & quo magis onus abstulisti, eo magis in terra remanebit. Quam exonerare voluisti, iacet, non volat, quia tulisti onus; redeat onus, & volat. Talis est Christi sarcina : portent illam homines, & inuenient, quam sit leuis, quam suavis, quam incunda, quam rapiens in cælum, & à terra eripiens.*

9. Quando cessabunt tribulationes , illisque exonerabor?

Respondet idem Chrysostomus : *Potest in Epist. ad Deum omnia grania hodie soluere, sed donec nos Rom. cap. 5. purgatos videat, donec videat factam conuersionem, non dissoluet tribulationem. Etenim aurifex, donec aurum bene purgatum viderit, de*

T

confla

290 *Clyp. Patient. Lib. I. Cap. 28.*

conflatorio non extrahit : sic & Deus non abducit hanc tribulationis nubem, donec nos penitus emendauerit. Qui enim tentationem permisit, ipse nouit & tentationis soluenda tempus. Non est semper hyems, nec semper nox, nec semper dies ; ita nec semper tribulatio. Illud tantum nobis curandum est, vt per huiusmodi aduersa, nobis gaudia comparemus æterna : necessariæ sunt nobis tribulationes, vt superius diximus. Nec eis exonerari quæras ; nam

Ouid. lib. 2. de arte amandi. Luxuriant animi rebus plerumque secundis, Nec facile est aqua commoda mente pati.

CLY





CLYPEI

PATIENTIÆ

LIBER II.



Persecutiones sunt patienter ferendæ.

CAPVT PRIMVM.

A **C**ERTVM est, quòd iuxta Apostolum, omnes, qui pie ^{2. Timot. 3.} volunt viuere in Christo, persecutionem patientur. Si igitur pie viuatur, erit qui persecutionem patiatur. Nunquam deerit persecutio, si nunquam desit pietatis obseruatio. Erras, frater, ait Hieronymus, si putas unquam Christi- ^{Epist. 1.} anum persecutionem non pati. Cain persecutus est fratrem suum Abel, quia illum bene operari videbat. Audi Apostolum Iudam: ^{Iud. 1.} Propter quid occidit eum? quoniam opera eius maligna erant, fratris autem eius iusta. Fortè Cain fratrem non fuisset persecutus, si illum frater fuisset sequutus: nec occidisset, si cum illo malè egisset. Nam mali se lædi existimant, si

Epist. 2. eos boni non imitentur. *Malos quisquis non imitatur, offendit, ait Cyprianus.*

Eccli. 33. Sicut igitur nunquam deerit persecutio, ita nec qui te persequatur. Scitum est illud Ecclesiastici : *Contra virum iustum peccator.*

Quinam autem sint, qui aliquando nos persequantur, ostendit Augustinus explanans locum illum Davidis : *Conclude adversus eos, qui persequuntur me. Qui sunt, inquit, qui te persequuntur? forte vicinus tuus, aut ille, quem laesisti, aut cui fecisti iniuriam, aut qui vult auferre res tuas, aut contra quem prædicas veritatem, aut cuius peccatum obiurgas, aut quem male viventem bene vivendo ledis.* Vnde colligimus, multos posse nos hîc habere persecutores, ac proinde quamplurimas nos manere persecutiones, pro quibus subeundis quid agendum sit, indicat Paulus, cum ait : *Per patientiam curramus ad propositum certamen.* Currendum esse dicit:

Hebr. 12.

lib. de beatitud.

sumus in hoc sæculo veluti in stadio currentes, inter quos qui celerius currit, is accipit brauium. *Non enim, inquit Gregorius Nazianzenus, aliter currendo quis vincere potest, nisi post se reliquerit eum, qui simul currit.* Ponit ille Doctor ob oculos virum pium, & tribulationem, quasi duos cursores simul currentes: sed cum ille tribulationem præcedit, quasi victorem antecedere, & præcurrere; tribulationem verò à tergo viri pij subsequi, & post eum currere: ideoque appellari *persecutionem*, non *consequutionem*, quia persequitur, id est, sequitur virum pium, sed eum non assequitur, neque apprehendit; quia ille cum patientia currit, & pergit: quod si curreret

reret sine patientia, deficeret; atque ita persecutio illum assequeretur.

B Idem Apostolus ita contemnebat persecutiones, ac si in alieno corpore sustinuisset. *Persecutionem patimur, & sustinemus*: quasi dicat. Licet persecutionem pariamur, illam tamen ita patienti animo sustinemus, ac si nobis non accidisset; sed alteri. Vnde de illo Chrysostomus: *Tentationes sic contemnebat, ac flagella, & carceres, quasi in alieno corpore patiretur, quemadmodum si adamantinum possideret corpus.* Propterea si patienter feramus, poterimus dicere, sicut & ille Apostolus: *Persecutionem patimur, sed non derelinquimur: deici-mur, sed non perimus.* Videtur alludere ad vasa fictilia, si ex altissima turri deicerentur, & tamen non frangerentur: quasi dicat; quamvis simus veluti vasa fictilia, & ex altissimis quasi persecutionum turribus deiciamur, non tamen frangimur: frangeremur autem, si impatienter persecutiones sustineremus. Ideo ad explorandum nos, permittit Deus, ut mali nos persequantur, & infestentur. Hinc Cyprianus: *Persecutio, inquit, examinatio est, atque exploratio pectoris nostri; & cum praeceperit disciplina, sequetur venia.* Orandum est igitur, ut persecutiones sint nobis disciplinae, quibus tandem patienter toleratis, veniam mereamur. Hoc optabat, qui dicebat: *Proba me, Domine, & tenta me.*

1. Cor. 4:

Homil. 52.

in Act.

Apostol.

2. Cor. 4:

Epist. 9:

Psal. 6:

Cusandum etiam nobis est, ut Christo adhæreamus; illique per bona opera iungamur: nam hoc pacto nihil, aut parum persecutionem sentiemus; sed illa premente,

T 3 ipsemet

Act. 9.
in Psalm.
30.

ipfemet Christus conqueretur, ac si pateretur. Saulus adhuc spirans minarum Christianos perfequebatur; at ipsis tacentibus, tamquam non sentientibus, clamabat Christus: *Saule, Saule, quid me perfequeris?* Quæ verba attendens Augustinus sic scribit: *Non ait Christus; quid Sanctos meos, quid seruos meos: sed, quid me perfequeris? Caput pro membris clamat: vocem namque pedis suscipit lingua, quando fortè in turba contritus pes dolet, clamat lingua; calcas me: non ait, calcas pedem meum; sed se dixit calcari, quia pes, qui calcatus est, à lingua separatus non est.* Ita dummodo nostris delictis à Deo non seiungamur, libenter quamcumque sustinebimus persecutionem: ille enim licet eam sentire non possit, tamen ita conqueretur, & vociferabitur, quasi omnino sentiret. Non est igitur opus, vt de persecutionibus, vel de persequentibus conqueramur, nec in eos inuehamur; sed tantum æquo animo patiamur, cum clamantem, & pro nobis conquerentem habeamus. Habebimus autem, si illum non offendamus.

in Psalm.
33.

Notandum est, quod sicut ille solus non est, qui patienter fert persecutionem, cum secum habeat Christum, vt diximus, conquerentem: ita ille solus non est, qui alium iniuste persequitur, cum secum habeat dæmonem impellentem, & ad persequendum instigantem. Itaque Diuus Augustinus obseruat in vna persecutione nos habere duos hostes; vnum, quem videmus; alterum, qui non videtur; ac ostendit, quomodo circa vtrumque nos gerere oporteat. *Attendamus*, inquit, *duos*

duos hostes; quem videmus, & quem non videmus. Hominem videmus, diabolum non videmus; hominem diligamus, diabolum caueamus; pro homine oremus, contra diabolum oremus, & dicamus Deo: *Miserere mei, Domine, quoniam conculcavit me homo.* Et Diuus Ambrosius indignum iudicat in *Psalm.* vindicari de homine, quem diabolus impellit. *38.* *lit. Quid magnum, inquit, de homine inualido vindicari, quem ad furorem alter, scilicet diabolus, urget?*

Itaque, si hostis tuus, dum te persequitur, habeat dæmonem adiuuantem; habebis tu, dum pateris, Dominum defendentem. Certum est enim, Deum maiorem posse nobis protectionem, & consolationem conferre, quàm omnes inimicos, & diabolum ipsum persecutionem. Loquens Scriptura de filiis Israël, dum opprimerentur, sic ait: *Quanto Exod. 1.* *opprimebant eos, tanto magis multiplicabantur, & crescebant.* Hunc locum afferebat Diuus Cyprianus, dum fideles ad martyrium hortaretur. *de exhort. ad marty.* *Ex hoc loco, inquit, perquam necessaria cap. 10.* *nobis traditur admonitio, nempe timendas non esse iniurias, & pœnas persecutionum; quia maior est Dominus ad protegendum, quàm diabolus ad impugnandum.*

Interim sustinet Deus persequentes te, quamuis magis illum, quàm te in te persequantur: debes & tu similiter patienter sustinere. Quare autem interdum & persequentes, & persecutionibus attritos Deus permittat, indicat Gregorius his verbis. *Iustus Deus lib. 6. moral. cap. 14.* *& suos permittit temporaliter opprimi, & violentum malitiam nequiter augeri; ut dum horum*

vita in purgatione teritur, illorum nequitia consumatur.

in Psalm.
 55. Sunt persequentes, vel persecutiones veluti torcularia, quibus premuntur vna, ut ex eis vinum emanet: nisi enim premantur, & conculcentur, steriles remanent. Audi Augustinum: *Una mittitur in torculari, calcatur, premitur, iniuria videtur fieri vna, sed ista iniuria sterilis non est, imò, si nulla iniuria accederet, sterilis remaneret.* Ita certè & tu sæpe sterilis remaneres, fructumque patientiæ non afferres, nisi te persecutio premeret.

Simile.

Animalia sylvestria, utpote cerui, apri, & similia, sunt meliora, & sapidiora, quæ canes sunt persecuti, & insectati: quia ex timore, & ebullitione sanguinis, atque ex calefactione motus redditur caro tenerior, & ad comedendum sapidior. Ita Deus eos, quos ad mensam, siue gloriam cælestem præparat, solet tyrannorum, & pessimorum hominum persecutionibus exponere, qui eos multis incommodis, multisque insectationibus diuexant, & laceffunt; ut vel sic aptiores ad vitam æternam efficiantur. Huiusmodi fuerunt hi, de quibus loquitur Apostolus, quorum *alii distenti sunt, ut meliorem inuenirent resurrectionem. Alij verò ludibria, & verbera experiri, insuper & vincula, & carceres, lapidati sunt, secti sunt, tentati sunt, in occisione gladij mortui sunt, &c. angustati, afflicti, quibus dignus non erat mundus, in solitudinibus errantes, in montibus, & specuncis, & in cauernis terra.* Vnde Tertullianus tyrannis fideles persequentibus sic loquebatur: *Cruciate, torquere, dammate, atterite nos; probatio est inno*

in Apologet.

est innocentia nostra iniquitas vestra; ideo nos hec pati Deus patitur. Itaque sit nobis illa persecutio grata, qua reddimur grati; sit beata, qua efficiamur beati. Audi Christum: *Beati Matth. 5. estis, cum maledixerint vobis, & persecuti vos fuerint, & dixerint omne malum aduersum vos mentientes, propter me; gaudete, & exultate, quoniam merces vestra copiosa est in cælis.* Sit copiosa in terris persecutio, qua acquiritur in cælis copiosa remuneratio.

Sapienter à Sapiente dictum est: *Qui diligit Ecol. 30. filium, assiduatur ei flagella.* Illum pater videtur diligere, quem sibi similem cupit efficere.

Quandoquidem Christus persecutiones in hoc mundo sustinuit, ostendit se eos diligere, quos ad similia subeunda ordinat. Ideo omnes suos amicos permisit persecutionibus, & pressuris fatigari. *Mic persecuti sunt, Ioan. 15. ait, & vos persequentur.* Nos, inquam, qui viuendo mihi assimilari, ac piè viuere curabitis.

Qui autem nullam in hoc mundo persecutionem patietur, vix piè viuere dicetur. Audi Gregorium: *Ego fidenter dico, quia minus lib. 6. Epist. piè viuis, si minus persecutionem pertuleris.* Audiamus etiam & Ambrosium: *Fortasse cum in Psalm. persecutionem non patimur, tanquam condemnati 118. habemur.* *Serm. 12.*

Serpentes, ex quibus conficitur theriaca, Similia diutissimè verberantur, vt huiusmodi percussionibus foras emittatur venenum. Profunt certè & nobis iterata flagella, ac crebræ persecutiones, vt à nobis peccati venenum expellatur. Semina messium gelu cooperta fertilius germinant. Et ignis flatu premitur, vt crescat.

crescat. Ita persecutio auget desiderium nostrum ad amorem Dei. Ergo patienter ferenda.

Libr. ad
Martyres.

Celebrabatur olim, teste Tertulliano, E apud Lacedæmonas solemnitas quædam *ἡ δακτυλομαχία*, id est, *flagellatio*. dicta, in qua nobiles quique adolescentes ante aram flagellis cædebantur, astantibus parentibus, & propinquis, & ad illa patienter ferenda adhortantibus. Ornamentum enim, & gloria deputabatur, si animam potius inter verbera exhalarent, quàm ob corporis dolorem succubissent. Si illi pro præmio humanæ & inanis gloriæ, & ut parentum astantium votis satisfacerent, æquo animo subibant huiusmodi flagella: quid nobis in hac vita, quæ est veluti flagellationis, & persecutionis solemnitas, subeundum est, pro cælesti præmio, & ut Christum, omnesque Sanctos astantes, nosque intuentes, ac longè maiora passos, imitemur? Non curabant parentes illi nisi charos flagellari filios: sic etiam Deus, quos charè diligit, flagellari, & vexari in hoc seculo permittit. *Flagellat omnem filium, quem recipit.*

Hebr. 12.

Psal. 72.

De quibusdam sic loquitur Psalmista: *In labore hominum non sunt, & cum hominibus non flagellabuntur.* Id est, humanis miseriis non agitantur, neque cum cæteris flagella patiuntur: communes misérias non experiuntur. Nihil est infœlicius hac fœlicitate; ideo infœlicissimi sunt illi, qui cum cæteris hominibus persecutionem patientibus non patiuntur: quia, secundum Bernardum, *qui in labore*

Serm. 13.

in Cantica

labore hominum non sunt, in labore demonum profectò erunt.

Exempla etiam iustitiæ Dei in persecutores fidelium, nos maximè mouere debent ad omnia illorum grauamina patienter ferenda. Puniri enim calamitatibus, tum publicis, tum priuatis, persecutiones, historiæ omnium ætatum testantur: & vel mors sola persecutorum fatetur. Nèp tum sua, tum alterius manu adiutus, ferro peremptus est. Domitianus suorum conspiratione confossus occubuit. Adrianus miserabili fato consumptus est, ut in seipsum sæuire voluerit, si per domesticos licuisset. Seuerus, & Iulius Maximinus filius eius, ab exercitu interfecti sunt. Decius cum toto suo exercitu à Gorthis cæditur, corpusque paludis voragine absumptum, nusquam inuentum. Valerianus, è Persis captus, miserabili captiuitate conficitur. Maximinianus, Massiliæ captus, iussu Constantij, necatur. Maximinus, Christiani sanguinis appetentissimus, putrescentibus genitalibus, vitæ tædio vim sibi gladio intulit. Iulianus apostata Christianis molestissimus, in Persia exercitum ducens, incerto ictu percussus, blasphemans moritur.

*Ioan. Bapt.
Egnatius
lib. 1.*

F. Aurelianus, postquam meditari persecutionem cœpisset, fulmine repentino ter-
ritus est; sed eo nihil ad meliora flexus, à suis inter Bizantium & Heraclam occisus est. Diocletianus imperio sponte se abdicauit, eo quòd Christi nomen, propter constantiam Martyrum, penitus abolere non posset. Priuatus vixit Nicomediæ, ubi morbo miserabili

*Euseb. lib.
7. cap. 30.*

*Nicephor.
lib. 7. cap.
20.*

in Apolo-
gia aduer-
sus Demet.

ibidem.

rabili extinctus est: primum hydropisi intumuit; deinde lingua illius ita vermibus corrumpebatur, ut grauissimo fœtore astantes læderet; postremo, canis more latrans, sceleratam euomuit animam. Omnes denique, qui alios iniuste sunt persecuti, diuinæ vindictæ locum tandem dederunt, pœnâsque luerunt. Vnde Diuus Cyprianus aduersus Demetrianum Præfectum sic scribit: *Nunquam impiorum crudelitas in nomen Christianum exurgit, ut non statim diuinitus vindicta comitetur.* Et rursus: *Quanto magis fuerit persecutionis iniuria, tanto & illustrior fiet, & grauior pro persecutione vindicta.*

Matth. 5.

Sicut igitur Deus iuste punit persequentes, ita remunerat persecutionem patientes, illosque beatos asseuerat: *Beati, qui persecutionem patiuntur propter iustitiam, quoniam ipsorum est regnum celorum.* Hæc itaque beatitudo, regniq; celestis possessio à Christo promissa, nos ad quascumque persecutiones perferendas inuitare debet.

1. Epist. 3.

Quid sit, pati propter iustitiam.

Est autem obseruandum, illos à Christo vocari beatos, non simpliciter qui persecutionem patiuntur; sed qui patiuntur propter iustitiam: quod & adnotatur à Diuo Petro iisdem planè verbis; *Si quid patimini propter iustitiam, beati.* Ille verò pati dicitur propter iustitiam, qui iustus est; & propterea quòd iustitiam, id est, quamlibet virtutem, sequatur, vel tueatur: nomine enim iustitiæ omnis virtus intelligitur. Huic patientiæ redditur corona iustitiæ, debita etiam ex iustitia ob patientis cum Dei gratia, & pacto, promissioque condignitatem.

2. Timot. 4.

Si

G Si persecutio perueniat vsque ad mortem, vt octauam beatitudinem interpretantur multi Doctores, erit martyrium, pro quacumque virtute mors oppetatur, non solum pro fide, ac religione. Exemplo sit Ioannes Baptista, occisus ob liberio- rem incestus reprehensionem. Thomas Cantuariensis pro iure, ac libertate Ecclesiæ, ac similes alij, vt Stanislaus. Huc possunt referri alij Christiani, qui à Iudicibus pro causa ficta, vel secundum allegata, & probata, vel ex præsumptionibus, & coniecturis damnantur ad mortem, & hanc patienter ferunt. Illos nonnulli propè habendos Mar- *Salm. rom.*
tyres existimant. Si quis enim minimè pa- *5. tract. 24.*
trauit peccatū, de quo accusatur, eique nullo modo consensum, nec vt patraretur auxilium præbuit, & tamen morti adiudicatur, si illam patienter ferat propter Deum præcipientem, vt omnia aduersa æquo animo feramus, certè non video; cur is quasi Martyr, imò simpliciter Martyr haberi non debeat, cum verisimile sit, eum pro quacumque alia pia causa mortem libenter fuisse subiturum. Multos Sanctos legimus mortem patienter subiisse propter crimina falsò eis obiecta, vt Sæctum *22. Aug.*
Symphorianum, & alios quamplurimos apud Surium, atque ideo martyrij palmam consequutos fuisse.

Nam aliqui persecutores videri voluerunt Christianis; non quòd Christiani essent, & nominarentur, sed propter conficta scelera pœnas, ac mortem irrogare; simul cauentes, ne sani, & iniusti haberentur ipsi; simul ne laudem,

Apolog.
cap. 9.

Orat. de
sanctis lu-
nent. &
Max.
lib. 3. hist.
cap. 10.

in Psalm.

34.

Epist. 50.

Epist. 118.

lib. 2. Epist.

36.

in 1. Petr.

3.

laudem, & celebritatem Christiani apud suos consequerentur, titulúmque gloriosum martyrij, quem tanti faciebant. Hoc tempore Catholicos Angli hæretici seditionis, ac perduellionis nomine plectunt: olímque Christianos Pagani prætexendo eadem, & dira, turpiáque crimina, vt notat Tertulianus. Vetuit quoque Iulianus apostata, ne vlla Christianæ professionis, ob quam tenebantur carceribus Martyres, mentio fieret, vt Chrysostomus prodit, & indicat Theodoretus.


Nulla modo Martyres, nec pati pro iustitia censendi sunt Iudæi, hæretici, & alij similes, quos non reddit persecutio beatos, sed infœlicissimos, licet summa peruicacia tormenta, mortémque tolerant, cum illa ob suam perfidiam pati mereantur. Crebrò admodum vsurpat Augustinus contra illos: *ibi non esse iustitiam, ubi non est sana fides; & Martyrem facere non pœnam, mortémque, sed causam: Martyrum laudem esse in causa bonitate, non in pœna acerbitate.* Et secundum Gregorium dicimus, quòd *persecutio, dum non rationabiliter sustinetur, nequaquam proficit ad salutem.*

Non ideo tamen debitas illatas pœnas patienter ferenti sua deest laus, ac præmium, vt probat Hugo exemplo larronis, qui dexter Christo fuit in Cruce, de quo fusiùs supra libro primo. Dionysius quoque Carthusianus admittit fideles, qui pro demeritis patiuntur, si libenter patiantur, quodammodo censi posse pati propter iustitiam, maximè

maximè si agnoscant, & fateantur, vt bonus ille latro, se propter propria delicta mereri, quodd iustè permittat Deus, vt alij ipsos persequantur, puniant, vel morte afficiant. Licèt enim vnusquisque fidelium cauere debeat, ne, vt ait Diuus Petrus, *patiatur vt homicida, aut fur, aut maledicus, aut alienorum appetitor:* 1. Petr. 4. verumtamen, si quis in aliquod crimen incurrat, pro quo meritæ debeantur legibus pœnæ, easque patienter subeat, suam humiliter agnoscens culpam, ac de ea dolens, non erit sine præmio, laude, & merito, si ita patiatur, vt magis tristetur de peccato commisso, quàm de pœna inflicta, velletque nunquam illud commisisse propter Deum offensum, non propter pœnam. Si itaque desit causa, accedat patientia, quæ vices suppleat iustitiæ, vt simus beati, quando persecutionem patimur.

*De conuiciis, contumeliis, & detractio-
nibus patienter sustinendis.*

C A P V T II.

A  I Solino credendum sit, extant aliqui homines linguis carentes: [Nonnulla gens, ait, linguis caret.] Idem refert Plinius, idemque Diuus Augustinus de quibusdam aliis populis, quibus ora non sunt, & qui per nares tantummodo suscepto, & re

Solin. cap. 32.
Plin. lib. 7. cap. 2.
Augustin. lib. 26. de ciuit. Dei, cap. 8.

& remisso halitu viuunt. Si igitur inter huiusmodi homines, qui loqui non possunt, aut saltem inter Pythagoræ discipulos silentium durante quinquennio profitentes, tantum versaremur, non essent timenda hominum de nobis eloquia; nullus nos conuiciis insectaretur, nullusque maledictis impeteret. Sed nobis manendum est inter homines, quorum multi ubique exerunt linguam suam, illamque in omnes laxant, nemini parcentes, ac de omnibus temerè loquentes, tam de iis, qui sursum, quàm qui deorsum sunt. Audi Dauidem, quid de quibusdam malè loquentibus dicat: *Posuerunt in calum os suum, & lingua eorum transiit in terra.* Hoc est, cælum ipsum lacessunt, & attingunt, & cælites ipsos non verentur blasphemare. Vel secundum Chaldæum: *Posuerunt in Sanctos calorum os suum, & lingua eorum afflixit Sanctos terra.* Nec Sanctis, qui in cælo; nec Sanctis, qui in terra sunt, pepercit lingua eorum.

- Imò verò eò usque deuenit quorundam malitia, ut etiam de ipso Deo, teste eodem *Psal. 77.* Psalmista, perperam loquantur. *Malè, inquit, de Deo loquuti sunt.* Sed quid dixerunt? Quære ab eodem, & inuenies quosdam de diuina *Psal. 22.* dubitasse scientia, & cognitione. *Et dixerunt: quomodo scit Deus, & si est scientia in Excelsis?* Aliquos verò Deum non videntem, & non intelligentem autumasse: *Non videbit Dominus, nec intelliget Deus Jacob.* Alios indigentem, dicentes: *Numquid & panem poterit dare, & parare mensam populo suo?* Alios autem ipsum non curare de rebus nostris existimasse:

maſſe : Perambulāt , inquit , circa cardines *1ob. 22.*
 celi , & noſtra non conſiderat. Si igitur hæc , &
 ſimilia de tam bono , tamque omnipotenti
 Deo impij effutire auſi ſunt ; miraris , ſi de te
 miſerrimo peccatore paſſim malè loquantur ,
 tibi que derrahant ? Audi Origenem : Impoſſi- *Origen. ho-*
 bile eſt , inquit , homini in hac vita poſito omnibus *mil. 2. in*
 ſatisfacere , & ab omnibus laudari. Deus ipſe odio *Pſalm. 37.*
 habetur , & maledicitur à multis , dicente Pro-
 pheta : Nonne qui oderunt te , Domine , oderam ?
 Multi , ac innumeri eius detrahunt honori.
 Chriſtus Jeſus uſque in hodiernum diem à multis
 adhuc indacatur ſeduc̃tor , & Anathema ei dicitur
 à Judæis , & Gentilibus ; & tu exiſtimas te poſſe
 ab omnibus diligi , amari , & benedici ? &c.

B Verumtamen Deus optimus maximus
 hæc omnia patienter tolerat. Eſtne ipſe pater
 tuus , Dominus tuus ? Eſt , ais. Audi ergo
 Diuum Cyprianum : Si nobis , inquit , Dominus *Cyprian. de*
 & Deus pater eſt , ſectemur patientiam Dei , pa- *bono pa-*
 riter & patris ; quia & ſervos oportet eſſe obſe- *rient.*
 quentes , & filios non decet eſſe degeneres. In teipſo
 ſingulis diebus illum offendente , & in alijs
 ſimiliter peccatoribus experiri poteſ ſingu-
 larem illius patientiam. Nam , ait Tertul- *Tertull. lib.*
 lianus , ſuſtinet ingratiffimas nationes , ludibria *de patient.*
 artium , & opera manuum ſuarum adorantes ;
 nomen , familiam ipſius perſequentes , luxuriam ,
 auaritiā , iniquitatem , malignitatem quotidie
 inſoleſcentem. Tu verò non viſ vel minimum
 pro illius amore ſuſtinere opprobrium ? Tu ,
 inquam , ſeruus , ille Dominus ; tu filius , ille
 pater ; tu creatura , ille Creator ; tu impius , ille
 pius ; tu pauper , ille diues. Suſtinet tamen ,

vt sustineas. Nihil illi prodest sua patientia, tua verò tibi multum.

Si autem hæc ratio tibi non superet, alias adiungam. Atque in primis, vt hanc tibi adeò necessariam patientiam comparare valeas, plurimum tibi proderit silentium, & taciturnitas. Hoc remedio vsam fuisse in aliorum iurgiis beatam Paulam Romanam tradit

Hieronym. Diuus Hieronymus: *Si quando*, ait, *procacior fuisset inimicus, & vsque ad verborum iurgia profuisset, illud Psalterij decantabat: Posui ori meo custodiam, cum consisteret peccator aduersum me.*
epist. 27. ad Eustoch.
Psalm. 38.

Obmutui, & humiliatus sum, & silui à bonis. Vnum illa sibi proponebat Dauidem, qui conuiciis laceffitus, tamquam surdus non audiebat, & sicut mutus non aperiebat os suum. Obmutescebat, quia obsurdescebat; obsurdescebat, quia inimici eius linguâ loquebantur alienâ. [In lingua autem aliena,

Rhod. lib. 3. cap. 12.

ait Cœlius, iuxta commune adagium, obsurdescere necesse est: loquenti enim linguâ nobis ignotâ respondere non possumus.] Detrahentes non loquuntur linguâ Christianâ, sed linguâ diabolicâ, & infernali; ac proinde respondere non debes, vt ostendas te illam non callere linguam. Deinde, vt

Hieron. ad Eustoch. optimè aduertit Hieronymus, *irasci hominis est, frantum iracundie imponere Christiani.* Si acceptâ iniuriâ hominem te consideres, irasceris; si Christianum, iram cohibes.

Si autem respondeas, inimicus tuus habebit intentum, qui tibi conuiciando nihil aliud quærit, nisi vt illi similis fias respondendo. Audi Diuum Ambrosium: *Quando*, inquit,

Ambros. lib. 2. offic. cap. 3.

inquit,

inquit, aliquis nobis conuiciatur, laceffit, ad violentiam prouocat, ad irgium vocat; tunc silentium exerceamus, tunc muti fieri non erubescamus. Peccator enim est, qui nos prouocat, qui iniuriam facit, & nos similes sui fieri desiderat. Denique, si taceas, si dissimules, solet dicere: quid taces? loquere, si audes: sed non audes, mutus es, elinguem te feci. Si ergo taceas, plus rumpitur, victum se reputat, irrisum, posthabutum, atque illusum. Si respond eas, superiorem se factum arbitratur, quia parem inuenit. Si autem taceas, dicitur: ille conuiciatus est huic, contempsit iste. Si referas contumeliam, dicitur: ambo conuiciati sunt. Vterque condemnatur, nemo absoluitur, &c.

Ne igitur tum à Deo, tum ab hominibus condemneris, noli tibi conuiciantibus respondere. Christum imitare, qui, ait Apostolus, *cum malediceretur, non maledicebat; cum pateretur, non comminabatur.* Multi, cum non possunt de inimicis vlcisci, saltem vituntur minis. At verò Christus, quamuis posset, noluit tamen non tantum non vindicare, sed nec etiam comminari, nec ullis signis, aut verbis vindictam promittere: ideo addidit Apostolus, *non comminabatur*, sed tamquam agnus mansuetissimus obmutescibat, ut nobis inter calumnias, & iniurias exemplum præberet silentij. Vide quid de hoc silentio dicat alibi idem Ambrosius: *Beatus, inquit, qui potest tantam habere virtutem, ut laceffit, non irascatur. Inimici hoc agunt, ut prouocent ad iracundiam; maledicunt, ut maledicamus; criminantur, ut crimen retorqueamus; conuiciantur, ut excitent nos ad vicissitudinem contumelia.*

Sed iustus ad Christi similitudinem, atque imaginem cupiens suæ vitæ instituta formare, accusatus tacet, laesus remittit, dissimulas laceffit, & non aperit os suum; & cum possit habere quod referat, magis vult silere, quam dicere, &c.

*in epist. ad
Thessalon.
cap. 5. in
moral.*

Nota Diui Chrysostomi similitudinem. Conuiciatus est quisquam? vituperauit? ex claudes os tuum: si enim illud aperueris, concitabis magis ventum hunc. Non vides in adibus, quod quando è regione, ac directè dua ianua opposita sunt, & flatus vehemens irruerit; si alteram clauseris, nihil valeas efficere flatus, sed plurimum de illius robore praeceidatur? Ita & hic dua sunt ianua, os tuum, & os illius, qui te vituperat, & probro afficit: si tuum occluseris, & spirationem non dederis, omnem istum flatum extingues; si verò aperueris, effranis reddetur.

Tantum autem extitit Christi silentium, D
ut eo in admirationem raptus fuerit Pilatus:
Matth. 27. nam, ait Matthæus, non respondit ei ad vllum
verbum, ita ut miraretur Praefes vehementer. Stupebat quippe Pilatus, quia nouam, & inauditam cernebat rem, nimirum hominem accusantibus respondere nolentem, cum omnes alij omnibus viribus opposita sibi crimina diluere conentur. Non, ait Ambrosius, accusationem tacendo confirmat, sed despiciit non refellendo. Voluit itaque Christus Dominus sic tacendo, ac omnia patienter sustinendo, nobis relinquare exemplum, ut in sufferendis iniuriis sequamur vestigia eius. Nemo enim Christo nobilior, nemo mortalium illustrior, nemo ditior, nemo sapientior, nemo prudentior, sanctior, ac potentior

exco

*Ambros.
lib. 10. in
Luc. serm.
49. de
Christo ac-
cusato.*

excogitari, imò nec fingi potest. Cùm igitur
adedò gloriosus opprobria, & maledicta, &
conuicia patienter tulerit; qua fronte ab-
iectissimus vermis, miserrimus, inquam, pec-
cator, dignus alioqui æternis suppliciis, mi-
nimam etiam iniuriam sustinere renuit, ar-
dentique iracundia vindictam perficit? Audi
Plutarchum: [Silentium, cùm vbique culpa *Plutarch.*
vacet, tum maximè in aliorum conui-
ciis nescio quid egregium, Socraticum, aut
potiùs Herculeum præ se fert.] Ego autem
dico, silentium in conuiciis, & calumniis
diuinum quid, & Christianum præ se ferre.

Noli dentem, vt aiunt, rodere dente; quod
de eo dicitur, qui pari mordacitate mordet.
Nam ait Poëta;

Martial.

----- *Quid dentem dente inuabit*

Rodere? -----

Imò verò, teste Apostolo, hoc plurimùm *Galat. 5.*
obest. *Quòd si, inquit, inuicem mordetis, & come-*
ditis; videte, ne ab inuicem consumamini. Diuus
Ambrosius pro *comedis*, legit *criminas*. No-
lite inuicem rodere, & lacerare detractioni-
bus, atque calumniis, veluti canes inuicem
rixantes, & mordentes seipsos conficiunt.
Certum est enim, quòd si mordentem mor-
deas, magis te mordebit; si conuicianti re-
spondeas, magis tibi conuiciabitur. Non
deerunt, qui te mordentem mordeant, te
ludentem ludent. Audi quid mordenti te
dicat Propheta: *Consurgent qui mordeant te, Abac. 2.*
& suscitabuntur qui lacerent te; & quia expo-
liasti, expoliaberis. Equissimo enim Dei iudi-
cio, qui fratris sui maculat honorem, propria

quoque famæ patietur detrimentum. Hoc
Hesiod. agnouit Poëta ;

Si quemquam verbo ledas, ledêris & ipse.

Vnde sapienter à Salomone dictum est: E

Prou. 13. *Qui detrahit proximo suo, ipse se obligat in futurum.* Quod duobus modis potest intelligi.

Primò, obligat se in futurum, paria audire, & pati; mordet, mordebitur; lacerat, lacerabitur.

Vel, obligat se in futurum, id est, tenebitur famam proximi suis maledictis ablatam restituere; alioqui audiet aliquando ab ipso

Psal. 49. Deo: *Sedens aduersus fratrem tuum loquebaris, &c. Hac fecisti, & tacui.* Quasi dicat: quando deliberato animo (hoc enim significat *sedens*) aduersus tuum proximum loquebaris; quia tunc erat tempus tacendi, ego ipse tacui, illum quoque volui tacere; modò autem arguam te, & statuam contra faciem tuam.

Habes igitur qui, dummodo taceas, tibi detrahentem arguat, increpet, & puniat; non indiget ipse tuis responsis. Hoc cognouit

Luc. 7. Magdalena, quæ Phariseo conuicianti, ac discipulis murmurantibus, imò sorori de ipsa conquerenti nihil penitus respondit; sed Christus illius tuebatur partes, ac pro ipsa respondebat. Denique sufficiat tibi, quòd,

Basil. ho-
mil. 10. de
ira. teste Diuo Basilio, *detrahenti contumelia regnum calorum claudit, tibi verò taciturnitas idem aperit.* Memento etiam iniurias non esse iniuriis compensandas, neque rabie cohibendam petulantiam: nam, iuxta illud Iuris, *innocentia reus purgatur, non relatione criminis.*

lib. 48. de
publ. iud. l. 2. qui reus,
&c. Propterea, & præterea tibi contemnenda sunt probra, ac hominum conuicia, quæ etiam

etiam contumeliæ à contemptu dicuntur, eo. quòd sint contemptu digna. *Si parvus* D. *Basil.* puer, inquit Basiliius, te verbis contumeliosis per- *homil. 10.* teret, occasionem tibi potius ridendi daret. Quòd si *de ira.* phrenesi captus, & sensu excidens verba vita incomposita, & stulta, minimèque vera dicat, misericordia potius, quàm odio dignus erit.

Ecce qui te iniuriis, & contumeliis afficiunt, pueri, aut similes pueris sunt: nam, ait Seneca, [à pueris magnitudine tantum, for- *Seneca lib. 2. de tran-* mæque corporum differunt.] Si pariter men- *quill. vita. cap. 3.* dici, vel stulti te verbis contumeliosis impererent, nonne patereris? Tibi conuiciantes, teste eodem Seneca, mendici sunt. [Scimus *lib. 2. de ira. c. 32.* etiam, inquit, illos nihil à mendicis differre, imò inferiores esse: illi enim exiguo, hi multo egent.] Stulti sunt, quia non ratione, sed passione ducuntur. Cato senior, teste Plutarcho, iratum ab infano nulla alia re *Plutarch.* differre dicebat, quàm mora temporis; sentiens iram esse breuem insaniam. Ideo mon- *Prov. 26:* nebat Sapiens; *Ne respondeas stulto iuxta stultitiam suam, ne efficiaris ei similis.*

F Colligit Beatus Hieronymus quædam ænigmata ex Aristotele, quorum vnum erat: *Ignem gladio ne confodias.* Si videres hominem, qui valido igni se opposeret, tenens, & stringens gladium, nitens illius flammæ secare, stultus iudicaretur: nam ad ignem absumendum, & extinguendum adhibenda est aqua, non gladius. Ita stultus est, qui, cum inimicus igne iracundiæ succensus, flammæ conuiciorum emittit, gladium persecutionis, aut ultionis adhibet: aquam potius adhibeat

homil. 47.
in Ioan.

lacrymarum, plorans illius miseram sortem, qui talibus flammis ardet; & in mentem reuocet, inquit Chrysostomus, *quàm grave supplicium illum maneat coram Deo, & quod ea agat, de quibus non multo post acturus est pœnitentiam.*

Plin. lib. 8.
cap. 10.

Elephantem mirantur Naturalistæ, qui cum sit tantæ magnitudinis, & inter terrena animalia primas teneat, omnibûsque aliis emineat, conturbatur tamen à minoribus bestiolis, & ab eis laceffit motibus furiosis, & Inordinatis circumagitur. Nam, teste Plinio, grunntu porci ita grauiter perturbatur, vt quamuis à primo ætatis tempore domitus sit, & mansuetus, tanquam furiis incitetur, nullumque teneat ordinem; cuius exempla tradit Ælianus. Mouetur etiam viso mure, quem maximè odit. A vermiculis quoque cæruleis, qui prope Gangem reperiuntur, mirum in modum torquetur, vt testis est idem Plinius. Sed quis non magis mirabitur, hominem ratione eminentem conturbari alicuius improperantis, & conuiciantis verbis, quæ potius ridere, aut contemnere deberet? Nam, teste Seneca, [ille magnus, & nobilis est, qui more magnæ feræ latratum minutorum canum securus obaudit.] Puero- rum est leuiter ob minima verbula concitari. Ne citò excandescas; noli magna æstimare, quæ tibi, vel contra te dicuntur. [Inde enim, ait idem Seneca, vobis ira, & infania est, quòd exigua magna existimatis.]

lib. 1. cap.
33.

ibidem.

Seneca de
tranquill.
vita. lib. 2.
cap. 3.

Ælian. lib.
12.

Aristoteles, teste Æliano, Alexandro Magno naturâ iracundo. consilium dedit, vt omnibus

omnibus se superiorem æstimans maledicta contemneret. Sed hoc erat vno vitio aliud curare. Vir autem Christianus maledicta contemnere debet, non quasi conuiciatore melior, sed quasi contumeliis fortior, & validior. Conuicia enim per se nullam habent vim; sed quemadmodum tela, si in corpus durum incidant, percussa cadunt, non penetrant. Talis est vir sapiens, in quem, ait Seneca, non potest cadere iniuria; cui competit quod rectè ab Apostolo dictum est: *Et quis vobis nocebit, si boni amulatores eritis?* Dic igitur cum Seneca de quibusdam sibi oblatrantibus: [Moueret, inquit, si iudicio hoc facerent, nunc morbo faciunt. Non de me loquuntur, sed de se. Bene nesciunt loqui: faciunt quod non mereor, sed quod solent. Quibusdam enim canibus sic innatum est, vt non pro feritate, sed pro consuetudine latrent.]

*lib. de qua-
tuor virt.*

1. Petr. 3.

*Seneca lib.
de remed.
fortuna.*

Paucis itaque cum Publio dicam; [Quàm magnarum virium est, negligere lædentem: qui enim vindicat, sentit.] Laudatur Antigonus, qui, cum ex militibus quidam in eum conuicia iactarent, ignorantes illum propè esse, tentorio virgâ patefacto; Flebitis, inquit, nisi longiùs remoti malè de nobis dicatis.

Publ. Mim.

*Plutarch.
in Apoph.*

G Et ne citò ad iracundiam incendaris, noli citò credere, quæ de te dicta fuisse tibi referuntur. Nam, teste Scriptura; *Qui citò credit, leuis est, & minorabitur.* Attende etiam, quid à Seneca dicatur: [His, quæ nobis narrata sunt, non debemus citò credere. Multi ementiuntur, vt decipiant; multi, quia decepti sunt.]

*Seneca lib.
2. de ira.
cap. 29.*

Nota.

Alius criminatione gratiam captat, & fingit iniuriam, ut videatur doluisse factam. Qui dicere tibi nisi clam non vult, penè non dicit.] Sæpe variantur, quæ nobis renunciantur; nec semper eo animo, quo ab aliis dicta sunt, referuntur. Deinde dum tibi hæc enarrantur, fortè iam habes hunc laudatorem, quem antè habueras detractorem, quia dicti illum pœnitet. Interdum plus nocet tibi præfenti referens, quàm tibi absenti detrahens. Quia, inquit Augustinus, *quando tibi aliquis absenti detrahit, non audis, nec sentis.* Sed audis enarrantem, quem tu deberes audire excusantem, & detrahentem increpantem.

in Psalm.
92.

lib. 3. de
ira. c. 11.

[Non expedit, ait Seneca, omnia audire, omnia videre; multæ nos iniuriæ transeunt, ex quibus plerasque non accipit, qui nescit. Non vis, esse iracundus? ne sis curiosus. Qui inquit, quid in se dictum est, ipse se inquietat.]

ibidem.

Quod si propriis tuis auribus tibi detrahentem, aut conuiciantem audias, debes tunc iuxta Senecæ consilium, naturam, voluntatèque detrahentis excutere: [nam, inquit ille, si puer est, ætati donetur; nescit an peccet. Mulier est, errat. Læsus est, non est iniuria pati, quod prior feceris. Malus est, noli imitari; dabit pœnas alteri, quas tibi debet.] Nōne vis bonus haberi, imò & esse?

Plutarch.
lib. de offic.
audit.

Audi quid à Phocyllide apud Plutarchum tibi dicatur. [Necesse est, inquit, non solum multorum dolis expositum esse eum, qui cupit in bonorum haberi numero, sed etiam crebrò irrideri, contemni, ac morsus den-

tatos

tatos in se recipere.] Vis aliud in tali casu
consilium? Qui tibi detrahit, aut prudens, aut
stultus est: tunc, ait Seneca, [prudentiori ce- lib. 3. &
damus, stultiori remittamus.] Item, vel verum ira. c. 22.
dicit, vel falsum: si verum, quid miraris, quod
alii dicant quod ipse feceris? *Cesset vitium,*
cessabit & rumor, ait Hieronymus. Si falsum, *Epist. 10.*
dic cum Socrate: si falsa conuicia in nos *ad Furi.*
iaculentur, nihil ad nos. Ideo ipsemet cuidam
admiranti, quod nihil in eum commoue-
retur, à quo conuiciis incessabatur; Mihi,
inquit, non maledicit: quandoquidem ea,
quæ dicit, mihi non adsunt, nec in me hæ-
rent. Dices; si hæc patienter tulero, quid mihi *Erasm. lib.*
erit præmij? illam assequeris beatitudinem à *3: Apoph.*
Christo assignatam, ore suo promissam. *Beati, Matth. 5.*
inquit, *estis, cum maledixerint vobis homines,*
& dixerint omne malum aduersum vos mentien-
tes, propter me. Sed vide, vt in te iactata conui-
cia falsa sint; & ea propter Christum patiaris;
qui ideo addidit, *propter me.* Vnde Hierony- *in Matth.*
mus: *Illud, inquit, maledictum contemnendum*
est, quod beatitudinem creat, quod falso maledi-
centis ore profertur.

H Conqueritur Diuus Augustinus, quod *Serm. 16. de*
cùm illam optemus beatitudinem, nolimus *tempore.*
pati hominum conuicia, cùm amore illius
multi viri, multæque delicatissimæ puellæ
longè maiora æquo animo tolerauerint.
Tot viri, inquit ille, tot mulieres, & tanta ac
tam delicata puella flammæ, ignes, & bestias
æquanimitèr pertulerunt: & nos hominum conui-
cia dicimus tolerare non posse? Vnde nescio qua
fronte, vel qua conscientia cum omnibus Sanctis
partem

partem in æterna beatitudine habere desideramus, quorum exempla sequi in rebus minimis non acquiescimus ? &c. Postulabat olim Regius

Psalm. 119. Psalter, ut Deus illum liberaret à labiis iniquis. *Libera, inquit, animam meam à labiis iniquis, & à lingua dolosa.* Sed responsum est ei :

Quid detur tibi, aut quid apponatur tibi ad linguam dolosam ? Id est, (ut notat quidam) considera, quid tibi dabitur, scilicet præmij, si patienter feras labia illa iniqua : aut quid apponatur tibi, scilicet supplicij, si impatiens fueris. In Scriptura enim, dare significat præ-

Matth. 19. miare, ut apud Matthæum ; *Quid dabis nobis præmij ?* Apponere verò significat punire, ut in

Apoc. 22. Apocalypsi ; *Apponet super illum Deus plagas.*

Item, si in te debacchantes audias, declina parumper, & exi ab eo loco : sic præstitit Christus, dum vellent illum Iudæi lapidare, quamvis posset verbo, vel facto se defendere.

Gregor. hom. 18. in Evangel. Vnde optimè Gregorius ; *Quanta humilitate, inquit, iram proximi ferre debeat, perpendat homo, si furores irascentium abscondendo se declinauit Deus. Nemo ergo se contra acceptas iniurias, & contumelias erigat ; nemo conuictis conuictum reddat. Imitatione enim Dei gloriosius est iniuriam tacendo fugere ; quam respondendo superare. Sed contra hoc superbia dicit in corde : Turpe est ; ut acceptâ iniuriâ taceas. Quisquis conspicit, quia contumeliam accipis, & taces, non putat, quia patientiam exhibes, sed crimina agnoscis. Sed vnde vox ista in corde nostro contra patientiam nascitur, nisi quia in imis cogitationem fiximus ; & dum in terra gloriam querimus, placere ei, qui nos de celo respicit, non curamus ?*

Accepta

Liber II. Cap. II. 317

Acceptâ ergo contumeliâ , meditemur in opere vocem Christi ; Ego non quero gloriam meam, est qui querat, & iudicet , &c. Audis in te iactata conuicia , audit & Deus , qui in illis plus offenditur, quàm tu ; repone in illo gloriam tuam, & laudabunt Angeli patientiam tuam.

I Memineris etiam, obtreçantium linguas te nullo modo coërcere posse. Lingua hominum, teste Apostolo, manet indomita. *Omnis, inquit, natura bestiarum, & volucrum, Iacobi 3. & serpentium, & ceterorum domantur, & domita sunt a natura humana : linguam autem nullus hominum domare potest.* Quæ verba explanans Diuus Thomas obseruat, omnium ferè animalium naturam, quamvis suam, hominum industria mansuefieri. Quid enim Leone ferocius ? quid rapidius Tigride ? quid Elephantem immanius ? quid Aspide formidabilius ? Verumtamen illarum bestiarum domatur natura. Audi Senecam. [Leonibus, *Epist. 85.* inquit, magister manum insertat : Tigrim custos suus osculatur : Elephantem minimus Æthiops iubet subsidere in genua, & ambulare per funem.] Plinius Aspidem quamdam narrat in Ægypto à patrefamilias domitam, quotidie de camera sua egressam, à mensa eius annonam accipere solitam. Quidam igitur homines potuerunt huiusmodi animalia domare, sed linguam nullus hominum domare potest.

Tu quidem poteris facili negotio tuam linguam refrænare, alienam verò minimè, ne aliquando effutiat. Nam, inquit Valerius Maximus, [nulla est tam modesta sc̃licitas, *lib. de re med. fortuna, Valer. Maxim. lib. 4.* quæ

quæ malignantes dentes vitare possit.] Hoc
& sancti Patres agnouerunt. *Nihil est*, ait

Greg. Na- Gregorius Nazianzenus, *quod à lingua sagitta*
zianz. *de tutum, atque immune sit.* Idem sentit Diuus
silentio si- Hieronymus. *Fieri*, ait, *quidem non potest, ut*
mili.

Epist. 10. *absque morfu hominum vita huius curricula quis*
ad Furiâ. *pertransseat.* Cum igitur hominum ora occlu-
dere, illorumque linguas ligare minimè va-
leas, noli mirari, nec moueri, si de te mali
malè loquantur; sed sume perutile consi-

Seneca lib. lium Senecæ; [*Optimum est, inquit, pari*
de remed. *quod emendare non potes.*] Sit tibi illa im-
fortuna. potentia, merendi occasio: fiat illa necessitas,
virtutis materia: & audi magnum illum Di-

D. Gregor. uum Gregorium. Cum, inquit, *lingua dero-*
homil. 9. in *gantium corrigi nequeant, æquanimiter sunt per*
Ezechiel. *omnia toleranda; nec obrectationis sermo timen-*
dus est, ne dum vituperatio peruersorum metuitur,
recti operis via deseratur. Leuius sanè fiet pa-
tientiâ, quod corrigi non potest.

Illas duntaxat blasphemias, atque conui-
cia ægrè feramus, quæ ore maligno in Deum
à quibusdam passim effunduntur; de his
verò, quæ de nobis, aut contra nos dicuntur,
non curemus, sed gloriemur, optemusque, ut
nobis dicantur, non Deo. Huiusmodi erat

D. Bern. de Diuus Bernardus, qui de seipso sic ad Euge-
confid. niûm scribebat: *Bonum mihi, si dignetur me*
Dominus meus uti pro clypeo, libens excipio in
me detrahentium linguas maledicas, & venenata
spicula blasphemorum, ut non ad ipsum perue-
niant. Quis mihi det gloriari in voce illa; quo-
niam propter te sustinui opprobrium, & operuit
confusio faciem meam?

Sunt

*Sunt iniuria condonanda, non
vindicanda.*

C A P V T III.

A **M**ULTA sunt, quæ nos ad con-
donandas quascumque iniu-
rias impellunt: atque in pri-
mis, si cogitauerimus ultio-
nem non ad nos, sed ad præpo-
tentem Deum pertinere, qui ideo vocatur à
Psalmographo *Deus ultionum Dominus*; & qui *Psalm. 91.*
sic aperte loquitur: *Mea est ultio*, vel vt legit *Dent. 32.*
Vatablus; *Meum est vlcisci*. Quem locum ci-
rans Diuus Paulus, eundem Dominum ita
inducit loquentem: *Mihi vindicta, & ego re- Rom. 12.*
tribuam. Non tantum Dominus vindication-
em sibi vendicasse affirmat, sed & illam se
facturum reppromittit; *ego retribuam*: & per
Isaiam; *Ultionem, inquit, capiam, & non resistet Isai. 47.*
mibi homo.

Si aliquis tibi amicus, optimis armis mu-
nitus, videret inimicum tuum animo no-
cendi ad te inermem accedere, tibi que di-
ceret: sine, sine me congredi cum illo, melius
enim armatus pugnabo contra illum, quam
tu sine armis; si nolles desinere, non æquum
esset, vt ipse cum illo vnâ tecum congrede-
retur: nam, vt aiunt, *neque Hercules contra duos.*
Tua igitur esset culpa, si tibi aliquid detri-
menti contingeret. Pari modo, cum videat
Deus nocentem, ac te lædentem, ait tibi:
Ecce

Hierem.
51.

Ecce ego indicabo causam tuam, & vlciscar ultionem tuam. Relinque, relinque: *Mihi vindicta, & ego retribuam.* Ego, inquam, qui Deus sum, omniumque iustissimus prouisor, Iudex, & vindex, meum est iniurias vlcisci; quod igitur meum est, præstare volo. Si autem renuas illi vindictam relinquere, sed velis tu ipse illam sumere, quid mereberis? certè, ut deserat te, & non defendat te, imò verò ut te puniat, & vlciscatur. Audi Sapientem: *Qui vindicari vult, à Domino inueniet vindictam.*

Eccl. 28.

Prov. 24.

Caue igitur, ne dicas, *quomodo fecit mihi, sic faciam ei.* Hoc enim pacto tibi arroganter vsurpares, quod soli Deo conuenit; atque ita tibi ipsi accideret, quod inimico tuo contigisset.

Psal. 102.

Valdè perpendenda sunt illa verba *Dauidis; Faciens misericordias Dominus, & iudicium omnibus iniuriam patientibus.* Iniuriam patienter ferentibus duo præstabit Deus. Primò, misericordias: est enim patientia tam grata Deo, ut abundantissimas misericordias effundat in eos, quos tali viderit virtute affectos. Nec solùm hæc præstat, sed & *facit eis iudicium.* Tunc alicui fit iudicium, cum eius offensæ plena vindicta plectuntur: faciens enim eis misericordias, non relinquit illorum inimicos impunes. Vnde sic hortatur Augustinus: *Ferto iniurias, securus esto; faciet enim misericordias Dominus, & iudicium omnibus iniuriam accipientibus.*

in hunc
Psalms.

Dices; libenter indulgerem, si Deus, qui B sibi vindictam reseruat, confestim vlcisceretur: sed quando videbimus illam ultionem, quam

Liber II. Cap. III. 321

quam se redditurum promittit? Citò. Audi quid apud Lucam asserenti Iudici iniquitatis Deum non facturum vindictam electorum suorum, responderit Dominus: *Dico vobis, Luc. 11.* inquit, *quia citò faciet vindictam illorum.* Quibusdam etiam animabus interfectorum clamantibus, & vindictam à Deo postulanti- bus, responsum est, *ut requiescerent adhuc tempus Apocal. 6. modicum.* Nota hìc breuiter verbum illud, *requiescerent*: ex quo colligimus, quòd abstinere à vindicta, requiescere est. Vnde Diuus Augustinus diligenter attendit, quid Scriptura dicat de oratione, & dormitione sancti Stephani. *Primò*, inquit, *beatus Stephanus Serm. de stans orauit pro se; deinde genu flexit; & ait: sancto Ste-* Domine, ne statuas illis hoc peccatum; & hoc phane: dicto obdormiuit. Fœlix somnus, & requies vera; ecce quid est requiescere, pro inimicis orare. Vis dormire? parce. Vis requiescere? ora pro inimicis.

Sed, ais, cum citò promittatur illa vindicta, cur citò non perficitur, & adimpletur? Iterum dico, quòd citò veniet, & citò fiet, imò citò fit, licet tibi videatur non citò fieri. Egregia autem similitudine ostendit idem Augustinus, cur tibi diuturnum videatur, quod festinum est; & longum, quod breue est: sic enim scribit. *Infirmitas facit diu videri, in Psalm. quod citò est. Quomodo inueniuntur desideria 36. agrotorum? nihil tandiu, quàm ut calix sitiienti prepararetur: utique festinatur à suis, ne forte offendatur infirmus. Quando fiet? quando coquitur? quando dabitur? Celeritas est in illis, qui tibi seruiunt; sed infirmitas tua diuturnum putat,*

X quod

quod citò agitur. Sublata igitur infirmitate, festinum erit ægroto, quod prius erat prolixum. Infirmitas tua odium est erga inimicum; quod quidem odium si deponas, modicum illud tempus inuenies, quod vindictæ seruatum est, licet ad diem usque Iudicij protraheretur. Vel dicendum cum eodem Doctore. *Quod tibi longum videtur, citò est Deo; subiunge te Deo, & citò tibi erit.*

Et quamuis tardaret Deus vindicare, non minùs tamen præstolari patienter debemus.

lib. de bono patient. Ad hoc nos hortatur Diuus Cyprianus: *Expectemus, inquit, ultionis diem, nec ad vindictam doloris nostri querula festinatione properemus, cum scriptum sit; expecta me, dicit Dominus.* Certi enim sumus, quòd nullum malum remanebit impunitum, & tanto grauiùs punietur, quanto tardiùs. Nouit ipse Valerius Maximus aliquando lento gradu diuinam procedere iram, tarditatémque vindictæ grauitate compensare. Cur etiam interdum Deus differat punire tam lædentes te, quàm cæteros delinquentes, obseruat Diuus Gregorius, dum ait. *Idcirco venire Deus citiùs differt, ut in Euang. minus inueniat quod condemnet.* Promisit quidem Deus punitionem, sed non denegat dilationem; adimplebit promissionem, nisi viderit satisfactionem. Audi Apostolum: *Non tardat Dominus promissionem suam, sicut quidam existimant; sed patienter agit propter vos, nolens aliquem perire, sed omnes ad pœnitentiam reuerti.* Non poterit autem lædens perfectam agere pœnitentiam, nisi tibi læso satisfaciât. Caueat interim vnusquisque, ne aliquo odio vindictam

dictam Deo relinquat, velitque, ut plus no-
ceat Deus lædenti, quam ipse nocere possit;
quia, teste Augustino, talis esset *in superficie* Augustin.
bonus, & in abdito malus; opere parceret, sed corde
seuiret; manu mitis, sed voluntate crudelis. Sed
optare debet, ut Deus suis inimicis ignoscat,
sicut veller sibi ignosci. Hoc enim est Deo
gratissimum, nobis verò utilissimum. Vnde
Chrysostomus: *Lasit te quispiam, aut contem-* homil. 51.
melia insectatus est? Deum precare, ut mox illi ad popul.
concilietur, & parcat: frater enim est, tuum est
membrum. At dices; si id egero, maiorem mihi
in modum aduersarius insultabit. Ergo & maiora,
& plurima te manebunt premia.

C 2. Deinde, noli attendere, nec considerare
iniuriam tibi illatam, ne consideratio illius
te ad iracundiam, & ad vindicationem pro-
uocet, sed cælum respice: hoc consilium dat
tibi idem Chrysostomus. *Facillimè, inquit, homil. 78.*
iniuriam ferre poteris, si tantum in cælum respi- ad popul.
cias, si spectes hanc pulchritudinem, & quò te Deus
suscipere promissit iniuriam generosè ferentem, &c.
Ne respicias in terra nocentem, sed in cælo
coronantem. Hoc præstitit beatissimus Ste-
phanus, qui, ut sacra testatur historia, dum
lapidibus obrueretur, *erat intendens in cælum.* Act. 7.
Non erat intendens in lapidantes, aut in la-
pides: non iniuriam considerabat, sed cælos
spectabat, qui illi ignoscenti, & pro lapidan-
tibus deprecanti erant aperti. Vadantibus simile
aliquod flumen tutius est sursum, aut ripam,
quàm aquam respicere, ne titubantes prola-
bantur. Sic, ne aliquo ducaris vindicandi
desiderio, Deum potius ignoscere præci-
pientem,

324 *Clypeus Patientia.*

- patientem, quàm inimicum lædentem, attendas. Aquæ sunt iniuriæ, illo teste, qui ait;
Psalm. 68. Intraverunt aquæ usque ad animam meam. In quibus noli mentis oculos figere, sed in cælo, vel in ripa, hoc est, in morte.
3. Præterea, maximè te à vindicta retrahet, si consideraveris neminem tibi fore iniurium, & infensum, nisi à dæmone impellatur. Si quis filium tuum, vel fratrem, aut amicum impelleret in te, & ab impulso lædereris, cui irascereris, impellentine, an impulso? certè impellenti potiùs. Age ergo in dæmonem, sine quo instigante, & concitante nunquam tibi homo nocuisset. *Quid enim magnum,* ait in *Psalm. 39.* Ambrosius, *de homine invalido vindicari, quem ad furorem alter, scilicet diabolus, urgebat?* Id ipsum agnovit Chrysostomus, atque quid nobis agendum sit, indicat. *Cum aliquis infestat,* ad *popul.* ipsum ne respicias, sed dæmonem instigantem, & omnem tu in illum iram effunde; ipsius autem misere, qui movetur ab eo: non enim Christianorum sunt scommata. Ille est, qui inimico tuo arma ministrauit; contra illum solum sunt arma sumenda. Ut vlciscaris, arripis ensen, gladium, aut alia huiusmodi; his armis non expugnatur diabolus, qui, ait Ambrosius, non gladio, sed verbo Dei vincitur. Verbo, inquam, Dei, quod à nobis adimpletur, verbi gratià, quando ei opponuntur quæ à Deo nobis præcipiuntur. Non queras ultionem, nec memòr eris iniuria civium tuorum. Vel quod Christus in Evangelio præcipit; *Luc. 6.* *Dimittite, & dimittimini.* Et, Si dimiseritis hominibus peccata eorum, dimittet vobis pater vester *Matth. 6.* celestis

caelestis delicta vestra. Et illud Apostoli; *Uide, ne quis malum pro malo alicui reddat.* Hæc; & similia Scripturæ loca, quibus ultio prohibetur, sunt dæmoni inimicum tuum impetlenti obiiicienda; exemplo Christi; qui, ut *Matth. 4.* diabolum tentantem profligaret, nihil nisi quod scriptum erat; protulit. Ideo enim dæmon hominem in te concitat, ut re ad iracundiam, & ad ultionem promouet: quod si vlciscaris, habebit intentum; si verò obiicias; quod scriptum est, & quod vindictam prohibet, ac propterea te nolle vindicari; aufugiet; & tu victor euades.

- D 4. Cogita præterea exigui esse animi vindicatione delectari; malumque pro malo reddere. [Pusilli hominis; inquit Seneca; & *lib. 2. de ira. cap. 34.* miseri est, repetere mordentem, ut mures; & formicæ; ad quas si manum adiuueris; ora conuertunt. Imbecilla se lædi putant; si tangantur.] Si tibi nocentibus noceas; aut te lædentes lædas, similis muribus, formicis, & aliis huiusmodi animalibus efficieris. Tangis murem, tangis formicam, tangis gallinam; quia imbecilla animalia sunt; non ferunt; tangis equum; aut simile aliud validum animal; mansuetè patitur. Ita homines imbecilles, si vel minimo verbo tangantur, irascuntur; si vel tantillum offendantur, in vindictam profiliunt: quia, secundum Aristotelem, sicut *lib. 4. Ethicor. c. 3.* debilis stomachi est, durior cibum non posse concoquere; ita pusillanimi est, verbum duriusculum non posse sustinere. Vnde & Poëta: *Iuuenal. Satyr. 13.* *Semper & infirmi est animi, exiguiq; voluptas, Ultio.* -----

lib. 1. offic. Propterea optime Diuus Ambrosius; *Vindicare se*, inquit, *non est actus fortitudinis, sed abiectionis, & timiditatis: vincitur ab inimico, non vincit, qui se vindicat.*

Desisterem, inquires, ab insectatione, atque libenter cre, & opere ignoscerem; verum honor, quem proitemur, spectandus, eiusque ratio habenda est, non mediocri damno honorem meum afficiam: si non vlciscar, timori id potius, quàm amorì adscribent homines; non licet ergo dignitatem, honoremque meum violare, inèque infamia, & ignominia afficere. Scio vtrique, scio communem hanc esse mortalium nostri sæculi insaniam. Turpe est, inquit, homines, ut acceptâ iniuriâ taceas, quisquis te contumeliam accipere conspiciet, & tacere, non te patientiam exhibere, sed crimina agnoscere putabit. Verùm ad hæc tibi Diuus Gregorius respondeat. *Unde*, inquit, *vox ista in corde nostro contra patientiam nascitur, nisi quia in imis cogitationem figimus, & dum in terra gloriam quarimus, placere ei, qui nos de calo conspiciet, non curamus? Accepta ergo contumelia, meditemur in opere vocem Dei; Ego non quero gloriam meam, est qui querat, & iudicet. Si ergo princeps contumeliam passus, se propriam gloriam non querere inquit, sed Dei, quid tu membrum, tanti facis gloriam, & dignitatem tuam, ut pro illa querenda, atque tuenda, ipsius Dei gloriam contemnas?*

homil. 18.
in Euang.

Ioan. 8.

Nunc igitur quero, quinam hi sunt, qui te pusillanimum, & imbecillum iudicant, quod inimicis ignoscas? Num viri sapientes, & iusti: nequaquam; hi enim potius collaudabunt

dabunt te. Imperitum ergo vulgus est, quod ita sentit, de quo sic Tullius. [Qui ex errore imperitiæ multitudinis pender, is in magnis viris non est habendus.] Si cupias haberi in magnis, & probis viris, errorem imperiti vulgi non attendas; sed sanctissimos viros imitare, qui in condonandis iniuriis, ac in tormentis patienter tolerandis maximam laudem, non vituperium adepti sunt. In cuius rei testimonium videmus illis, aut sacris eorum imaginibus instrumenta tribui, quibus non se de inimicis vindicarunt, sed quibus eis inimici nocuerunt: quæ quidem instrumenta sunt eis veluti trophæi sui arma, & stemmata honorifica, non pro iniuriis, & contumeliis, quas intulerunt, sed quas pertulerunt. Diuus Andreas crucem gestat, non in qua crucifixus inimicum, sed in qua ab inimico fuit crucifixus. Diuus Paulus primò quidem, ut annotat Chrysostomus, catenas tamquam nobilissima stemmata ferebat, non quibus inimicos alligauerat, sed quibus pro Christo ab eis fuerat ligatus: gladius deinde datus est in eius manibus, non quo alterum iugulauit, sed quo iugulatus est. Matthæus lanceam defert, non qua aliquem transfixit, sed qua transfixus est. Stephanus lapides secum fert tamquam victoriæ arma, non quos contra alios gessit, sed quibus ab aliis lapidatus est, pro quibus deprecatus est. Ita & Laurentius craticulam, & alij alia gestant. Ex quibus colligere licet, honorificum esse non referre, sed ferre iniuriam. Non sunt igitur audiendi, qui vindictam suadere contendunt.

homil. 10.
de ira.
 Divus Basilus, postquam enarrauit aliquos sanctos, & gravissimos viros, qui erga inimicos eximiam dilectionem, & beneficentiam exercuerant, ob quam præcipuo apud omnes habentur honore, tandem subdit: *Quorum ergo, dic tu mihi, cupis esse discipulus? Beatorum hominum, & Deo gratorum; an eorum, qui spiritu referti sunt maligno? Approbas illorum facta, confiterisque illa ipsis fuisse honorifica, & tibi credis, in dedecus cedere, inimico parcere? Quæ nostra confusio, ut quos vobis celebramus, opere non imitemur? Laudamus Davidem, Stephanum, Paulum, & cæteros, qui libenter pepercerunt, ac vlcisci renuesunt, sed eos nolumus imitari. Væ tibi, si ore, & opere usurpare contingat illud Ovidianum:*

lib. 7. Metamorphos.

*Video meliora, proboque:
Deteriora sequor.*

Si aliquod dolium, aut vas plenum est, & F percutiatur, non resonabit: si verò vacuum sit, statim minimo ictu eadet sonum. Aliqui iactant suam nobilitatem, ostentant sui ingenij dexteritatem, & industriam, corporisque fortitudinem, ac illis se esse plenos autumant: verum, si vel minimo baculo, aut verbulo impetantur, illico illos resonare, repercutere, & ad vlcionem properare videbis; atque ita testantur se esse his omnibus vacuos, quia si verè nobiles, fortes, & magnanimi essent, racerent, patienter tolerarent, sicut Stephanus, qui plenus gratia, & fortitudine, lapidibus impetebatur, & tamen veniam, non vlcionem in iactis præcabatur; & sicut illi,

de quibus

Act. 7.

de quibus ecclesia. Non murmur resonat; non querimen-
tia. *El corde tacto, mens bene conscia*
conseruat piam. Veram, inquam, nobi-
litate, verumque pro-
fitebantur honorem, qui de inimicis non
queriebant ultionem. Interrogatus Dioge-
nes, quid essent hominum nobilissimi, re-
spo-ndit; Contemptores iniuriæ. Quo enim
qui nobilior, eo etiam placabilior est. Audi
Poetam:

Laert.

Quo quisque est maior magis est placabilis ira: Ouid. 3. de
Et faciles mortis mens generosa capit. *Tristib.*

Loquens Deus olim ad Heli, sic minaba-
tur; Qui contemnunt me, erunt ignobiles. Ille
autem contempsit Dominum, qui eius man-
data spernit, & transgreditur. Ecce qui
præcipiat: *Ne quæras ultionem*, &c. Et apud

1. Reg. 2.

Leuit. 19.

Prov. 20.

Sapientem: *Ne dicas, reddam malum.* Hæc præ-
cepta sunt negativa, & obligant semper, &
pro semper; nisi ea obseruaueris, fies igno-
bilis, Deoque odibilis. Vide quid dicat Chry-
sostomus; *Nihil omnium Deus ita odit, & aver-*
satur, ut hominem ultionis audum, & in animo in
suo perpetuo seruante inimicitias. Arrigant
aures implacabiles, qui nihil nisi vindictas
spirant: magnanimum enim est se placabilem
exhibere.

homil. 18.

Genes.

rom. 7.

Ignobilis verò, vilis, atque abiecti animi
est, iniuriarum perpetuam habere memo-
riam, vulneraque post obductam cicatri-
cem refricare. Nonne audisti Cæsarem illum
inuidiosissimum, qui nullius vnquam rei, nisi
iniuriarum obliuisci solebat, in Pharsalica
illa acie militibus dimicantibus, ac in hostes

ſæuiantibus magno clamore dixiſſe; Parcite
ciuibus. Vox quidem tanto Cæſare digna.
Sicut enim inhumani, & efferi hominis vox
eſt, *ulciſcimini*: ſic magnanimi, & clementiſſi Prin-
cipis vox eſt, *parcite*. Si inter nobiles, ac he-
roës admifceri cupis, audias tuum Cæſarem,
ac Imperatorem, Chriſtum, inquam, tibi di-
centem; *Dimitte*, parcite ciuibus; omnes eiuf-
dem ciuitatis ciues eſtis, eiufdem Eccleſiæ
alumni: ergo parcite ciuibus; neque enim
deceat Chriſtianum in Chriſtianum ſæuire.
Sapienter igitur à Stobæo dictum eſt: [Venia
ultione melior eſt; illa namque mitis eſt in-
genij, hæc autem ferini.]

Luc. 6.

Stob.

Num. 14.

Orat.

1. Reg. 25.

Parcendo potius, quàm puniendo Do-
minus oſtendit fortitudinem, & potentiam
ſuam: quod apertè declarat Moyſes his ver-
bis; *Magnificetur ergo fortitudo Domini*, &c.
*Dimitte obſecro peccatum populi huius, ſicut pro-
pitius fuiſti*. In quæ verba ſic Oleaſter. Conſi-
dera, inquit, hominum cecitatem. Arbitrantur ſe
ſuam fortitudinem, ſuumque animum magnifi-
care, ſi in alios ſæuiant, ſi illatas iniurias vindi-
cent: non ſic autem Dominus noſter, ſed parcendo,
& non vindicando, ſibi nomen potentiſſimi acqui-
rit. Deus, ait Eccleſia, qui omnipotentiam tuam
parcendo maxime, & miſerando manifeſtas, &c.

5. Expendenda ſunt verba prudentiſſimæ
Abigaïl Dauidem à vindicta retrahentis. Fuit
olim vir nomine Nabal, qui, teſte Scriptura,
erat durus, peſſimus, & malitioſus. Hic maximam
intulerat Dauidi, iniuriam, quòd illum, &
ſeruos eius ſpreuerit, vacuòſque remiſerit;
quam quidem iniuriam volebat Dauid vin-
dicare.

Liber II. Cap. III. 331

dicare : quo audito , Abigaïl vxor Nabal
occurrit Dauidi, atque sic affata est; *Ne ponat,
oro , Dominus meus Rex cor suum super virum
istum iniquum Nabal, quoniam secundum nomen
suum stultus est.* Quasi dicat ; ô Dauid , consi-
dera te Regem , & hunc tibi iniurium , stul-
tum ; stultie enim egit , quando te offendit :
non magni faciat Rex iniuriam à stulto il-
latam. O homo , dum aliquis te iniuria affi-
cit , stultus est. Si aliquis ex stultis , quos
hospitale amentium continet , te iniuriis , vel
contumeliis laceggeret , ponerésne cor tuum
super illum ? certè illum tamquam amentem
relinqueres , illumque tibi nocere non posse
crederes. Scito hominem tamdiu delirare ,
quamdiu tibi iniurius est , tibi que iniuste
irascitur. Ira enim, teste Basilio, *brevi insania homin. de
est.* breuem vocat, si citò transeat ; fiet autem *ira.*
longa, si diu maneat. Si itaque vlciscaris, stul-
tus quoque efficieris ; quia huiusmodi vltio
non carebit : ira : ergo nec insania. Sufficiat
mundo infinitus stultorum numerus. Noli
tu vindictâ fieri stultus. Molestum tibi sit,
sicut & Euripidi , stultescere cum stultis. In-
terrogatus Ausonius , quid stulti proprium
esset , respondit ; *velle nocere.*

Auson.

Afferet & aliam rationem Abigaïl , qua
veniam suadet Dauidi. *Non erit , inquit , tibi ibidem.
hoc in singulum , & in scrupulum Domino meo,
quod effuderis sanguinem innoxium , aut ipse te
vltus fueris.* Quædam continet hæc ratio no-
tatu digna, ait enim : *Non erit tibi hoc in sin-
gulum.* Singultus est species quædam conuul-
sionis : vel est commotio quædam torius cor-
poris,

poris, procedens ex eo, quòd aliquid comedisti gustui quidem suave, orique iucundum; sed stomacho onerosum, quod à calore naturali difficile digeratur. Ideo plerumque sapor, vel odor illius rei manducatæ satis iniucunde emittitur sursum. Quando comedebatur, multa concurrebant, os recipiendo, lingua gustando, dentes conterendo, guttur deglutiendo: at postea comesta, quia non digesta, parit huiusmodi singultus. Similiter vindicta quibusdam videtur suavis, & iucunda, præcipuè indoctis, & insipientibus, iuxta illud:

*Iuuenal.
satyr. 13.*

*At vindicta bonum, vita iucunda ipsa,
Nempe hoc indocti.*

*lib. 2. de
inuent.*

1. Reg. 24.

ibidem.

Ideo totis viribus vlcisci contendunt, H lingua comminando, ore conuiciando, oculis toruè intuendo, manibus percutiendo, corde odiendo; sed postmodum sumpta illa vindicta multos parit in anima singultus, multosque dolores, ac multa sequuntur incommoda. [Hoc si constitutum sit, ait Cicero, ut peccata homines peccatis, & iniurias iniuriis vlciscantur, quantum incommodorum consequatur?] Videamus hoc in ipso Dauide, qui dormiente Saule eius inimico in spelunca, abscidit oram chlamydis illius; quod quidem modicum videbatur: erat tamen species, aut saltem signum vindictæ, quam sumere poterat; sed attende singultus. *Post hæc*, ait Scriptura, *percussit cor suum Dauid, eo quòd abscidisset oram chlamydis Saul.* Quid si honorem? quid si aliquam partem corporis? quid si vitam eripuisset? Nec remansit præscissio illa impu

impunita; nam præter huiusmodi singultum, dicunt aliqui frigiditatem illam, qua in senectute David premebatur, ut nullis vestibus calefieret, et ob illam abscisionem contrigisse; quasi meruerit ille sustinere frigus, qui alterius vestem absciderat. Scrupulus verò est lapillus brevis, & asper, qui in calceo latens, plerumque nos lædit, pressusque dolorem creat. Sicut igitur lapillus torquet, dum premitur, ita si inimicum tuum vindicta premas, & insecteris, tibi ipsi maximam anxietatem, maximumque inferes dolorem.

Nam, teste Poeta, *sapè vindicta obsuit*. Prudentior itaque consulit hæc mulier Davidi; prudentem etiam nobis consulunt, qui à vindicta nos retrahunt, quia nobis ex animo scrupulam euellunt, qui nos maxime stimulascent. Arcendi autem illi sunt, qui quibusdam mundanis, aut potius diabolicis rationibus nos ad ultionem prouocant.

Senec. trag.
dial. 1.

6. Præterea, noli de inimico vindictam sumere: quia si læserit te, & non satisfecerit tibi, haud dubiè ipsemet ad ultionem tendet. Hoc innuere voluit altera quædam mulier, dum eidem David mortem filij sui Ammon vindicare, & in Absalonem animaduertere querenti, sic loqueretur: *Omnes morimur, & sicut aqua dilabimur*. Quasi diceret: noli, mi Rex, vindictam querere; quia sicut omnes naturali quodam cursu tendimus ad mortem, & aquæ etiam ad ima descendunt, vel ad mare fluunt: ita qui alios iniuria affecerunt, nisi satisfaciant, ad ultionem properabunt. Hoc in ipsemet Absalone perspicuum

2. Reg. 14.

cum est, qui interfecerat, aut interfici iusserat fratrem suum; sed tandem ipsemet interfectus est: nam capillis ad quercum suspensus miserè periit. Ei quidem pepercerat pater; sed quia nondum plenè satisfecerat, sui criminis dedit pœnas, atque ad vindictam, & ad pœnam sibi debitam currendo peruenit: quod prauident mulier illa prudens, superuacaneum ducebat de illo vindictam sumere.

Grauiissimum crimen proditor ille Iudas I commiserat: poterat Christus iuste vlcisci, sed noluit; imò verò illum multo studio, multisque officiis ad meliorem mentem reuocare voluit; renuit proditor ad pœnitentiam confugere, & vt decebat, satisfacere.

Quid tandem? nemine, nisi dæmone instigante, ipsemet ad vindictam properauit; nam

Matth. 26. abiens laqueo se suspendit. Et notandum est, Scripturam non dixisse *abiit*, sed *abiens*, quasi statim patrata proditio, iam esset abiens, vel abiret ad ultionem. Quod etiam ex verbis Diui Petri, & aliorum Apostolorum de illius apostolatu colloquentium, colligitur:

Act. 1. de quo, inquit, prauaricatus est Iudas, vt abiret in locum suum. Non fuit opus, vt quis illum duceret ad talem locum suo crimini assignatum, cum ipsemet ex seipso abierit. Sicut enim omnia tendunt ad proprium locum; ita offensæ ad pœnam sibi debitam tamquam ad suum locum. Dole itaque sortem lædentis te, quia illum manet grauiissima ultio, quam accelerare non cures, cum ad eam, statim ac tibi nocuit, tendere incipiat.

Aderat Paulus, & consentiebat inter-

Liber II. Cap. III. 335

cioni beati Stephani, vt ipsemet fatetur; *Ego astabam, & consentiebam*, &c. Et vt in omnium esset lapidantium manibus, omnium vestimenta seruabat: pro illo peculiariter orauerat Stephanus; verumtamen illum audio clamantem: *semel lapidatus sum*. Quasi dicat; quia consentiendo, vestimenta asseruando, & alios cohortando, Stephanum lapidaueram, merui ego lapidari; & sic ad iustissimam vindictam tendere, quamuis nullus esset, qui me pro hoc peccato ad iudicium traheret, nec vlisci quæreret: exigente tamen diuina iustitia, egomet ad pœnam mihi debitam, fortè non cogitans, properaui. Quando autem Paulus ad vltionem properauit? dum Lystram, quæ erat Lycaoniæ ciuitas, venit: ibi enim, vt habetur in Actibus Apostolorum, *superuenerunt quidam Iudai, & persuasis turbis, lapidantésque Paulum, traxerunt extra ciuitatem, existimantes eum mortuum esse*. Si igitur Paulus, vas electionis, qui tam diros, & duros labores, tormentaque pro Christo iam subierat, tam multa patrauerat miracula; & qui tam piè, & sanctè vbique se gesserat, meruerit adhuc lapidibus impeti, quòd vestes lapidantium Stephanum custodierit; credis lædentes te impunè mansuros? Sine, expecta, patientiam habe, & audi quid tibi polliceatur Dauid; *Retributionem peccatorum videbis*: vel, vt legit Hieronymus; *Vltionem impiorū cernes*. Discant itaque aliis nocentes, quàm citiùs poterunt satisfacere, ne vltionem inueniant, si satisfactionem deferant; vni enim, aut alteri subiiciuntur: vtramque autem euadere nullo modo

modo poterunt. Quod cum certò sciant læsi, nihil de vindicta curent, sed omne deponant odium.

Adducuntur nonnullæ aliæ rationes, quarum consideratione poterit quis appetitum vindictæ facile comprimere.

CAPUT IV.



X tam multis aliis rationibus, A
quæ ad affectum vindicationis
temperandum valere possunt,
has quoque afferamus. Consi-
dera insuper te multos perpe-
trasse defectus, quos à Deo, & à proximo
tolerari desideras; sed non mereberis, quòd
tolerentur, si illatas tibi iniurias patienter
non feras. Hanc rationem validissimam iu-
dicat Diuus Gregorius, eamque commendat.
lib. 5. mo- Nam, inquit, patienter illatam iniuriam tolerat,
ral. cap. 31. qui pie meminit, quòd fortasse adhuc habeat, in quo
debet ipse tolerari: quia erubescit sibi peccata non
parcere, qui vel Deo, vel proximo sape se recolit
parcendo peccasse. Similiter Diuus Chrylosto-
mus vult, ut consideratione eorum, quæ
contra Deum commissimus, & diuini iudicii
metu à vindicta abstineamus, patienterque il-
latas feramus iniurias. Quotiescumque, inquit,
dolore aliquo amicus te, vel familiaris affecerit,
et ad

et ad

& ad iram concitauerit, veniant in mentem, que tu contra Deum commiseris; quòdque, si à proximo offensam, & contumelias a quo animo toleraueris, leuius in te iudicium Dei prouocabis.

Præterea, cogita, quòd qui te offendit, si Christianus est, benedictione donatus est: non debes igitur illum maledicere, quem semel Deus benedixit. Hac ratione Balaam, *Numer. 22.* licet impius, continuit se, ne populum Dei malediceret, ad quem maledicendum vocatus fuerat, grandi proposito præmio à Balac Rege Moabitarum: iam enim constitutus in monte, ex quo populum Dei intuebatur, dicere cœpit; *Quomodo maledicam, cui non maledixit Deus? qua ratione detester, quem Dominus non detestatur? Deus illum eduxit de Ægypto,* &c. Considerauit, quidnam Dominus pro illo populo fecerit, quem sibi elegit, & eduxit de Ægypto in manu forti, & transtulit per mare rubrum, & ad terram promissionis dirigebat. Quasi dicat: quem Deus elegit, & tot beneficiis cumulauit, ac sibi adiunxit, ego non abominabor, nec detestabor. Hanc rationem debes mente versare, cum aliquis verbo, aut facto te offendit. Cogita, quòd quamuis ita sit, quòd ex hac parte pœna sit dignus, & supplicio, ac odio; verum ex alia est, quem Deus benedixit, & eduxit de potestate tenebrarum per mare Baptisimi, & lauacrum regenerationis; & quòd tanti Deus cum fecit, vt pro illo sanguinem fuderit: & fortè, quamuis cum te offendit, peccarit, iam facti pœnitens, in Dei gratiam est admissus. Si igitur Balaam continebatur, ne populum maledi

lediceret, quia Deus ad illius liberationem ex Ægypto mira præstiterat; multò magis tu continendus es, attendens qualia Deus pro illo, qui te offendit, operatus fuerit. Numquid tu peior eris impio Balaam?

Genes. 9.

Barof.

Dices; nulla maledictione Balaam afficere p[ro]p[ter] debbat populum, qui non fuerat ei iniurius: at cur non debeam ego maledicere, qui mihi maledixit, & iniurias mihi illatas v[er]g[is]cisci? Vnum inter multos tibi profero Noë, qui filio suo Cham, à quo irrisus, & sterilis magica arte effectus fuerat, noluit maledictionem impertiri, eo quòd illum iam benedixerat Dominus: nam postquam Noë, & filij eius arca sunt egressi, benedicti sunt à Domino: *Benedixit Deus Noë, & filiis eius;* inter quos erat Cham. Nefas itaque putauit Noë illum maledicere, cui semel benedixerat Deus; ideo potius Chanaam filium eius maledixit his verbis: *Maledictus Chanaam, seruus seruatorum erit fratribus suis.* Hanc rationem artigerunt Chrysostomus & Theodoretus. Vnde colligimus, indecens esse proximum maledicere, vel de illo vindictam sumere, non obstantibus quibuscumque iniuriis ab ipso nobis illatis, cum illum benedixerit Dominus, conferendo ei beneficium creationis, regenerationis, redemptionis, &c.

Insuper, qui tibi, verbi gratià, detrahit, & conuiciatur, vel verum dicit, vel falsum: si verum, patienter feras, & caueas eidem vicissim conuiciari, sed amaro gemitu Deum implora; hoc enim pacto omnem poteris culpam deponere, Deumque tibi placabilem reddes.

reddes. Hoc Diuus Chrysoſtomus probat parabola Phariſæi, & Publicani. *Erat, inquit, Luc. 18. Phariſæus quidam, & Publicanus: quorum hic quidem ad ſummam progreſſus erat malitiam, alter ad ſummam ſuo iudicio peruenerat iuſtitiam. Ambo aſcenderunt, ut orarent: Phariſæus dicebat; non ſum ſicut ceteri hominum, &c. velut hic Publicanus. At Publicanus procul ſtans, non regeſſit contumeliā, neque viciffim dixit conuiſcium, neque protulit iſta vulgaria verba; Tūc audeſ vitæ meæ mentionem facere? melior te ſum, &c. nihil horum loquutus eſt Publicanus, ſed amarè ſuſpirans, peſtūſque percutiens, hoc tantum dicebat: Deus, propitiuſ eſto mihi peccatori; & deſcendit iuſtificatus. Vides celeritatem? accepit probum, & abluit probum; agnouit peccata, & abluit peccata; & criminum improprio, facta eſt illi criminum remiſſio; & hoſtis, inſciens factus eſt beneficuſ. Quot labores erant Publicano ſubeundi, ieiunando, humi dormiendo, vigilando, bona ſua egenis impartiendo, longo tempore in ſacco, & cinere ſedendo, ut illa tam multa peccata poſſet deponere? At nunc cum nihil tale fecerit, ſimplici verbo omnem depoſuit iniquitatem, ac probra, conuiſciāque Phariſæi, quæ videbantur illum contumelia afficere, pepererunt iuſtitia coronam, idque ſine ſudoribus, & abſque longi temporis mora. Vide, quomodo, eſſi vera dicat, qui conuiſciatur, ſi amarè ingemiſcentes Deum pro delictis noſtris exorauerimus, omnia peccata deponere poſſumus. Ita Chryſoſtomus, qui apertè docet, conuiſcia etiam verā patienter tolerata ſupplere vices multorum bonorum operum poenaliū, quæ nobis fuiſſent præſtanda, & exequenda in*

satisfactionem nostrorum delictorum.

Hac ratione ductus Dauid noluit permittere, vt de Semei ipsi conuiciante, & crimina obiiiciente, sumeretur vindieta; sed quibusdam vlcisci volentibus, dixit: *Dimitte eum, vt maledicat iuxta preceptum Domini, si forte respiciat Dominus afflictionem meam, & reddat mihi Dominus bonum pro maledictione hac hodierna.*

Non solum illis conuiciis Dauid non offende-
batur, sed illis potius delectabatur; & illa exoptabat, pro quibus sibi veniam reddendam arbitrabatur. Audi Ambrosium: *Expetebat Dauid maledici sibi, quia maledicto illo diuinam exquirebat misericordiam.* Interim, vt notat Basilus, agnoscebat Dauid, quod aliqua, quæ Semei in illum iactabat, vera erant: vt, quod esset vir sanguinum, qui sanguinem Vriæ proditoriè fudit; pro quo quidem crimine non poterat Dauid melius satisfacere, quàm patienter ferendo illa conuicia, & quod ei suum crimen obiiiceretur.

Ideo ait Bernardus: *Vetuit prohiberi maledicum conuiciantem, quastum astimans maledicta.* Videbat enim sibi plurimum profutura illa conuicia, & obiecta crimina, si patienter ferret. Similiter & tibi proderit, quod tibi exprobrat inimicus, si patienti animo tuleris.

Si autem falsum dicat, qui tibi conuiciatur, noli contumeliam retorquere, aut conuicium conuicio rependere; sed sustine, & memento Domini nostri Iesu Christi, qui ad consolationem nostram, sua in exemplum adducere opprobria dignatus est. *Si patrem-familias, inquit, Beelzebub vocauerunt, quanto magis*

2. Reg. 16.

lib. 1. offic.
cap. 48.

orat. de ira.

Serm. 34. in
Cantic.

Matth. 10.

Liber II. Cap. IV. 341

magis domesticos eius? Et qui etiam post mortem à persecutoribus suis seductor appellatus est, cum dicerent: Scimus, quia seductor Matth. 27.
ille dixit; post tres dies resurgam. Nomine seductoris, ait Augustinus, appellatur Christus, ad in Psalm.
solatium seruorum suorum, quando dicuntur se- 63.
ductores. Dicam igitur cum Diuo Gregorio.
Quanta nos peccatores à lingua, vel manibus ini- lib. 9. epist.
quorum hominum portare necesse est, qui in ad-39.
nentiu aeterni Iudicis indicandi sumus; si & ipse
tanta pertulit, qui & Iudex venit?

Idem Doctor hortatur nos, vt maledicentibus inimicis, aut iniuriis nos afficientibus, ad mentem nostram statim recurramus, videamúsque, an verum sit, quod de nobis, vel contra nos dicitur: quia si, inquit, *in ea non est.* 35.
inuenitur malum, quod de nobis homines loquuntur, in magnam debemus latitiam profluere. Quae debet esse tristitia, si omnes accusent, sola conscientia nos liberos demonstrat? Habemus Paulum dicentem; Gloria nostra haec est, testimonium con- 2. Cor. 1.
scientia nostra. Job quoque dicit: Ecce in calo testis Job. 16.
meus. Si ergo nobis est testis in calo, testis in corde, dimittamus stultos foris loqui quod volunt. Quid aliud detrahentes faciunt, nisi quod in puluerem sufflant, atque in oculos suos terram excitant?

- D Vel, si velis, dicamus, conuicia, maledicta, & opprobria patienter tolerata esse veluti ventum ab inimicis excitatum, quo ad martyrium, & ad portum salutis peruenitur; nam, teste eodem, *sine ferro esse possumus Martyres,* Gregor. homil. 35. in Euang.
si patientiam veraciter in animo custodimus.
 Et affert exemplum cuiusdam Stephani, qui ob insignem patientiam in ferendis iniuriis,

ibidem.

martyrij palmam meruit obtinere; sic enim de illo scribit. Fuit quidam diebus nostris Stephanus nomine, pater Monasterij iuxta Reatine urbis mœnia constituti, vir valde sanctus; in eo virtus patientiæ vehementer excreuerat, ita ut eum sibi amicum crederet, qui sibi molestia aliquid irrogasset. Reddebat contumeliis gratias. Si quod damnum in sua inopia fuisset illatum, licrum putabat. Omnes suos aduersarios nihil aliud, quam adiutores æstimabat. Hunc cum dies mortis egredi de corpore vrgeret, conuenerunt multi, ut tam sanctæ animæ de hoc mundo recedenti suas animas commendarent. Cùmque circa lectum illius hi, qui conuenerant, omnes assisterent; alij corporis oculis ingredientibus Angelos viderunt. Quid huic suus Conditor intus dedit, de quo nobis tanta gloria in die eius exitus, & foris innotuit? Quibus hunc credamus, nisi sanctis Martyribus sociatum, quem, attestantibus corporeis quoque oculis, à beatis spiritibus constat esse susceptum? Nullo istè gladio percussus occubuit, & tamen coronam patientiæ, quam in mente tenuit, in egressione serauit.

Ierem. 49.

Cogita etiam, neminem posse cum Christo regnare, qui calicem eius non biberit. Vide quid tibi dicatur per Ieremiam: Ecce quibus non erat iudicium, ut biberent calicem, bibentes bibent, & tu quasi innocens relinqueris? Tu solus relinquendus es sine calice? tu illum manibus tuis non sumis, nullis ieiuniis carnem tuam affligis, nec flagellis maceras, humi non cubas, cilicium respuis; imò voluptatibus indulges, omnia vis habere ad nutum, in nullo tibi contradici desideras, temporalibus bonis abundare quæris. Cùm igitur

igitur tuis manibus calicem sumere recuses,
Deus tibi compatiens, illum per inimicum
persequentem, vel conuiciantem porrigit;
in quem inimicum si insurgas, similis eris
ægrotanti in Medicum insurgenti, & vascu-
lum medicinæ ad sanitatem paratæ fran-
genti. Audi Augustinum. *Attende, inquit, Serm. 2. de*
Christum Medicum agnitum tuæ, attende Re- *sancto Ste-*
demptorem animæ tuæ. Propter te pependit in *phano.*
ligno, & nondum est vindictus, & tu vis vindi-
cari, & non vis tantum & talem magistrum imi-
tari? Ideo pati voluit, ut tibi patientia sua demon-
straret exemplum. Vide pendentem, & tibi lan-
guentis de suo sanguine medicamentum conficien-
tem, &c. Porro qui certa bona opera negligit,
aut adimplere non potest, ignoscere saltem
inimicis non recuset, ut ignoscendo impe-
tret, quod non operando perdidit. Ad hoc
nos hortatur beatus Cæsarius. *Qui captiuos, B. Cæsa-*
inquit, redimere, & pauperes pascere, vel vestire *rius.*
non praeualeat, contra nullum hominum odium in
corde referuet, & inimicis non solum malum pro
malo non reddat, sed etiam diligat, & pro eis orare
non desinas, certus de misericordia, vel de promif-
sione Domini sui, libera conscientia ante tribunal
dicere poterit: da, Domine, quia dedi; dimitte, quia
dimisi. Sunt nonnulli, qui per alia multa
bona opera cælestem gloriam adipiscuntur:
videns autem Deus te illa non operari, per-
mittit, ut inimicos habeas persequentes, ac
tibi detrahentes, & conuiciantes, ut dimit-
tendi habeas occasionem, & hac tua venia
merendi eandem beatitudinem, quam alij
aliis operibus meruerunt. Ne igitur hanc

occasionem prætermittas; nec recuses hunc bibere calicem, qui ad salutem tuam porrigitur.

- Dices fortasse, olim fuisse Iudæis traditam E
legem talionis, eisque licuisse retaliare, cum
Exod. 21. scriptum sit; *Qui irrogauerit maculam, sicut*
Dent. 24. *fecit, sic fiet ei: fracturam pro fractura; oculum*
in Matt. 5. *pro oculo, dentem pro dente restituet, &c.* Respon-
deo cum Diuo Thoma, legem talionis fuisse
Iudicibus in præcepto datam; & hoc, ut fa-
cerent zelo iustitiæ, & non zelo vindictæ,
ad malorum cohibitionem, nunquam autem
fuisse priuatis personis concessam; vnicuique
enim tamquam priuatæ personæ dictum est:
Leuit. 19. *Non queras ultionem, &c.* vel, secundum
Septuaginta; *Non ulciscatur tua manus, &c.*
Reseruatam quidem est publicæ autoritati
supplicium, non priuatæ. Nunquam itaque
licuit priuato Iudæo, cui oculum alter erue-
rat, per talionis legem oculum pro oculo
eruere. Verumtamen quia aliqui hac lege
talionis abutebantur, volentes scilicet, ut non
tantum ad publicas, sed ad personas etiam
priuatas extenderetur; ideo Christus decla-
rans hanc legem priuatis personis nequa-
quam competere, aliam talionem, qua vnus-
quisque nostrum perfectus euadere poterit,
Matth. 5. stabiliiuit, dum dixit. *Audiſtis, quia dictum est:*
oculum pro oculo, & dentem pro dente. Ego autem
dico vobis, non resistere malo; sed si quis te per-
cusserit in dexteram maxillam tuam, præbe illi &
alteram; & ei, qui vult tecum in iudicio contem-
dere, & tunicam tuam tollere, dimitte ei & pal-
linum, &c.

Quæritur

Quæritur autem, quonam modo hæc Christi verba sint intelligenda; siquidem neque Apostolus Paulus alteram maxillam *Act. 23.* percutienti præbuit, neque Christus ipse percussus à seruo Pontificis alteram maxillam percutiendam obuertit, sed respondit: *Si malè loquutus sum, testimonium perhibe; si Ioan. 18.* autem bene, quid me cadis? Respondet D. Augustinus, docere Dominum, alteram maxillam percutienti obuertendam cordis præparatione. Dominus, ait ille Doctor, non dixit; ecce altera lib. de mēd. maxilla: sed ait, si malè dixi, exprobra de malo; *cap. 15.* si autem bene, quid me cadis? ubi ostendit, illam præparationem alterius maxilla in corde faciendam. Quod etiam Apostolus Paulus utique nuerat: nam & ipse alapa percussus non ait, percutite maxillam alteram: sed, percutiet te Dominus, paries dealbate, &c. sed tamen cor paratum habebat, non tantum ad alias alapas accipiendas, sed etiam qualibet tormenta pro veritate patienda, &c. Sic Augustinus. Aduerte tamen, Christum semel vna percussum alapa respondisse. At plurimas alias alapas tacitum, non auersa facie excepisse, iuxta illud *Isai. 50.* *Faciem meam non auerti*, &c. Similiter & Paulus fecit, iuxta illud ad Corinthios; *Colaphis cadimur, maledicimur, & benedicimus.* Christus igitur his verbis vult nos esse paratos ad omnes tolerandas iniurias absque resistantia, & absque vlla vindictæ cupiditate. Non est prætereundum, quod hîc adnotat Hieronymus, *Hieronym.* Christum scilicet non iussisse, vt percussâ *in Matth.* dexterâ nostrâ sinistram præberemus, sed alteram, hoc est, alteram dexteram: iustus

Y 5

autem

autem sinistram non habet. Nunquam præbenda est verberanti maxilla sinistra, sed semper dextera, id est, fortis, & ad colaphum accipiendum paratissima. *Iusti enim*, ait ille, *non habent sinistram maxillam, id est, debilem, qua ad colaphos, si opus fuerit, Christi causâ recipiendos, non sit parata.* Vel sic; iustus, acceptâ alapâ, aut aliâ iniuriâ, nullam habet sinistram intentionem, vel nihil cogitat sinistri aduersus percutientem, & lædentem; sed semper est propter Deum dextero, & sincero animo.

Nunquam audierant Ethnici Christum hanc præclaram talionem stabilientem, & vindictam prohibentem: multi tamen illorum naturali tantum ratione, aut humana quadam honestate ducti, non solum quolibet iniurias sine ullo vlciscendi animo tulerunt, sed etiam conuiciantibus fuerunt benefici. Diuus Basilus aliquos eorum proponit considerandos. Quidam, ait, in foro Periclem probris omnibus incessebat. Quid tum Pericles? numquid lege talionis usus, pro conuiciis reddidit conuicia? non: sed patientiam, & beneficia rependit. Nam probra minime curare visus, toto ferè die sustinuit: deinde vesperi iam discedentem conuiciatorem cum lumine comitatus est. Euclidi Megarensi concitatus animo quidam mortem se iuravit illaturum. Quid Euclides? numquid par retulit pari? minime; sed iuravit, si inferret mortem, patienter laturum; & ei, quamuis infesto, se conciliatum iri. Alius Socratis faciem vehementi impetu percussit. Quid Socrates? numquid alapam alapâ retaliauit?

Vide

lib. de legendis lib. Gentil.

Vide quid egerit. Minimè commotus est, sed totus ex plagis tumidus, ac contusus, vbi percussor cedere destitit, nihil aliud fecisse dicitur, quàm fronti propriæ inscripsisse; *Talis fecit*, veluti statux cuiusdam auctoris nomen. Qua in re præter patientiam, quàm sit turpe alterum lædere, indicauit; noménque lædentis inscripsit, vt posset quisque ab ipso percutiente scire, an de illo Socrates vindictam sumpserit. Hæc ex Dino Basilio.

Adrianus Imperator creatus, adeò contempsit ultionem, vt vni, quem habuerat capitalem, fortè obuiò dixerit: *Eualisti*. Principibus in priuatis offensis debet esse satis potuisse vlcisci: nos verò dicimus, virum Christianum decere nunquam velle vlcisci, quamuis posset. Quærit Ambrosius, cur Christus in horto Petrum gladio percutientem reprehenderit, qui prius iusserat, vt venderetur tunica ad emendum gladium: *Qui non habet, inquit, vendat tunicam, & emat gladium*. Cur igitur is iubet gladium emere, qui eo ferire prohibet? Respondet ille Doctor; *Vt sit parata defensio, non ultio, & videar potuisse vindicare, sed noluisse*.

Augustus Cæsar Cinnæ machinanti sibi necem condonauit, aitque: Cinna, tibi iterum vitam do, prius hosti, nunc insidiatori, ac parricidæ; ei que Consulatum obtulit. Vis exitum? Cinnam habuit perpetuò amicissimum, solus illi fuit hæres. Arcadion, teste Plutarcho, cum non desineret maledicere Philippo, monitúsque vt fugeret: at Rex cum occurrisset homini, humaniter cum eo est collo-

colloquutus, ac multa dona misit. Postea iussit amicos rogare; quomodo Arcadion de se loqueretur: cunctis autem testificantibus eum hominem iam mirum Philippi laudatorem esse factum. Ego igitur, inquit Rex, melior Medicus sum, quàm vos:

Non est igitur hoc præceptum de non G vindicando observatu impossibile, ut quidam dictitant; sed potius facile, ac rationi naturali consentaneum, cum & ipsi Ethnici lumine tantum naturæ illustrati, illud tam accuratè observauerint. Qui hoc præceptum dedit Christus, optimè novit, quid possumus.

Serm. 6. de Quia, inquit Augustinus, nec impossibile aliquid temp.

potuit imperare, quia iustus est; nec damnaturus est hominem pro eo, quod vitare non potuit, quia pius est. Quid tergiuersamur in cassum? nemo enim, quantum possumus, melius novit, quàm qui nobis ipsum posse donavit. Et alibi idem Doctor probat, nos quidem posse iniurias, & contumelias ferre, sed nolle: sic enim vrget;

Serm. 5. de Si nobis aliqua potens persona iniuriam facit, Sanctis.
si nos etiam in faciem maledicit, nec respondere aliquid asperum, non dicam vicem reddere, ausi sumus. Quare hoc? ne ab illa persona potente adhuc maiora, quàm pertulimus, patiamur. Quod à nobis extorquet hominis timor, deberet à nobis exigere Christi amor. Non responderes Principi tibi conuicianti, aut iniuria afficientis; & non vis ignoscere inimico lædenti, Deo præcipiente?

Præterea, attende, in quo stadio, & certamine sis, ubi inimicus non ratione, sed patientia vincitur. Audi Chrysostomum.

In Olym

*In Olympicis certaminibus diabolo consecratis, in epist. ad
lex est, malefaciendo vincere: in stadio Christi Roman.
omnino lex est contraria; hîc enim non eum, qui
percutit, sed qui percutitur, coronari decretum est.
Illud demum est diuina virtutis, illud calesce sta-
dium, illud Angelorum theatrum.*

Caue, ne Ctesiphonti Pancratiastæ fias tuâ
impatientiâ similis, qui, vt scribit Plutarchus, *Plutarch.*
mulæ recalcitrauit. Nam quemadmodum ri-
diculi, furiosique hominis est, equo calci-
tranti recalcitrare; ita ridiculi, insanique ho-
minis est, inimico iniuriam inferenti iniu-
riam inferre. Nautæ, cùm vehemens ventus,
& aduersus spirat, minimè resistunt, quin
potius demisso, contractoque velo, ne sub-
mergantur, cedunt. Id ipsum facere docet Do-
minus eos, qui in cælum nauigant, non re-
sistere malo, hoc est, procelloso turbini, iniu-
riis, contumeliis; sed demittere velum, ne
odij, simularumque fluctibus obruantur.

Cogita tandem, veniam, & miserationem
præ se ferre nescio quam iucunditatem, iuxta
illud, *Iucundus homo, qui miseretur, &c.* Iucun- *Psal. III.*
dus, quia Deum imitatur, qui nullatenus vin-
dicta delectatur; imò si illam comminetur,
dolere dicitur; sic eum dolentem inducit
Moyse: *Tactus dolore cordis intrinsecus, delebo, Genes. 6.*
inquit, *hominem, quem creasti, &c.* Iucundus,
quia vt filius Dei efficitur, vt *sitis filij Patris Matth. 5.*
uestri, qui in celis est, &c. Iucundus, quia de
remissione propriorum delictorum securus
efficitur. Iucundus, quia se ab illis malis, do-
loribus, ac mentis cruciatibus, quæ iram,
atque indignationem consequuntur, li-
berum,

berum, atque absolutum sentiet. Iucundus, quia summi Dei gratiam se ignoscendo inire cognoscit.

*Aequo animo ferenda hominum
temeraria iudicia.*

C A P V T V.



IT patienti, & æquo animo A
simus, dum de nobis alij
malè iudicant, consideran-
dum est. Primò, à condito
orbe omnes bonos, & san-
ctos obnoxios fuisse temerario iudicio alio-
rum, maximè improborum, & imperfecto-
rum. Sic temerè iudicauit de Abele Caim: de
Iacob Esau: de Iosepho fratres: de Moysè so-
ror, & alij: de matre Samuëlis Heli: de Dauide
Saül: de Mardochæo Aman: de Prophetis Iu-
dæi: & in nouo Testamēto iidem de S. Ioanne
Baptista, & maximè de Christo Saluatore, qui
apud Lucam ea de re conqueritur, dicens;
*Venit Ioannes Baptista, neque manducans pa-
nem, neque bibens vinum, & dicitis; demonium
habet. Venit filius hominis manducans, & bibens,
& dicitis: ecce homo deuorator, & bibens vinum;
amicus Publicanorum, & peccatorum. Ibidem
Simon Phariseus iudicauit Christum non
esse Prophetam, eo quod permisisset se at-
tingi à muliere peccatrice. Iudas fractionem
alabastrum in caput Christi malè interpretatus
est,*

Luc. 7.

est, cuius iudicium temerarium Christus multis verbis redarguit. Numquid tu melior es Abele, Iacob, Iosepho, Moyse, Davide, & Christo ipso, de quibus malè mali iudicarunt? Itaque quotiescumque tibi euenerit, ut homines facta tua etiam optima interpretentur in deterrimam partem, dic cum alio Propheta: *Non sum melior quàm patres mei.* 3. Reg. 19. Attende etiam quid Christus dicat: *Non est discipulus super magistrum. Si patremfamilias Beelzebub vocauerunt, quanto magis domesticos eius?* Matth. 10.

B 2. Præterea, tibi omnia illa temeraria iudicia contemnenda sunt, cum ut plurimum malorum sint. Sic enim docuit Apostolos Dominus. Nam cum illi renunciasent Domino, Phariseos eius sermone fuisse scandalizatos, respondit; *Sinite illos, ceci sunt, & duces cæcorum.* Matth. 15. Reuera cæci sunt de aliis temerè iudicantes; quia vel de facto, vel de intentione iudicant: factum non vident, alioqui non esset temerarium iudicium: intentio non potest nisi ab ipso Deo videri; ergo ad utrumque cæci sunt. Cæcus autem, ut aiunt, non potest iudicare de coloribus, quia illos non videt; quòd si aliquando de illis iudicare præsumeret, rideres. Similiter, ridendum potius, quàm dolendum est, si videamus aliquos iudicare de his, quæ omnino illos latent. Talibus, ut opinor, loquebatur Apostolus, cum diceret; *Mihi pro minimo est, ut à vobis iudicer.* Ac si diceret: à vobis cæcis, à vobis maleuolis iudicari pro nihilo duco, non moror iudicia vestra. Vnde optimè Anselmus

Anselm. in selmus ait: *Iusti non humana iudicia, sed æterni*
epist. 1. ad Iudicis examen aspiciunt, atque ideo derogantium
Corinth. 4. verba cum Paulo despiciunt.

Non quid dicant homines de nobis, sed quid simus in nobis, attendere debemus.

Publ. Mim. Propterea, ait quidam, [quis sis interest, non quis habearis.] Quia non ut haberis, sed ut eris, à Domino iudicaberis, cuius tantum sunt tremenda iudicia. Ideo ait Gregorius Nazianzenus, *quid mea interest, qui rei veritatem magis curo, imò solum curo? hoc enim vel me condemnauerit, vel absoluerit: hoc miserum, vel beatum reddiderit.* Causam autem, cur contemnere debeamus humana iudicia, reddit

Augustin. Diuus Augustinus. *Quia, inquit, temerarium*
lib. 2. serm. iudicium plerumque nihil nocet ei, de quo temerè
in monte. iudicatur; ei autem, qui temerè iudicat, ipsa
cap. 29. temeritas necesse est ut noceat. Ferto igitur patienter talia iudicia, cum iudicanti, non iudicato noceant. Timeas solum à Domino,

2. Reg. 16. & rideas ab hominibus iudicari. Nam *homo videt ea, quæ parent; Deus autem intuetur cor.*

Isai. 11. Ipse, ait Isaias, *non secundum visionem oculorum iudicabit.* Propterea de illius iudicio loquens idem Gregorius Nazianzenus eodem loco, sic ait. *Dei iudicium cordatis hominibus pluris faciendum, magisque curandum est, quàm omnium hominum in unum coactorum.* Audi etiam aureum sanè Senecæ diæterium Christiano dignum. [Conscientiæ, inquit, satisfaciamus, nihil in famam laboremus, sequatur vel mala, dum bene mereris.] Idem, quorum sint iudicia magnificienda, ostendit, dum ait: [Mouerer, si malè de me M. Cato; si Lælius sapiens,

fapiens, si duo Scipiones ita loquerentur; nunc malis displicere, laudari est. Non potest ullam auctoritatem habere sententia, ubi qui damnandus est, damnat.]

C Vellem certè interdum teipsum à teipso iudicari: fortè enim permittit Deus, vt ab aliis iudicaris; quia teipsum non iudicas; quia, ait Apostolus, *si nosmetipsos diiudicemus, non a quo iudicaremur.* Et vtinam hoc nostro, vel humano iudicio formidandum illud Dei iudicium euitemus. Fac, vt Deus te iudicatum inueniat; idem, inquit Augustinus, *ascende tribunal mentis tuae, esto tibi iudex ante teipsum.* Ferto in te sententiam, sententiam, inquam, non mortis, sed poenitentiae, quam illicò subibis. *1. Cor. 13. Augustin. in Psalm. 49.*

Considera etiam exempla eorum, quibus male cessit, quòd temerariè alios iudicauerint. Nam in primis Maria soror Moyse, quia temerè iudicauit de Moyse, propter uxorem eius Æthiopissam, percussa est lepra. Deinde Heli Sacerdos, quia Helcanæ coniugem Annam, Dominum toto pectore deprecantem, ex motu labiorum temerè censuit remulentam, è sella deorsum lapsus, fractis ceruicibus expirauit. Adhæc Michol uxor Dauid, quia leuitati, non humilitati attribuit, cum Dauid ephod lineo accinctus ante arcam Domini saltauit, perpetuam sterilitatis contumeliam incurrit. Et Hanon Rex filiorum Ammon, cum ex vana suspitione, quasi exploratum terram suam uerissent, Legatis Regis Dauidis partem barbæ abradi iussisset, & vestes vsque ad nates succidi;

Z

succidi;

in Vit. Pa-
trum.

succidi; pro barbis rasis, capitis sui diadema;
pro succisis verò vestibus, regnum amisit.
In Vitis Patrum, Isaac Abbas è Thebaide ad
congregationem fratrum venerat, & in ea
fratrem quemdam temerè iudicarat. Hunc
ad eremum egressum Angelus aditu cellæ
prohibuit, dicens: non permitto te in-
trare. Quare? inquit ille. Tum Angelus: quò
ergo iubes ire, quem iudicasti fratrem? Tum
Abbas supplex Angelo factus; Peccaui,
inquit, ignosce mihi. Et Angelus; surge,
ignoscit tibi Deus: sed deinceps ne iudices
fratrem, antequam sit iudicatus à Deo.

homil. 21.
in epist. ad
Hebræos.

Recordentur, qui temerè de aliis iudi-
cant, quid Phariseo acciderit, de quo sic
Chrysostomus; *Ille rem veram dicebat: non sum*
sicut ille Publicanus; & dicebat nullo audiente, &
fuit condemnatus. Qui falsa, & de quibus non
sunt certi, in omnes partes transmittunt, quid non
mali patientur? quid non sustinebunt? Defendit
Deus Publicanum à Phariseo iudicatum, sic
defendet te ab his, qui te condemnabunt.

Matth. 7.

Videos præterea illos, qui ab aliis temerè
iudicantur, multos habere patronos, qui eos
defendunt, maxime si conscij sibi non sint
mali, de quò iudicantur. Audiamus in pri-
mis, quid Christus dicat temerariè iudican-
tibus. *Nolite iudicare, ut non iudicemini.* Id est,
nolite homines iudicare, ut non iudicemini
à Deo. Nam, inquit Hieronymus, *aliter ho-*
minum linor, aliter Christus iudicat. Non eadem
est sententia tribunalis eius, & anguli susur-
ronum, &c. Christus autem vult nos arcere à
iudiciis illis temerariis, quia, sis iudicantes
nihil

nihil emolumenti nobis comparamus; imò
verò, ait Chrysostomus, *magis in discutiendo, D. Chry-
& perquirendo aliena commissa, labor est; & iust. lib. 1.
iudicare de alterius mente, difficultas summa, &c. de compun-
tione cor-
dis.*

Valde perpendenda sunt verba Apostoli ad
Romanos scribentis; *Propter quod inexcusa- ad Rom. 2.
bilis es; & homo omnis, qui iudicas.* Propter
quid inexcusabilis est? quia nullus eum
talem iudicem constituit: nullam refert de
illo iudicio vtilitatem; à nullo cogitur talem
ferre sententiam. Propter huiusmodi igitur
est coram Deo inexcusabilis.

Vide etiam, quomodo inuehatur Diuus
Iacobus in temerè iudicantem. *Tu autem quis Iacobi 4.
es, qui iudicas proximum?* Similiter & Diuus
Paulus, quasi aggrè ferens illa de te iudicia,
sic in iudicantem infurgit: *Tu quis es, qui Rom. 14.
iudicas alienum servum?* Et alibi; *Nolite ante 1. Cor. 11.
tempus iudicare.* Cum itaque verba illa scripta
remanent, non semel dumtaxat dicta sunt,
sed cum dicta sint à viuentibus in cælis,
semper dicuntur viuentibus de te iudican-
tibus in terris, qui tanto terribilius à Deo
iudicandi sunt, quanto minus de iudicio
illorum cutaueris. Defendit te Christus, de-
fendunt te Apostoli, quid times? *Si Deus pro
nobis, quis contra nos?*

E Accedit, quòd aliquando Deus innocen-
tium hominum existimationem etiam per
miraculum contra iudiciorum temeritatem
defendit.

Refert Surius, Sanctum Brixium Episco- *Surius in
pum Turonensem, cum populus temerè iu- eius vita.
dicasset eum ex stupro filium genuisse, infan-*

*Valerius
Maxim.*

tulo recenter nato publicè in conspectum allato, dixisse; Adiuro te per Iesum Christum Dei Filium, vt palàm edicas, num genitor tuus sim? & mox respondit, non es. Simile legimus de Diuo Goare apud eundem Surrum, & de Daniele Abbate Ægyptio in Viris Patrum. Et apud Valerium Maximum, præceps nimium hæc iudicandi ratio in duabus Vestalibus olim conspicua fuit, in Claudia, & Tucia; quæ cum parum sanctè virginitatem conseruasse crederentur, harum vna, Claudia scilicet, nauim aduerso flumine pertraxit; altera aquam cribro hausit. Sic fama mendax concidit, & ægrè credulitatis temeraria pœnitentiam egere, qui stultè nimium iudicauerant. Puniuit Deus temerarios illos iudices, punit & tuos, siue in hoc sæculo, siue in futuro. Quid conquereris? manifestauit innocentiam eorum, de quibus temerè iudicabatur; manifestabit & tuam, siue ante, siue post mortem, prout ei melius videbitur expedire. Esto contentus.

Galat. 1.

Porro, si placeas hominibus, fortè ab illis non iudicaberis, sed Christi seruus non eris. Quia ait Apostolus; *Si adhuc hominibus placerem, Christi seruus non essem.* Vni ergo Christo placere stude, vt illius sis seruus, non reus; & dic: *Qui iudicat me, Dominus est;* qui scrutatur corda, & renes; & videt, an verum sit in te, quod alij iudicant de te: fac, vt cum eodem Apostolo dicere possis; *2. Cor. 1. Gloria nostra hæc est, testimonium conscientia nostra.* Dummodo tua non te accuset conscientia, iudicium hominum nullum erit.

Hoc

Hoc optabat Diuus Augustinus, cum cui- Augustinus
dam Manichæo, nomine Secundino, di- lib. contra
ceret: *Senti de Augustino quidquid libet, sola* Secund.
me in oculis Dei conscientia non accuset. Nam cap. 1. tom.
ait Iuuenalis: 6.

Hæc est summa boni, mens quæ sibi conscientia Iuuenal.
recti est. satyr. 13.

Interrogatus Bias, quidnam in vita metu va-
caret, respondit; Bona conscientia. Con-
scientia autem non est aliud, quàm scientia,
& testimonium, quo animâ bene sibi con-
scia est, sibi quæ attestatur se purè, & sanctè
iuxta Dei legem viuere. Itaque noli malè
agere, & tua non te accusabit conscientia:
si te non accuset conscientia, non iudicabit
te Deus: si Deus non te iudicet, pro minùs
tibi sit ab hominibus iudicari.

F Dic præterea cum Iob; *Ecce in calo testis Iob.* 18.
meus. In quæ verba sic scribit Diuus Grego- lib. 13. mor.
rius: *Sape contingit, ut ipsa in nobis bona opera* ral. cap. 13.
ab incautis hominibus reprehendantur. Sed qui
testem in calo habet, reprehensiones hominum me-
tuere non debet. Idem Gregorius afferens alibi lib. 9. epist.
eundem locum Iob, sic scribit. *Qui vita sua* 39.
in calo testem habet, iudicia hominum in terra
pertimescere non debet. Consolationem vocat
Diuus Bernardus bene agendo blasphemari
à malis. *Profectò, inquit, bona consolatio est,* Bernard.
cum benefacientes blasphemamur à malis, si recti homil. 14.
diligunt nos. Omnino sufficit aduersus os loquen- in Cantia
tium iniqua, opinio bonorum cum testimonio con-
scientia. Deinde, non omnia nostra opera ab
hominibus probantur; quid mirum igitur,
si aliquando ab hominibus iudicentur? Olim

Xenophon Xenophon dicere solebat: [Non facile est,
4. commēt. *ait*, vt reperiri aliquod opus possit, in quo
 nihil à quoquam reprehendatur: est enim
 arduum, ita quidquam perficere, vt non ali-
 cubi pecces. Quodd si etiam sine aliquo er-
 rore quidquam peragat aliquis, difficile est
 non pari, aut inuenire aliquem iniquum iu-
 dicem.]

*Malorum hominum conuersatio,
 eorumque grauamina pa-
 tienter sustinenda.*

CAPVT VI.

Genes. 25.

*Serm. 78. de
 tempore.*



Duo filij olim collidebantur in A
 vtero materno: quid autem isti
 filij adumbrarent, indicat Di-
 uus Augustinus. Sicut, inquit,
duo paruuli in utero Rebecca colli-
debantur: sic in utero Ecclesia duo populi ingiter-
aduersantur. In ventre spiritalis Rebecca, id est,
Ecclesia, duo populi colliduntur, humiles scilicet,
& superbi: casti, & adulteri, &c. Quamdiu erit
grauida ista mater, tamdiu durabit illa col-
lisio. Erit autem grauida vsque ad finem
mundi: tunc enim bonorum cessabit vexatio,
quia nulla erit malorum permixtio. Vnde
idem Diuus Augustinus: Certe sumus, inquit,
quia omnes, qui sumus in corpore Domini, & ma-
nemus in illo, vt ipse maneat in nobis, in hoc seculo
necesse habemus vsque in finem inter malos vi-
uere:

*tract. 27. in
 Ioh.*

Liber II. Cap. VI. 359

vere: non inter illos dico malos, qui blasphemant Christum: rari enim iam inveniuntur, qui lingua blasphemant, sed multi, qui vita. Necessè est ergo, ut inter illos usque in finem vivamus. Sunt enim quidam, qui licet non male loquantur de Deo, non tamen bene loquuntur de proximo: semper sunt rixantes, litigantes, aut morosi; quorum etsi onerosa sit conuersatio, potest tamen merendi esse occasio. Si igitur cogaris cum malis hominibus versari, fac, ut tua patientia in conuersatione illa merearis conuersationem Angelorum: propterea recordare, quod Abel sustinuerit Cain: Iacob Esau: Loth Sodomiticis ciues: Dauid Saulem, & alij viri sancti multos homines illos persequentes. Itaque, qui voluerit esse ut Abel, sustineat patienter eos, qui fuerint ut Cain. Nam, ait Gregorius, Abel quippe venit lib. 20. mor. esse, quem Cain malitia non exercet. Et alibi: val. cap. 30. Boni si sine malis fuerint: perfecti esse boni non lib. 9. epist. possunt; quia minimè purgantur. Abel esse non suspicor, qui Cain non habuerit. Vis quoque imitari Iacob? æquo feras animo eos; qui imitantur Esau. Cupis sanctificari ut Dauid? patere eos, qui persequuntur ut Saul.

Quamuis rosa inter pungentes spinas nascatur, non minùs redolet: sic vir probus, licet inter pessimos versetur, dat semper odorem patientiæ. Huiusmodi fuit Iob, qui dicebat; *frater fui draconum, & socius struthionum. Iob. 30. num. Talis Ezechiel, cui Dominus: Increduli, Ezech. 2. inquit, & subuersores sunt tecum, & cum scorpi- nibus habitas. Hi, cum quibus morabatur Iob, similes erant draconibus; & cum quibus*

Ezechiel, assimilabantur scorpionibus. Interim nec illi dracones, nec huic nocuerunt scorpiones.

Interdum Deus permittit, vt malos ha- B
 beas socios, vt sint tibi causa merendi: pur-
 gantur enim aliquando boni societate ma-
 lorum. Sit mihi testis Gregorius: *Ipsa ma-*
lib. 9. epist. 39. *lorum societas, purgatio bonorum est.* Cur igitur
 de malorum societate, deque illorum perse-
 cutione conquereris?

Illum non adhuc esse fœlicem existimat
 Seneca, quem turba non deriserit, nec ad
 beatitudinem peruenisse, qui non con-
 temperit contemni. Illum audiamus. [Non-
lib. de mo- ribus. dum fœlix es, ait, si nondum te turba deri-
 serit. Si beatus esse vis, hoc cogita primùm,
 contemnere ab aliis contemni.] Sed à quibus
 quis contemnitur, nisi ab his, cum quibus
 moratur?

Simile.

Boni in hoc mundo sunt veluti in aliena
 domo, mali verò in propria, ideo vocantur
 à Christo filij huius sæculi: vt plurimùm
 abundantius viuitur in domo propria, quàm
 aliena. Filij alicuius domus, quamdiu in illa
 sunt, audaciùs loquuntur, ac aliquando in-
 sultant, minantur, imperant, exire cogunt:
 extranei autem vix verbulum vnum pro-
 ferre audent, quia illius domus non sunt, &
 patienter ferunt quidquid eis à filiis domus
 dicatur. Sic non est mirandum, si mali in hoc
 mundo persequantur bonos, imò sæpe eos
 expellant: sunt enim mali in domo propria;
 boni verò in aliena. Christus ipse assererat
 regnum suum non esse de hoc mundo; ideo
 illum

illum persequuti sunt mali, qui & membra illius semper persequentur. *Non indignemini, fratres, inquit Augustinus, si in mundo mali serm. de florent, vos aduersa patimini. Mali enim nihil patient, habent in celo, & vos nihil habere debetis in terra.*

Quasi dicat: mali nihil habent in celo, quo exultent; nec boni quidquam debent habere in terra, quo gaudeant; sed hoc tantum gaudeant, quod hic habeant, quo doleant: habent enim secum impios, cum quibus illis conuorandum est; impios, inquam, illos persequentes, vexantes, ac sæpe sapius lædentes, atque ita illorum meritum augentes.

C. Pulehrè ostendit idem Doctor, quomodo se habeant adinuicem iusti & iniusti in hac vita. *Duo genera hominum, inquit, iustorum, & in Psalms. iniquorum, in hac terra, & in hac vita commixta 36. conc. 2. sunt. Habent singula ista genera proprias intentiones cordis sui. Genus iustorum conatur in sublimia per humilitatem; genus iniquorum praponderat ad inferiora per elationem. Hoc tantum se deprimit, ut surgat; illud se extollit, ut cadat. Ex eo fit, ut unum genus toleret, alterum toleretur; propositumque sit iustis ipsos etiam iniquos in vitam aternam lucrari: propositum autem iniquis reddere mala pro bonis; & eos, qui sibi vitam aternam volunt, si fieri potest, etiam vita temporali priuare. Nemo dubitat, quod isti duo alterutrum sibi oneri sunt; sed diuersis intentionibus. Ad hoc enim iustus iniusto oneri est, quia iniustum eum esse non vult, sed eum iustum fieri & optat votis, & conatur factis. Iniustus autem sic odit iustum, ut nolit eum esse, non ut bonum velit esse: quanto enim bonus est, tanto ille magis*

onert est iniquitati illius; & laborat quidem; si fieri potest, ut eum iniustum faciat; si autem non potest, de medio tollat, & à suo radio, molestiaque remoueat. Caucas igitur, ne iniquorum persecutione fias iniquus; hoc enim intendunt iniqui: sed ut ad intentum nunquam perueniant, patienter ferro illorum vexationes.

Erant olim inter Gentiles aliqui aliis nequiores; sed qui minùs erant iniqui, sæpe ab illis nequioribus vexabantur, illorumque vexationes forti & æquo animo ferebant. Hæc cum legisset Tertullianus, spernebat omnia, quæ a Gentilibus sui temporis tormenta Christiani patiebantur, illaque obiectabat, ac ostendebat exemplo multorum Gentilium pro inani quadam gloria multa acerba ferentium, debere nos patienti animo pro Christo magis tolerare omnia aduersa, quæ nobis immittuntur ab his, cum quibus versamur: sic enim ille ad Gentes. *Licet*, inquit, nunc Sarmenticios, & Semaxios appellatis, quia ad stipem dimidiæ axis reuincti sarmentorum ambitu exurimur: hic est habitus victoria nostra, hæc palmata vestis, tali curru triumphamus. Apud vos quoque, o Gentes, Mutius dextram suam libens in ara reliquit. O sublimitas animi! Empedocles totum se Catanensium Etnæis incendiis donauit. O vigor mentis! Regulus, ne unus pro multis hostibus viveret, toto corpore cruces patitur. O fortem virum, & in captiuitate victorem! Anaxarchus, cum in exitium prisane pilo contunderetur; Tunde, tunde, ait. Anaxarchi follem, Anaxarchum enim non tundis. Antica meretrix, carnifice iam fatigato, postremo linguam suam

Apolog. c. 50. contra Gentes.

suam comestam in Tyranni senectutis faciem expuit, ut expueret & vocem, ne coniuratos confiteri posset, si etiam vieta voluisset. Zeno Alcates consultus a Dionysio, quidnam Philosophia praeferret, cum respondisset, contemptum verborum, impassibilis flagellis Tyranni obiectus sententiam suam ad mortem usque signabat. Si hæc tolerare Gentiles ab his, cum quibus versabantur, cur non patiemur & nos, si quid nobis contingat aduersi malitia eorum, cum quibus morari cogimur?

D Laude dignus ille est, qui etiam inter malos bene operari nouit; sicut maximo est ei vituperio, qui inter bonos non vult esse bonus. Quid hac de re sentiat Gregorius, lib. 1. mon-
audiamus. Sicut, inquit, *grauioris culpa est, inter val. in cap.*
bonos bonum non esse: ita immense est praconi, 1. lob.
bonum etiam inter malos existisse. Sed qua ratione poterit quis esse bonus, nisi malorum fugiendo peccamina, illorum patienter sustineat grauamina? Cæterum, non deerit, qui te consoletur, Deus; si non desit, qui te persequatur, homo. Deum habebis consolatorem, pro quo sustinuisti persecutorem. Teste eodem Gregorio, *nemo perfecte bonus est, nisi qui fuerit & cum malis bonus.*

Fieri nullo modo potest, ut quamdiu sumus in hoc mundo, sine aliquibus malis hominibus viuamus. Sicut non potest esse triticum sine palea, quamdiu in area, vel in agro est; poterit quidem triturari, sed non omnino à palea separari, donec ventiletur: possumus etiam nos sine iniquitate viuere, sed non sine iniquis. Vnde Diuus Augustinus: *Psalm.*
91.

nus: *Ab iniquis*, ait, non potes recedere, quia mixta est palea tritico, usque dum ventiletur in ipsa area. Mira res est de tritico; recedit à palea, cum expoliatur; & non recedit ab area, dum trituratur. Quando autem omnino separabitur? cum venerit ventilator. Ergo modò area in orbe terrarum est, necesse est, ut si proficis, inter iniquos viuas. Ab iniquis recedere non potes, ab iniquitate recede. Odio habeas semper malas peccatorum actiones, sed illorum pro Christo sustineas persecutiones. Noli dolere, quòd te vexent, sed quòd Deo peccent. Non participat triticum de natura paleæ; sic nec tu de malignitate peccatorum participare debes. Valdè laudabile est vitiis alienis tribulari, non implicari: mœrere, non hære; dolore contrahi, non amore attrahi.

Chrysoſt. in
Genef. cap.
6.

Diuis quoque Chryſoſtomus ostendit E
nihil nobis esse nocuenti, inter malos versari, imò Deum conuersionem illam ob maius bonum permittere. Nam, inquit, ideo misericors Deus sic dispensauit, ut simul essent boni & mali, quò malorum subneruaretur malitia, bonorumque virtus clariùs elucesceret; & desides, ac studiosi plurima commoda lucrifacerent, modò vellent.

Genef. 6.

Inter malos olim versabatur Noë, nec propterea inquinatus est, cum inter eos, teste Scriptura, semper vir iustus, atque perfectus fuerit. Non illorum malas imitabatur actiones, sed illorum potiùs patiebatur persecutiones; impugnabatur, sed non expugnabatur: non poterat à malis illis hominibus recedere, sed potuit à prauis illorum operibus

ribus abstinere: miscebatur quidem pessimis hominibus, sed non implicabatur eorum actibus: seruauit iustitiam inter iniustos; continentiam inter lubricos; deuiantes non sequebatur; & tamen inter illos morabatur. Vnde de illo idem Chrysostomus. *Noë, ibidem.* inquit, multos habebat, imò omnes, qui ad mala, & ad praua opera inhortabantur; & nullus erat, qui ad bonum induceret: & tam domestica illi virtus erat, ut viam diuersam à vulgari, quam omnis multitudo inambulabat, iret; adimplens illud, quod Moyses olim dicturus erat: Ne sis cum multis in malitia; & illud: Melior est vnus faciens voluntatem Domini, quam innumeri prauaricatores. Ne verearis igitur eos sustinere, qui tibi non possunt nocere, erisque admirabilis: nam Aristippus interrogatus, quid esset admirandum in vita: vir probus, inquit, & moderatus; quoniam etsi inter improbos agat, non tamen perueritur.

Valdè tamen utile erit, dum commodè fieri potest, malorum societatem, & conuersationem fugere; & præcipuè eorum, qui vel impellunt ad peccatum, aut peccandi sunt occasio. Refert Valerius Maximus, quòd *lib. 7. de memorab. dictis.* dum quidam stolidus audiente Pythagora diceret, Mallem cum mulieribus esse, quam cum Philosophis conuersari; & sues, inquit, in cœno libentius, quam in pura aqua versantur. Non dissimiles iudicabat ille Philosophus sordidis illis animalibus eos, quibus illorum grata erat periculosa conuersatio.

Plus sibi

Plus sibi nocent inimici iniurias inferendo, quàm nobis; idcirco non dolendum, sed illis est condolendum.

CAPVT VII.



410. Magn.

Ecc. 17.

Prov. 16.

STAT quædam species Vni-
cornis, quæ, secundum Alber-
tum, vehementer odit quem-
cumque rubeum colorem: unde si videat hominem rubeis
indutum, maximo cum impetu occurrit ad
illum occidendum: verum si iuxta aliquam
arborem, ipse se abscondat; tunc huiusmodi
animal cornu suo ad eam fortiter in arborem
irruit; illudque in ea ita figit, ut inde ex-
trahere nullo modo valeat; atque ita ipso-
met cornu capitur, quo alium ferit, & occi-
dere nitetur. Eodem, planè modo contin-
git inimico nobis nocere volenti: Scriptura
enim non potest falli, quæ ait; *Qui fodit fa-
ucam, incidet in eam; & qui lagnum alteri
ponit, peribit in illo; & qui statuit lapidem proxi-
mo, offendet in eo.* Et rursus: *Qui emittit lapidem,
reuerietur ad eum.* Hoc patet in Aman, qui in
eodem patibulo fuit suspensus, quod Mar-
docheo parauerat.

Si quis ense lapidem feriat, non lapis, sed
ensis ladicur, quippe qui percussione obtun-
ditur. Tela emissa, si duriciem lapidis offen-
derint,

derint, nonnunquam reperiunt in eum, qui emisit, reciproco impetu sauiunt. Sic iniuriæ ab inimicis illatæ, si te patientia minutum offenderint, in inferentem reuertentur, qui, quod non doleas, dolebit; cum ideo lædat, ut doleas. Audi Tertullianum: *Idcirco lib. de pa-*
quis te laedit, ut doleas; quia fructus ladentis in-
dolore laesi est. Ergo cum fructum eius non dolendo
euerteris, ipse doleat necesse est amissione fructus
sui. Diuus quoque Hieronymus ostendit, lædentem maximè confundi, & cruciari patientia læsi. Nihil, inquit, ita confusam facis *in epist. ad*
iniuriam agentis, sicut fortis, & mitis patientia *Hebræi.*
tolerantis, & neque in opere, neque in lingua se
vindicantis.

B Aliis nocentes similes sunt vulpeculis, ad quarum caudas iunctæ, ac ligatæ erant faces, ad comburendas Philistinorum segetes, quas *Indi.*
 quidem incenderunt, sed seipsas consummarunt. Sic mali, dum aliis nocere quærunt, sibi primum damnum acquirunt. Comparat Diuus Augustinus malitiam, siue iniuriam faculæ incensæ, quæ prius ardet, & consumitur, quàm aliud incendat. *Faculam* inquit, *in Psal.*
apponis, ut aliquid incendat; numquid non ipsa
facula prior ardet, ut aliquid possit incendere?
Malitia autem procedit ex te, & quem prius
vastat, nisi te? Equidem dico, quod fieri potest, ut
malitia tua alteri non noceat, ut autem tibi non
noceat, fieri non potest. Aliquando malitia tua non nocebit patienti, tibi verò semper nocebit lædenti.

Muræna non potest prius aquaticos angues in alienam perniciem parere, quàm proprium

proprium suum ventrem, in quo concepti fuerant, eroserit: ita quiuis iniustus malitiam suam primus experitur, antequam in alios effundat. Ideo multi conatam sibi bilem excitantes ex iracundia multa, prius obiere, quam hostes suos vlti sint. Vnde idem Augustinus: *Iniustitia*, inquit, *iniusti tibi nocet, & illi non nocet? unde fieri potest, ut non iniquitas eius, qua per eius indignationem, & odium procedit ad lādendum te, non prius ipsum vastet intus, quam te tentet foris? Tuum corpus premit aduersitas, illius animam putrefacit iniquitas. Et infra: Quidquid in te profert inimicus, in illum redit. Eius persecutio te facit purgatum, illum reum. Cui ergo plus nocet?*

Ibidem. Idem Doctor lādentes ait esse similes his, qui, vt alterius tunicam concidant, per suum proprium corpus gladium traiciunt; ideo illos insanire dicit, eosque merito irridet. *Quale est, inquit, sanire gladio, nec posse occidere, nisi corpus inimici, & posse occidere animam suam? decipiunt, contra se faciunt, insaniunt, non se vident, tamquam si vellet aliquis per corpus suum ferrum traicere, vt concideret tunicam alterius. Attendis quò peruenisti, & non attendis quā traiecisti; illius concidisti vestem, sed tuam perforasti carnem. Constat ergo plus esse, quòd se lādunt iniqui, & quòd sibi nocent, quàm quòd sibi videntur nocere illis, quos oderunt. Sententia Domini est, aliter fieri non potest; & arcus eorum frustrentur. Quid est, frustrentur? Nihil nocent iusto.*

Zachar. 2. Loquens Deus per Prophetam his, qui ab inimicis lāduntur, sic ait: *Qui tangit vos, tangit*

tangit pupillam oculi mei. Secundum versionem Septuaginta sic est legendum : *Qui tangit vos, tangit pupillam oculi sui.* Plinius quoque testatur se vidisse duo exemplaria vulgatæ editionis, in quibus legebatur, *oculi sui.* Quibus verbis innuit Dominus, lædentes plus sibi nocere, quàm his, quos lædunt, cum eos lædendo pupillæ sui proprii oculi noceant : tanto enim est læsio grauior, quanto pars læsa est nobilior. Obseruat Plinius, *lib. 11. cap. 37.* pupillam quamuis paruam, integram hominis effigiem reddere; additque non esse *lib. 28. cap. 6.* in hominis ægritudine timendam mortem, quamdiu oculorum pupillæ imaginem reddunt : quòd si non redderent, esset locus timendi. [Augurium, inquit, ex homine ipso est non timendi mortem in ægritudine, quamdiu oculorum pupillæ imaginem reddunt.] Si itaque inimicus lædens te, lædat & pupillam suam, lædetur illa effigies, quia in illa non apparebit; atque ita præsagium quoddam erit futuræ mortis, non tam corporalis, quàm æternæ.

Secundum autem communem versionem; *Qui tangit vos, tangit pupillam oculi mei;* dicendum est, Deum voluisse etiam hac loquendi formula ostendere, quàm graue sit peccatum lædentium proximum : cum Iudæorum, qui Christum iniuriis affecerunt, grauius sit. Iudæi quidem in faciem Christi conspuerunt, alapis cæciderunt, colaphizarunt: totum corpus flagellauerunt: manus & pedes clauis transfixerunt: ori fel obtulerunt: latus lancea aperuerunt; nunquam

Aa tamen

tamen eos pupillam oculi eius percussisse legitur. Qui verò proximum tangit, & lædit, pupillam oculi Dei lædere dicitur; ac proinde læsæ maiestatis diuinæ reus efficitur; cum membrum percütat diuinum.

*Cœl. lib. 3.
cap. 28.*

Galenus enim, teste Cœlio, vocat pupillam, diuinum membrum. Stoici quoque, referente eodem, hanc partem Dei appellatione honestare non sunt veriti. Proximo igitur inferre iniuriam, non tam est illi lædere, quàm Deum, ac seipsum offendere.

Similia.

Quemadmodum calcans semetipsum excoquit: & adamantem percütens seipsum lædit: qui in stimulos calcitrat, seipsum ferit: & qui duros filices manu cædit, ipse, non lapides vapulat. Ita, qui aliis infensus, & iniurius est, seipsum prius, & magis offendit, quàm alios; quia multa sibi infert damna, & incommoda: nam non quiescit, non dormit, non comedit, donec vlciscendi appetitum expleat; & ut obseruat Chrysostomus, gladio suo seipsum petit, & interimit, qui alteri nocere quærit. *Imaginare*, inquit, *hominem, qui vindicari optans, gladium stringit; & ut inimicum feriat, seipsum sciens, & volens eodem gladio transfodit: numquid non hinc mente omnino captum dices?* Ita insanit alium lædens, cum magis seipsum lædat: quia gladium quærit, quo se ingulet; foueamque parat, qua viuus sepeliatur.

*hemit. 44.
in 1. ad
Corinth.*

Ratio autem, cur alium lædens sibi plus, quàm alteri noceat, hæc est, quia nimirum ei duntaxat in corpore, aut diuitiis, vel honore, & fama, aut denique in rebus temporariis

rariis officit: sibi vero in anima, eternam
 asciscens & accumulans damnationem.
 Quamobrem ei potius dicere possumus: mi-
 serere tibi, quam miserere inimico tuo. Hoc
 patet in Dauide fugiente Saülis persecutio-
 nem, ac latitante in spelunca, in quam in-
 trauit Saül, quem poterat Dauid tunc occi-
 dere, sed noluit, imò verò sic rogabat: *Mise- Psalm. 56.*
re mei, Deus, miserere mei, quoniam in te con-
fidit anima mea. Lyrantus rationem assignat Lyrant.
 ipsius repetitionis, & ingeminationis: sic
 enim scribit. *Secundum quod dicit Rabbi Sa-*
lomon, semel dicit Dauid; miserere mei, Deus;
petens ne occideretur a Saule. Secundo, petens ne
Saül occideretur ab ipso. Ideo suadentibus so-
 ciis, vt in illa opportuna occasione eum in-
 terficeret, respondit: *Propitius sit mihi Domi- 1. Reg. 24.*
nus, non faciam hanc rem. Non dixit, propitius
 sit ei Dominus; sed, mihi: quia illum occi-
 dendo, prius animam propriam, quam cor-
 pus Saülis interfecisset; ac proinde magis
 sibi, quam ei nocuisset. Sibi igitur Dauid
 bene consuluit, quando Saüli non nocuit.
 Magna etiam nobis præstatur misericordia,
 quando inimicis non nocemus; quia maxi-
 mum damnum nobis intulissemus. Hanc
 misericordiam postulabat Dauid, ne scilicet
 inimicum interficeret: optabat quoque illam
 inimico conferri, ne ei noceret.

E Idem Dauid sic de inimicis suis conquie-
 rebatur; *Circumdederunt me sicut apes, &c. Psalm. 117.*
 Si quibusdam credere fas est; illos dicimus
 ab apibus citius pungi, qui adulterio, aut
 aliqua alia libidine sese commacularint.

Fortè David erat tunc adulterio coinquinatus; ideo sibi videbatur ab apibusungi, quando ab inimicis circumdabatur, & impetebatur: aut potius idcirco inimicos illum insectantes apibus comparat, quia illis idem, quod apibus, contingere cernebat. Sunt enim apes inter animalia iracundissimæ, ac pro corporis captu pugnacissimæ; & dum aculeo percutiunt, euiscerantur, quia cum aculeo exeunt intestina; atque ita moriuntur: dolorem quidem percusso inferunt, sibi autem mortem. Idem inimicis nos lædentibus contingit: debacchantur, percutiunt, vulnerant; sed seipsos magis cruentant, sibi que maius damnum inferunt. Idcirco illud Senecæ eis meritò dicere possumus. [Infœlicem linguam bonorum exercere conuicio: instate, commordete, citius multò frangeris dentes, quàm imprimeris.]

*Aristot. lib.
9 de ani-
mal. cap.
11.*

*lib. de vit.
beat. cap.
19.*

*Simon Ma-
iol. tom. 1.
can. dier.*

*in Exa-
m v.*

Dicunt nonnulli dari aliquas apes non habentes aculeum; vel si habeant, non eo utuntur: sicut de Rege apum scribunt Ambrosius, Basilius, & alij; cui quidem est aculeus, sed eo nunquam utitur. Fœliciores igitur reperiuntur illæ apes, quæ carent aculeo, quia minùs periclitantur morte: nam aculeata apis, si Regis exemplum sequi neglexerit, sed stimulata aculeum iniecerit, morietur, ut iam diximus: idem continget vlcisci volentibus, ultio enim in vlciscentis caput incidit.

Non est silentio prætereundum, quod etiam de apibus obseruant iidem Doctores. Si quis apes oleo casu perfundat, propè negantur,

cantur, eo quòd obstructis poris aëreum illud spiramen haurire non possunt; ac continuo si quis aceto iis superinfundat, illi còd reuiuiscunt, eo quòd citò vis aceti poros illos aperire dicitur. *Apes*, inquit Basiliius, in *Exa-*
oleo madefacta pereunt, meatibus obstructis: aceto met. ho-
autem statim effuso rursus reuiuiscunt. Ex quo mil. 8.
discimus, quòd patientia, & misericordia, cuius præcipuè oleum symbolum est, ita necatur inimici: vindicta verò aceto repræsentata, reuiuiscit. Audi Tertullianum: *Fatis lib. de pa-*
getur improbitas patientia tua. Plus improbitatis tient. cap.
cadis sustinendo. Ab eo vapulabit, cuius gratia 8.
sustines. Vides igitur, non immeritò Dauidem hostes suos apibus comparasse, apibus, inquam, stimulantibus, atque ex eo plus tibi nocentibus.

F Caterùm, nullis impiorum insectationibus, calumniis, & improperiis lædetur vir probus: sed si quod sit damnum, in lædentes omnino cadet; quòd optime probat Chrysostomus hac similitudine. *Ponamus*, inquit, in Matth.
mirabilem quemdam, atque insignem esse virum,
quem omnes adulterum, furem, sepulcrorum inua-
sorem, homicidam, latronem prædicant: ille verò
nec irriteretur, nec molestè ferat, nec alicuius huius-
cemodi rei conscius sit. Qua igitur vituperatione
lædetur? nulla profectò. Quid, inquires, si multi
malam de ipso habeant opinionem? nulla, inquam,
vituperatione laesus est; sed illi se vituperant, qui
alium, quam decet, virtutem talem existiment. Dic,
quæso, si quis Solem tenebrarum authorem existi-
met, Soline, an sibi detrahatur? sibi videlicet ipsi,
cùm amentis, & insanientis opinionem conse-

quatur. Eodem planè modo, qui bonos prauos esse putant, seipsos vituperant. Sic ille, sentiens lycophantam sibi prius quàm alteri nocere.

epist. ad

Eusloch.

Simile.

Vnde & Hieronymus: *Apud Christianos, non qui patitur, sed qui contumeliam facit, miser est.*

Quemadmodum qui candelam ardentem digitis propriis mungit, candelæ quidem lumen clarius efficit, suos autem digitos adurit, & contaminat; sic qui iusto detrahit, aut contra proximum obmurmurat, suam quidem mentem, & conscientiam, & linguam contaminat, & reatu peccati adurit; iusto autem meriti materiam præbet, eiusque famam celebriorem reddit. Nunquam Deus Moysen magis laudauit, quàm dum Aaron contra eum murmurauit: Aaron murmurando fratrem Deo commendauit, sed se ipsum contaminauit.

Sunt detractores, & maledici porcis, & suis similes, quæ amœnissimum hortum, pulchris, & odoriferis floribus constitum ingressæ, flores non attingunt, sed fimum, si quis fortè in angulo est; aut lutulentam lacunam inuenientes, in ea se volutant, illam euentilant. Vnde de maledico conuiciatore

in dieta
salutis. cap.

19.

eleganter dixit Diuus Bonauentura, quoddam modum porci, ubi ponit pedem, ibi & os; & sicut canis macelli semper habet os sanguinolentum. Sicut igitur sues eodem luto se fœdant, in quo se volutant, eoque se tamquam vestimento sordido induunt; ita conuiciatores seipsos conuiciis inficiunt, quibus alios afficiunt. De vnoquoque illorum sic David:

Psal. 108.

Dilexit maledictionem, & ueniet ei. Induit maledictionem,

ledictionem, sicut vestimentum. Fiat ei sicut vestimentum, quo operitur; & sicut Zona, qua semper praeingitur. Sunt verba significantissima, quibus docet Spiritus sanctus, detractores, inurmuratores, suscitantes, maledicos; idem prius, & grauius passuros, quod contra proximum fecerunt. Quaecumque ita sint, non debemus dolere, sed eis cuncto-
lere: non iniurias referre, sed patienter ferre.

Providentiâ Dei ad utilitatem nostram provenit, quidquid ab inimicis patimur, ideo equanimiter tolerandum.

CAPVT VIII.

A



T patienter persecutiones, calumnias, & quaecumque iniurias feramus; consideremus Dei providentiâ, vel saltem Deo permittente, cuncta nobis evenire: licet enim Deus non habeat velle fieri malum; habet tamen velle permittere malum, ex quo potest elicere bonum. Quod inimici nostri, vel impij saeviant in nos, permittit Deus, ac eis solam potestatem nocendi tribuit, non voluntatem, licet eorum mala, quam non fecit, voluntate utatur: sicut Medici ad corpora curanda utuntur interdum viperæ veneno, quod non fecerunt:

A 2 4 Deus

Deus enim est quidem malarum voluntatum ordinator, sed non creator. Nam voluntati malæ vitium est ex ipsa, quo mala est, non ex Deo. Quòd igitur malus velit tibi nocere, habet à se: quòd possit, habet à Deo, qui, ut tibi noceat, permittit, vel ut puniaris, aut ut proberis, vel ut coroneris, aut alia iusta de causa, quamvis tibi ignora.

in Psal. 29. Hoc fusè tractans Diuus Augustinus, sic scribit. *Sauiant modò inimici, humilient, faciant non quidquid volunt, sed sicut desuper permittuntur: non quòd Deus det illis voluntatem nocendi, sed potestatem. Vnusquisque enim malus apud se habet voluntatem nocendi: ut autem possit nocere, non habet in potestate: ut velit, iam reus est: ut possit, occulta dispensatione prouidentia Dei, in alium permittitur ad pœnam; in alium permittitur ad probationem; in alium permittitur ad coronam. Ad pœnam, quomodo permissi sunt alienigena capere populum Israël, quia peccauerunt in Deum. Ad probationem permissus est diabolus in Job: probatus est autem Job, confusus est diabolus. Ad coronam verò permissi sunt persecutores in Martyres.*

Minabatur Pilatus, ac iactirabat se habere potestatem dimittendi, & crucifigendi Christum. At verò Christus intumescens Iudici ostendens, vnde sit illi hæc potestas

Ioan. 19. *Non haberes, inquit, in me potestatem, nisi data tibi esset desuper. Quasi dicat: nocendi quidem potes habere voluntatem, sed non potestatem, quæ cur tibi detur, nouit ipse, qui tibi illam contulit. Noli inuidere iniquo, quòd habeat potestatem nocendi tibi, sed illi compa*

compatere, & ignosce, quòd habeat voluntatem, Non enim ob potestatem melior, sed ob voluntatem nocendi fit deterior.

B. Idem Ductor explanans, illa verba Psal- *in Psal. 36.*
mistæ; *Quæres locum eius, & non inuenies;* ostendit, locum peccatoris esse usum peccatoris, quia illo vitur Deus, vel, ad probandum iustum, vel ad emendandum. *Quid est, inquit, locus eius? usus eius. Habere aliquem usum peccator? habet. Hic vitur illo Deus ad probandum iustum, quomodo usus est diabolo ad probandum Job, usus est Iuda ad tradendum Christum. Est, ergo in hac vita, quod agatur, de peccatore. Hic est ergo locus eius, quomodo est in fornace aurificis locus palca: ardet palca, ut aurum purgatur. Sic sanit impius, ut iustus probetur.*

Quando, verbi gratiâ, habes vicinum te conuiciis lacessentem; vel dominum rigidum, & asperum; vel maritum crudelem, aut uxorem rixantem; aut aliquem tibi iniuriam, & contradicentem, murmuras, vel loisque illum longè abesse: sed nouit Deus illum prope, vel iuxta te esse constitutum, tibi que adiungendum. Ibi est locus eius, quia illo vult vti Deus; ne conqueraris, sed æquo animo patiaris. Sic ordinauit, qui omnia ordinatè agit, quique suauiter omnia disponit. Idcirco ne quæras, nec cogites talem de medio tollere, quia Deus fortè alium illo peiorem aduersum te suscitaret.

Sunt nonnulli, qui magis prosunt odio, quàm obsequio. Exempli gratiâ, impius ille Antiochus plus commodi Machabæis attulit, eos necando, quàm beneficiis, & hono-

Serm. 110.
de diuersis.

ribus afficiendo. Pellem capitis eis detrahebatur; & illorum capita ad diademata præparabat: torrebantur eorum corpora in ferrea sartagine, & longè fiebant eorum animæ à tartarea voragine. Manus quidem eorum præscindebantur, sed ad præmia æterna sumenda non præpediebantur. Oblatas carnes comedere respuerunt, & proprias carnes cruciandas tradiderunt. Quid de illo Tyranno Antiocho in populum Dei, & in sanctos istos Machabæos scruente dicat idem Augustinus, audiamus. *Per istum miserum Antiochum populus Dei flagellatus est, & probatus. Per eum sancti iuuenes Machabæi coronati sunt. Ergo habuit hic locum suum. Malus erat, sed eo bene usus est, qui malus esse non potest. Sicut enim mali homines malè utuntur creaturis bonis: sic Creator bonus bene utitur hominibus malis. Nonit quid tamen agat, qui totum creauit genus humanum. Artifex portat, appendit: aurifex librat: pictor nouit, ubi ponat nigrum colorem, ut sit decor à pictura; & Deus nescit, ubi ponat peccatorem, ut sit ordinata creatura?*

Saulus adhuc spirans minarum habuit locum suum, quando Deus eo usus est ad erudiendos, & exercendos fideles: verum habuerunt alij locum suum, quibus etiam Deus usus est ad erudiendum, & castigandum eundem Paulum; qui iusto Dei iudicio multa passus est pro nomine IESU, quoniam sauebat in nomen IESU. Sic Christus promiserat Anania: *Ego ostendam illi, quanta oporteat eum pro nomine meo pati.* Quasi dicat, in Psal. 36. secundum eundem Augustinum; *Reddam illi,*

illi, vindicabo me de illo, & patietur pro nomine meo, qui sauit in nomen meum. Erudio, vel erudiui per eum alios, erudiam & ipsum per alios. Factum est hoc, & notum, quanta sustinuerit Saulus, multo plura, quam fecerat, quasi auarus exactor cum usuris recepit quod dederat. Seruatus est Saulus, ut vestes lapidantium Stephanum seruaret; sed seruati sunt alij, qui illum flagellauerunt, lapidarunt, iniuriis affecerunt, ac tandem qui ei caput absciderunt. Quod igitur fideles persecutus sit Paulus, & alij Paulum sint insectati, non male eis desit, sed eorum saluti profuit: sic & tibi proderunt malorum insectationes, cum tibi prouidentia Dei obueniant.

De Iacob & Esau adhuc in utero materno existentibus dictum est Rebecca: *Maiores seruiet minori*; scilicet Esau seruiet fratri suo Iacob. Quae verba explanans Diuus Thomas; ait, Esau seruasse ipsi Iacob, non per se, & directe, sed indirecte, & per occasionem; quia dum odit, & insectatus est eum, id maxime ad bonum, gloriamque eius profecit: scriptum est enim; *Qui stultus est, seruit sapienti*. Ideo Diuus Augustinus scribit, illud vaticinium fuisse adimpletum persequente Esau fratrem suum Iacob, cui seruiebat non obsequendo, sed persequendo; quomodo mola seruiunt tritico, quomodo lima, & malleus auro, quomodo panibus coquendis furnus. Ita enim mali seruiunt bonis.

D Erat quidem Iacob in domo patris à matre delicatè nutritus, homo lenis, & in pace domestica versatus, deliciis maternis perfruens,

Genes. 27.

Genes. 31.

fruens, qui matris industria benedictionem fratris surripuerat: qui plus à matre, quàm Esau diligebatur. Verùm inter huiusmodi blanditias oritur dissidium; insurgit pugna, necem Esau fratri moliri cœpit. *Dixit enim in corde suo; venient dies luctus patris mei, & occidam Jacob fratrem meum.* Vnde coactus fuit Jacob è domo paterna recedere, & fugere in Mesopotamiam, vbi plurimos perpellus est labores; pastoris enim officium per viginti annos exercuit; die, noctuque æstu vrebatur, & gelu; fugiebátque somnus ab oculis suis, vt ipsemet fatetur. Verùm quid inde lucratus est? multa sanè; nam se à nece liberauit: inde vitam illam desidiosam in sinu matris excussit, & itinerum laboribus, & pastoralis curæ rationibus delicias abiecit; inde diues nimium effectus est; ibi matrimonium contraxit, ex quo duodecim Patriarchas filios habuit, ex quibus Christus originem traxit. Ecce quomodo maior minori seruiuit. Sic persecutiones, & malorum insectationes seruiunt iustis. Dei igitur consilio, & prouidentia fit, vt à malis boni exerceantur, & ita præmium æternum consequantur.

Iosepho quoque non mediocrem utilitatem attulit odium fraternum: non enim fratres sui tantum potuissent ei prodesse obsequio, quantum profuerunt odio. Nam quem venditum, & deperditum crediderunt, liberum postea, potentem, & gloria sublimatum inuenerunt; & quem subiectum existimauerunt, imperantem in Ægypto viderunt:

derunt: reuera quod pertulit, illum sustulit. Non immerito igitur quod à fratribus suis contra se actum fuerat, arcano Dei consilio, & prouidentiz imputauit, qui magna saepe mala in longè maiora bona pro infinita sua bonitate, & sapientia mutare solet. Intelligebat enim vir ille pius res mortalium plerumque quidem occulto, semper autem recto, iustoque Dei iudicio, & consilio disponi, & administrari. Scitum est, quod egregie doctus, & disertus Boëtius scriptum *lib. 4. de reliquit. Sola est diuina. vis, cui mala, quoque consul. phil. bona sunt, cum eis competenter utendo, alicuius prof. 6. boni elicit effectum.*

Dixit etiam Hieronymus omnia nobis *super Eze-* hic prouidentia Dei contingere affirmat, *chiel* non ad nostram perditionem, sed purgationem. *Prouidentia Dei, inquit, omnia gubernantur; & que putatur poena, medicina est.* Quis non à sapiente Medico portionem ordinatam amanter suscipiat, quantumuis amara illa sit, cum prouide, & ad sanitatem recuperandam tribui sibi cernat? Interdum malitia infirmamur, ideoque disponit Deus, ut inimicorum, aut malorum hominum persecutione curemur. Quid querimus? salutaris est medicina, ab optimo, & caelesti Medico preparata, sed manu inimicorum propinata. Noli respicere manum porrigentem, sed attende Medicum ordinantem. *Calicem, quem Ioan. 18. dedit mihi Pater, non bibam illum?* aiebat Christus. Dedit quidem Pater, sed per manus Iudaeorum. Propinat etiam tibi calicem persecutionum, calumniarum, insectationum, per
manus

in Psalm.
102.

ibidem.

manus proximi tui tibi iniurij. Nulla indigebat medicina, qui alios curaturus venerat. Sanus bibit amarum calicem; cur tu infirmus bibere recusabis? Quis enim, ait Augustinus, non agrotat in hac vita? quis non longum languorem trahit? nasci in hoc corpore mortali, incipere egrotare est. Propterea hortatur nos, ut spe futurae, & certae sanitatis nullam respuamus medicinam. Toleræ, inquit, medicinalē dolorem, futuram cogitans medicinam. Tu non toleras ad incertum: qui promissit sanitatem, non potest falli. Fallitur Medicus aliquando, quia hoc non curat, quod fecit; Deus refecit, & certius curat, & gratis. Ferto ergo manus eius. Vel ferto manus illas, quibus utitur ad purgandum te. Nouit, quando sint admo- uendæ, vel amouendæ. Interim caue, ne tua impatientia illud sit tibi detrimento, quod tibi dabatur pro medicamento.

lib. 9. epist.
39.

Dionysius Gregorius quamdam assignat rationem, cur interdum Deus permittat iustos iniuriis à quibusdam affici. Sunt autem plurimi, qui vitam bonorum fortasse amplius, quam debent, laudant: & ne qua elatio de laude surrepat, permittit omnipotens Deus malos in obsecrationem, & obiurgationem prorumpere; ut si qua culpa ab ore laudantium in corde nascitur, ab ore vituperantium suffocetur. Ne extollaris laudibus, permittit Deus, ut humilieris vituperiis: & ne nimia tui opinione corrum- paris, necesse est, ut alterius increpatione, imò & insectatione comprimar. Ita Deus nouit tibi expedire; ideo, quamuis posset, noluit impedire.

Denique,

Denique, dum nos insectantur inimici, iniuriis laceſſunt, aut quouis modo lædunt, reuocemus ſtatim in mentem hæc verba Beati Auguſtini, illaque ad noſtram conſolationem ſæpe repetamus. *Sauant, quantum in Pſalm. voluerint, & quantum permiſſi fuerint peccatores. Quidquid acciderit iuſto, voluntati Dei deputet, non poteſtati inimici. Scire ille poteſt; ſed ſi ille noluerit, ferire non poteſt. Et ſi ille voluerit, ut feriat, nouit ſuum quemadmodum excipiat. Quem enim diligit Dominus, corripit; ſla-* Hebr. 12. *gellat autem omnem filium, quem recipit. Quid ſibi ergo plaudat iniquus, quia ſlagellum de illo ſibi fecit Pater meus? Illum aſſumit ad miniſterium, me erudit ad patrimonium. Nec attendere debemus, quantum permittat iniuſtis, ſed quantum ſeruet iuſtis. Permittit enim iniuſtis perſecutionem, ſeruat iuſtis glorificationem, & omnibus retributionem.*

Licebit tamen nobis poſt perſecutionem inimicorum, vel ipsis nos perſequentibus, ſic cum eodem Auguſtino Dominum alloqui. *Domine, lux mea, inimici mei de me fe-* Solil. cap. 6. *cerunt quacumque voluerunt, percufferunt, nudauerunt, vulnerauerunt, polluerunt, corruperunt me, occiderunt me; quia receſſi à te. Deinde ſic Dominum cum eodem deprecari. Domine, in Pſalm. quoniam tu es qui feciſti me, noli exterminare; & me; tantum cede, ut proficiam, non ut deſiciam. tantum rinde, ut producar, non ut comminuar.*

Non

Non debemus malis inuidere ob illarum huius vitæ prosperitates; sed patienter ferre, quòd prosperentur, & in hoc mundo floreat.

CAPVT IX.

Jerem. 12.



COMMVNIS olim apud Ieremiam multorum hæc fuit ad Deum querela; *Quare via impiorum prosperatur: bene est omnibus,*

Iob. 21.

qui prauaricantur, & iniquè agunt? Plantaſti eos, & radicem miſerunt: proficiunt, & faciunt fructum, &c. Iob quoque hac de re conqueri videbatur: *Quare impij viuunt, ſublenati ſunt, confortatique diuitijs?*

lib. 20. de
ciuit. Dei.
cap. 2.

Quamuis Diuus Auguſtinus his quæſtionibus ſatisfacere optans, dicat. *Nefcimus, quò iudicio Dei bonus ille ſit pauper, malus ille ſit diues: iſte gaudeat, qui pro ſuis deperditis moribus cruciari debuiffet: contriſteatur ille, qui vita laudabilis gaudere debuiffet.* Verumtamen tum ipſe, tum alij Doctores his, & ſimilibus querulis interrogationibus reſpondentes validiſſimas afferunt rationes, quibus oſtendunt, impiorum proſperitati nullo modo eſſe inuidendum; nec magni pendenda ſeu bona, ſeu mala, quæ videmus eſſe bonis, malisq; communia; ſed, vt ait idem Auguſtinus, bona illa dumtaxat eſſe quærenda, quæ bonorum; atque mala fugienda, quæ propria

propria sunt malorum. Nam, ait Gregorius, *lib. 13. moralium* iustus tantò altius temporalia despicit, quanto *ral.* his abunde etiam frui malos credit, & illa despicenda considerat, quæ Deus etiam peruersis præstat: sed ad percipienda cælestia mentem suam dirigit, quæ sibi cum reprobis communia esse non possunt.

B Attentè illa considerabat, qui clamabat; *Noli emulari in malignantibus, neque zelaueris facientes iniquitatem, &c. Noli emulari in eo, qui prosperatur in via sua: in homine faciente iniustitias.* Id est, noli inuidere, vel imitari malos, quòd vtantur prospero successu: vel, noli commoueri, & indignari, visa prosperitate malorum. Ne, inquam, irascaris florentibus improbis, vt aduersus Deum murmures, aut abiecto pietatis studio sequaris eorum exempla, vt eadem prosperitate fruaris. Valdè consideranda sunt verba, quæ Diuus Augustinus præmittit in præfatione huius Psalmi, quem potionem, & saluberrimum poculum vocat, quo quis vti poterit, dum infirmatur, affligitur, aut commouetur ob malorum prosperitates. *Reuera, inquit, hoc te perturbat hominem Christianum, quia vides malè viuentes, felices, sanos esse, superbos, dignitatibus eminere: & dicit cor tuum nullum esse diuinum iudicium, omnia casibus fieri, & fortuitis moribus ventilari. Nam si Deus, inquis, res humanas respiceret, non floreret illorum iniquitas, & mea innocentia laboraret. Omnis morbus anima habet in Scripturis medicamentum suum. Qui ergo sic agrotat, vt ista dicat in corde suo, bibat potionem huius Psalmi. Quid dicebas?*

Bb mali

mali florent, boni laborant. Quomodo ista videt Deus? accipe, bibe. Ipse tibi hanc, de quo ista murmuras, temperavit potionem, tantum ne recuses saluberrimum poculum.

Curaberis sine dubio, nullique improbi felicitati inuidebis, si diligenter attendas allatas à Dauide rationes, quæ sunt veluti potiones; sic enim scribit. *Quoniam tamquam fœnum velociter arescent, & quemadmodum olera herbarum citò decident: vel, ut legit idem Augustinus, sicut olera prati citò cadent.* Non potest fœnum diu subsistere, nec diu virefcere, quia altas radices non habet; eodem anno quo nascitur, euellitur, aut præscinditur. Nullus est, qui pratorum herbis virefcientibus inuideat, quia vel à iumentis comeduntur, vel calore exsiccantur, aut igne absumuntur, vel putredine consumuntur. Sic non debemus impiorum felicitati mox perituræ inuidere.

*Alciat. emblem.
124.*

Pulchro emblemate Alciatus breuitatem C prosperitatis impiorum descripsit, dum quamdam cucurbitam satam olim iuxta arborem pinum repræsentauit; quæ quidem cucurbita cum multis pluuiis, atque cæli temperamento creuisset, lasciuire cœpit, & ramulos audaciùs porrigere: iamque in pinum serpebat, & suas in ramos frondes audebat inuoluere, prægrandia poma, & virefcencia ostentans.

*Æream propter creuissse cucurbita pinum
Dicitur, & grandi luxuriassse coma.*

*Cui pinus, nimirum brevis est hæc gloria: nam te
Protinus adiuniet, quæ malè perdet hyems.*

Hoc

Hoc meritò dicitur in eos, qui ob momentaneam quamdam fœlicitatem, aut prosperitatem gloriantur, non attendentes, nec recordantes, quòd fallacia sunt, & caduca quæcumque à fortuna pendent, opes, diuitiæ, honores, clientelæ, magistratus, potentia; & similia: affluunt subito, repente dilabuntur; nullo in loco stabili fixa radice consistunt; sed incerto flatu huc atque illuc acta, quos extulerunt in sublime, decursu improuiso destitutos miserrimè deiiciunt: fortunæ enim volubilitas tantùm constans in leuitate sua est, vt ait Naso, qui etiam de seipso sic loquitur: Ouid. 5. de Tristib.

*Nos quoq, floruimus, sed flos fuit ille caducus,
Flâmæque de stipula nostra, breuîsque fuit.*

Scitum est illud cuiusdam prisçi Mimi. *Satyr. 2.*
[Citò improborum lata in perniciem cadunt,] qui interdum, vt ait Iuuenalis, tolluntur in altum, vt lapsu grauiore ruant; non à fortuna conseruantur, sed infortunio reseruantur. Theramenes Tyrannus, illapsa domo in permultos, solus euasit incolumis. Ob id cùm fœlix prædicaretur, exclamans; O fortuna, inquit, cui me occasione seruas? sentiens se non esse seruatum, sed maiori malo reseruatum. Eras. in Apoph.

Ideo meritò Iob væ imprecabatur impij Iob. 5.
fœlicitati his verbis; *Ego vidi stultum firma radice, & maledixi pulchritudini eius statim.* Non inuidebat, sed maledicebat; non æmulabatur, sed execrabatur. Quid sit autem stulti pulchritudini maledicere, exponit Gregorius. *Quasi, inquit, firma radice stultus attol-* lib. 6. moral. cap. 4.

Bb 2 licur,

litur, quando hic temporali prosperitate fulcitur. Pulchritudini quippe stulti maledicere, est eius gloriam ex considerata damnatione iudicare, quia eo atrocius in tormentis obruitur, quò altius in peccatis eleuatur; quia cum transit, quod extollitur, permanet quod punitur. Qui honoratur in via, in peruersione damnabitur. Propterea ipse Dauid non vult nos emulari in eo, qui prosperatur in via sua. Non attendas, quanta mali in via possideant, sed quanta eos mala in termino maneant. Postquam illos cogitaue-
ris florentes, considera cruciandos. Vidisti præsentem eorum pulchritudinem, sed non cogitasti futuram eorundem turpitudinem.

in Psal. 36. Illis, ait Augustinus, est in via prosperitas, in peruersione infelicitas.

Psal. 36. Ridet modò impius, Dominus autem irri-

debit eum: quoniam profpicit, quòd veniet dies eius. Et hæc est alia ratio, qua probat Dauid non esse impio inuidendum. Cur enim illi inuides, quem Deus irridet? veniet dies eius. Id est, veniet tempus, quo destruetur, & peribit impius, aut eius prosperitas. Potuit olim

4. Reg. 25. Sedecias Rex impius Ieremiam Dei Prophetam præcipitate in foueam, fame vexare, ac multa mala tacente Domino perpetrare: sed tandem venit dies eius, in qua captus ipse à Rege Babylonis, regno priuatus est, oculis orbatus, eiusque filij trucidati, ac perpetuis fuit mancipatus carceribus. Trium-
phauit Aman aliquando in aula Assueri Regis, honoribus, diuitiis, & potentia affluebat; sed tandem venit & dies eius, in qua patibulo suspenditur, quod Mardochæo parauerat.

Hest. 3.

6. & 7.

Fœlix

Fœlix sibi, & beatus, optimoque loco esse videbatur Herodes; quando *vestitus veste regia, sedit pro tribunali, & concionabatur ad Tyrios, & Sidonios. Populus autem acclamabat; Dei voces, & non hominis.* Omnes illi blandiebantur, honoribus afficiebatur, ab omnibus timebatur: sed venit dies eius, nec tardauit. Nam *confestim percussit eum Angelus Domini, eo quod non dedisset honorem Deo; & consumptus à vermibus, expirauit.* Vides tu multos in hoc mundo florere, & prosperari; sed scito, quod veniet dies eorum. *Veniet, in Psal. 36.* ait Augustinus; *dies iniusti, quem prospicit Deus. Qui dies? eius vindicta. Ille habet oculos cognitionis, tu habeto credulitatis. Quod videt Deus, crede tui.*

Nónne audis Iobum quærentem quidem; non tamen conquerentem, sed asseuerantem; *Numquid non perditio est iniquo, & alienatio operantibus iniquitatem?* In quæ verba sic Gregorius. *Festina consolatio bonorum, est consideratus finis malorum.* Eant ergo nunc reprobi, & delectationum suarum desideria compleant. *Negantur electis in hac vita bona terrena, quia & agris, quibus spes viuendi est, nequaquam à Medico cuncta, quæ appetunt, conceduntur. Dantur autem reprobis bona, quæ in hac vita appetunt; quia & desperatis agris omne, quod desiderant, non negatur.* His itaque consideratis, hortatur nos idem Doctor, ne malorum fœlicitati inuideamus. *Perpendant, inquit, iusti quæ sint mala, quæ iniquos manent, & nequaquam eorum fœlicitati inuideant, quæ percurrit.*

Mirabatur Augustinus, quòd quidam E impius bene mortuus fuisset, non minus tamen vocat illius mortem, cæterorumque in Psal. 33. malorum pessimam. *Miror, inquit, quia novi peccata, & scelera ipsius, & bene mortuus est, in domo sua, intra limina sua, & in lecto suo, nulla peregrinationis iniuria fuit illi, nulla vel immatura etate. Audi Deum; Mors peccatorum pessima. Qua tibi videtur bona, pessima est, si intus videas. Vides foris iacentem in lecto, numquid vides intus raptum ad gehennam? Hoc ut probet, affert exemplum diuitis epulonis, & pauperis Lazari. In illo enim apparet, quàm sit periculosa humana prosperitas: in isto, quàm optanda aduersitas. Videtur quidem prosperitas ventus secundus; sed hoc vento ad infernum nauigatur. Contrà verò, res aduersæ aduerso, contrariòque vento similes censentur: at hoc flatu aduerso in cælum tenditur. Prosper diuitiarum ventus, plenis velis diuitem in Orcum impulit; flatus paupertatis, & miseriæ aduersus Lazarum in sinum Abrahæ tamquam in portum tranquillissimum duxit. Audiamus Chrysostomum. Diuiti, inquit, *navis erat plena mercium, ac secundo nauigabat vento; verum ad naufragium festinabat; eo quòd onus nolebat circumspèctè ponere. De Lazaro addit: Cum fluctus essent tam multi, vicissimque alij super alios Lazarum impetrent, non tamen demersum est nauigium; quia scilicet prospero vento aduersitatis impellebatur.**

Utrumque iterum proponit idem Chrysostomus ad nostrum solamen. *Ubi, inquit, videris*

videris improbam vitam agentem, nec quidquam acerbi hinc patientem, ne putaueris illum beatum; sed desce potius, ac deplora, velut illic omnia tristitia perpeffurum, quemadmodum diues epulo fecit. Rursus, ubi quem videris virtutis studiosum, & eundem innumeris affligi molestiis, beatum existima, ut qui & hinc omnia sua peccata diluerit, & illic multam habeat paratam mercedem, sicut Lazaro, euenit.

Solo vento prosperitatis fuit nauis diuitis demersa: hoc solum audiuit; *Recepisti bona in vita tua.* Quæ quidem verba, secundum Gregorium, pauore potius indigent, quàm expositione. Nam si qui sint, qui in hoc mundo exterioris boni aliquid acceperint, ipsum donum exterius pertimescere debent, ne illis pro quorundam suorum actuum recompensatione sit datum. Hanc causam submerfionis, siue damnationis diuitis attendens Bernardus, sic exclamat. *Hæcine cruciatuum causa tota, quod in hoc sæculo bona recepit? ita planè. Neque enim ad hoc nos de Paradiso voluptatis animaduersio diuina eiecisse videretur, ut alterum sibi hinc Paradisum adinuentio humana pararet.* Noli igitur emulari, aut inuldere his, qui pro bonis caducis mala accepturi sunt æterna: opta potius esse de illorum numero, quibus pro transitoriis laboribus patienter toleratis requies conceditur sempiterna.

F Beda etiam suam affert rationem, cur non debeamus æmulari, indignari, aut inuidere prosperantibus malis. *Ne indignemini,* inquit, *si mali in hoc mundo floreant, & vos patimini;* exist.

Serm. de verb. Petri. Ecce nos reliquim.

Beda, & est glos. super illud Iacob. Omne gaudium

Bb 4 quia

quia non est Christiana Religionis in mundo exaltari, sed deprimi. Mali nihil habent in calo, & nihil in mundo; sed spe illius boni, ad quod tenditis, quidquid in via contigerit, gaudere debetis. Fruantur bonis temporalibus, qui suis malis actionibus, bonis priuabuntur æternis: floreat iniqui, à flore æternæ hæreditatis alieni: gaudeant hîc sua transitoria hæreditate, qui de perpetua non curant, nec cogitant. Iusti autem æterna bona possessori, temporalia mala patiantur, & tormenta perpetua aliquando passuris compatiantur.

in Psal. 70. Vnde Augustinus: *Non tibi videantur felices, qui florent ad tempus. Tu castigaris, illis parcitur: fortè tibi castigato, & emendato filio hæreditas reservatur.*

Simile.

Si aliquem reum iam morti ob sua facinora damnatum, & mox tortori tradendum, videres in carcere ludentem, ridentem, sericis indutum, cibis delicatis nutritum, à multis honoratum, huicne inuideres? Cur igitur inuides flagitiosis hominibus in hoc mundo florentibus, & prosperantibus, cum similes sint noxiis, qui in vinculis ad ultimum seruantur supplicium? Locari possunt, otiari, & tripudiare, sed turpem mortem non possunt euitare. Possunt hæc esse signa lætitiæ, sed non innocentia. *Presentis vita prosperitas*, ait Gregorius, *innocentia testis non est; quia multi ad perennem vitam per flagella redeunt: & plerique ad infinita supplicia sine flagello moriuntur.*

Scito illum multum pati, qui peccando nihil aduersi in hoc mundo patitur. & qui
ita

ita peccato suo Deum irritauit, ut nullum in hoc sæculo flagellum meruerit. Audi Augustinum. *Irritauit Dominum peccator, ut ista in Psal. 9. patiatur, id est, ut correptiones flagella non patiatur. Multum irascitur Dominus, dum non exquirat, dum quasi obliuiscitur, & non attendit peccata, & per fraudes, & scelera ad diuitias, honoresque peruenitur. Cur igitur huic talia patienti, & grania passuro inuides? Cur potius miseris non misereris? Audi & Gregorium. Peccantes quosque tunc consideremus amplius miseros, quando eos conspiciamus in culpa sine flagello derelictos.* in Ezech.

G Aliqui apud Psalmistam conquerebantur, & de quibusdam sceleratis hominibus murmurabant, dicentes: *In labore hominum Psal. 72. non sunt, & cum hominibus non flagellabuntur.* Et rursum: *Eccc ipsi peccatores abundantes in sæculo obrinuerunt diuitias.* Primæ querimonie respondet Diuus Bernardus his verbis. *Qui super illa in labore hominum non sunt, in labore demonum verba, Ecce nos reliquimus omnia. profecto erunt.* Carent temporali flagello, quos manet æternum. Quid murmuras? quid inuides? Alteri verò respondeat Gregorius. *Tanto, lib. 21. moral. cap. 4. inquit, iniustis temporalia bona suppetunt, quanto eterna denegantur.* Vituli, qui mactandi sunt, in liberis pastibus relinquuntur; qui verò ad laboris usum, vite deputati sub iugo retinentur. Sicut igitur non est inuidendum vitulis, licet vberimis nutriantur pascuis, cum citò sint mactandi: ita nec malis hominibus, licet diuitiis, deliciisque abundant, cum talia sint futuræ damnationis indicia.

Dicunt aliqui, & refertur ab Aiguano, in Psal. 36.

Bb s quodd

quòd crescente Luna, crescit humidum in corporibus animalium, & fiunt eorum corpora validiora; decresciente verò, fiunt debiliora: animalia etiam venenosa crescente Luna magis sunt venenosa. Quid per Lunam, quæ semper mutatur, intelligitur, nisi mundi prosperitas, quæ nunquam in eodem statu permanet? quia nunc crescit, & nunc minuitur: modò hominem extollit, modò deprimat: nunc clarum, nunc infamem reddit. Crescente igitur hac temporali prosperitate, roborantur corpora humana, id est, caro magis insurgit aduersus spiritum; & sic venena, id est, peccata multiplicantur: decresciente verò fortuna, cato minùs spiritui aduersatur, ac consequenter venenum peccati debilitatur. [Res est inquieta felicitas, ait Seneca, ipsa se exagitat: hos in potentiam irritat, alios in luxuriam: hos inflat, hos mollit, & totos resoluit.] Non est igitur inuidendum humanæ prosperitati, ad talia vitia, & ad perniciem nos inducenti.

Præterea, quid somnianti inuides? sunt **H** omnes diuites, & felices huius sæculi veluti dormientes, & somniantes. Non est ille verè diues, qui somniat se habere diuitias, quas non possidet finito somno; finitur autem somnus minimo strepitu: sic minima interdum infirmitate finitur huius vitæ somnus, quo finito finitur omnis mundana prosperitas. Audi Psalmistam: *Dormierunt somnum suum viri diuitiarum, & nihil inuenerunt in manibus suis.* Vnde Diuus Gregorius de quodam **lib. 18. moral. cap. 12.** suas ostentante diuitias sic scribit. *Eat ergo nunc,*

nunc, & acceptis rebus tæneat, seseque super cæteros extollat, gloriatur se habere, quod proximus non habet: veniet quandoque tempus, ut enigilet; & tunc cognoscet, quàm vacuum fuerit, quod in somno tenuerat. Sape namque contingit dormienti inopi, ut se per somnium diuitem videat, atque ex eisdem rebus animum extollat, lateatur se habere quod non habuit: sed repente enigilans, enigilasse se doleat, qui interim dinitiarum imagines vel dormiens tenebat. Sic sic nimirum sunt huius mundi diuites, &c. Diuus Augustinus vocat etiam mundanam prosperitatem somnium exurgentis, aitque diuites, ac fœlices huius mundi defecille veluti somnium enigilantis. Quo- in Psal. 72, modo, inquit, defecerunt? sicut deficit somnium exurgentis. Fac hominem in somnis videre se inuenisse thesaurum, diues est, sed donec enigilet. Pauper dormierat, sed diues in somnis factus fuerat Si non enigilasset, diues esset. Enigilauit, inuenit erumnam, quam dimiserat dormiens. Et isti non inuenient miseriam, quam sibi comparauerant? Cum enigilauerint de hac vita, transit illud, quod quasi somno tenebatur, veluti somnium exurgentis.

Cæterùm, hoc solum iustis sufficiat, quòd Deus illos respiciat: nam oculi Domini super Psal. 33. iustos. Non tantùm respicit, sed & audit clamores illorum. Et aures eius ad preces eorum. Qui videt te, & audit te, nouit cur non dixeris: noli murmurare, quasi ab illo non videaris, aut exaudiaris. Habemus itaque Deum nos videntem, & audientem, atque quæ nobis expediunt, concedentem. Si, inquit idem in hunc Augustinus, murmurantem seruum in domo Psalmum.

magna

magna non audiret paterfamilias, quereretur, & diceret: quanta nos hic patimur; & nemo nos audit? Numquid dicis illud de Deo, quanta hic patior, & nemo me audit? Si audiret me, forte dicis, tolleret mihi tribulationem; clamo, & tribulor. Quando tribularis, audit te. Sed Medicus est, adhuc putre habes nescio quid: clamas, sed adhuc secat, & non tollit manum, nisi secuerit, quantum videtur. Est igitur tua paupertas, vel miseria veluti ferramentum, quo Deus utitur ad refecanda, quæ tibi fuissent nocitura: refecuit tibi prosperitatem, diuitias, honores, vel fauores huius sæculi, & hæc alteri concessit, quia ita expediebat: gaudeas, & aliis ista possidentibus non inuideas.

*De patientia habenda in damno, vel
iactura bonorum temporalium:*

C A P V T X.



RODERIT plurimum, si, per- A
dita substantiâ, illud tempus
quis in memoriam reducat, in
quo, quod perdidit, non possi-
debat. Hoc agnouit D. Gre-
gorius, illudque inculcat: *Magna, inquit, lib. 2. mo-
ral. cap. 11. consolatio est in rerum amissione, illa tempora ad
mentem reducere, quibus nos contigit res, quas
perdidimus, non habuisse. Quando non ha-
bebas, non dolebas; cur modò doles, quod
non habeas? Caruisti, & cares, licet sint
diuersi*

diuersi temporis, tamen sunt eiusdem modi; habeas te igitur eodem modo; & sicut tunc non dolebas, ita nec nunc doleas. Multi nunquam habuerunt, quod tu perdidisti, & tamen non dolent, quod non habuerint. Cur doles te habuisse, quod ipsi non habuerunt? vel quid defles te non habere, quod ipsi non habent, & tamen non dolent?

Considerandum est etiam, omnia bona fortunæ à Deo nobis esse data commodato, atque aliena potius esse, quàm propria. Audi Senecam. [Quidquid est hoc, quod circa *lib. de conf.* nos ex aduentitio fulget, liberi, honores, *ad Mar.* opes, referra vestibula, cæteraque ex incerta, *cap. 10.* & mobili sorte pendentia, alieni, commodatique apparatus sunt, nihil horum dono datur, collatitiis, & ad dominos redituris instrumentis scena adornatur. Alia ex his primo diæ, alia secundo referentur: pauca vsque ad finem perseverabunt, &c.] Dei autem sunt hæc omnia, vide quid dicat; *Meus est enim orbis terre, & plenitudo eius. psal. 49.* Et per Aggæum Prophetam. *Meum est ar-* Agg. 2. *gentium, meum est aurum, dicit Dominus exercituum.* Ne dicas igitur; propria, vel mea perdidisti, quia secundum Ambrosium impudenter loquereris. *O impudens dictum!* ait, *propria dicis? quæ? ex quibus reconditis in hunc mundum detulisti?* Nonne nudus egressus es de utero matris tuæ? nonne nudus reuersurus es? hoc post Iobum clamat Apostolus. *Nihil hab. 1.* *inulimus in hunc mundum: haud dubium, quod 1. Timot. 6.* *nec auferre quid possumus.* Indicat Diuus Augustinus, qualiter debeamus yti rebus à Deo nobis

in Psal. 34. nobis concessis, dum ait: *Omnia, quibus uteris in hac vita, sic tibi debent esse, tamquam stabulum viatori, non tamquam domus habitatori. Non ægrè fert viator stabulum, in quo iacuerat, deserere: ita non ægrè feras perdidisse quod possidebas.*

Cum itaque commodatarij simus, nulla fit nobis iniuria, si à nobis repetatur, quod nostrum non est, & maximè ab eo, cuius sunt omnia. Noli ergo dicere, perdidisti: sed dic, accepit Deus, quod mihi commodato dederat. Ille potuit auferre, qui potuit conferre. *Dominus dedit, ait Iob, Dominus abstulit; sicut Domino placuit, ita factum est, sit nomen Domini benedictum.* Utinam & tu in damno bonorum tuorum similia diceres. Sicut Domino placuit, ita factum est. At verò nihil nisi bonum illi placere potest. Nouit ipse aliquando expedire, ut nobis auferantur, quæ prius concedebantur. Alienum erat, quod possidebas; ergo alienum, non tuum perdidisti. Quæres autem alienum, si amissum ægrè feras. Audi Tertullianum. *Quod nostrum videtur, alienum est: nihil enim nostrum, quoniam Dei omnia, cuius ipsi quoque nos. Itaque si damno affecti impatientes erimus, non de nostro amissum dolentes, affines cupiditatis deprehendemur; alienum querimus, cum alienum amissum ægrè sustinemus.*

Præterea, si bona, quæ perdidisti, exigui esse momenti, parvique valoris crederes, certè parum, vel nihil doleres. Scio quidem magni facere homines bona temporalia; verum talis æstimationis magnitudo non ex valore, sed ex apprehensione nostra procedit.

Sicut

Sicut turrim, verbi gratiâ, Babylonicam in breui papyro depictam iuxta domunculam paruam, incredibilis magnitudinis eam esse iudicamus, cum tamen palmi quantitatem reuerà non excedat, quia scilicet sic illam apprehendimus turrim. Ita etiam bona ista terrena magnitudinem, & valorem ex apprehensione nostra, non ex rei veritate habent; quia scilicet cum vitæ miseriis ea metimur. [Æstimemus singula, ait Seneca, fama re- *epist. 98.* mōta, & quæramus quid sint, non quid vocentur,] vel quid apud homines habeantur. Ideo subdit idem Philosophus. [Quæ maxima inter vos habentur, diuitiæ, potentia, sestertio nummo æstimanda sunt.]

C Epictetus Philosophus, cuius tanta fuit *lib. 17. cap. 19.* olim admiratio, vt, teste Gellio, lucerna eius fictilis tribus drachmarum millibus penderetur, dicere solebat, nos non perturbari rebus huiusce mundi, sed opinione earum. Amisit quis diuitias, honores, dignitates, turbatur, quia se magna perdidisse opinatur; quod si illa parui penderet, non mœreret, iuxta Sapientem: *Non contristabit iustum Prou. 12.* quidquid ei acciderit: *impij autem replebuntur malo.* Cur iustus non tristatur? Num quia nulla ei accidit tribulatio? nequaquam: nam *multa tribulationes iustorum:* sed quia omnia *Psal. 33.* huiusmodi mala ei aduenientia pro nihilo reputat; solum illud verè malum existimat, quod æternum est, & quod separat à Deo, quale est peccatum. Mali autem, quia bona huius mundi plurimi æstimant, dolent, torquentur, lacrymantur, dum illa amittunt.

Verum

lib. 3. de ira. cap. 3. Verum illos risu dignos iudicat Seneca.

[Quanto risu, inquit, prosequenda sunt, quæ nobis lacrymas educunt? Crede mihi, leuia sunt, propter quæ non leuiter excandescimus, qualia quæ pueros in rixam, & iurgium mouent; nihil ex his, quæ tam tristes agimus, serium est, nihil magnum. Inde, inquam, nobis ira, & insania est, quod exigua magna existimamus.] Hæc ille, & prudenter.

lib. de hab. muliebri.

Apud Tertullianum legimus, quibusdam in locis aurum tam paruo haberi pretio, vt etiam incarcerati catenis aureis vinciantur. Apud quosdam Barbaros, ait, quia vernaculum est aurum, vinctos auro habent in ergastulo, & diuitiis malos onerant. Si huiusmodi gentes aurum, & diuitias magnificerent, eis suos malefactores non ornarent, vel potius onerarent; digna illa iudicant, quæ mialis dumtaxat concedantur, vt eis crucientur. Pudeat Christianos, qui nolunt harum rerum vilitatem agnoscere: aurum enim, & argentum, ceteræque diuitiæ in se nullius sunt valoris, sed eis pretium dat existimatio hominum. Audi Chrysostomum. Candore lucentis margarita attraheris? cogita maris esse aquam, & in eius sinibus ante iacuisse deiectam. Rapit animam auri fulgor, & nitor argenti? cogita terram, ac cinerem ea prius fuisse, & modo esse. Placet pretiosa, & serica vestis? at vermium ille contextus est: opinio est, & humana praesumptio; nihil habent in se naturalis pulchritudinis. Ad opum igitur contemptum inducet cogitatio vilitatis earum, quibus tandem contemptis, contemnetur illarum iactura.

Deinde

Chrysost.

Deinde cogita diuitias à Christo vocari spinas, quæ multos suffocant, & te fortè etiam suffocassent, nisi à te fuissent ablatae. Erant tibi diuitiæ, sicut spina pedi, aut alteri parti corporis infixæ, quam si quis tibi extraheret, gratias ageres, quamuis auulsio dolorem pareret. Sic licet doleas, gratias tamen Deo referas, qui has spinas pungentes, lacerantes, cruentantes, ac suffocantes à te amouit.

D Noli præterea mœrere, quòd ea amiseris, quæ appetitum tuum non satiabant, sed augebant. [Potus, inquit Plutarchus, saltem ad tempus sedat sitim; cibus famem sanat: sed argenti cupidinem non extinguit argentum; nec aurum cupidinem auri.] Liceat nobis idem diuitiis dicere, quòd in Medicum competit impostorem; *Pharmacum tuum morbum auget*. Pulchrè ostendit Seneca, cui assimilentur, qui possidendi diuitias desiderio tenentur. [Vidisti, inquit, aliquando canem, missa à domino frustra panis, aut carnis, aperto ore captantem? Quidquid excepit, totum pròtinus in integrum deuorat, & semper ad spem futuri inhiat. Idem euenit nobis expectantibus quidquid fortuna proiecit, id sine voluptate dimittimus, statim ad rapinam alterius erecti, & attentii.] Diuitias potius videmus deficere, quàm reficere. *Auarus*, inquit Sapiens, *non implebitur pecunia; & qui amat diuitias, fructum non capiet ex eis*. Quid igitur doles de rebus, quæ non satiant te, nec aliquem tibi afferunt fructum?

Cogita etiam, quòd nisi diuitias perdidisses, ipsæ fortè te perdidissent. Crates Thebanus,

lib. 2. contra Iovianum. banus, ut scribit Hieronymus, proiecto in mare non paruo auri pondere; *Abite*, inquit, *peſſum mala cupiditates, ego vos mergam, ne ipſe mergar à vobis.* Agnouit ille Philoſophus poſſe hominem mergi nimia diuitiarum copia. Natanti non eſt plumbum amplectendum, ſed omnia ad veſtes uſque ſunt excutienda, omnia ſunt abiicienda.

in Pſal. 51. *Naufragium fugis*, ait Auguſtinus, & *plumbum amplecteris?* Qui diuitiis affluit, pondere premitur. Nullus autem eſt graui aliquo pondere oneratus, qui non deſideret quàm citiſſimè exonerari. Vellem te auream audire Senecæ ſententiam, illamque diligenter attendere. [*Pecuniam, inquit, perdidisti: ô te ſœlicem, ſi cum illa auaritiâ perdidisti! Pecuniam perdidisti, & illa quàm multos. Eris nunc in via expeditior, domi tutior: exonerauit te fortuna, ſi intelligis, & tutiore poſuit loco: damnum putas, ſed remedium eſt: deſles, gemis: miſerum te clamitas, quòd opibus excuſſus es; tuo vitio iſta tibi iactura tam triſtis eſt: non tam moleſtè ferres, ſi tamquam perditurus habuiſſes.*] Hæc ille, quibus oſtendit prodeſſe potiùs; quàm obeſſe bonorum temporalium iacturam; quam facilè tolerabimus, ſi damnum, quod per hoc damnum euasimus, penſemus. Nam,

homil. 35. ait Gregorius, *ſi fixa mente manſura damna in Euang. pertimeſcitis, damna rerum tranſcunium grauiâ non putatis.*

epiſt. 11. ad Ageruch. Iuuat & Diuum audire Hieronymum de *E* his, quæ magis nobis expediunt, diſſerentem. *Meliuſ eſt, inquit, rem familiarem minui, quàm ſalutem*

salutem anima perire. Melius est amittere, quod velimus nolimus aliquando perituum est, ac sponte dimittere, quàm id amittere, id est, Deum, pro quo omnia dimittenda sunt. Hoc est certissimum, satius esse amittere, quàm amitti; nudato corpore ad cælum tendere, quàm vestito in Orcum descendere. Gregorius Nazianzenus, vt expeditius ad cælum posset euolare, proprias vestes optabat exuere; laudatque Diuum Basilium, quòd nihil habuerit præter corpus, & corporis tegumenta. Columba à Noë cessantibus aquis emissa, cum non inuenisset, vbi requiesceret pes eius, reuersa est ad eum in arcam. Non reuerteretur, si vbi requiesceret inueniretur. Ita & tu, si haberes in terra, vbi affectum tuum collocares, forè de cælo non curares.

Pulchrè Diogenes diuitias vomitum fortuna vocitabat. Nullus est, qui velit sorbere quod alius euomit: ita nullus debet curare de diuitiis, quæ à fortuna euomuntur, & reiciuntur. Rursus, nullus est, qui non optet euomere quod stomachum premit & onerat. Quando aliquo infortunio bona tua perdidisti, tunc euomisti: illud infortunium Deus tamquam Medicus tibi propinauit & immisit, vt te ad vomitum prouocaret. Quare plangis? inquit Augustinus, medicina est, non in pœna; curatio, non damnatio. Vtinam euomisset diues ille epulo quæ illum onerabant, qui ne micæ quidem vomere voluit, quia exoneratus fuisset, atque ita damnatus non fuisset. Dicat igitur Plinius. [Vomitiones homini in remedium sunt excogitatæ, licet

inimicæ sint dentibus.] Fortè dentes tibi dolent, quòd non habeant quod manducant; scito tamen hanc vomitionem, id est, bonorum tuorum amissionem, tibi valdè esse necessariam ad salutem. Hoc agnouit Deus, qui illam tibi consultò immisit, & ordinauit: gaudeas igitur, quòd exonereris, qui aliàs cruciareris.

lib. 1. moral. Porro, si bona acquisita non dilexisses, deperdita non doluisses. Assignans Diuus Gregorius rationem, cur Iob tantam seruauerit patientiam in amissione bonorum suorum, nullumque senserit dolorem, sic ait. *Sine dolore perdidit, quia sine amore possedit.* Potuisti non diligere, ergo poteras non dolere; amor ille dolore purgatur, qui quidem dolor mitigabitur, si cogites te plurimum mereri posse, si hanc iacturam patienter tuleris. Miseranda enim secundum Cassianum conditio est, inopiam sustinere, & fructu, quem ex illa comparare possemus, culpa, & impatientia nostra carere.

lib. de cons. ad Mariam. cap. 10. Qualiter autem sint amanda bona fortunæ, indicat Seneca his verbis. [Sæpe admonendus est animus, amet ut recessura, imò tamquam recedentia.] Rebus igitur recessuris, vel recedentibus non debemus vehementer adhærere; ad hoc nos hortatur, qui clamat: *Diuitia si affluant, nolite cor apponere*: vel, ut legit Ambrosius, *si fluant.* Quasi dicat: cum diuitiæ fluxæ sint; & ut aduertit Basiliius, possessores suos torrente prærapido ocyùs prætercurrant, & alios alio modo mutant dominos, non sunt omnino diligendæ, nec ad

nec ad eas cor apponendum. Rationem assignat Augustinus; *Non vides, inquit, quia si in hunc ibi cor apposueris, & tu flues?* Fluant igitur *Psal.* diuitiæ, non defluat tua patientia; mirare, sed noli amare quæ ita fluant, ut incessanter ab vno domino transeant ad alium. *Fluenta sunt,* ait Ambrosius, *quæ miraris, quomodo veniunt, sic transeunt, & recedunt.* Et, ut notat Nazianzeni Scholiastes, sunt diuitiæ veluti aqua manu comprehensa, quæ tanto citius per medios digitos elabitur, quanto fortius constringitur. Cum itaque diuitiæ non possint diu conseruari, cur in illas conseruas amorem? Cur, inquam, amas deferentes te? Crede mihi, cesset amor, & cessabit dolor. *Cur amatur,* inquit Gregorius, *quod relinquitur?* *homil. i. in Euang.*

Si diligenter attendas, videbis non tantum in te, sed & in multis aliis hunc diuitiarum fluxum. Imperator Caligula, qui aliquando, teste Suetonio, super immentos auroreorum acervos patentissimo loco diffusos, nudis pedibus spatatus, & toto corpore aliquandiu volutatus est, tam pauper euasit, ut non habuerit unde filiam dotaret, steteritque Calendis Ianuarij in ædium vestibulo ad captandas strenas, & stipēs, quas in sinu diuersa turba fundebat. Non potuit Imperatoria potentia præterfluentes opes coercere; super quas fortè ideo volutabatur, ut quas sola manu non poterat, toto saltem corpore retineret: sed non potuit ille, nec poteris tu: patientiam habe.

Accius Nauus Angur, cum propter artis

Cic. lib. 1. de diuinis. suæ præstantiam non tantum à Tarquinio Prisco, verum etiam ab aliis quamplurimis amaretur, & diuitiis ornaretur, ad tantam paupertatem postea peruenit, ut sues pascere cogeretur. Tu nondum porcos pauisti, & si paueris, aut modò pascas, veniat tibi in mentem prodigus ille parabolicus, qui totâ ab ipso dissipatâ substantiâ, factus tandem egenus porcos pascebat: & cum fame premeretur, non furto se dedit, aut aliis rebus illicitis, sed ad patrem suum se contulit, veniam, opemque postulaturus. Disce hac parabola, in simili necessitate omnia illicita deuitare, & ad Patrem cælestem recurrere, de quo sic Augustinus. *Pascet te, qui fecit te. Si pascit latronem, non pascet innocentem? Si pascit damnandos, non pascet liberandos?*

Plutarch. Demades Orator Atheniensis, cum primò ita opibus, & potentia valeret, ut nihil aliud, quàm Macedonum & Antipatri gratiam in Republica quæreretur, ad tantam pauperiem reductus est, ut eiectus ex ciuitate, non haberet unde pecuniam, qua illum Athenienses multauerant, persolueret.

Verum quid plures referam? Taceo cæteros, qui ex diuitibus facti sunt inopes. Vnicum Dei Filium nobis proponamus. Ad hoc nos hortatur Basilus. *Memor sis Domini nostri Iesu Christi, qui cum diues esset, nostri gratiâ egere voluit.* De illo sic scribit Apostolus: *Propter vos egenus factus est, cum esset diues, ut illius inopia vos diuites essetis.* In quæ verba sic Beda. *Dominus noster non solum homo cum esset, sed etiam pauper, cum diues esset, pro nobis factus*

Homil. de ira.

2. Cor. 8.

Beda.

factus est, ut nos diuitiarum, & diuinitatis sua
donaret esse participes. Tunc Christi inopia
ditamur, dum nostrâ patienter toleratâ ino-
piâ, cælestium diuitiarum digni efficimur.
Exclamet igitur Diuus Augustinus : *Quid Augustin.*
factura sunt diuitia eius, cuius paupertas nos di-
uites fecit? Qui vult te participem futurum in
cælo suarum diuitiarum, voluit te in terra
participem fieri suæ paupertatis. Numquid
tu minùs habes quàm Christus, qui, ut
ipsemet fatetur, non habebat in hoc mundo *Matth. 8.*
vbi caput suum reclinaret? Hoc propter te
sustinuit, licèt omnia possideret. Tuam igitur
inopiam patienter sustine, licèt aliqua possi-
deres : ille enim non merebitur omnia possi-
dentem videre in cælis, qui noluerit indi-
gentem imitari in terris.

Denique, ostende in sustinenda hac tua
inopia te generoso esse animo : nam, inquit
Basilius, *non est turpe egere, sed paupertatem ge- hemil. de*
nerosè non ferre. Et Cæsar hæc aliquando di- *ira.*
cebat : [Animi est mollities, paulisper ino- *lib. 7. de*
piam ferre non posse.] Democritus illum, *bello Gall.*
qui sinistram fortunam ferre nequeat, ne
prosperam quidem posse ferre asseuerabat.
Si nescias indigere, nesciebas abundare. Ge-
nerosus ille erat Apostolus, qui clamabat :
Scio & abundare, & penuriam pari. Non enim *Philipp. 4.*
abundantia extollebatur, nec penuria depri-
mebatur : sed læto semper & erecto erat
animo. Qui nesciebat superbire in abun-
dantia, nesciebat deficere in penuria. *Quem, homil. 19.*
inquit Gregorius, *nec abundantia in super- in Ezach.*
biam eleuat, nec in necessitate cupiditas irritat,

nouit abundare, nouit penuriam pati.

Dices, summum esse genus miseriarum,
in Rudent. fuisse foelicem, vel cum Plauto: *Miserum illud
 verbum, habuisse, & nihil habere.* Verum falleris,
 si pauperes infœlices iudicas, quos Christus
Matth. 5. foelices prædicat: *Beati pauperes;* & diuites
Luc. 6. beatos, quos idem proclamat miseros. *Va
 lib. 50. ho-* *vobis diuitibus,* &c. Vnde optimè Augustinus:
miliar. ho- *Sic Deus tonat, & stertis?* Cui potius creden-
mil. 13. dum; tibi malè iudicanti, an Christo bene
 omnia agnoscenti? Qui laudat indigentes;
 ipsemet egenus factus est. Verbo igitur, &
 exemplo inopiam celebrat.

Præterea, non est miserum habuisse, & H
 nihil habere; sed nihil posse habere. Nam
 ille multum habet, qui nihil habens potest
 omnia habentem habere, scilicet Deum, qui
 vt plurimum dat se minùs habentibus. Pos-
 sunt fures, prædones, aut alij tibi auferre
 diuitias, sed non Deum, qui tibi illas dede-
 rat. Ille est igitur quærendus, non diuitiæ; hoc
in Psal. 34: tibi consultat idem Augustinus. *Illum quare,
 qui deesse non potest. Subtrahuntur qua dedit:
 numquid subtrahitur qui dedit?*

Subiungis; si aliquid haberem, quo victi-
 tare, non curarem, sed nihil penitus habeo,
 fameque cum tota mea familia pereo: Non
 propterea debes animo deficere: scit enim
 Pater tuus cælestis quibus rebus indigeas,
 & quam tibi expediant. Propterea caue,
 ne quacumque necessitate premaris, te ex-
 crucies, vel in verba blasphemiae prorumpas,
 cum etiam nihil proficeres. Vnde Seneca.
lib. de con- [Illud, inquit, te non minimùm adiuuerit, si
sol. cap. 20.

cogitaueris nihil profuturum dolorem tuum.] Sed memineris patientissimi Iob, qui *Iob. 1.* iacturam bonorum suorum, ac mortem filiorum patienter ferendo, & Deum in tanto miseriarum pelago benedicendo, meruit non tantum quæ perdiderat, sed & duplicata recuperare. De illo sic Gregorius: *Afflictus lib. 1. mortem terrena perdidit, sed afflictionem humiliter sustinens, caelestia multiplicauit. ral. cap. 12.* Et non tantum caelestia fuerunt ei multiplicata, sed & terrena. Vnde etiam de illo sic scribit Chrysostomus. *orat. de Postquam Iob corona patientia, & fortitudinis exornatus fuit, duplicia quæ amiserat, recepit. diuit. & faup. tom. 5.* Tu verò duplicia, ac triplicia, imò centuplicia recipies cuncta, & vitam aeternam, si tuleris generosè.

Dicunt aliqui, non tantum fuisse illi duplicatam substantiam, sed & vitæ suæ ætatem. Nam, vt tradunt Olympiodorus, Suidas, & alij, Iobi calamitas durauit per spatium septem annorum; iam vixerat septuaginta annis, quando ei aduenit, & post illos septem annos vixit etiam alios septuaginta: quia sicut Deus reddidit ei facultates duplicatas, ita credibile est reddidisse etiam annos duplicatos. Hæc autem omnia meruit sua patientia, quam præcipuè toto illo septennio seruauit cum gratiarum actione. Nam hoc vnum ore suo semper promebat; *Sit nomen Domini benedictum. Iob. 1.* Et quamuis toto vitæ suæ tempore miser extitisset, non minùs Deum semper benedixisset, & in ipsum sperasset, etiamsi maiora ei aduersa inflixisset; hoc enim apud se statuerat, dum diceret: *Etiamsi occiderit me, in ipso sperabo. Iob. 13.*

Quæ verba explicans Gregorius, ostendit impium non benedicere Deum nisi in prosperis. De illo sic David: *Confitebitur tibi cum benefeceris ei.* Iustus verò tam in aduersis, quàm in prosperis ait, *Benedicam Dominum in omni tempore.*

Utinam illum imitareris, & ita patienter ^I omnia incommoda patereris, quia fortè sicut & ipse in pristinum statum restituereris: non enim abbreviata est manus Domini. Qui dederat, potuit auferre; & qui abstulit, potest iterum dare; & si non det, scit hoc animæ tuæ non expedire, & spera videre, & possidere bona Domini in terra viuentium, & non in terra morientium. Cæterum, quibus laudibus hunc patientissimum Iob celebret Tertullianus, non pigeat audire, ut illum & mirari, & imitari in omni tua necessitate valeas. O *fœlicissimum illum!* inquit, qui omnem patientia speciem aduersus omnem diaboli vim expunxit. Quem non abacti greges, non illa in pecore diuitia, non filij ruina impetu adempti, non ipsius denique corporis in vulnere cruciatus, à patientia, fide Domino dedita, exclusit, quem diabolus totis viribus frustra cecidit. Neque enim à respectu Dei tot doloribus auocatus ille est, sed constitit nobis in exemplum, & testimonium, tam spiritu, quàm carne: tam animo, quàm corpore, patientia perpetranda, ut neque damnis secularium, nec amissione carissimorum, nec corporis quidem conflictationibus succidamus. Quale in illo feretrum Deus de diabolo extruxit? Quale vexillum de inimico gloriæ suæ extulit, cum ille homo ad omnem acerbum nuncium, nihil ex ore suo promeret, nisi Deo gratias? Ad

lib. de patient.

*Ad eos qui litibus, sine processibus
exagitati causa ceciderunt.*

C A P V T X I.

A VNQVAM defuere rixosi,
contentiosi, ac litigiosi. Empe-
doctem aiunt his fuisse mo-
ribus, ut assidue contenderet,
simultatésque cum aliquibus
susciperet, easque pertinacissime exerceret.
Diogenianus refert anum quampiam Ptole-
maidem, quæ quoad vixit lites agitabat, nec
vnquam ab agendis causis feriabatur. Hy-
perbolus fuit mirum in modum appetens
litium: hinc adagium, *ultra Hyperbolum*, quod
de illo dicitur, qui causas, processúsque,
quos vocant, plusquam par sit, suscitât; & qui
similis est his, de quibus Hesiodus: *Multi, Hesiodus,*
inquit, *litigant in foro, non tam ut aliquid conse-*
quantur, quam ut alios vexent, atque molestant.
Ideo idem consulit, ut ille forum & lites
vitet, qui sibi non est conscius magnarum
diuitiarum.

Christus veniens in mundum; voluit li-
tibus & contentionibus finem imponere.
De illo sic vaticinatus est Isaias, prout re- *Isai. 42.*
fertur ab Euangelista; *Non contendet, neque*
clamabit, neque audiet aliquis in plateis vocem
eius, vocem, inquam, contentiosam. Lites *Matth. 12.*
enim, secundum Augustinum, etiam iustæ *Augustin.*
vix possunt suscipi sine peccato, quia ferè *in Enchi-*
rid. cap. 78.
proce

- procedunt ex nimio amore rerum temporalium, & vix carent periculo odij, malevolentia, calumnia. Accedit iactura temporis, pacis, ac tranquillitatis internæ, quæ nisi maiori bono compensentur, non sine peccato lites etiam iustæ suscipiuntur. Vnde & Chrysostomus: *Omne iudicium, inquit, irritatio cordis est. Difficile est rem dimittere, sed difficilior est de iudicio sine peccato exire.* Hoc cognouit Apostolus, qui sic ad Corinthios scripsit: *ſam quidem omnino delictum est in vobis, quod iudicia habetis inter vos. Quare non magis iniuriam accipitis? Quare non magis fraudem patimini?* Quali dicat: cum litigandi ratio sit peccandi occasio, vtilius esset iudicio iniuriam accipere, fraudemque pati, quàm litigare; quod nihil ferè aliud est, quàm peccare.
- Non abs re igitur voluit Christus nos ab omni lite & contentione retrahere, quando nobis sic consuluit: *Ei, qui vult tecum iudicio contendere, & tunicam tuam tollere, dimitte ei & pallium.* Dices; si ad me pertinet tunica, quare cum illa debeo dimittere & pallium? Nouerat Dominus, quòd aliquando si contendere velimus, & litigare pro vna tunica, multa oportebit soluere, & expendere, quæ plus valebunt, quàm tunica & pallium simul, vt sæpe contingit: ita vt melius, & vtilius sit dimittere quod postulatur, ne plus litigando expendatur. Præterea, satius est tunicam & pallium dimittere, quàm ea defendendo peccatum committere, & sic animam amittere. Fortè Deus tuæ conscientia tranquillitati consulere volens, ideo permisit te causa cadere,

cadere, vt litigare deinceps desineres, atque ita seruus Domini remaneres; quia, iuxta Apostolum, *seruum Domini non oportet litigare.* 2. Timot. 2,

Vnde sapienter, & piè Beatus Ægidius B. Ægid. paradoxum hoc Christianum sanxit: *Quando quis contendit tecum, si vis vincere, perde.* Perde, inquam, substantiam, pecuniam, bona temporalia, & vinces dæmonem, & vitia. Itaque, cum quis causa cecidit, diabolus vicit, qui illi suadebat, vt illas possideret facultates, quæ ad eum minimè pertinebant: quod si pertinebant, vicit superbiam, luxuriam, & alia vitia, quæ facultates illæ nutriebant, fouebantque. Ideo meritò Sanctus Ephrem moriens gloriabatur, quod nunquam cum vllò Christiano contenderit, aut litigarit, cum hoc pacto multa lucratus fuerit. Est igitur lucrum, quod iacturam putabas: nam perdendo inuenisti, cadendo vicisti, dando recepisti, restituendo comparasti.

C Propterea, hoc dumtaxat vtar dilemmate, quo valeam consolari te. Vel illud, de quo, aut pro quo litigabas, & iudicio contende-
bas, tibi debebatur, vel non. Si tibi debebatur, iure possidebas; & si tibi sublatum sit, scito tibi semper deberi, illudque tam auferentem, quàm possidentem tibi restituere teneri; verumtamen Deum permisisse, vt illud perderes, ne te ipsum perderet. Præiudicabat Deus illud tibi, aut heredi tuo magnum incommodum, vel animæ iacturam allaturum: fortè enim illo fuisses abusus, aut in vestitu, vel in ludo, & cibo, aut alio modo; & quod nunc perdidisti processibus, amississes
excessi

Serm. 2.

excessibus. Satiùs est substantiam nostram aliorum culpa perdere, quàm nostra. Quod altercando perdidisti, poteras naufragio, aut alia via perdere. Vt cataplasma capiti tuo commodè adhibeatur, necesse est capilli abradantur: vtilis abrasio, per quam fit curatio. Aliquo modo curandus eras, sed ne illa quam possidebas substantia impediret, necesse fuit, vt à te præscinderetur. Audi Ambrosium: *Quando caput curandum est, iubemur abrasos capillos demere, impedimenta cutis vniuersa deponere, vt nudo capiti perfectius medicina proueniat. Ita & cum anima curanda est, precipimur substantiam seculi à nobis auferre, vt nuda & soli anima congruentius spiritalis proueniat medicina.* Quod sponte ad salutem deferere noluisti, Deo permittente perdidisti: facta est Iudicis sententia veluti tonsoris nouacula. Sustineres tonsionem; patere hanc amissionem.

Simile.

Dices; absque capillis potero quidem vivere, sed non absque istis quas amisi facultatibus, saltem non ita commodè. Respondeo, quòd, quemadmodum licet sanguis necessarius sit, ac sine ipso non possit quis subsistere, cum sit veluti sedes & vehiculum animæ; verumtamen si plus æquo abundet, & nimius sit, minuendus erit: ideo venam scalpello secari iudicabit Medicus. Ita bona temporalia, quæ tibi ad victum necessaria existimas, si affluant, nimiumque abundant, nocebunt; & expedit, vt interdum minuantur: & sicut sententia Medici tibi extrahitur sanguis nociturus; sic hac Iudicis sententia

D sententia tibi subtrahitur nocitura substantia. Tuus erat sanguis, qui ex tua vena emanavit, sed non minùs extrahendus, quia superfluous: tua erat illa, quam iustè possidebas, substantia; sed quia nimia, vel superflua, consultò tibi detrahitur, ne per illam ad interitum traharis. *Cest arrest*, vel lata illa in te sententia, fuit tibi salutaris phlebotomia, qua fuisti quodammodo exoneratus. [Exoneravit te fortuna, inquit Seneca, si intelligis, & tutiore posuit loco; damnum putas, quod remedium est.] Scito interim, quòd sanguis ille tuus, aut substantia tua iniustè ablata requiretur de manu illius Iudicis, qui te condemnauit; sic enim Deus illi per Prophetam interminatus est: *Sanguinem autem eius de manu tua requiram.* *Seneca.* *Ezech. cap. 3. & 33.*

Si verò ad te non pertinebat, quod tibi hac sententia sublatum est, cur doles, quòd cogaris reddere, quod tutà conscientia retinere non poteras, & quod necessariò sub pœna damnationis æternæ tibi restituendum erat? Non fit nobis iniuria, dum præcipimur restituere aliena: nulla Iudicis sententia potuit fieri tuum, quod alienum est: nolim te dolere, quòd reddas, sed quòd cogaris reddere, factus spongiæ similis, quæ nisi prematur ebibitam aquam non reddit. Utinam igitur sponte reddidisses, quod licitè possidere non poteras: quia, secundum Tullium, *Simile.* *Cic. 4. act. in Verrem.* [nihil est turpius ingenuo; nihil minùs libero dignum, quam cogi à Magistratu alienum reddere.] Quod nocium est in corpore, veluti apostema, necesse est, ut foras emit

emittatur, ne vita amittatur : apostema erat, quod illicitè possidebas, quod non exiisset, nisi te iudex sua sententia percussisset. Non est igitur tibi condolendum, sed congratulandum, quòd à te salubriter exierit, quod miserè te inficiebat : & quòd iam reliqueris, quod tandem relicturus eras, non sine maximo tuæ animæ detrimento.

de verb.
Apost. sup.
Leuitic.


Dices ; quæ non rapui, exoluo, in domo mea, vel apud hæreditatem meam, quod reddere compellor, inueneram. Inuenisti, nec propterea tenere potuisti. Audi Augustinum: *Quod inuenisti, & non reddidisti, rapuisti.* Id ipsum sentit Origenes, qui sic scribit. *Multi sine peccato putant esse, si alienum, quod inuenerint, teneant : & dicunt, Deus mihi dedit : cui habeo reddere ? Discant ergo peccatum hoc esse simile rapinæ, si quid inuentum non reddant.* Non decet retinere, quod scis ad te non attinere. Nesciebam, inquis : esto ; doleas, quòd nescieris ; & gaudeas, quòd reddideris, etiam Magistratus sententia, tua antea ignorante conscientia : & quod tibi fieri velles, alteri fecisse non pigeat. Velles autem tuam tibi restitui substantiam, si ab aliis quamuis ignorantibus detineretur : patere tu similiter, vt alteri reddatur quod suum est.

Cæterum, indignum ducebat Seneca de puncto disceptare, vel litigare, & de infinitis cælorum spatiis non curare. Punctum, imò minus puncto est, de quo litigasti, & quod perdidisti : pudeat te de re tam exigua contendisse, quæ eiusmodi est naturæ, vt ad alium transferri nequeat, nisi alteri exi-
piatur.

piatur. [Ista quæ appetis, ait ille, quia ex-
gua sunt, nec possunt ad alterum, nisi al-
teri erepta, transferri; eadem affectantibus
pugnam & iurgia excitant.] Parcit quodam-
modo angustia itineris, per quod transimus,
& quod, teste eodem, rixas concitat trans-
euntium: verum, si ad infinita illa cælorum
spatia, quæ appetimus, mentis aciem diri-
gamus, pudebit nos certè doluisse ob amif-
sionem tam modicæ substantiæ, ac neglexisse
ea, nempe cælestia, pro quibus cætera omnia
negligenda, & contemnenda sunt.

Ad Religiosos.

CAPVT XII.

A  D vos, ô viri Religiosi, non
accederet noster Clypeus, nisi
audirem: *Fili, accedens ad serui- Eccl. 2.*
tutem Dei, sta in timore & tre-
more, & prepara animam tuam
ad tentationem. Qui tentationibus impugna-
tur, indiget armis, vt non expugnetur: ideo
quis præmonetur, vt præmuniatur. Muniendi
præcipuè estis patientia ad ardua quæque in
ordine ferenda: patientes autem eritis, si di-
ligenter præmia, quæ vos manent, conside-
retis. Nam diabolo suggerente, existimant
vestrùm nonnulli se non plus mereri in
claustro, quàm in sæculo, ideo optarent exire
de claustro & redire ad sæculum; noluntque
onus religionis patienter ferre, quòd credant
Dd nihil,

nihil, aut parum præmij ex eo referre. Audiamus igitur illos quærentes, & quasi conquerentes, & audiant ipsi nos respondentes.

1. Ecce nos, aiunt, reliquimus omnia, pauperem vitam ducimus, nihil penitus possumus. *Quid ergo erit nobis?* Tria vobis promittuntur à Christo. Primò in hoc mundo,

Math. 19. *centuplum accipietis.* Deinde in iudicio finali, *sedebitis & vos super sedes duodecim, indicantes duodecim tribus Israël.* Tandem, *& vitam æternam possidebitis.* Quoad primum, certum est

Christum vobis sub centupla quantitate multò plura quàm dimiseritis, polliceri in hac vita: ponitur enim certus numerus pro

Luc. 18. incerto. Ideo apud Lucam pro *centuplum*, legitur, *multò plura*, & est sensus: magna pro parvis quæ reliquistis, aut multò plura, *Marc. 10.* quàm reliquistis, recipietis: *nunc in tempore hoc*, ut est apud Marcum.

Quomodo autem quis pro his quæ dimisit, centuplum sit recepturus, explicat

Collat. 24. *cap. 26.* Cassianus: *Centuplam*, inquit, *fratrum, parentumve recipiet quantitatem, quisquis patris unius, vel matris, seu filij pro Christi nomine, charitate contempta, in omnium qui Christo seruiunt, dilectionem sincerissimam transiit.* Pro uno scilicet tot inueniens patres, fratresque feruentiore, ac præstantiore sibi affectione deuinctos. *Multiplicata etiam domorum, atque agrorum possessione ditabitur, quisquis una domo pro Christi dilectione reiecta, innumera Monasteriorum habitacula, tamquam propria possidebit, in quacunque orbis parte, velut in sua domus ire succedens,*

cedens; quomodo enim non centuplum, & si Domini nostri sententia superadiici aliquid fas est, plusquam centuplum recipit, qui decem, vel viginti seruorum ministeria, infida, & coactitia relinquens, tot ingenuorum, ac nobilium spontaneo fulcitur obsequio? Quod ita esse, etiam vestris experimentis probare potuistis, qui singulis patribus, matribusque, ac domibus relictis, quamlibet mundi partem fueritis ingressi, patres, matres, fratresque innumeros, domos quoque & agros, seruosque fidelissimos, conquiritis, qui vos ut proprios dominos summis venerantur officiis. Hæc ille.

B Modicum, aut ferè nihil est, quod in sæculo deferuistis, & amplum est quod in ordine comparastis. Socrates Alcibiadem diuitias suas iactantem adduxit ad tabulam, in qua descriptus erat totius terræ ambitus, rogauitque, ut in ea Atticam inueniret, quam cum ille ostendisset, rogauit item ut suos fundos indicaret: cum respondisset, nusquam illic esse depictos; cur ergo, ait, eorum te possessione effers, quæ nulla terræ portio sunt? Adeò sunt exigua quæ à quibusdam possidebantur in sæculo, ut vix percipi valeant: & licet magna apparerent, tamen nulla ferè essent in comparatione eorum, quæ in ordine acquisierunt. Tritemius de ordine Sancti Benedicti, cuius ipse erat alumnus, affirmare audet, si omnes ei sua possessiones manerent, futurum sine dubio ut Sanctus Benedictus tertiam Christiani orbis partem possideret. Quod nemo mirabitur, si temporum illorum pietatem attendat, ex qua illa liberalitas in

lib. de viris
illustrib.
cap. 2.

Prou. 13.

1. Cor. 6.

Serm. 21. in

Cantic.

Deum, eiúsque famulos. exítebat. Verè de paupere Euangelico illud dici potest : *Est quasi dives, cum nihil habeat.* Estis, inquam, viri Religiosi, *tamquam nihil habentes, & omnia possidentes.* Vnde optimè Bernardus : *Non putent, inquit, diuites huius sæculi fratres Christi sola possidere caelestia, quia audiunt dicentem: Beati pauperes spiritu, quoniam ipsorum est regnum celorum. Possident & terrena, & quidem tamquam nihil habentes, & omnia possidentes, eò pro certo magis domini, quò minùs cupidi.* Videte igitur, quomodo voluntaria vestra paupertas etiam in præsentí ampla compensetur substantia.

lib. de eleemosyna.

in cap. 6. Matth.

Dicet fortè aliquis : habeo quidem multa, sed non mihi soli, cum omnia sint apud nos communia. Esto ; nihil refert. Nec in sæculo solus fuisses vsus tua substantia, ex ea comedissent filij, domestici, & amici. Cur tibi tantum vis in claustro, quo solus non vtereris in sæculo? Instas: eiusmodi sum instituti, in quo non solum in particulari, sed nec in communi aliquid possidere permittitur; quomodo ergo nobis de necessariis prouidebitur? Respondet Diuus Augustinus te increpando, & increpat respondendo. *An putas, terrena deerunt, quibus caelestia, & diuina tribuatur? unde hac incredula cogitatio? Quid facit in domo Dei perfidum pectus? Credo equidem omnia optata tibi non suppeditari; sed nec ulli sæcularium: neque enim hoc expedit. Sufficiant tibi necessaria, quæ nunquam tibi deerunt, si Deo non desis. Dico itaque cum Hieronymo; In promissis veritatis nemo dubitet.*

dubitet. Sit homo, qui esse debet, & mox addentur ei omnia, propter quem facta sunt omnia. Vera certe & docta ratio. Nam cum omnia, quæ in mundo sunt, hominis gratiâ facta sint, nunquam illa se ab hominis obsequio subtraherent, nisi ipse se à diuino obsequio subtraheret. Quare si ille ad eam, quam Deo debet seruitutem, redierit, iure quodam suo reliqua, tamquam sua, & sibi debita recuperabit, potissimum quæ illi erunt necessaria. Non enim deseret te, pro quo omnia deseruisti: si ei, ut decet, seruias; tibi, ut expediet, prouidebit.

C Propterea, & præterea, pro utroque parente, & aliquibus fratribus & sororibus derelictis innumeri, ut diximus, à Domino suscitantur patres, fratres, benefactores, & alij amici spirituales, vos interdum plus diligentes, quàm parentes ipsi carnales; qui vobis ministrabunt quæ necessaria erunt. Audite Bedam. *Qui terrenis, inquit, afflictibus, siue in homil. de Sancto Benedicte. possessionibus pro Christi discipulatu renunciauerit, quò plus in eius amorem profecerit, eò plures inueniet, qui se interno suscipere affectu, & suis gaudeant sustentare substantiis. Non abs re igitur Climacus dicere solebat; pauperem Grad. 17. Monachum dominum esse mundi; & qui iactauit in Deum curam suam, possidere per fidem omnes gentes in seruos.*

2. Quantum ad secundum, promittitur vobis in iudicio extremo iudiciaria potestas. *Sedebitis & vos super sedes duodecim, iudicantes Matth. 19. duodecim tribus Israël.* Hanc autem iudicandi potestatem tribuendam esse à Christo pau-

Iob. 36. peribus Euangelicis præuiderat Iob. *Iudicium pauperibus tribuit. Dicat igitur Magnus*

lib. 10. moral. cap. ult. Gregorius: *Quisquis stimulo diuini amoris exci-*

tatus, hic possessa reliquerit, illic proculdubio culmen iudiciaria potestatis obtinebit, ut simul tunc index cum indice veniat, qui nunc consi-

Serm. super hac verba, Ecce nos reliquim. &c. *gat. Conquerebatur Diuus Bernardus, quod nonnulli parui facerent hanc promissionem. Quid, inquit, istud miseria est, quod ad verbum tanta promissionis negligentia humana dormitat? Iudicent vos nunc filij huius sæculi,*

Serm. 8. in Psal. 90. *atque præiudicent; sedeant, & aduersus vos loquantur: sunt ipsi futuri tamquam rei, & vos iudices: sunt iudicandi, & vos iudicaturi: stabunt, & vos sedebitis: trepidabunt, & vos eritis securi. Fœlix paupertas, ait idem Bernardus, quæ tam securos, imò tam gloriosos faciat in illo singulari fragore elementorum, in illo examine meritorum. Obtenebratis cæli luminaribus, cadentibus stellis, trepidantibus cæteris hominibus, ac toto terrarum orbe commoto, eritis intrepidi audita hac Christi voce: Lenate capita vestra, ecce appropinquat redemptio vestra.*

Dicent aliqui: hæc sedendi, & iudicandi D potestas Apostolis promissa est, non nobis. Respondeo etiam nobis fuisse promissam, qui Euangelicam profitemur paupertatem, quæ omnino Apostolica est. Audite Bernardum: *Apostolicam omnes nos vitam professi sumus, Apostolicæ professioni nomina dedimus vniuersi. Qui igitur exemplo Apostolorum omnia propter Christum reliquerunt, cum Christo,*

Serm. de ingrati.

Christo, & Apostolis alios iudicaturi sedebunt. Testis sit Beda: *Omnes, inquit, qui ad exemplum Apostolorum sua omnia reliquerunt, & sequuti sunt Christum, indices cum eo venturi sunt, sicut etiam omne mortalium genus est iudicandum. Quia autem duodenario saepe numero solet in Scripturis uniuersitas designari: per duodecim sedes Apostolorum omnium uniuersitas iudicantium, & per duodecim tribus Israël uniuersitas indicandorum ostenditur.* Si modò iudicantes steteris, tunc iudicantes sedebitis; & sicut sessuri, & iudicaturi estis cum Christo, ita etiam his qui vobis eleemosynam denegauerunt, dicturi estis cum Christo: *Esuriui, & non dedistis mihi manducare, &c.* Hoc vobis non exprobrabitur, quibus aliquid possidere non permittitur. Nam, ait Bernardus, *quomodo à nobis exigit Deus, quod pro ipsius amore relictum est?* Hanc itaque secundam vestram remunerationem concludam cum eodem Patre. *Numquid non pretiosiore ducitis paupertatem vestram thesauris seculi, siquidem ipsa est, quæ liberat vos à verbo aspero?* Ecce verbum asperum: *Tollatur impius, ne videat gloriam Dei.* Et; *Ite maledicti in ignem æternum, &c.* *Esuriui enim, & non dedistis mihi manducare, &c.* Fœlix igitur nostra paupertas, quæ & sessionem cum Christo, & liberationem meretur à verbo aspero.

3. Tertiò, paupertati nostræ vita promittitur æterna, cum dicitur; *& vitam æternam possidebitis.* Quid quærimus amplius? Hoc promittit, qui fallere non vult, neque potest, idque iureiurando; ait enim. *Amen dico*

D d 4 vobis:

424 · *Clypeus Patientia.*

vobis: nemo est, qui reliquerit domum, aut fratres, aut sorores, aut patrem, aut matrem, aut filios, aut agros, propter me, qui non accipiat centies tantum, nunc in tempore hoc, &c. Et in sæculo futuro vitam æternam. Iam beatos vos proclamauit, iamque vestrum esse regnum cælorum declarauit. Beati pauperes spiritu, quoniam ipsorum est regnum cælorum. Non dixit, erit, sed, est; vel quia paupertas ita omnium curarum sæcularium expers est, vt in hac quoque præsentī vita futuræ vitæ æternæ foelicitatem præcipiat ac prægustet: vel quia adeò remota est ab omnibus periculis, adeoque ei certa est huiusmodi vita æterna, ac si eam manibus teneret, vti dicemus infra ad pauperes, vbi ostendimus, quanta bona, quantæque vtilitates eueniant pauperibus; ita vt satius sit bonis temporalibus indigere, quàm abundare.

Beatus Pater noster Franciscus paupertatem appellat *Altissimam*: quia in altissimum cælum attollit hominem. *Calca mundum*, inquit Augustinus, *vt eo calcato gradum tibi facias, per quem in sublime conscendas*, Verè altissima paupertas, quæ nos altissimos facit. Dicat iterum idem Augustinus: *Vt ad regnum cælorum veniret, diues, possessione suâ obtinere non potest, nunc obtinet, vt contempta perueniat.* Seruanda est igitur nostra paupertas, totisque viribus amplectenda, ac læto animo ferenda, qua nunc plura, quàm dimiserimus, nobis acquiruntur; quæ nos in iudicio assidere, ac tandem in cælo regnare faciet cum Christo.

Pergi

Pergitis, & dicitis; non tantum pauperem vitam ducimus, sed & cælibem, castèque viuimus. *Quid ergo erit nobis?* Mercedem recipietis, tum in hoc sæculo, tum in futuro. Nam primò, qui cælibes viuunt, liberi sunt. Si vxorem duxissetis, fortè more Achaiaè vixissetis. Id est, non vos vxori, sed vxor vobis imperasset. Solebant olim in Achaia vxores regimen domus gerere, ac negotiari; viri autem fœminco induti amictu lectos sternebant, domum mundabant, mensam parabant, aliàque fœminarum propria munia subibant: ex quo more emanauit prouerbium, vt cùm quis nimium se vxoris imperio subiiceret, diceretur *vitam Achaiaè agere*. Qua loquendi formula vsus est Plinius ^{epist. ad Sat.} quemdam amicum suum obiurgans, quòd ^{batium.} vxori nimium subderetur. Nunquam igitur vobis hoc prouerbium competere poterit. Multi verò sunt in sæculo, qui more Achaiaè viuere coguntur.

Pulchrè Diuus Chrysostomus virum & vxorem comparat alicui pari seruorum fugitiuorum, qui sunt inter se catena colligati, vt etiam si hero suo se eripiant, tamen alterum alter sequi cogatur; nec ab inuicem seiungi possint. Hoc innuit Paulus: *Alli-* ^{1. Cor. 7.} *gatus es vxori? noli querere solutionem.* Vnde ille Doctor sic scribit. *Videsne rei necessitatem, & de virgin.* *inexorabilem seruitutem? vides utrumque su-* ^{cap. 41.} *niculis constrictum? est enim connubij necessitudo instar vinculorum.* Hinc Diuus Basiliius con- ^{const. mon.} iugium vocat compedes, à quibus quis li- ^{cap. 1.} beratur professione castitatis. *Quicunque,*

D d 5 inquit,

inquit, à mundi vinculis liber esse cupit, coniugium veluti compedes quasdam profugere debet, & Deo vitam suam consecrare; & castitatem profiteri. Nolite igitur dolere tanta euasisse vincula, & vxorum non fuisse mancipia.

lib. 1. cont. Iouinianū. Quanta fœlicitas, inquit Hieronymus, non vxoris seruum esse, sed Christi; non carni seruire, sed spiritui.

Gaudete, quòd calibatum sitis amplexi, qui dabit otium, non quomodo mundo, sed quomodo Deo placeatis. Nam qui cum vxore est, sollicitus est quæ sunt mundi, quomodo placeat vxori, & diuisus est. O inutilem sollicitudinem, cogitare quomodo placeat vxori! quæ interdum adedò erit morosa, vt vix possit ei vir placere, nec vnquam placebit, si aliquando, aut semper ipsi non pareat; atque ita cum dedecore placebit. Nam iuxta Democritum, [mulieri parere, extremum dedecus est viro.] Satiùs vobis sit cogitare quomodo placeatis Deo, non mulieri; nam quam mercedem habebit, qui mulieri placere contendit? & quam mercedem non obtinet, qui Deo placere studet? Quid nobis cum mulieribus, quibus non placemus sine muneribus? aut quibus placere dedecus est, displicere labor est? Iuuat adhuc hîc referre quod quidam scriptis mandarunt. [Astrictus nuptiis, non amplius liber est.] Item: [Similes sunt senectus & nuptiæ; vtramque enim consequi desideramus: postquam verò nacti sumus, tristamur.] Omnes quidem optant senescere, sed ob infirmitates, quibus senectus subiicitur, dolent ad talem ætatem peruenisse.

Sic

Democrit.

Hippoth.

Theodet.

Liber II. Cap. XII. 427

Sic omnes ferè nubere vellent, sed postquam onera, & labores matrimonij sunt experti, optarent nunquam nupfisse; ac tantò maior illorum dolor est, quantò minor est matrimonij solutio. Ecceleses igitur illi sunt, qui, vt ait Gregorius, *nulla coniugis, nulla filiorum homil. 16. cura, nullis noxiis & difficilibus rei familiaris in Ezéch. cogitationibus implicantur.* Marcella maior rogata à matre sua, gauderétne se nupfisse, respondit: ita valdè, vt ampliùs nolim. Hoc dicebat iam matrimoniali labore pressa.

Porro, quanta viris ex coniugio obueniant incommoda, quantæque animi perturbationes, innuit Theophrastus apud Diuum Hieronymum contra Iouinianum, quorum nonnulla recensere non verebor, vt videat lector, quanto sint affecti beneficio, qui voto castitatis illa euaferunt. Sic enim ille scribit. Impediuntur nuptiis studia Philosophiæ. Non potest quis libris, & vxori pariter inferuire. Multa sunt vsibus matronarum necessaria, pretiosæ vestes, aurum, gemmæ, sumptus, ancillæ, supellex varia, lecticæ & esseda deaurata. Deinde per noctes totas garulæ conquestiones: illa ornatior procedit in publicum; hæc honoratior ab omnibus: ego in conuentu fœminarum misella despicior. Cur aspiciebas vicinam? Quid cum ancillula loquebaris? de foro veniens quid attulisti? non amicum habere possumus, non sodalem. Alterius amorem, suum odium suspicatur. Si doctissimus præceptor in qualibet vrbium fuerit, nec vxorem relinquere, nec cum sarcina ire possumus. Pauperem alere diffi-

lib. 1. aduersus Iouinianum.

difficile est, diuitem ferre tormentum. Adde, quoniam nulla est vxoris electio, sed qualiscumque obuenerit habenda. Si iracunda, si fatua, si deformis, si superba, si foetida: quodcumque virij est, post nuptias discimus. Attendenda semper eius est facies, & pulchritudo laudanda: ne si alteram aspexeris, se existimet displicere. Si totam domum regendam ei commiseris, seruiendum est. Si aliquid tuo arbitrio reseruaueris, fidem sibi haberi non putabit; sed in odium vertetur & iurgia. Verum quid prodest etiam diligens custodia, cum vxor seruari impudica non possit, pudica non debeat? Pulchra citò adamatur, foeda facilè concupiscit: difficilè custoditur, quod plures amant. Molestum est possidere, quod nemo habere dignetur. Minore tamen miseria deformis habetur, quàm formosa seruatur. Nihil tutum est, in quo totius populi vota suspirant. Alius forma, alius ingenio, alius facietis, alius liberalitate sollicitat.

Quòd si propter dispensationem domus, & languoris solatia, & fugam solitudinis ducantur vxores; multò melius seruus fidelis dispensat, obediens authoritati domini, & dispensationi eius obtemperans, quàm vxor, quæ in eo se existimat dominam, si aduersum viri faciat voluntatem, id est, quod placet, non quod iubetur. Assidere autem ægrotanti magis possunt amici, quàm illa quæ nobis imputat lacrymas suas, & hæreditatis spe vendit illuuiem: & sollicitudinem iactans, languentis animum desperatione conturbat.

Quòd

Quòd si ipsa languerit, coægrotandum est, & nunquam ab eius lectulo recedendum. Aut, si bona fuerit & suavis vxor (quæ tamen rara auis est) cum parturiente gemimus, cum periclitante torquemur. Porro liberorum causâ vxorem ducere, vt vel nomen nostrum non intereat, vel habeamus senectutis præsidia, & certis vtamur hæredibus, stolidissimum est. Quid enim ad nos pertinet recedentes è mundo, si nomine nostro alius nominetur, cum & filius non statim patris vocabulum referat: & innumerabiles sint, qui eodem appellentur nomine? Aut quæ senectutis auxilia sunt, enutrire domi, qui aut prior te fortè moriatur, aut peruersissimis sit moribus? aut certè cum ad maturam ætatem venerit, tardè ei videaris mori? Hæc, & huiusmodi Theophrastus.

Si fortè quis hunc authorem auscultare noluerit, audiat Gregorium Nyssenum hac *lib. de virg. cap. 3.* de re differentem, atque ita scribentem. *Va-*
ria, & multiplex est malorum copia, qua ex ma-
trimonio existunt. Dolorem enim liberi afferunt
& nati, & non nati, & viui, & mortui. Hic libe-
rorum multitudine gaudet, sed gemit, quia non
babet unde alat. Ille contra, qui in diuitiis queren-
dis multum laborauit, nunc hærede caret, cui eas
relinquat. Itaque vnius bona fortuna, alterius est
calamitas, cum sibi vterque illud euenire velit,
quo alterum cruciari videt. At huic mortuus est
suauissimus puer; illi verò viuus filius perditus:
utrumque sanè commiseratione dignus; vnus enim
filij morte, alter vitæ dolet. Affectus porro, &
perturbationes, rixas, tum ex rebus veris, tum ex
falsis

falsis suspicionibus temerè ortas, quis enumeret?

1. Cor. 7. Hæc autem incommoda cum per cælibatum euadamus, meritò Apostolus affirmat, *bonum esse homini sic esse*, sup. cælibem. Vnde optimè Hieronymus ita colligit. *Si bonum est homini sic esse, ergo malum est homini sic non esse.* Cum itaque huiusmodi bonum sitis adepti, gaudere. Nam Comicus, teste eodem Doctore, *fortunatum putat, qui uxorem nunquam duxerit.*

*lib. 1. ad-
uers. Iouin-
ianum.
ibidem.*

*ibidem.
ibidem.*

*hom. 16. ad
pop.*

Scitote etiam in coniugio rarò inueniri voluptates, quæ quæruntur; imò verò tribulationes, quæ non sperabantur. Hoc vno verbo innuit Paulus, dum de coniugibus loquitur: *Tribulationem carnis habebunt huiusmodi.* In quæ verba idem Hieronymus aduersus Iouinianum ostendit nos esse ignaros, putantes nuptias habere carnis lætitiā. Nos, inquit, *ignari rerum putabamus nuptias saltem carnis habere lætitiā. Si autem nubentibus etiam in carne tribulatio est, in qua sola videbantur habere delicias; quid erit reliquum, propter quod nubant? cum & in spiritu, & in anima, & in ipsa carne tribulatio sit.* Nullas itaque delicias continent nuptiæ; sed multas tribulationes, quæ sine merito sæpe tolerantur, quia spe voluptatis sæpe contrahuntur. Vnde Chrysostomus, quid coniugati sentiant de Religiosis pulchrè ostendit. Cum, inquit, *se arumnis, & angoribus circumseptos vident, solent eos appellare beatos, qui coniugij expertes in cœnobiis cum tranquillitate viuunt, quia non facularem tristiā, non dolorem, non curas illas, non pericula, non insidias, non inuidiam, non zelotypiam, non absurdos amores, nec aliud*

aliud quidpiam eiusmodi patiuntur. Illi nos beatos prædicant, qui nullam ex matrimonio capiunt lætitiā : imò in dies maiorem experiuntur mœstitiā. Expertis credamus, & quòd tantarum miseriarum copiam euaserimus, gaudeamus, Deoque gratias agamus, & si quid laboris sit in cælibatu, libenter feramus.

Caueant interim fratres, ne quod cælibatu euaserunt, alicuius mulieris familiaritate sibi vendicent. Cur vultis mulierculæ implicari consortio, qui renuistis copulari coniugio? Nolite aliquam deperire, si non vultis perire. Habent licita coniugia suas mœstitiās, quantò magis illicita consortia? Diuus Cyprianus vocat mulierem *laqueum* Serm. ad-
comptum, & naufragium super terram. Cur vultis sponte irretiri laqueo, quem effugistis; & certo exponi naufragio, quod euasistis? Dicit quis : loquitur ille Doct̃or de mulieribus improbis & insipientibus, ego autem prudentem diligo : est illa improba, quæ tum vesanum amorem non improbat : nec valdè sapit, quæ te plus æquo diligit, vel quæ à te aliquid accipit. Nam si dandum sit, furandum est : si accipiendum, restituendum.

I Numerate deinde, quanta ex nimia illa familiaritate, & amicitia oriantur damna: læditur anima; perturbatur conscientia, teritur tempus, augetur zelotypia, fama commaculatur, proximus scandalizatur. *Quid necesse est*, ait Ambrosius, *ut demus secularibus* lib. 1. offic.
obtrectandi locum? Crescit insuper dolor, cap. 20. quando illa est relinquenda, quæ nunquam
erat

erat diligenda. Cur mulierum quæritis confortia, qui non potestis eadem semper habere domicilia? Si vxoratis omnia tandem sunt relinquenda, iuxta illud,

Horat.

Linquenda tellus, & domus, & placens vxor.

de singula-
ritate Cle-
ricorum.

Quantò magis vobis, qui iam omnia reliquisse profitemini, & quibus tandem mutandus est locus? Qui quærit cum mulieribus versari, & ab illis adamari, optat peiorem febrem super aliam sibi adhiberi, aut grauius onus super aliud. Audiamus Cyprianum. *Habes nunc carnem tuam, quam superes semper. Quid tibi vis alteram conducere? Nemo super unam febrem cupit adhibere peiorem; neque aliquis super onus proprium tollit insuper alienum, ne oneribus duobus oppressus, usque ad inferos demergatur.* Submergite quamprimùm omnes istos amores, ne mergamini ab eis: nolite cum aliqua amicitiam cōtrahere, si non vultis ad gehennam attrahi; atque ira quodammodo ab vna gehenna ad aliam traheremini. Denique, iuxta Hieronymianum præceptum, omnes mulieres vel æqualiter ignoremus, vel æqualiter diligamus; nulla à nobis specialiter diligatur, cum omnes deseruerimus, ut Deum specialius diligereamus, & ei liberiùs inferuiremus. Apostolus dum aliquos ad cælibatuum horraretur, dicebat: *Volo vos sine sollicitudine esse*; sentiens cælibes viuere in hoc mundo sine sollicitudine, quod non minimum beneficium est. At quæritis sollicitudinem, si foeminarum quæritis familiaritatem: nam cogitandum erit de munusculis præbendis, de loco & tempore ad colloquendum

1. Cor. 7.

quendum cum ipsis, de modo illis placendi, quod non fit sine sollicitudine, sine scandalo, sine murmuratione, & sine animæ detrimento. Quid igitur quæritis sollicitudinem, qui estis sine sollicitudine?

Præterea facit vos cælibatus Angelis similes. *Quid castitate decorius*, ait Bernardus, *quæ* epist. 42. ad mundum de immundo conceptum semine, de hoste domesticum, de homine Angelum facit? Henricum Sen. Archiep. Adeo nos castitas Angelis æquat, ut iam in terris de illorum familia deputemur: sic enim scribit Tertullianus de continentibus. *Jam in* lib. 1. ad terris non nubendo de familia Angelica deputantur. vixorem. Sola est castitas, quæ in hoc mortalitatis loco, & tempore statum quemdam immortalitatis gloriæ repræsentat. Sola inter nuptiarum solennia morem beatæ illius regionis vendicat, in qua *non nubent, neque nubentur:* Matth. 22. præbens quodammodo in terris cælestis iam illius conuersationis experientiam. Vnde Ambrosius ad cælibes: *Quod nobis promittitur,* lib. 1. de vobis præstò est. virg. Quàm puri castitatem seruantes efficiamur, nouerat Cato, licet Gentilis, Cato. sentiens, vitam nostram similem vitæ Deorum, si sine vxoribus esse possimus.

K Tandem, magnum & peculiare præmium vobis seruatur in cælis, cum sitis de illis eunuchis, qui se castrauerunt propter regnum cælorum, de quibus sic Propheta. *Hæc dicit* Isai. 56. *Dominus eunuchis, &c. dabo eis in domo mea, & in muris meis locum, & nomen melius à filiis & filiabus: nomen sempiternum dabo eis, quod non peribit.* Quem locum explicans Augustinus de statu virg. cap. 16. ait, quod licet omnes beati sint in cælo;

Ecce peculiare

peculiari tamen, & excellenti gloria potientur, qui castitatem promiserunt & seruaerunt, qua quidem gloria distinguuntur à cæteris cælicolis. Ideo Deus nomen se eis daturum promisit. Vnde Basilus Deum ipsum de voluntariis eunuchis, qui scilicet castitatem sibi voto deuinxerunt, ita loquentem inducit. *De humano nomine Angelorum immortalium eis nomen dabo, quod non deficiet, ut calum, & cali pulcherrimam partem habeant ad immortalandum, atque in cali pulcherrima sede, hoc est, in domo mea intra septa habitantes, non Angelorum iam naturam tantum ad dignitatem perpetua successione accipiant, ipsi sibi in eterna vita pro successione generis sufficientes, verum & lacum inter Angelos habeant illustrem, noménque indelebile pro eximia virtutis splendore.* Dicat igitur Sapiens. *Fœlix spado, qui non operatus est per manus suas iniquitatem, nec cogitauit aduersus Deum nequissima: dabitur enim illi fidei donum electum, & fors in templo Dei acceptissima.* Hanc sortem nullus aliis spadonibus promitti putet, sed spadonibus Dei, qui nimirum vltro sese omnibus istis delectationibus in perpetuum priuarunt.

Sap. 3.

nom. 63 in
Matth.

Itaque, si quem inter vos voti castitatis pœniteret, ac carnis illecebris priuari do-
leret, audiat Chrysostomum, illum sic conso-
lantem. *Cogita, inquit, si aut à natura eunuchus
esses, aut iniuria hominum sic effectus, quid fa-
ceres; cum & huiusmodi voluptate careres, &
nullam carendo mercedem consequereris? Gratias
igitur Deo agas, quia magna premia, rutilan-
tesque coronas habebis, si ita viuas, quemadmodum
illi*

illi sine aliquo premio, imò verò multò facilius, ac
 iucundius, tum quia spe retributionis corroboraris,
 tum quia conscientia virtutis gaudes. Ecce, ô cæ-
 libes, merces vestra, quæ copiosa est, non
 solum in cælis, sed & in terris. O verè optan-
 da castitas, cui tanta tribuitur fœlicitas!
 Beati, inquam, sunt cælibes, cùm futuri sint
 cælites. Ut autem purè, & castè viuamus in
 hoc sæculo, & votum continentia, quod
 emisimus, accuratè obseruemus, obscenas
 cogitationes expellamus, oculos nostros
 auertamus, ne respiciant quod concupiscere
 non licet; mulierum fugiamus consortia; ac
 praua deuitemus eloquia; & quia non potest
 quis esse continens, nisi Deus det; idcirco *Sap. 8.*
 adeamus Dominum, illumque cum Diuo
 Augustino sic deprecemur. *O amor qui semper lib. 10.*
ardet, & nunquam extingueris: charitas Deus Conf. cap.
meus, accende me. Continentiam inbes; da quod 29.
inbes, & inbe quod vis.

*Prosecutio eiusdem capituli, ubi agitur
 de obedientia æquanimiter præ-
 standæ, ac de quibusdam aliis
 difficultatibus, & laboribus reli-
 gionis patienter ferendis.*

L **M**ULTA sunt, quæ nos ad alacriter
 obediendum, & ad labores, si qui
 sint in ordine patienter subeun-
 dos, inducunt. Primum, si consideremus illos
 Ee 2 solos

lib. de au-
ditione.

lib. de beat.
vita.

lib. 4. cap. 1.

lib. 1. sat. 7.

solos esse liberos, qui obediunt. Hoc videtur esse paradoxum, verumtamen agnoscitur ab Ethnico: sic enim loquitur Plutarchus moralium scientissimus. [Qui parent, soli sunt liberi: soli enim illi viuunt vt volunt, qui quid velle debeant, didicerunt.] Seneca ipse de beata vita, differens, sic scribit: [Deo parere, libertas est.] Quod à Simone Cassiano probatur, cum ait. *Noni multiplicari hominum voluntates, & saepe cognoui ad voluta infallibilem impossibilitatem. Solus obediens perfecit quæ voluit. Nihil enim aliud volebat, nisi obedire, quod nemini denegatur.* Cum itaque nullus sit, qui quod vult, perficiat, nisi verus obediens, sequitur quod nullus est verè liber, nisi qui verè obedit, quia ita sibi imperauit, vt alteri velit obtemperare. Quærat modò & respondeat Horatius:

*Quisnam igitur liber? sapiens, sibiq, imperiosus,
Quem neque pauperies, neque mors, neque
vincula terrent.*

Præterea non est dura obedientia, cum nos eximat ab innumeris molestiis & curis, quas in dies experiuntur, qui in sæculo viuunt arbitrato suo. Religiosi enim omnium rerum suarum curam in humeros Superiorum coniiciunt, & quasi infantes aliorum vlnis se gestari sinunt, ac quasi dormiendo iter ad cæleste regnum conficiunt. Nam muneris Superiorum incumbit, omnia necessaria tam in temporalibus, quàm spiritualibus suo tempore, loco, & ordine cuique prouidere. Vnde Climacus ita obedientiam describit. *Obedientia est vita sine sollicitudine, navigatio sine*

sine damno, sepultura voluntatis, est iter facere dormiendo sub onere aliis imposito, & super aliorum vlnas, ne mergaris, natate. Qui itaque obedire renunt, cum sollicitudine viuunt, non sine damno nauigant, sibi ipsis onus imponunt, nullius innituntur dorso, ideo multis & certis se exponunt pereundi periculis.

Ab ipso Christo discamus hominibus obedire, alioquin nos pudefaciet Bernardus. *hom. 1. su-*
Disce, inquit, homo, obedire; disce, terra, subdi; per Missus
disce, pulvis, obtemperare. De auctore tuo loquens *est.*
Euangelista, & erat, inquit, subditus illis; haud *Luc. 2.*
dubium, quin Maria, & Ioseph. Erubescere cinis.
Deus se humiliat, & tu te exaltas? Deus se ho-
minibus subdit, & tu dominari gestiens homi-
nibus, tuo te preponis auctori? Et paulo post. Si
non poteris forsitan sequi auctorem tuum quo-
cunque ierit, dignare vel sequi quò tibi condescen-
dit. Voluit autem tibi condescendere usque
ad obedientiam, factus obediens usque ad mor- *Philip. 2.*
tem propter te. Quare illum non sequeris
Superioribus obediendo propter illum?

M Si Prælato obedias, Deo obedis; si autem resistas, Deo resistis, qui illum tibi dedit, dum vt eligeretur, permisit, siue ille bonus sit, siue malus. Audi Apostolum. *Non est po-* *Rom. 13.*
testas, nisi à Deo: quæ autem sunt, à Deo ordinata
sunt. Itaque qui resistit potestati, Dei ordinationi
resistit; qui autem resistunt, ipsi sibi damnationem
acquirunt. Qui auctor est iurisdictionis tem-
poralis, est & spiritualis. Qui dat populo
Regem, dat monacho superiorem: imò non
tantum dat imperantem; sed vt plurimum
imperanda præcipue proficua suggerit. Au-

tract. de
præcep. &
disp.

Luc. 10.

in reg.

cap. 68.

lib. 4. inst.

cap. 10.

Grad. 4.

diamus Bernardum. Deus Prælatos sibi quodammodo equare dignatus, sibi met imputat illorum & reuerentiam, & contemptum, specialiter contestans eis; Qui vos audit me audit; & qui vos spernit, me spernit. Quamobrem quidquid vice Dei præcipit homo, quod non sit tamen certum displicere Deo, haud secus omnino accipiendum est, quam si præcipiat Deus. Nolite itaque attendere præcipientem, sed præficientem. Homo est qui vobis præcepit; sed Deus est qui illum præfecit. Si Deus vobis immediate loqueretur, ab ipso audiretis quod à Superiore; nonne audistis: Qui vos audit, me audit? Nolite considerare cui obeditis, sed Deum propter quem obeditis. In Prælato Deum audite, Deum considerate. Ditus Benedictus dicere solebat, Deo impendit obedientiam, quæ maioribus exhibetur. Laudat Cassianus Taberniositas monachos in Thebaide, quod sic vniuersa complebant quæcumque à Superiore præciplebantur, tamquam si à Deo cælitus fuissent edita.

Illustre eius rei exemplum commemorat Ioannes Climacus, referens quid in quodam monasterio acciderit ipso præsentem: sic enim scribit. Cum in mensa ego & Superior in quodam cœnobio consedissemus, aduocat is quemdam nomine Laurentium, qui fere quadraginta & octo annos in monasterio, degerat. Cum aduenisset, nihil illi penitus dixit, sed sic ante mensam sine cibo per duas horas, cum tamen initium esset prandij stare permisit, adeo ut ipse quoque erubescerem, nec intueri eum auderem. Erat enim canis totus iam octogenarius. Non omisi ego postea à
sene

sepe percunctari, quid astans cogitasset: Christi, inquit, imaginem Superiori imposui: neque enim hoc preceptum ab illo exiisse, sed à Deo penitus existimaui. Quare, ô pater Joannes, non coram mensa hominum, sed coram altari diuino astare me putans orabam, nullamque penitus malignam cogitationem contra Superiorem admitterbam. Hactenus Climacus, Ille senex de suo Præ-

N In omni igitur obedientia non est habenda ratio hominis, cui obediunt, sed voluntatis & ordinationis diuinæ, quæ illum nobis præposuit. Quando autem illi obtemperamus, non tam eius, quam Dei, imò nostram adimplemus voluntatem: Dei, quia sic iubet: nostram, quia volumus quando vota emisimus. Hoc enim volumus, aut saltem velle debemus, quod nobis profuturum scimus. Multum nobis prodest homini obedire: imò verò, secundum Rupertum, hominibus obtemperare propter Deum, magis aliquo modo meritum est, & ad gradum excelsiorem obedientiæ pertinens, quam si immediatè Deo ipsi obediremus; quia maior est difficultas & repugnantia, obedire scilicet hominem homini sibi æquali, vel aliquando inferiori, quam Deo. Quis enim Deo immediatè iubenti non libenter obediret? Dicat igitur Bernardus. *Parum est subiectum esse Deo, nisi sis & omni creature propter Deum, siue in Cani. Abbat, tamquam præcellenti, siue Prioribus, tamquam ab eo constitutis. Ego plus dico, subdere*

lib. 13. in
Euang. Ie-
an. circa
finem.

paribus, subdere & minoribus. Caueamus, ne nostrâ impatientiâ infructuosa sit nostra obedientia, & murmurando amittamus, quod obtemperando lucramur. Certum est, quod illi sibi damnum pariunt, qui ignauiter & reluctantè parent. [Nam, inquit Seneca, laqueos fera dum iactat, astringit: aues viscum dum excutiunt, trepidantes plumis omnibus illinunt. Nullum tam arctum est iugum, quod non minus lædat ducentem, quam repugnantem.]

Propterea non attendamus quid iubeatur, sed quia iubetur. *Credas*, inquit Hieronymus, *tibi salutare quidquid Monasterij prepositus præceperit.* Licet enim aliquid præcipiendo Superior haberet tibi nocendi intentionem, maloque animo erga te duceretur, Deus, cuius amore obedis, hoc ad tuum commodum, & ad vtilitatem tuam verteret. Ideo non est discutienda Superioris intentio, sed nostra est in mentem reuocanda promissio. Nam, teste Gregorio, *vera obedientia nec prepositorum intentionem discutit, nec præcepta discernit: quia qui omne vitæ suæ iudicium maiori subdidit, in hoc solo gaudet, si quod sibi præcipitur, operetur.* Non tibi de Prælato; sed Prælato de te reddenda est ratio, ac tantò exactiùs, quantò malitiosius se habuerit erga subditos. Audi Sapientem: *iudicium durissimum his qui præsumunt, fiet.* Hoc attentè considerabat Chrysostomus, cùm diceret. *Miror, si potest aliquis Rectorum saluari.* Noli igitur inuidere Prælati, quos tam durum manet iudicium: vae illis, si præsumunt, & non prosunt.

Sunt

lib. 3. de
ira. cap. 16.

epist. 4. ad
Rusticum.

in lib. 1.
Reg. cap. 3.

Sap. 6.

hom. 36.

Liber II. Cap. XII. 441

Sunt enim multi, qui plus habent ambitio-
nis, quàm eruditionis. De illis sic Inno-
centius : *Non curant prodesse, sed gloriantur* *lib. de vi-*
litate cond,
humanæ.
præesse. Præsumunt se meliores, quia cernunt se
superiores, cernicem erigunt, fastum ostendunt,
grandia loquuntur. His addamus; præesse
nesciunt, quia subesse non nouerunt. Nam,
teste Tullio, [qui bene imperat, paruerit ali- *Cic. 3. de*
legibus.
quando necesse est; & qui modestè parer,
videtur, qui aliquando imperet, dignus esse.]
Nescit imperare, qui non didicit obtem-
perare.

O Dices; quid si grauiora & aspera à Superiore
præcipiantur? Respondet Bernardus: *In ipsa, Serm. 3. de*
inquiens, obedientiæ via aliqua fortassis dura *Circ. Dom.*
& aspera occurrere possunt, ut accipias interdum
præcepta nonnulla, quæ licet salubria sint, minus
tamen suauia videantur. Hæc si molestè cæperis
sustinere, necesse est ut illucescat dies patientiæ,
per quam omnia dura & aspera, tacita amplectar-
is conscientia, te magis diiudicans, & durius
arguens, cui nimirum displicent quæ ad salutem
sunt. Cogitandum est etiam, quòd si in sæculo
mansisses, alicui fortè obtemperasses, qui
grauiora iussisset, quæ sine merito tibi præ-
standa fuissent. In ordine verò, quia totum
se Religiosus Domino tradidit, non solum
meretur in his operibus, quæ ad Deum diri-
guntur, ut sunt oratio, contemplatio, Sacra-
mentorum vsus, & similia; sed & in infimis,
& naturalibus, quæ ad corpus spectant, ut
manducare, dormire, corpus ægrum sanare,
querere ad victum necessaria; quia hæc per
obedientiam, aut saltem tacito Superioris

beneplacito finit. Omne enim opus ex voto factum maioris est meriti, ut probat Diuus

2. 2. q. 83. Thomas.

art. 6.

D. Bona-
uentura in Vi-
ta S. Fran-
cisci. cap. 6.

Vnde Beatissimus Pater noster Franciscus expertus, quanti obedientia esset meriti, maluit semper subesse, quam præesse: de illo sic scribit Doctor Seraphicus. *Vt pluribus modis presens tempus conflaret ad meritum, non tam præesse voluit, quam subesse, nec tam præcipere, quam parere.* Idcirco Generalis cedens officio Guardianum petiit, cuius voluntati per omnia subiaceret. Tam enim uberem asserebat sancta obedientia fructum, ut eis, qui iugo ipsius colla submitterent, nihil temporis sine lucro transiret. Vnde & fratri, cum quo erat solitus ire, semper obedientiam promittere consueuerat & seruare. Dixit aliquando socius; inter alia, quæ mihi pietas diuina concessit, hanc gratiam contulit, quod ita diligenter nouitio unius horæ obedirem, si mihi Guardianus daretur, sicut antiquissimo & discretissimo fratri. Subditus, inquit, Prelatum suum, non hominem considerare debet, sed illum, pro cuius est amore subiectus. Quanto enim contemptibilior presidet, tanto magis humilitas obedientis placet. Hæc Diuus Bonauentura; ex quibus, quanti sanctissimus ille Pater, & spiritualium rerum scientissimus obedientiam fecerit, compertum est. Obedire didicerat ab eo, qui dixerat: *Descendi de celo non ut faciam voluntatem meam, sed voluntatem eius, qui misit me.* & alibi, *Non veni ministrari, sed ministrare: ad milites à Christo, inquam, qui, ait Bernardus, maluit perdere vitam, quam obedientiam.* Ab eodem

Ioan. 6.

Matth. 10.

ad milites

Templi.

nos li

Liber II. Cap. XII. 443

nos libenti & prompto animo discamus obedire, ut ad illum mereamur peruenire: nullos habeamus propriæ voluntatis loculos; nam, teste eodem Patre, *sunt loculi, non Bernardus. modo pecunia, sed etiam propriæ voluntatis*: qui quidem loculi suos possidentes loco priuarent celesti. Utinam cum eodem vobis dicere possim: *Felices vos, qui vos & vestra Serm. de sine excepiuncula reliqueritis. quadr. deb.*

P. Nullus itaque se vouisse doleat, cum tam magna ex votis obtimeat. Sarius ei sit ad aliquod tempus vinculis religionis ligari, quam ligari manibus & pedibus: mitti in tenebras exteriores. Sine voto, fortè pro voto viueremus, atque ita nosmetipsos perderemus. Gaudeamus, quod multa non possumus, quæ non debemus. Audi Augustinum: *epist. 45. ad Non te vouisse pœniteat, imò gaude iam tibi non Arment. licere, quod cum tuo detrimento licuisset. Aggredere itaque intrepidus, & dicta factis imple: ipse adiunabit, qui vota nostra expetit: fœlix necessitas, quæ ad meliora compellit. Ad religionem nos vocauit, qui extra illam nos perituros agnouit: fœlix ergo illa necessitas, quæ premente cogimur sæculo exire, ubi nobis contigisset perire, & ubi, teste Bernardo, omnis laboris Serm. de remedium, est alterius laboris initium. At verò primordiu in ordine, remedium laborum, consideratio est premiorum. Delectet igitur mentem, ait Gregorius, magnitudo premiorum, sed non deter- hom. 37. in reat certamen laborum. Euang.*

Obiiciet aliquis. Ego multa in sæculo reliqui, quæ mihi non parum afferebant consolationis: nunc autem in ordine tristis sum,

sum, omnisque delectationis expertus. Vbi est ergo illud centuplum, quod promittitur omnia relinquentibus? Vnum tibi respondere possum; Christus promisit centuplum, & cælum & terra transibunt, verba verò eius non transibunt. Tu dicis; non video hoc centuplum, cui ergo credemus? Respondeo: Christus quidem promisit centuplum relinquentibus. Vide modò, an tu reliqueris, vel potiùs commutaueris: est enim omnino relinquere, & est commutare. Si quis, verbi gratià, in sæculo dimisit honores, voluptates, diuitias, & in religione quærat primum locum, præcipuum munus, vanas delectationes, colloquia inutilia, & omnium rerum copiam; pro certo ipse non censebitur reliquisse honores, dignitates, diuitias, & voluptates, sed commutasse, cùm in religione quærat, quod in sæculo quærebat. Non ergo sic relinquit, sed commutauit, ideo centuplum ei non datur: non enim promisit Deus centuplum commutantibus, sed relinquentibus: non dat mercedem his, qui in ordine quærunt, quod in sæculo deseruerunt. Detur aliquis, qui verè dicere possit; *Ecce nos reliquimus omnia*, & reuerà replebitur consolatione diuina, quæ non datur admittentibus, sed dimittentibus carnalem.

Porro, quid curas de consolationibus & delectationibus corporalibus, quæ etiam in sæculo nunquam sunt sine amaritudinibus?
in Psal. 33. Audi Basilium. In corporis voluptatibus plus molestia, quam incunditatis inest. In nuptiis sterilitas, viduitas, Zelotypia. In agricultura infœcunditas.

ditas. In mercatura naufragia. In diuitiis insidia. Ipsa verò delicia, & saturitas, & assiduus voluptatum usus, multos & varios secum trahunt morbos. Valeat igitur omnis mundi & carnis consolatio, qua, ait Bernardus, vilis, & ad Serm. 4. nihilum utilis est. Sed quærendæ sunt in ordine consolationes, quæ sunt sine amaritudine, & sine turpitudine. Fœlix anima, inquit Serm. 5. de Augustinus, quæ huiusmodi delectationibus de- verb. A-lectatur, ubi turpitudine nulla inquinatur, & ve- post. ritatis serenitate purgatur.

Qui in clauistro mundi oblectamenta desiderant, similes sunt Hebræis Ægyptias ollas, pepones, porros, & cæpas suspirantibus. Audiamus Gregorium. *Quid signatur per ollas lib. 20. moral. cap. 16. carniū, nisi carnalia vitæ opera in tribulationum doloribus, quasi ignibus excoquenda? Quid per pepones, nisi terrena dulcedines? Quid per porros, & cæpas exprimitur, quæ plerumque qui comedunt, lacrymas emittunt, nisi difficultas vitæ præsentis, quæ à dilectoribus suis, & non sine luctu agitur, & tamen cum lacrymis amatur? Manna igitur deferentes, cum peponibus, ac carnibus, porros & cæpas quæsierunt, quia videlicet peruersæ mentes dulcia per gratiam quietis dona despiciunt, & pro carnalibus voluptatibus laboriosa huius vitæ itinera etiam lacrymis plena concupiscunt: contemnunt habere ubi spiritualiter gaudeant, desideranter appetunt; ubi & carnaliter gemant. Quid nobis cum gaudiis, quæ nunquam sunt sine dolore & lacrymis? Alia quæramus, quæ nullum dolorem inferunt, cuiusmodi sunt quæ de creatore percipiuntur. Reuera, inquit epist. 114. Bernardus, illud verum & solum est gaudium, quod*

quod non de creatura, sed de creatore percipitur, & quod, cum possederis, nemo tollet à te; cui comparata omnis aliunde incunditas, mœror est; omnis suauitas, dolor est; omne dulce, amarum; omne decorum, fœdum; omne postremò quodcumque aliud delectare possit, molestum. Si quæ pulchra sunt in mundo mireris, & amore eorum ducaris, cogita illicò quantam habeat ille pulchritudinem, quantumque splendorem, pro quo omnia deseruisti, cui nihil quod delectat deesse potest. Vnde idem Pater. *Miraris,*

*Serm. 1.
omn. Sanct.*

inquit, in Sole splendorem, in flore pulchritudinem, in pane saporem, in terra fecunditatem? Sed à Deo hæc vniuersa sunt, nec dubium quin multò amplius reseruauerit sibi, quàm dederit creaturis. Illum ama, illum quære, illi soli seruias, vt omnia quæ delectant possideas. Quid curas hîc lætari, qui optas in cælo beari? Quid hîc quæris, quod antequam plenè acquiratur, dilabitur? Audi Tullium. [O fragilem fortunam, & inanes nostras contentiones! quæ in medio spatio sæpe franguntur, & corruunt, & antè in ipso portu obruuntur, quàm portum inspicere potuerint.]

*Cic. 3. de
orat.*

Alij conqueruntur, quòd intra monasterium morari cogantur, vnde eis exire non licet. Verùm conqueri desinent, si recordentur damnatorum, qui perpetuis, igneisque detinentur carceribus; quod fortè euitare non possent, si in monasterio non remanerent. Quid quærunt corpore per mundum vagari, cum possint mente in cælo conuersari? Nobiles aquilæ hominum tecta fugere, deserta

R

deserta loca petere, & ad sublimia solent conuolare: ignobiles verò passeret, loquaces hirundines inter homines liberè versantur, ac nidos struunt. Sic viri sanctitate præclari hominum, quantum fas est, conspectum fugiunt, per ciuitatem circuire non curant, ac Bernardi consilium libenter sequuntur sic inculcantis. *O sancta anima! sola esto, ut soli Serm. 40. omnium serues teipsam, quem ex omnibus tibi in Cant. elegisti: fuge publicum, fuge & domesticos.*

At durum est nobis tamdiu in cellis commorari. Respondco, non dolere eos, ægrè ferre in cellis ad tempus remanere, qui cupiunt in cælis Deo sine fine gaudere: nam de cella ad cælum est liber transitus, si in cellis agamus quod Angeli in cælis, id est, si in illis oremus, vel Deum laudemus, & aliis bonis operibus incumbamus. Vnde Thomas à Kempis ex Diuo Bernardo: *Est via brevis de exercit. spi- cella ad cælum, si in ea calicam duxeris vitam. rit. cap. 4.*

Vix potest quis foras exire, & per laqueos non transire. *Agnosce, inquit Sapiens, quod in Eccl. 9. medio laqueorum transis.* Qui transit per tot laqueos, vix effugiet omnes. Audite Chrysostomum de his laqueis, & periculis scri- *hom. 15. ad pop.*

bentem. *Processit quispiam in forum, vidit inimicum, exarsit ex solo aspectu: vidit amicum honoratum, inuidit: vidit pauperem, contempsit: diuitem, & inuidit: vidit quempiam infestantem, & indignatus est: vidit speciosam mulierem, & captus est.* Si intus mansisset, hos laqueos euassisset. Palladius monachus, qui priscorum monachorum res oculatus conscripsit, se ipsum commemorat, cum aliquando animo æger

æger esset, & anxius, propterea quòd videretur sibi inertem prorsus, atque inutilem vitam agere in cubiculo, eam ob causam ad Macharium illum Alexandrinum adiisse; illum autem, vt erat Dei spiritu plenus, eius mœrore cognito, ita ei dixisse: *Responde tuis cogitationibus, te propter Christum quatuor tuæ cellæ parietes custodire.* Ita si quis angatur, quòd ei foras exire non permittatur, sibi respondeat, velle propter Deum cellæ, aut conuentus parietes custodire; nec erit huiusmodi custodia sine mercede.

Instant aliqui: durum est etiam nobis in lectulo duro cubare, qui solebamus super mollem & delicatum dormire. Cogitate, precor, Christum dilectum vestrum in cruce versantem in infirmitate sua. Considerate præterea multos esse in sæculo, quorum lectus est nuda humus, vel quia alium non habent, aut alia coguntur necessitate. Sed media nocte, vel summo manè ad matutinas horas recitandas surgendum est. Esto; etiam mercatores, artifices, viatores, agricolæ, & alij eadem ferè surgunt hora, sine vlllo merito: vos verò non ad terram fodiendam, vel ad alia laboriosa opera vocamini; sed ad Deum laudandum, qui vos remunerabit hîc, & in futuro: hîc vos nutriendo; ait enim: *Servi mei comedent;* & in futuro, gloria æterna præmiando. Quot sunt in sæculo mercenarii, qui sua priuantur mercede, & qui post laborem non habent quod manducant? Vos autem non sic. Propterea sustinete, & estote memores illius dicti; *Va qui perdidierunt sustentiam.*

Isai. 65.

Eccl. 3.

Alij

Liber II. Cap. XII. 449

Alij tandem queruntur, quòd in clauſtro graues & crebras patiantur perſecutiones ab iniuſtis & malis fratribus, quos non credebant adſeſſe in tam ſacro ordine & inſtituto, quorum nonnulli tanta paſſione, & imperandi cupiditate ducuntur, vt nihil niſi ordinis dignitates ambiant, quas vt adipiſcantur nullum non mouent lapidem, & bonos odio, & malos, ſi ſuas ſequantur partes, amore proſequendo. Hinc tanta oriuntur iurgia, tantæque vindicationes, vt nulla inter fratres videatur eſſe charitas. Vnum de his conquerentibus inducit Auguſtinus ſic lo- *in Pſal. 99.* quentem. *Quis me hîc quarebat? Ego putabam, quia charitas eſſet hîc. Quales illi? Inuidi, litigatores, neminem ſuſtinentes, ille illud ibi fecit, &c.*

Credo tamen me respondentem illis ſatisfacturum, ſi primò animaduertant, quòd in omni congregatione, & inſtituto boni & mali reperiantur. Nam, teſte Gregorio, *boni hom. 38. in ſoli nuſquam ſunt, niſi in celo; & mali ſoli nuſ-* *Euang.* *quam ſunt, niſi in inferno.* Non eſt autem monaſterium cælum, vt in illo ſoli boni; nec infernus, vt in eo ſoli mali inueniantur: ſed cùm ſit veluti quædam media via, miſceri in illo bonos & malos neceſſe eſt. *Ad quam-* *cumque profeſſionem te conuerteris, inquit Au-* *in Pſal. 36.* *guſtinus, para te pati fîctos, alioquin ſi te non paraueris, inuenies quod non ſperabas, & deficies, aut perturbaberis.* Notandum eſt præterea illud Eccleſiaſtici: *Contra virum iuſtum pec-* *Eccle. 33.* *cator.* Dico itaque: cùm in clauſtro ſint aliqui mali, & malus ſit contra virum iuſtum; quid

F f mirum,

epist. 1.

mirum, si ibi reperiatur persecutio; ubi sunt persecutionis instrumenta, scilicet mali fratres? Vnde optimè Hieronymus: *Erras frater, si putas unquam Christianum persecutionem non pati. Quasi dicat: cum in Christianismo sint plurimi mali, ibi esse persecutionem necesse est; ita, cum sint in claustro mali fratres, ibi sine dubio aderit persecutio; inueniuntur iurgia & litigationes, quia ibi sunt etiam boni fratres, piè viuere volentes: sed*

2. Tim. 3.

ferè vbique omnes, qui piè volunt viuere in Christo, persecutionem patientur.

Genes. 4.

In eadem familia Caim persequutus est fratrem suum Abel. Propter quid? quærit Apostolus, *quoniam opera eius maligna erant, fratris autem eius iusta.* Esau quoque persequutus est fratrem suum Iacob: & filij Iacob persequuti sunt fratrem suum Ioseph. Qui itaque voluerit esse vt Abel, aut Iacob, vel Ioseph, patienter ferat eos, qui etiam in claustro se gerunt vt Caim, vel vt Esau. *Nam,*

Iud. 1.

ait Gregorins, Abel renuit esse, quem Caim malitia non exercet. Vbique mali oderunt bonos, si malus sis, bonos persequeris; si bonus, persecutionem patieris; satius tibi sit persecutionem ferre, quàm inferre: nec respuas persecutionem, quæ tibi præbet merendi occasionem. Si nulla esset in claustro persecutio, reuera ab eo excluderetur illa beatitudo; Beati qui persecutionem patiuntur. Non desunt aliæ beatitudines, cur illam vis excludi, sine qua à cælesti beatitudine excluderis? Beati igitur nos, si Apostolicam vitam profitentes dicere possimus cum Apo-

Matth. 5.

stolo;

Liber II. Cap. XIII. 451

stolo; *Persecutionem patimur, & sustinemus.* 1. Cor. 4.

Videat lector, quid de persecutione patienter ferenda supra diximus cap. I. huius libri. Cæterum, si qui sint alij labores in claustro, facile feremus, si meritum quod ex eis acquiritur, cogitemus. Non est igitur quod alias difficultates obtendamus, cum illas, si patientes fuerimus, nullo negotio vincamus.

Ad Moniales inclusas.

CAPVT XIII.

A



SUPERVACANEVS forſitan vobis erit; Sanctimoniales; Clypeus noſter, cum ſitis velata, muris vallata, ſolemniſibus votis, ac multis ſpiritualibus armis munita: verumtamen illum vobis offerre non verebor, cum certum ſit communem humani generis hoſtem etiam in abditiffima, ac munitiffima loca ſuarum tentationum iacula continuo immittere; ut quarum non potuit in Monasterium prohibere ingreſſum, eis ſaltem per impatientiam ſuadeat optare regreſſum; & eas ſtudeat à bono propoſito detertere, quas in paternis laribus non potuit detinere.

In primis igitur non vos poeniteat; quod intra monasterium nunquam exiturae includamini: commune enim omnibus mulieribus ſemper fuit non vagari, ſed intra domum morari. Vnde Ariſtoteles aſſerit ſuo

5. Politic.

Ff 2

tempore

Plutarch.
in praecep.
607.

tempore in urbibus creatum fuisse Praefectum, qui mulieribus intenderet, ne vagarentur, sed domi se continerent. Et apud Sinas etiam hodie, teste Magalliano, nervus pedis eliditur puellis, ne domo exeant. Narra-
rat Plutarchus, quod olim nupta ad domum viri curru tantum vehebatur, ac statim huiusmodi currus comburebatur; quo significabatur, iam non ultra opus sibi esse curru, cum perpetuo domi consistere deberet. Veteres, teste eodem Plutarcho, mulieris imaginem, & symbolum dixerunt esse testudinem. Sicut enim testudo semper clausa intra domunculam suam remanet, eamque semper defert, unde domi porta vocitatur: ita foemina, & praecipue virgo, semper domi debet manere inclusa, ac tam aegre ferre extra illam exire, forisque incedere, quam si totam domus molem super humeros latura esset.

Jud. 8.

Laudatur Iudith, quod *secretum cubiculum fecerit in superioribus domus suae, in quo clausa cum puellis suis morabatur, & obsecrabat, habens super lumbos suos cilicium, ieiunabat omnibus diebus vitae suae, praeter Sabbata.* Non sat illi fuit domi tantum se continere, & commorari, sed ut strictius clauderetur, construxit adhuc cubiculum, quod se recepit, ibique corpus suum maceravit: & haec tanto magis extitit Deo grata, quanto minus hominibus nota; ac tanto maiores meruit laudes, quanto strictiores elegit aedes: nolebat videri in publico, quae se affligebat in secreto. Cum nulla tunc essent monasteria, ex propria domo confecit

confecit cœnobium. Tandem hac viuendi formula Holofernem, ac totum Assyriorum prostrauit exercitum. Non minori merito eritis apud Deum, nec minori laude apud homines, nec etiam minorem de dæmone, & vitiis reportabitis victoriam, quæ sponte hanc clausuram, vitamque monasticam ele-
gistis.

B Iuxta communem illam domi manendî consuetudinem, optabat Apostolus, vt mulieres essent *domus curam habentes*: vel, vt vertit Vatablus, *custodes domus*. Nolebat eas foras prodire, ne possent perire. Quam diligimus auiculam, cauea includimus; nec vagari sinimus; de cuius periculo metuemus: si quærat exire, quærit perire: fugit à caueæ retibus ad venatorum retia: sæpe occiditur vaga, quæ pascebatur inclusa; quia omnes illam quærunt in agro occidere, quam in cauea optassent reficere. Nisi Deus vos diligeret, non eligeret; qui igitur vos elegit, vos inclusit. Si enim, teste Seneca, [magni ar- *epist. 4.* tificis est clausisse totum in exiguo:] certè magni & altissimi Domini fuit clausisse vos totas in exiguo loco. Qui vobis infinita cælorum spatia præparauit, vos ad arcta monasterij septa conuocauit. Illi ergo gratias agite, quòd ibi sitis inclusæ, vbi nec vitia, nec causæ vitiatorum sciuntur; cum, teste Ambrosio, *causa peccandi etiam iustos sæpe deceperit.* lib. 1. de Non parum est à peccandi occasione exiisse. *virginis.* Securius viuatur in monasterio, quàm in sæculo. Secundùm Dioscoridem, flores cap- *Dioscorid.* paris (*les fleurs des capres*) si clausi colligan-
Ff 3 tur,

tur, proficui & medicinales sunt: si dilatati & foras emissi, nihil valent. Sic & virgines, & Moniales inclusæ sibi & aliis plurimum profunt.

ibidem. Gaudeat vnaquæque vestrum quod Alma sit, cum inclusa sit: Alma enim virginem inclusam significat; hoc nomine est insignita etiam Redemptoris mater, quia verè Alma, id est, virgo inclusa fuit, quæ virorum aspectibus non patebat, sic fuit inuenta, quando ab Angelo salutata. Vobis igitur clausura non displiceat, quæ tantæ Virgini, ac multis aliis sanctissimis virginibus & mulieribus placuit. Non est mundus vobis dignus, aut si dignus, illas non potuit tenere quas meruit habere. Audite eundem Ambrosium. *De hoc mundo estis, & non estis in hoc mundo; sæculum vos habere meruit, tenere non potuit.* Ille ab æterno vos elegit, qui in tempore vos vocavit, & ob hanc vocationem nullus erat terrenus sponsus vobis dignus; ideo ille vos ab omni mortali sponso segregavit, qui sibi vos in sponsas assumpsit.

ibidem. Est itaque vestrum monasterium veluti hortus conclusus, in quo semper ambulat cælestis ille sponsus, ibique facilius inuenitur. *Ibi*, ait idem Doctor, *eum inuenit Susanna mori prius, quàm violari parata.* Ibi & vos illum inuenietis, si secundum illius voluntatem ambuletis. Quid vnicuique vestrum dicat Tertullianus, attendite. *Nupsisti Christo; illi tradidisti carnem tuam; illi sponsasti maturitatem tuam; incede secundum sponsi tui voluntatem.* Quænam autem sit eius voluntas, *indicat*

*lib. de ve-
land. virg.
cap. 16.*

indicat ille Doctor. *Christus est*, inquit, *qui*
& alienas sponſas, & maritatas velari iubet,
utique multo magis ſuas.

Igitur, qui voluit vos muro vallari, optat
 etiam facies veſtras velari. Non vos pigeat
 in monaſterio cum merito cæleſtis ſponſi
 implere voluntatem; cùm in ſæculo cogatur
 maritata ſine merito terreni ſponſi ſequi vo-
 luntatem. Veſtram velate faciem, & ſponſo
 veſtro ſeruate, qui ſuam vobis ſeruat; cui
 enim dicimus: *Oſtende faciem tuam, & ſalvi* *Psal. 79.*
erimus; ille ſine dubio ait vobis: abſcondite
 faciem veſtram, & ſalvæ eritis. Quæ poteſt
 videri, poteſt concupiſci: & quæ etiam videre
 poteſt, concupiſcere poteſt. Sola autem concu-
 piſcentia ſufficit ad perditionem. Quid
 prodeſt reſpicere, quod non prodeſt concu-
 piſcere? Non ſit vobis curæ ab illis videri,
 cum quibus periculum eſt verſari, & quorum
 non prodeſt, ſed obest viſus. Vnde merito
 idem Tertullianus ſic Monialem hortatur.
Murum ſexui tuo ſtrue, qui nec tuos emittat ibidem,
oculos, nec admittat alienos. Quid alios videre, aut
ab aliis videri deſiderat, quæ ad Dominum vi-
dendum ſe preparat? Certum eſt, quòd, vt
 verbis Hieronymi vtar, impudici oculi non
 norunt animæ pulchritudinem conſiderare,
 ſed corporum. Non debetis igitur vos illis
 exhibere videndas.

D Gaudete, quòd ſtetis poſt parietes, ac
 tantùm per crates, tamquam per cancellos
 reſpiciatis, quia in hoc ſponſum veſtrum
 imitamini, de quo ſic vna ex ſuis ſponſis:
En dilectus meus ſtat poſt parietem noſtrum, *Cant. 2.*
 Ff 4 reſpi

respiciens per cancellos ; vel secundum aliam versionem , prospiciens per retia. Videor pariter mihi audire Christum de vnaquaque vestrum sic ad Angelos colloquentem : en dilecta mea stat , orat , flet , ieiunat , obedit , laborat , vigilat , psallit , ac multa bona præstat opera intra parietes nostros , & septa monasterij , prospiciens per cancellos , per crates : non planè videt , nec planè cernitur. Sicut sponsa sic suum libenter videbat sponsum : ita sponsus vester maximè sibi complacet in vobis ita inclusis & velatis , ac ita per crates videntibus , & colloquentibus.

Simile.

Solent venatores accipitribus , quos ad venandum alunt , oculos tegere , ne alias parui pretij aues conspiciant , & ad illas se projiciant ; atque ita illis inescati cæteras aues maioris pretij insequi , & aucupari designant. Sic , ô Moniales , necesse est velemini , facièsque vestræ contegantur , ne fortè visis his rebus caducis , & quæ nullius sunt valoris , illas concupiscere incipiat , & cælestes diuitias diligere & insequi desinatis. Quapropter dicite sæpe sponso vestro : *Averte oculos meos , ne videam vanitatem.* Reuerta hæc omnia vana non sunt digna oculis vestris , & dum vobis sese offerunt , vel oculos debetis occludere , vel ad velamen confugere , ad imitationem illius , de qua sic Tertullianus. *Confugit , inquit , ad velamen capitis quasi ad galeam , quasi ad clypeum , qui bonum suum protegat aduersus ictus temptationum.* Consuetum est imagines depictas velo contegi , quo possint colores protegi. Conseruantur virtutes animæ.

si conte

Psal. 118.

lib. de valand. virg. cap. 15.

dolore quatiuntur, sed integritatem corporis virginalem seruantes, subito maximum filiorum examen emittunt. Sicut apes licet sint sine carnali copula, non tamen sunt sine sobole: ita & vos integritatem seruantes haberis filias, & nouellas plantationes, quæ Deo vocante, de mundo eruuntur, vobis iunguntur, vt vobis tamquam matribus filiæ succedant.

Matth. 22. Fœlices vos, quæ iam præmia tenetis resurrectionis, in qua homines non nubent, neque nubentur. Quod nobis promittitur, vobis præstò est. In hoc non tantum apibus, sed & Angelis, cæterisque cælicolis similes estis: sicut enim illi in cælo non nubunt, ita nec vos in monasterio. Nolite igitur nuptis inuidere, quarum nulla est, quæ non vos beatas prædicet. Dicite vt enarrent bona sua, & consolationes suas, & videbitis illas commiseratione potius, quàm æmulatione dignas. Quoties absque voto paupertatis fiunt pauperes? Quoties erubescunt præ inopia? Quoties ieiunant & abstinent se à cibis, non quia iubentur, sed quia non habent? Vilibus induuntur, quia pretiosis carent: sine voto obedientiæ, sæpe etiam obedire coguntur viris interdum morosis, atque rixosis, qui illas iniuriis, ac plerumque verberibus afficiunt, quique illas nolunt exire domo, atque ita clausuram, quam nunquam promiserunt, seruare coguntur, & hoc sine fructu, sine merito.

1. Cor. 7.

Quænam præterea sint illarum cogitationes, innuit Apóstolus. *Quæ nupta est*, inquit, *cogitat quæ sunt mundi, quomodo placeat viro.*
O pessi

O pessimam cogitationem , cogitare quæ sunt mundi perituri , & non cogitare quæ sunt cæli ! Cogitare quomodo placeat viro , & non quomodo placeat Deo ! Vix potest vxor viro placere , quia quod ei hodie placet , cras displicet ; & tamen cogitur misera quotidie cogitare , quæ vix poterit præstare . Quanta non pendent ab eius arbitrio , quibus si careat , viro non placebit ? si enim pulchra , & fœcunda non sit , non placet : si verò fœcunda , & non filium , sed filiam pariat , displicet . O miseranda conditio , etiam in his quæ non sunt in eius potestate , posse displicere ! A vobis autem procul sunt huiusmodi cogitationes , & anxietates . Nam *mulier innupta* , *ibidem.*
& virgo cogitat quæ Domini sunt. Quia tantum Domini estis , cogitate tantum quæ Domini sunt ; & secundum Hieronymum , *fit conuersio ad Eustech.*
illius ad maritum , quæ virum non habet Christum. Vos verò quæ Christum habetis sponsum , ad illum dumtaxat sit conuersio vestra , de illo sit cogitatio vestra .

Tantæ sunt nuptarum molestiæ , tantisque vinciuntur sollicitudinibus , vt vix sit eis locus cogitandi de Deo . Hoc disertè adnotauit idem Hieronymus aduersus Heluidium . *Hieren. ad-*
Inde , inquit , infantes garriunt , familiâ uersus Hel-
perstrepit ; liberi ab osculis , & ab ore dependent , uid.
computantur sumptus , impendia preparantur. Hinc cocorum accincta manus carnes terit , hinc textricum turba commurmurat ; nunciatur interim vir venisse cum sociis ; illa ad hirundinis modum lustrat vniuersa penetralia ; si thorus rigeat ; si pauimenta verrerint ; si ornata sint pocula ; si prandium

dium preparatum. Responde quaso inter ista ubi sit Dei cogitatio? Hæc autem sunt nuptæ peragenda, ut dumtaxat viro placeat, cui statim displicet, si vel in vno ipsa deficiat. O vos tæque quaterque beatæ, si his omnibus liberæ Domino Deo sponso vestro solum placere curetis.

Propterea cauete à deuotis, quos vocant, qui ut plurimum non deuoti, sed de votis sunt retrahentes; aut animo saltem occasionem præbent vota transgrediendi. Non sit vobis curæ ab illis diligi, propter quos periculum est à Christo negligi: nolite illos vocare vestros, quos possidere, & à quibus possideri non potestis, nec debetis. Sit Christus pater, & frater vester; sit, inquam, vobis Deus omnia. Memores estote cuius sponsæ sitis. Cur vultis fieri alterius, quæ Christi estis? Quid prodesset carne non nubere, & spiritu nubere? *Virginis diffinitio est, ait Hieronymus, sanctam esse corpore & spiritu, cum nihil prosit carnem habere virginem, si mente quis nupserit.* Cauete ne cuiusdam consortio vestra minuatur conditio, & de sponsis Christi, captiuæ efficiamini hominis, & tandem dæmonis. Credite mihi, si quos habeatis, illos deseratis, ne Christus vos deserat, pro quo omnia deseruistis; non enim potestis duobus seruire. Nefas esset sponsas Dei præstare, quæ non audent sponsæ hominum. Non bene Deum amatis, si cum illo aliquem ametis. Zelotypus est sponsus vester, qui non vult, ut quocumque prætextu, vel titulo alij admittantur amatores.

Audite

Liber II. Cap. XIII. 461

Audite Ambrosium. *Quid dicis, deuota Deo? ad virg. Quid desideras, vel quid queris? Si Deum queris, deuotam tecum est; si autem hominem queris, hoc non deuotisti.*

G Fortè dicet aliqua: ope alicuius indigeo, vt mihi subueniat, & ab illo accipiam, quod à monasterio non datur, & quod mihi necessarium est; ideo cogor aliquem amore prosequi, vt valeam aliquid consequi. Audite precor eundem Hieronymum hanc proponentem difficultatem, illamque Scripturæ testimoniis soluentem: sic enim ad quamdam virginem scribit. *At dicis: puella sum delicata, & qua manibus meis laborare non possum. Si ad senectam venero: si agrotare cæpero, quis mei miserebitur? Audi Apostolis loquentem Iesum; ne cogitatis in corde vestro, quid manducetis: neque corpori vestro, quid induamini. Respicite volatilia cali, quoniam non ferunt, neque metunt, neque congregant in horrea, & Pater vester celestis pascit illa. Si vestis defuerit, lilia proponantur. Si esurieris, audias, beatos pauperes & esurientes. Si aliquis te afflixerit dolor, legito: Propter hoc complaceo mihi in infirmitatibus meis. Latere in omnibus iudiciis Dei. Et reuera sponso vestro sit iniuria, si ab alio accipiat, quod ipse vobis denegat: si enim vobis expediret, concederet; interdum in præsentem modicum denegatur, quia in futuro maiora reseruantur. Qui habet curam auium per aërem volitantium, habebit & Monialium intra monasterium commorantium. Inclusorum præcipuè solet Deus curam gerere. Recordatus est Iosephi fouea inclusi. Paviit Daniele in lacu*

ad Eustoch. de virgin. seruand.

lacu leonum. Misit Angelum suum ad Petrum in carcerem coniectum. Dat etiam escam pullis coruorum adhuc in nidulo existentibus; & sponsas suas propter ipsum inclusas deseret? Qui promittit se futurum in medio duorum, aut trium in nomine suo congregatorum, numquid deerit triginta, aut quadraginta ei famulantibus, ac propter ipsum congregatis? Scit sponsus vester quibus indigeatis: ab alio igitur nihil accipiat.

Præterea, non sit vobis iniucunda capillorum vestrorum resectio. Notum est consueuisse antiquos diis suis consecrare caesariem. De Ægyptiis tradit Diodorus vota solitos esse concipere morbo affectos, ut, si ex morbo conualescerent, defectum crinem alicui Deo consecrarent. Eandem ob causam ab Hebræis detonsam ex voto, & oblatam comam scribit Iosephus. Athenienses, ut testis est Plutarchus, suæ comæ primitias Apollini Delphico consecrare consueuerant. Refert Suetonius Neronem in aurea pyxide capillos suos Ioui Capitolino consecrasse. Quod illi falsis diis consecrarunt, vos Deo viuo & vero obtulisse non pœniteat. Sit tonsum capillitium vestræ seruitutis indicium. Antiquitus seruire fuisse radi scribit Alexander: vnde Aristophanes ad quemdam; *Seruus cum sis, comam geris?* Quod prouerbialiter dicebatur de eo, qui præter decorum quidpiam faceret. Vobis etiam, si comam geratis, merito dicetur: *Ancilla Dei cum sis, comam geritis?* Indecorum sanè esset ancillas & sponsas Christi comatas incedere, cum cinuperint,

lib. 2. cap. 4.

lib. 2. de
bello Iud.
cap. 15.
in vita
Thesæi.

lib. 5. cap.
15.

Aristo-
phan. in
Anibus.
& Suidas.

Liber II. Cap. XIII. 46;

nupserint, quem Iob *tonso capite corruens in* Iob. 1.
terram adorauit; & qui aliquando Ieremiæ
dixit: *Tande capillum tuum, & proiice.* Ierem. 7.

H In Ægypto & Syria crines refecare solitas virgines Deo sacras, docet Hieronymus. Tabennesiotas quoque sanctissimas virgines, quas Sanctus Pachomius ab Angelo monitus instituit, idem factitasse, author est Palladius. Pallad. in Lausiac.
Diuus Basilii præscribit, vt in ipsa initione conuersionis monasticæ capita radant. Multis nocuerunt crines. Quid profuit Absaloni 2. Reg. 14. & 18.
diffusos & flauescentes gestasse capillos, quibus tandem suspensus miserè periit? Cogebatur semel in anno illos refecare, quia, ait Scriptura, *grauabat eum casaries*. Erant oneri capilli ei viuenti; sed moriens factus est ipse oneri capillis. Nolite itaque grauari, si à vobis abscindatur, quod vos plurimum grauasset. Non vult Christus vos huiusmodi affici grauamine, quas ideo optat tegi velamine. Nec perire putetis, quod vobis abscindi videtis. Audite sponsum vestrum; *Capillus de capite vestro non peribit*. Nouit ille Luc. 21.
remunerare, qui capillos dignatur numerare: ait quoque; *Capilli capitis vestri omnes numerati sunt*. Matth. 10.
Si quos ex illis alicui amatori daretis, ab eo, qui eos numerauit, meritò audiretis: vbi sunt, quos numeravi, capilli? An ideo detondentur, vt impudico homini tradantur? Quos alteri dedistis, mihi rapuistis. Si, teste Publio, [capillus etiam habeat suam vmbram;] habebunt pariter capilli vestri amore Christi defecti, suum meritum, licet incisi nullum sentiant dolorem. Publ. Anim.
Vnde

hom. 35. in
Euang.

Vnde sic infert Gregorius. *Cur timetis, ne pereant, quod incisum dolet, quando & illud in vobis perire non potest, quod incisum non dolet?* Si itaque non pereant, sed numerentur, & remunerentur vestri capilli capitis propter Deum detonsi; quantò magis manus vestræ bona opera exercentes, lingua vestra diuinis laudibus occupata, ora vestra ieiunio pal- lentia, pedes vestri ad chorum pergentes, cor vestrum diuino tantùm ardens amore, vestra anima soli suo sponso intenta, vestræ denique cogitationes ad Deum tendentes? Hinc Beda: *Capillus, inquit, non peribit, quia & tenuissima Sanctorum cogitatio digna mercede donabitur.*

Beda.

Seneca.

in Heant.

Consultò etiam vobis capillatura refe- catur, ne in illa aptanda tempus conteratur, quod & ipsos Ethnicos odio habuisse legimus: sic enim de quibusdam conqueritur Seneca. [Sollicitiores sunt de capitis sui decore, quàm de salute, qui inter speculum, & pectinem occupati sunt, quive concin- niores esse malunt, quàm honestiores.] Te- rentius quoque sic in quasdam mulieres inuehitur:

Dum moliantur, dum comuntur, annus est.

Demosthenem dicunt ad eò fuisse suis studiis deditum, vt nulli alteri rei penitus vacare vellet; ideo comam nouacula sibi radi iu- bebat, tum ne, illam aptando, tum etiam cum amicis (quibus absque capillatura non pla- cebat) colloquendo, tempus contereret. Quod ipse præstitit, vt plus temporis infu- meret in literarum studio: illud idem vobis faciendum

faciendum est, ut plus impendatis temporis in Dei obsequio, & ut illorum consortium, atque intuitum euitetis, quibus fortè nisi calamistratæ non placetis.

I Gerant, si velint, huius sæculi filiæ crines pigmentarij conspersos puluere, atque in capillitio adornando tempus terant, de illis pro certo reddituræ sunt rationem. Vos verò hac crinium tonsione ostendite omnia terrena spreuisse, ac Christo Domino nupsisse, cui non placent cincinnatæ. De Beata Clara sic canit Ecclesia: *Cuncta pro Christi nomine contemnens crine tonso, coram altari Domino nubit eterno sponso.* Sicut non curabat de capillis abrasis; ita nec de temporali substantia, quam in sæculo reliquerat. Nam, secundum Augustinum, *capilli superflua rerum temporalium significant: quia enim sine sensu præscinduntur, illi qui Deo adherent, habent ista terrena tamquam capillos.*

Nec vos angat illa, quam promissitis obedientia. Nostis enim, quid sexui vestro dictum sit; *Sub viri potestate eris, & ipse dominabitur tui.* Hanc subiectionem non possunt remanentes in sæculo effingere, nisi vitam cælibem, ac statui vestro similem ducant. Nolite attendere quis, vel quæ iubeat, aut quid iubeatur; sed quia iubetur. Adimplere in monasterio cum merito, quod in mundo sine merito perficere cogeremini. Sponte, inquam, exequamini quod coactè præstaretis: vestrum considerate sponsum, qui *de calo descendit, non ut faceret voluntatem suam, sed Patris.* Et non tantum Patri, sed &

Gg homi

Luc. 2.

hominibus obtemperavit, de illo sic scriptum est; & erat subditus illis. Et qui factus est obediens usque ad mortem; ita ut mori maluerit, quam non obedire. Dicat ergo unaquæque vestrum; imitabor ego sponsum

Philip. 2.

meum: factus est ille propter me obediens usque ad mortem, mortem autem crucis, ero & ego propter ipsum obediens usque ad mortem, mortem autem propriæ voluntaris.

Isai. 62.

Tunc de ea verificabitur illud: *Non vocaberis ultra derelicta, & terra tua non vocabitur amplius desolata; sed vocaberis, voluntas mea in ea.* Verè enim esset derelicta & desolata anima vestra, si Dei, & Superiorum à vobis non adimpleretur voluntas. Excellant titulis aliæ mulieres; gaudeant quibuscumque voluerint nominibus: religiosæ tamen animæ multò verior est gaudendi materia in hoc nomine, quod ei Dominus imposuit, in quo tantquam compendio bona omnia continentur; *voluntas mea in ea.*

epist. ad
Eustoch.

Tandem, quotiescumque vos vana sæculi delectauerit ambitio: quoties in mundo aliquid videritis gloriosum: vel si aliquæ insurgant tentationes carnis, dæmonis, vel mundi: aut si ob clausuram, abstinenciam, cæterosque religionis labores, motus impatientiæ vos premant, illicò ad cælestem illam, quæ vobis parata est, mercedem mentis aciem coniicite, & quod futuræ estis, esse incipite. Hoc Divus Hieronymus consulebat cuidam virgini, ad quam sic scripsit. *Egredere, quaeso, paulisper de carcere, & presentis laboris ante oculos tuos tibi pingere mercedem, quam nec*
oculus

Liber II. Cap. XIV. 467

oculus vidit, nec auris audivit, nec in cor hominis ascendit. Qualis erit illa dies, cum tibi Maria mater Domini choris occurret comitata virginis? Tunc Thecla in tuos lata volabit amplexus. Tunc & ipse sponsus occurret, & dicet: Surge, veni proxima mea, sponsa mea, columba mea; quia ecce hyems transiit, imber abiit. Tunc Angeli mirabuntur: videbunt te filia, & laudabunt Regine. Hinc & alius castitatis chorus occurret: Sara cum nuptis veniet: Anna filia Phanael cum viduis. Quod huic virgini euenturum promisit iste Doctor, vobis etiam propter Deum inclusis eueniet, si de promissis non doleatis, sed ea patienti & alacri animo adimpleatis. Gaudete igitur, quoniam merces vestra copiosa est in cælis.

Ad quoscunque pauperes.

CAPVT XIV.

A XISTIMABAM fore superuacaneum illos consolari, quos Dominus beatos prædicauit: *Matth. 8.* miseri enim, non beati consolatione indigent. Verum, quia iuxta consilium Magni illius Gregorij, *offe- in Past. renda est eis consolatio, quos caminus paupertatis excoquit*; necesse est temporalibus bonis destitutum audiamus, & consolationem afferamus: ait enim. *Pauper sum ego, & in laboribus à iuuentute mea. Tum dico.*

Pauper es? Ergo diues es. Paradoxum;

G g 2 esto:

esto tamen sic probo. Ille diues est, qui habet unde emat cælum, vbi veræ sunt diuitiæ, verique thesauri: at pauper est huiusmodi; ergo diues est. Probatur assumptum autoritate

Augustin.
de vrb.
Domini.

Diui Augustini dicentis. *Non displiceat tibi paupertas tua, nihil potest ea diuius inueniri. Vis noscere quàm locuples sit? cælum emit.* Vnde Anna

1. Reg. 2.

in suo cantico: *Dominus pauperem facit, & ditat.* Dicit, inquam, pauperem, cum ei det quo omnes ditantur, & sine quo omnes indigent: nam extra cælum est omnis egestas. Porro esurientes replet bonis, & diuites

Luc. 1.

dimittuntur inanes. Audi Apostolum hæc omnia confirmantem; *Nōne Deus, inquit, elegit pauperes in hoc mundo, diuites in fide, & coheredes regni, quod repromisit Deus diligentibus se?* Porro, nōne illi & diuites sunt, quibus cælestia regna sunt? Ad pauperes sic Christus: *Vestrum est regnum Dei.* Ergo, pauper, non pauper, sed diues est.

Luc. 6.

Pauper es? Ergo tui Deus curam habebit,

Psal. 9.

ei enim dicitur: *Tibi derelictus est pauper.*

Psal. 10.

In te Deus oculos coniciet: *Oculi eius in*

Psal. 20.

pauperem respiciunt. Exaudieris: *Pauper clamauit, & Dominus exaudivit eum.* Grata erit

Psal. 21.

Deo deprecatio tua: *Neque despectit deprecationem pauperis.* Veniam consequeris: *Parcet pauperi, & incipi.* Saluabitur anima tua:

Psal. 71.

Animas pauperum saluas faciet. Dulcedine

Psal. 67.

repleberis: *Parasti in dulcedine tua pauperem Deum.* Non patieris violentiam. Si quis au-

Prou. 20.

tem violenter se gerat in te, punietur: *Non facias violentiam pauperi, nec conteras egenum in porta, quia Dominus iudicabit causam eius, & configet*

configet eos, qui afflixerunt animam eius. Tibi subuenietur, & qui tibi non subuenerit, non exaudietur: *Qui obturat aurem suam ne audiat clamorem pauperis, ipse clamabit, & non exaudietur.* Beatus ergo est, & non miser, cuius Deus curam gerit; quem respicit, exaudit, cui parcit, cuius saluat animam, quem dulcedine replet, quem protegit, cui subuenit. Pauper ergo gaude.

B *Pauper es?* Manum ductricem inuenisti, ac tranquillum portum appulisti, sic enim de paupertate scribit Chrysostomus. *Paupertas est manus ductrix in viam, quæ ducit ad celum, & portus tranquillus.* Sicut in portu securus quis existit, ita in paupertate securè viuitur. Vnde Plutarchus: [*Paupertas, ait, securitate solùm à diuitiis differre videtur.*] Ideo à Beato Climaco vocatur omnium curarum depositio, securitas vitæ, viator omnibus impedimentis liber. Pauper nullum timet latronem, nullis fortunæ calibus subilicitur. De Beato Hilarione sic Hieronymus; *Cum, inquit, habitaret in tuguriolo, latrones ad eum venerunt, reperto puero, quasi per iocum; quid, inquiunt, faceres, si latrones ad te venirent? Quibus ille respondit: nudus latrones non timet.* Nam
cantat vacuus coram latrone viator. *Iuuenal.*

Ideo vnus ex antiquis pauperem iudicabat fortunatum, quòd deteriozem statum non expectaret: *Homine paupere, inquit, nihil est fortunatius; mutationem enim in deteriozem statum non expectat.* Ducto Rege Ioachim in Babylonem, translati sunt etiam omnes Principes & magnates; *nihilque relictum est, ait*

Scriptura, *exceptis pauperibus*. Hoc priuilegio soli pauperes gaudent, vt scilicet non ducantur captiui. Qui illaqueantur, captiuantur: sed, teste Apostolo, *qui volunt diuites fieri, incidunt in laqueos diaboli*. Ergo qui ditantur, captiuantur. Non dicit: qui fiunt, sed, qui volunt fieri diuites, incidunt in laqueos. Si illaqueat affectus, quid faciet effectus? Si igitur optas ditari, quæris illaqueari & captiuari, imò & agitari, atque vexari. Arbores fructibus onustæ ab omnibus impetuntur; carentes verò fructibus deferuntur. Sic diuiti omnes inuident, omnes ab illo postulant & sperant: à paupere autem nihil quæritur, ideo in pace relinquitur. Vnde Seneca: [In itinere obfesso pauperi pax est.]

Seneca.

Pauper es? Ergo Christo similis, qui, teste C
2. Cor. 8. Apostolo, *propter vos egenus factus est, cum esset diues, vt illius inopia vos diuites essetis*. Nam in

Augustin.

Augustinus. *Quid factura sunt diuitia eius, cuius paupertas nos diuites fecit?* Tunc autem Christi inopia efficimur diuites, quando eius exemplo patienter ferimus illam, quam nobis immisit paupertatem, quia tandem per eam cælestes sumus possessuri diuitias. O diuissima paupertas, qua æternæ acquiruntur opes! Illam Christus elegit, vt illam æstimaret

Liber II. Cap. XIV. 471

inaret homo. Audi Bernardum. *Paupertas non* Serm. 1. de
inueniebatur in calis. Porro in terris abundabat vigil. Nat.
hac species, & nesciebat homo pretium eius. Hanc
itaque Dominus Dei Filius concupiscens, descen-
dit ut eam eligat sibi, & nobis quoque sua esti-
matione faciat pretiosam. Refert Laërtius Ari- lib. 2. cap:
 stippum Dionysio interroganti, cur in Sici- 8.
 liam aduentarat, respondisse: ut quod habeo
 impertiam, & quod non habeo accipiam.
 Si interrogetur Dei Filius, cur in terram
 descenderit, aptè respondebit; ut quod ha-
 beo, nempe cælestes diuitias, hominibus
 impertiam; & quod non habeo, scilicet pau-
 pertatem, & id genus alia, accipiam. *Christus, in Psal. 40.*
inquit Augustinus; dives est apud Patrem, &
pauper apud nos: dives in calo, pauper in terra:
dives Deus, pauper homo.

Noli igitur respuere, quod te Christo facit
 similem, & quod ipse elegit, ut tibi assimi-
 laretur: esto inopia ei similis, qui inopia
 factus est tibi similis. Laudabantur olim
 Æthiopes, quod ita Regi suo assimilari
 optarent, ut si Rex, verbi gratiâ, claudicaret,
 claudi quoque omnes incederent: si esset
 monocus, omnes sibi alterum eruerent
 oculum; ut hoc pacto Regi suo similes effi-
 cerentur, non in maiestate, sed in infir-
 mitate. Pudeat nos velle fieri diuites, existen-
 te Christo Rege nostro paupere; ac coactè &
 molestè ferre, quod multi, ut ei assimilaren-
 tur, sponte elegerunt. Quid tibi ipse Seneca epist. 7.
 consulat, audi. [Si vis, *inquit*, vacare animo,
 aut pauper esto, aut pauperi similis.] Dico
 ego: ut assimileris Christo, pauper esto.

Matth. 5. *Pauper es? Ergo beatus es. Audi dicen-* D
tem; Beati pauperes. Primò, quoniam ipsorum
est regnum calorum. Pondera verbum, est. Non
ait de futuro, sicut in aliis beatitudinibus
promissiones per verba de futuro exhiben-
Serm. 4. de *tur. Hoc aduertit Bernardus. Magna penna,*
Aduent. *inquiens, est paupertas, qua tam cuto velatur in*
regnum calorum. Nam in aliis virtutibus, qua
sequuntur, promissio futuro tempore indicatur;
paupertati verò non tam promittitur, quàm datur:
unde & presenti tempore enunciatur est, quoniam
ipsorum est regnum calorum; cùm in ceteris di-
catur; hereditabunt, consolabuntur, possidebunt,
vocabuntur, & similia. Vnde, quamuis promif-
sioni de futuro in his beatitudinibus infalli-
bilitatem concedamus; paupertati tamen
per verbum de præsenti beatitudinem pro-
mittit Dominus, vt altiori quodam modo
eius certitudinem demonstraret. Nota etiam
Christum non dixisse; quia ipsi sunt de regno
calorum, veluti dicimus talem hominem esse
de Regno Galliæ, vel Hispaniæ; sed, ipsorum
est regnum calorum. At dices; quid inter hæc
duo interest? Multùm per omnem modum,
vt semel dicam; quod inter Regem & subdi-
tos eius: de subditis quippe asserimus, hi sunt
de regno; de Rege verò, ipsius est regnum:
sic de pauperibus Christus non, ipsi de regno
cælorum, sed, ipsorum, ait, est regnum calorum,
eos cælorum Reges appellans.

Præterea, beati pauperes, quia peculiari
ratione Dei sunt, ac sub eius tutela. Nam
psal. 9. *factus est Dominus refugium pauperi. Quòd præ-*
cipue pauperes ad Deum pertinent, agnoue-
runt

runt Ethnici ; sic enim Menander : *Pauperes Menand. semper estimantur deorum.* Et Seneca : [Nemo *epist. 18.* alius est Deo dignus , quàm qui opes contempsit.] Fœlix paupertas , quæ non tantùm Christo nos reddit similes , sed suos nos facit : illi enim derelictus est pauper. Dicat igitur Diuus Cyprianus. *Cùm Dei sint omnia, Sermon. 6. de habenti Dominum nihil deerit, si Deo ipse non erat. Dom. desit.* Decriis autem Deo , si paupertatem impatienter tuleris ; si verò patienter feras , tua non peribit patientia. Nam *patientia pauperum non peribit in finem.* Id est , secundùm Chrysostomum , nunquam peribit , sed proprium fructum recipiet : quod non semper euenit laborantibus in rebus ad victum pertinentibus , quæ finem intentum sæpe non consequuntur pereuntibus laboribus. Agricola quidem expectat , & mercator : at non rarò propter aëris iniuriam , aut aliunde fructus sui laboris excidunt. Sed pauperis habentis patientiam , fructus nunquam peribit. Si doleas quòd pauper sis , dolebis igitur , quòd dines , quòd beatus , & Dei sis.

E *Pauper es ?* Ergo liber es ab illa maledictione , qua diuites feruntur , quibus ait Christus : *Vae vobis diuitibus, qui habetis consolationem vestram.* *Luc. 6.* Gaude priuari diuitiarum consolatione , quæ digna est Dominica maledictione. Eris etiam immunis à grauibz illis curis & sollicitudinibus , quibus opes ita mentem pungunt , & diseruciant , vt meritò Dominus eas appellet spinas , & diuitias *Matth. 13.* fallaces. Sicut enim spina dolorem creat & cùm infigitur , & cùm infixam manet , & cùm

Serm. de
conuers. ad
Clericos.

Luc. 18.

extrahitur: sic diuitiæ magno labore acqui-
runtur, maiore timore conseruantur, & maxi-
mo dolore amittuntur. Audi Bernardum:
*Diuitiarum amor longè ampliùs desiderio torquet
animam, quàm refrigeret vñu, vtpote quarum
acquisitio quidem laboris; possessio verò timoris,
amissio plena doloris inuenitur. Si igitur optes
ditari, optabis pungi, & cruentari; & ita hac
punctione inflari, vt tandem ad cæli introi-
tum præpediaris; cùm facilius sit camelum per
foramen acus transire, quàm diuitem intrare in
regnum calorum.*

homil. 3. in
illa verba
Moysi: At-
tende tibi
ipsi.

*Pauper es? Communem tamen habes cuni
diuitibus substantiam, præter quam si quid
ipsi habeant, corruptioni ac deperditioni est
obnoxium. Vis autem scire quid tibi cum
illis commune sit? Audi Basilium. Victus,
inquit, quotidiani indigus es? Ne tu proinde
desponderis animum: contemplare bona tui qua
iam à Deo tibi collata sunt, tum quæ in futurum
promissione reposita. Primum quidem homo es,
solus Dei conditoris manibus formatus, adde ad
imaginem illius, & qui potes per vitæ probitatem
prouehi ad Angelicam dignitatem. Animam
fortitus es intelligentia præditam, cuius solertia
Deum agnoscis, omnesque res naturales; tibi uni
feruiunt animantia cuncta. Tuum inuentum sunt
artes vniuersæ. Nonne calum suum astrorum cho-
rum, ordinemque tibi ostentat? Quid igitur pusillo
es animo? An quòd desit equus fræno argenteo
ornatus? at Solem habes aureum toto die, &
Lunam argenteam nocte tibi præradiantem. Non
dormis in lecto eburneo? at terra ebore pretiosior
est, in qua requiem dulcem omnis cura expertem
capeffis.*

excessis. Non sunt laquearia aurea? atqui calo
tegeris innumeris stellis radiante. Hæc humana
sunt, sequuntur angustiora. Deus propter te inter
homines versatus est; Spiritum sanctum misit,
mortem deleuit, spem resurrectionis dedit; præcepta
promulgauit, quæ vitam perficiant tuam, quorum
observatio iter aperiat ad vitam æternam, coronam
paratam illis, qui labores pro virtute non defu-
gerint. Interim nec necessaria ad præsentem vitam
deerunt; quare causa non est, ut animo angaris.
Hæc ille.

F Idem planè ostendit Ambrosius, qui
etiam te consolatur his verbis. Attende tibi,
pauper, quia anima tua pretiosa est; & si caro
mortalis, diuturna anima; & si tibi deest pecunia,
non deest gratia; & si non est domus ampla, non
diffusa possessio, calum patet, terra libera est.
Omnibus in commune elementa donata sunt,
patent æquè diuitibus, atque pauperibus orna-
menta mundi. Numquid pulchriora pretiosissi-
marum domorum aurata laquearia, quàm celi
facies stellis insignita fulgentibus? Numquid
latiora diuitum rura, quàm spatia terrarum?
Maiorem domum tu habes pauper, in qua
clamas, & exaudiris. Quid igitur quereris, si
priueris quibus aliqui abundant, quæ magis
obsunt, quàm profint? Sed gaudeas, quòd hæc
saltem habeas sine quibus nemo diues, &
cum quibus nemo pauper. [Quæ optima
sunt, inquit Seneca, communia sunt.] Habes *ad Lucil.*
illa optima, esto contentus. *epist. 12.*

Pauper es? Et multi alij innumerabiles,
qui Christi de paupertate consilium, &
exemplum sponte sunt sequuti. Et primò
quidem

quidem Apostoli, quorum nomine exclamavit Beatus Petrus: *Ecce nos reliquimus omnia, & sequuti sumus te.* Deinde primi Christiani, qui pecuniam ex agris diuenditis confectam ad pedes Apostolorum deposuerunt, nec amplius quidquam suum esse dixerunt. Martyres etiam, & alij, qui, teste Apostolo, *rapinam bonorum suorum cum gaudio susceperunt*, ne Christum desererent. Eremitæ insuper, Paulus, Antonius, Hilarion, Arsenius, Macharij, & alij eorum sectatores innumeri, qui omnibus opibus desertis arctissimam in victu & amictu paupertatem professi sunt. Ordinum quoque religiosorum fundatores, Basiliius, Augustinus, Benedictus, Bruno, Dominicus, vterque Franciscus, & quotquot eorum leges, vel regulas susceperunt. Denique nobilissimi quidam viri, qui deserto Regno, Principatu, vel magnis opibus, extremam paupertatem, vel mendicitatem elegerunt, vt Sancti Alexius, Rochus, Ioannes Calybita, Indocus, & alij. Honori tibi est illis assimilari, qui Christum pauperem voluerunt imitari. Hoc vnum te rogo, vt patienter illam saltem, & quam non potes effugere, sustineas paupertatem, quam ipsi sponte elegerunt propter æternam felicitatem; spreuerunt diuitias, quia generant vitia, raro enim nisi cum vitiis congeruntur diuitiæ: vnde quidam,

Pier. Val. De vitiis quod diuitiæ cumulentur apertum est,
lib. 12. Nomen idem vitiis, diuitiisque datum.
bier.

Si dicas prædictos Sanctos paupertatem G
 elegisse propter eam, quam profitebantur
 perfe

Liber II. *Cap. XIV.* 477

perfectionem, illam verò te non profiteri; obiciam ego tibi multos infideles, qui sola ratione naturali non solum paupertatem æquo animo tulerunt, sed etiam illam diuitiis prætulerunt. Illorum exemplo pudefacit Diuus Basiliius quemdam Olympium, qui *epist. 169.* paupertatem longè à finibus suis profligarat, eique proponit Zenonem omnia in naufragio abiicientem; ac sibi congratulantem, quòd in vestem contritam & laceram coniectus esset; Cleanthem quoque, qui mercenariam operam suam fontibus hauriendis locauerat, vnde & ipse sibi victum comparabat.

Proponuntur alij Gentiles paupertatem colentes in confusionem multorum Christianorum paupertatem odio habentium, opibùsque inhiantium. Socrates Philosophus *Laërtius,* omnium luculentissimus, pauper semper exiit, nudis pedibus incedens, sordido palliolo contentus, honores, & omnia terrena contemnens. Diogenes ita in omni *idem.* vita paupertatem coluit, vt aduersus calorem & frigus dolio contentus fuerit: poculum fregit, rusticum cauis manibus potantem intuitus. Tam fœlix ab Alexandro iudicatus est, vt Diogenem malle se esse dixerit, quàm alium quemquam, si non Rex Alexander esset.

Phocion Atheniensis grande auri pondus, quod ab eodem Alexandro dono offerebatur, pertinaciter repudiavit, testatus se auro regio non egere. Dignus, de quo quærat, maiórne fuerit Alexander, an Phocion; qui

qui aurum Alexandri contempsit. Democritus diligens naturæ contemplator, vsque adedò diuitias contempsit, vt non modò aliunde oblatas non acceperit, sed eas etiam, in quibus natus erat, sponte publicarit. Itaque nihil præter ingenium possedit, vel quia noluit, vel quia non debuit.

Fulg. lib. 4.
cap. 4.

ibidem.

Aristides multò iustiùs se paupertate gloriari posse credidit, quàm Calliam Atheniensium ditissimum opibus amplissimis: dictitans nulli pauperiem indecoram esse, nisi qui inuiti ferrent. Epaminondas Thebanus, cuius virtute, egregiisque facinoribus nemo audiendis satis expleri posset, in tanta rerum decessit inopia, vt domi eius vnum dumtaxat ferreum spiculum, nihilque aliud necessarium repertum fuerit; ita publica impensa tumulatus est. Plures alios afferre possem eximios diuitiarum contemptores, & egregios paupertatis cultores; sed, ne tædio sim lectori, prætermitto.

lib. 5. de
ciuit. Dei.
cap. 18.

Dico itaque cum Diuo Augustino, qui aliquos ex illis ad paupertatem commendandam in medium attulerat. *Hæc proposita sunt necessaria commonitionis exempla, vt, si virtutes, quarum ista vtrumque sunt similes, quas isti pro ciuitatis terrena gloria tenuerunt, pro Dei gloriosissima ciuitate non tenuerimus, pudore pungamur: si tenuerimus, superbia non extollamur.*

Dicet tamen vestrum aliquis: vnde omnibus bonis destitutus me alere porero? Respondet Diuus Cyprianus, Dominum ideo orat. Dom. nos docuisse orare: *panem nostrum quotidiana-*

zum

Liber II. Cap. XIV. 479

*nam da nobis hodie. Nèque enim, inquit ille, deesse quotidianus cibus potest iusto, cum scriptum sit: Non occidet Dominus fame animam iusti. Prou. 10. Et iterum: Junior fui, etenim senui, & non vidi Psal. 36. iustum derelictum. Danieli in lacu leonum iussu Dan. 14. Regis incluso prandium procuratur: alitur Elias in fuga & solitudine coruus ministrantibus. Quali dicat iste Doctor: Potuit Dominus hos reficere, potest & te, si adhibita omni tua ad viuendum diligentia, speres in illum, & que confidas; non enim est abbreviata manus Domini. Qui vetat ne Gentilium more de victu & amictu solliciti simus, non deseret te, si, vt ipse præcipit, *queras primum regnum Dei, & iustitiam eius. Matth. 6.* Habet curam auium per aërem volitantium; & non geret curam hominum in terra degentium, in ipso sperantium?*

Queritur Diuus Ambrosius, quòd de inopia queramur, & quòd aliqui nolentes illam *lib. 6. Exameron. cap. 17.* sufferre ad flagitia se conuertunt, nòsque vt hirundinem consideremus, hortatur. *Nemo, inquit, de inopia queratur, quòd vacuas pecunie proprias ades reliquerit. Pauperior est hirundo, quæ vacua aris abundat industria. Edificat, nec impendit: tecta atollit, & nihil aufert proximi: nec indigentia & paupertate ad nocendum alij compellitur: nec in graui filiorum imbecillitate desperat. Nos verò & paupertas afficit, & inopia necessitas vexat, & plerosque cogit in flagitium, impellit in crimen, improuidi & inertes iacemus, cum de diuina miseratione tunc sperandum amplius sit, cum prædia humana defecerint. Certum est autem, quòd tunc adsunt diuina subsidia, quando*

quando defunt humana præsidia.

Psal. 54.

Attende precor, quid tibi dicat Psalmista: *I*

facta super Dominum curam tuam, & ipse te enutriet. Pondera verbum, *enutriet*, hoc proprium est matris, quæ filium lactat. Si infans huiusmodi vsum rationis haberet, matrisque amore & providentiam nosset, numquid sollicitudine, vel cura aliqua torqueretur, an securum à matre alimentum haberet? Minimè prorsus. Et tu igitur, ait Psalmista, caue ne victus, aut vestitus sollicitudine angaris; iacta curam tuam in Domino, & ipse velut mater, quæ vnicè amat filium, enutriet te. Vides quàm à natura destitutus sit infans, qui nec se induere, nec cibum manibus capere, imò postulare quæ sibi sunt necessaria, nouit? Mater illius ori mammillas applicat, nudum induit, à frigore & calore protegit, in lectulum tollit, vt dormiat canit & circumagat; plorantem solatur; ridenti arridet; infirmum curat, & nihil non facit, quod filio expedire considerat. Sic Deus cum pauperibus suis se gerit. *Ipse te enutriet*, quod mater infanti præstare solet, hoc ipse præstabit, imò quænam mater vt ille? Sæpe mater aut ignorantia, aut impossibilitate, aut negligencia circa infantis sui curam deficit. At Deus, cuius sapientiæ & bonitatis non est numerus, deficere nequit. Audi quid dicat: *Num-*

Isai. 59.

quid obliuisci potest mulier infantem suum? &c. Quod si illa oblita fuerit, ego non obliuiscar tui. In manibus meis descripsi te. Nihil autem præsentius nobis, quàm manus nostræ: sic nihil Deo commendatius quàm nos, quorum

Liber II. Cap. XIV. 481

rum ipse curam gerit. Vnde Ambrosius: *Inde in illa ver-*
corum est, ait, homines curare de cibo, qui mi- *ba Genes.*
litant regno: nouit Rex quemadmodum fami- *48. Paut*
liam suam pascat, alat, vestiatur. *me ab a-*
dolescen-

Idem Dauid expertus illam Dominicam *tia mea.*
 curam, dicebat: *Dominus sollicitus est mei: Psal. 39.*
 seu, vt legit Augustinus: *Dominus curam*
habet nostri. Ideo adiungit ille Doctor: *Qui*
habuit tui curam, antequam esses; quomodo non
habebit curam, cum iam es, quod voluit vt esses?
 Propterea Diuus Petrus vult, vt finis omnem *1. Petr. 5.*
 sollicitudinem nostram proicientes in eum, quia
 ipsi est cura de nobis. Scit autem quando, &
 quomodo sis curandus & subleuandus, iacta
 tantum super illum cogitatum tuum, & scito
 tibi & omnibus dictum esse, quod aliquan-
 do à Domino Catharinæ Senensi dictum
 fuit: *Cogita de me, & ego cogitabo de te.* Tan-
 dem sic mihi liceat cum Diuo Augustino *Serm. 7. de*
 pauperes consolante, concludere. *tempore.* *Dico vobis,*
pauperes, qui mendicatis, qui de elemosyna
Christianorum viuitis: consolamini, consolamini;
tribulatio vestra vertetur in gaudium, & dolor
vester in latitiam. Non vobis sit ingratum, quod
mendicatis, nec ideo in corde vestro aliquid
contra Deum dicatis, quia ille iustus & pius
est, & te ideo fecit pauperem, vt sufferendo
breuem inopiam, aternam vitam acquireret:
patientes igitur estote, & expectate Dominum.

*Ad Aulicos, vel potiùs ad eos, qui
ab Aula & Curia sui Principis
inuiti recesserunt.*

CAPVT XV.



VOMODOCVMQVE, Ô A
Aulici, recedatis à Curia, siue
sponte, siue coactè, deberem
potiùs vobis congratulari,
quàm vos consolari: verùm,
quia huiusmodi recessus aliquam fortè vobis
afflictionem parit, ideo consolantis modò,
& non congratulantis personam geram.

Recessistis igitur inuiti ab Aula: scitote
Deum permisisse, vt quod vestra voluntas
renuit, præstaret aliena. Nolulistis audire
lib. 8. de bello ciuili. illam Lucani non tam poëticam, quàm po-
liticam admonitionem:

—————*Exeat aula,*

Qui volet esse pius.—————

Jerem. 51. Nec attendebatis ad id, quod iamdudum
Propheta sanctus clamitauerat; *Fugite de me-
dio Babylonis, vt saluet unusquisque animam
suam.* Per medium intelligitur Aula regia,
quia tunc in medio ciuitatis construebantur
Palatia, vbi Reges morabantur. Porro Ba-
bylon interpretatur confusio: fugere itaque
de medio Babylonis, est deserere Palatium,
siue Curiam regiam, quæ vt plurimùm est
omnis confusionis, æmulationis, fictionis,
omnisque malitiæ centrum & officina,
estque

estque tenebrarum locus; in cuius rei testimonium, ingredientibus Magis Herodianam Aulam, stella quæ illos comitabatur, vel potius quæ suo coruscante lumine eos antecedeat, disparuit: quam postea ab Aula exeuntes viderunt, & gauisi sunt gaudio magno valdè.

Matth. 2.

B Aulas Principum Dauid appellat tabernacula peccatorum: sic enim ait. *Elegi abiectis esse in domo Dei mei, magis quam habitare in tabernaculis peccatorum.* Alij, vt Hieronymus, legunt, *in tabernaculis impietatis.* Alij verò, *in tabernaculis perturbationis.* Quia ibi multi impietatem profitentur; omneque ferè perturbantur, tum ad captandam Principis beneuolentiam, tum ad obtinendum ab eo aliquod beneficium, quod cum non adipiscuntur, perturbantur; maximè si alios sibi præferri videant. Verè igitur sunt tabernacula perturbationis, cum illuc perturbato potius quàm tranquillo animo viuatur.

Psalm. 83.

Nam vt plurimum ibi ferè scelerum omnium procellæ, virtutumque inenarrabile naufragium: probi illic opprimuntur, pessimi prouehuntur, simplices irridentur, iusti vim patiuntur, audaces & impudentes eriguntur; soli illic prosperantur adulatores, susurriones, renunciatores, calumniatores, famidæ, sycophantæ, parasiti, lenones, & alij similes; adeò vt de Aula dicere possimus quod Apostolus de mordace lingua; quòd scilicet sit *iniquitatis vniuersitas.* Vix illic re-

Iac. 3.

peritur gallus ad excitandum, sed potius simiæ ad adulandum, canes ad mordendum,

psittaci ad garriendum, & leones ad deuorandum. Non ergo vos exiisse poeniteat à tabernaculis & receptaculis tantarum impietatum, & perturbationum.

Hebr. II.

Vocat etiam Paulus Curiam regiam, temporale peccatum, vel temporalem peccati iucunditatem, dum de Moyse Aulam Pharaonis contemnente sic scribit. *Moyſes grandis factus negauit ſe eſſe filium filia Pharaonis, magis eligens affligi cum populo Dei, quàm temporalis peccati habere iucunditatem.* Quasi dicat: maluit Moyſes pati, affligi, & opprobriis affici cum Hebræis, quàm ſibi oblatiſ honoribus, & opibus abundare in Aula Pharaonis; ſciebat enim temporalem illam Curia iucunditatem non carere peccato, ideo elegit potiùs affligi extra Aulam, quàm iucundari in Aula, *maiores diuitias aſtimans theſauro Aegyptiorum impropertium Chriſti.* Id eſt, Moyſes in filium & heredem regni adoptatus, hoc regnum, illiùſque theſauros cum impropertio Chriſti commutauit.

Ribera.

Quares, quodnam hîc vocetur *impropertium Chriſti*. Ribera propriè hæc verba accipit, & explicat; quòd ſcilicet Moſes partim ex fide, & traditione Abrahæ, aliorumquæ Patrum cognoscens Chriſtum pro genere humano paſſurum, partim ſpiritu prophetico præuidens ſpeciatiim iniurias & opprobria illi à Iudæis inferenda, vt Chriſto patienti ſimilis fieret, maluerit calamitatibus premi & affligi cum Hebræis, quàm delicias aulicas, ac ipſius tandem regni ſucceſſionem acceptare. Impropertium ergo Chriſti dicitur,

citur, non quod Ægyptij Mose intulerunt in odium Christi, utpote qui de Christo nihil scirent, sed quod Moses Christi amore, reuerentia, imitatione, similitudine, & ut repræsentaret opprobria Christi, forti & læto animo sustinuit: quia si Ieremias hæc opprobria Christi præuidit, & in suis opprobriis adumbravit, quidni & Moses?

Illud autem obseruatione dignum arbitror, nullibi cum Christo contumeliosius actum fuisse, quàm in Principum Aulis. Nam in domo Annæ fuit accusatus: in domo Caiphæ alapa percussus: in domo Pilati virgis cæsus: in Palatio Herodis veluti amens delusus, ac ab eisdem penè infinitis opprobriis, ac tormentis vsque ad crucis mortem damnatus; cum tamen in abiectorum hominum ædibus, multis obsequiis & honoribus fuerit honestatus. In stabulo adoratur: à Magis: à Simone Phariseo inuitatur: à Zachæo in domum honorificè recipitur: ab Architriclino ad nuptias vocatur: in domo Lazari conuiuatur: in ædibus Marthæ hospitatur. Hæc omnia præuidens Moses, si sciuisset se similia opprobria in Aula Pharaonis passurum, quæ Christus in domibus illorum Principum, reuera elegisset potius in huiusmodi Aula, quàm cum populo Hebræo tunc captiuo & afflicto morari.

Christus itaque in Aulis, & Moses extra Aulas patiebatur: ut Christus opprobria sustineret, intrauit Aulas; & Moses ut afflicteretur, exiuit Aula. Vos verò non vultis Mose, nec Christo assimilari, quia non in Aula cum

Christo, nec extra Aulam cum Mose vultis afflictiari. Nouit autem Christus vbinam sitis ei assimilandi, atque inde saluandi, siue intra, siue extra Aulam: si modò cogamini exire, scitote hoc vobis expedire. Exeat igitur Aula, aut saltem se exiisse gaudeat, qui volet esse pius.

Et non tantum, qui volet esse pius, sed D etiam qui voluerit esse securus, fugiat Aulas. Multi enim minima occasione, quandoque etiam vel ob nudam quampiam suspicionem vitæ periculum subierunt, vt omnium gentium historiæ testantur. Quantus vir Parmenio apud Alexandrum fuit? Tamen optimus senex, tam de patre, quàm filio Rege præclare meritus, cum filio Philota miserabiliter necatur.

Eusenidem apud Ptolomæum gratia florentem iussu Regis suspensum fuisse legimus, hac sola ratione, quòd mulierem à Rege adamatam alloquutus fuerit.

Plutarch.

Alcimenides, referente Plutarcho, Pannonianum in tantum fastigium euectum, vt solus regni negotia magno cum Reipublicæ comodo administraret, capite truncauit, eo quòd negasset ibi esse locum venationis, vbi Rex asserebat.

Philippus Rex Macedonicus Aratum Sicyonium virum sapientia, iustitia, ac moderatione insignem, cuius consilio multa præclare gesserat, vnà cum filio, veneno tollit.

Valentinianus Imperator Aëtium præstantissimum ducem, cuius opera ingentes Attilæ copias in campis Catalaunicis profligarat,

garat, falsa suspicione motus, interimi curat.

Et quas Iustinianus in celeberrimum sui temporis ducem Belisarium causas sæuitiæ alias, præter falsas suspiciones, habuit, cum cum post deuictos Vandalos, ac Persas, omni dignitate, oculisque prius, tum ad stipem emendicandam compulit?

Vnde veteres, teste Suida, rectissimè præcepere; *Maiorem vitato virum*: multis enim etiam nostræ tempestatis viris satius fuisset in caula, quàm in Aula commorari. Dicant igitur qui extra Aulam sunt, illud Senecæ; *Seneca*.

Stet quicumque volet potens

Aula culmine lubrico:

Me dulcis saturet quies.

Meritò Thomas Morus, qui & ipse huiusmodi fortunæ aulicæ non fuit expertus, ad quemdam amicum suum de suo ipsius statu aulico, hoc breui scripsit carmine.

Sæpe mihi iactas faciles ad Principis aures

Liber, & arbitrio ludis ut ipse tuo.

Sic inter domitos sine noxa sæpe leones

Luditur, at noxa non sine sæpe metu.

Infremit incerta crebra indignatio causa,

Et subito mors est, qui modò ludus erat.

Tuta tibi non est, ut sit secura, voluptas

*Magna tibi est, mihi sit, dummodo certa,
minor.*

E Cûr igitur dolemus, si à tot, tantisque Aulæ periculis eripiamur? Quantæ sunt nobis gratiæ Deo agendæ, quòd vel Principis iussu, vel inuidientium persecutione, & calumniis ab Aula nos recedere, etiam inuitos, permiserit? Nam quis ita fortis est, ut

nunquam titubet, præsertim in tam lubrico loco, in quo multos alios cecidisse vidimus? Stare parumper in tuto, & in littore, & videbitis quanta euaseritis pericula: omnia enim sunt plena periculis.

lib. 6. Regist. epist.
190.

Diuus Gregorius volens quemdam nobilissimum virum ab obsequio Imperatoris, ad quod aspirabat, retrahere, & ad vitam tranquillam Deo inseruiendo, adducere, sic scripsit ad eum. *Esse in obsequio Principis, quantæ est mentis occupatio in appetitu terrena gratia, & quantus est timor, ne hac, eadem gratia perdat, si adeptæ fuerit? Perpende ergo quæ pœna sit, aut prosperitatis desiderio fatigari, aut aduersitatis timore pauescere: & quia in procellas & fluctus cordis tendis, verborum meorum funibus te ad littus reuoco; & si trahentem sequi volueris, quæ pericula euaseris, quæ gaudia inueneris, in ipso quietis tuæ littore positus agnosces. Videbis etiã quantas euaseris fraudes; nam secundum Senecam,*

Seneca in Hippo.

Fraudes sublimi regnant in Aula.

lib. 8. Conf. cap. 6.

Vtinam, ô Aulici, ad vos ipsos reuertentes, interdum cum Diuo Augustino hæc verba promeretis. *Quid querimus? cuius rei gratiã militamus? Maior ne esse potest spes nostra in Palatio, quàm ut amici Imperatoris simus? & ibi quid non fragile, plenũque periculis? & per quot pericula peruenitur ad grandius periculum? Quando, & quando istud erit? Amicus autem Dei, si voluero, ecce nunc fio. Non est certum, licet diu moremini in Aula, vos posse etiã post multa obsequia fieri amicõs Regis, quia incerta est eius amicitia, incerta quoque sunt illius bene*

beneficia: & quamuis hæc omnia vobis certa forent, nescitis quandiu essent duratura hæc ipsa, quæ tandem certissimè sunt peritura: pro incertis & perituris laboratis, & de certo non curatis. Cum itaque certa sit vobis Dei amicitia, si illum diligatis; Regis verò incerta, etiamsi illi fideliter seruieritis, sumite certum, & dimittite incertum.

Dicat insuper vnusquisque vestrùm cum Dauide; *Et nunc, quæ est expectatio mea? nonne Dominus?* Nunc, inquam, postquam ab Aula expulsus, aut sponte egressus sum: nunc, cognita miseria ac malitia aulica, *quæ est expectatio mea? nonne Dominus?* In Aula, nulla alia vobis erat expectatio, nisi Regis mortalis amicitia siue gratia: nunc autem extra Curiam, sit Rex regum, & Dominus dominantium expectatio vestra, cuius amicitia nulla potest adulatorum industria, nec æmulatorum malitia corrumpi, & qui abundè seruos suos remunerat.

Solet Palatium à Latinis Basilica vocitari, & non immeritò, quia nonnulli asserunt deriuari à Basilisco. Sicut enim istud animal visu suo interficit; ita in Principum Aulis veneficus oculus inuidus semper viget: vnde præclare Diuus Bernardus; *Curia, inquit, lib. 4. de plures bonos recipit, quos non perficit, sed inficit. confid.* Poteratis quidem in Aula infici, sed non perfici: scilicet ergo vester recessus, erit enim causa vestri profectus.

Notissima vox est apud Senecam eius qui in Aula regia cōsenuerat, cum quidam illum interrogaret, quomodo rarissimam rem in

Aula consequutus esset, senectutem, respondit, *iniurias accipiendo, & gratias saepe agendo.* Quis igitur ægrè ferat se deseruisse locum, vbi non poterat senescere, nisi multis afficeretur iniuriis, ac pro illis gratias ageret? Pudeat viros sublimes, & maximi ingenij, Aulas diligere, ibique tot pati repulsas, toties genua flectere, & semper coram Principe adstare detecto capite, & vbi non sibi, sed aliis viuere coguntur, ob leuem quandam ac dubiam remunerationem.

Plutarch.

Theophrastus, vt testis est Plutarchus, exprobrabat Aristoteli, quòd relicta Academia mallet in Philippi Regis Aula versari. Vnde Diogenes irridendo dicere solebat, Aristotelem cœnare, quando Philippo: Diogenem verò, quando Diogeni placeret; eo quod non tam sibi, quàm aliis viuunt Aulici.

Seneca.

Idem Diogenes dicebat, Aristippum Philosophum Aulicum aureis teneri compedibus, ne posset exire; quod splendidiore Principum vita captus philosophicam vitam mentiretur. Verùm, quam multi sunt, qui etiam nunc huiusmodi compedibus detenti, Christianam mentiuntur vitam, illasque amant compedes, contra illud Senecæ: [Stultum est, compedes suas, quamquam aureas, adamare.] Id tamen quàm studiosè faciant Aulici, nemo est qui non videat: seruitute enim voluntaria, eaque grauissima, nec propterea meritoria; imò interdum turpissima premuntur. Attendant, quòd [nihil est foediùs seruitute; ad decus, & libertatem natum sumus.] Solutis tandem illis Aulæ vinculis,

Cicero Philippi. 12.

siue

siue inuidia, calumnia, falsa suspitione, aut quouis alio modo, dicite Deo; *Dirupisti vincula mea, tibi sacrificabo hostiam laudis: & sic compedibus liberi in auctorem vestrum tendite.* Sit enim illud benedictum, quo peruenitur ad Christum. De Aulico sic scribit quidam Poëta.

*Cōpedibus stricte, & manicis adstringitur excors,
Plusquàm seruiti conditione miser.*

*Nam quæ seruitus est turpior, imò pudenda,
Quàm turpe & fœdum sponte subire iugum?*

Gratias, inquam, agite Deo, quòd excusso tantæ seruitutis iugo, vobisque ianuis Aulicis exclusis, ad meliorem & tranquilliorē vitam subtilissimis, mirabilibusque mediis vocari litis, nec non & liberi ad nullum aliud portandum iugum, præterquàm Christi, quod leue & dulce est; Aulæ verò iugum graue: imò grauissimum, portatu difficillimum, & quod portantes atterit. Hoc experti estis; experiamini modò hoc Christi iugum, ad quod ferendum cælestes Aulici sic inuitant vnumquemque nostrum. *Ad vitam te* Basil. bon.
vocamus, ô homo; quid fugis vocationem? Ad 52.
bonorum participationem, quid negligis donum?
Regnum calorū apertum est: qui vocat non mendax est; via facilis est: non tempore, non sumptu, non negotio opus est. Quid cunctaris? Quid tergiversaris? Quid iugum times? bonum est, leue est, cervicem non atterit, sed glorificat. Portastis aliquando in Aula iugum Principis, quod graue est, & non poteritis nunc extra Aulam portare iugum Christi, quod leue est?

H Quamuis in quocumque statu cautè sit agendum,

agendum, cum nullum sit vitæ genus, quod non insignia ubiuis sentiat grauamina: veruntamen periculosius versatur quis in Aulis Principum, quàm alibi. Idcirco, vt sine periculo, vel vt veriùs loquar, minori cum periculo vita in Aula transigatur, assignat Erasmus triginta tria præcepta, quæ omnia recensere non curo, tum quia ex eis quædam sunt ridicula, tum quia obseruatu sunt difficillima; & quæ postquam quis obseruauerit, vix intentum adipiscetur: duo tamen ex his afferre non verebor.

Erasm.

Vnum, quo iubet; *Ne pudeat, aut pigeat assentari.* Iam, ô Aulici, experientia didicistis non posse quempiam commodè in Aula versari, nisi assentatoris, vel adulatoris personam gerat: cum in Aulis Principum ferè nascatur adulatio, quæ ideo, vt adnotat quidam, quasi adaulatio dicitur. Vultis autem scire, quid sit adulator, aut adulari? Pediculis, vmbra, simiæ, coruis, & vermibus assimilari. Nam ait Plutarchus, sicut pediculi corpora exanima deserunt, vt pote defecto sanguine quo alebantur; sic adulatores rebus prosperis adsunt; aduersas non attingunt. Et sicut vmbra, quidquid agas, respondet & adest, sic adulator quoquò te vertas, sequitur. Simia, cum nec domum possit seruire more canis, nec onera gerere, sicut equus, nec arare, veluti boues, parasitatur, ac risum mouet: sic adulator cum in seriis ac grauib. rebus nesciat esse vsui, voluptatum minister est. Hæc ex Plutarcho.

*Plutarch.
in mor.*

Diogenes multò periculosius esse dicebat
inci

incidere in assentatores, quàm in coruos, quibus quidem quàm similes sint, indicat Græcarum vocum affinitas. Græci enim *κόρυμβας* appellant coruos: vnica litera mutata *κόλακας* dicunt adulatores. Quoniam illi mortuos tantum impetunt, hi etiamnum viuis insidiantur. Anaxilas, vt author est Theophrastus, adulatores esse diuitum vermes asserbat; qui triticum nacti non discedunt, donec vacuum reddiderint: sic illi apud diuites substantiam rodunt. Non igitur vobis curæ sit recessisse ab Aula, in qua totiesangebamini vilissimis illis animalculis æquiparari, quoties vobis contingebat assentari, quod omnino ridiculum erat.

lib. 20.
cap. 33.

I Alterum Erasmi præceptum istud est; *Vbi satis pingueris, excogitanda ratio est, vt, quod paucis contigit, fœliciter ab Aula te subducas, tibi que viuas.* Rectè ait, paucis contingere, ab Aula fœliciter recedere: de illo non est multum curandum, nec omnino dolendum, quod paucis accidit. Cæterum, cum excogitandam suadeat rationem exeundi, cerrè vobis est exultandum, quòd, si Aula exiistis, iam quod alij quærunt, inuenistis. Vobis itaque viuetis; &, si domo vestra sitis contenti, eritis vosmet in ea veluti Principes: Aulici vestri erunt famuli; & erit familia vestra, Curia, in qua ad bene viuendum decem præcepta diuina duntaxat sunt necessaria: atque ita Deo inferuietis, qui nouit, potest, & vult obsequia sibi exhibita remunerare: ac tandem dicetis; *perissemus, nisi perissemus.*

Si autem Monachus sis, quid tibi cum Aula?

Hugo de
duodecim
abusion.

Aula? Cur doles eo loco exire quem nunquam debebas adire? Et cur non gaudes ad claustrum redire, quo non cogebaris exire? Ordo claustri, inquit Hugo, & ordo Curiae diuisus est. Ibi sedes in insidiis, cum diuitibus in oculis, ut interficias innocentem: hinc audis, non sedi cum concilio vanitatis, & cum iniqua gerentibus non introibo. Ibi insidiaris, ut rapias pauperem; rapis pauperem, dum attrahis eum. Hinc dicis; O diui ecclesiam malignantium, & cum impiis non sedeo. Ibi dextera tua repleta est muneribus. Hinc lauas inter innocentes manus tuas: ibi laudatur peccator in desideriis anime sue, & iniquus benedicitur. Hinc audis; Benedictus Deus in donis suis, & sanctus in omnibus operibus suis. Si vis esse Monachus curialis, laudas quod non debes, defendis quod non expedit: operaris quod non licet, loqueris quod non decet. Hæc Hugo.

Ad viduas.

CAPVT XVI.



1. Timot. 5.

VLAS intendo viduas. consolari, quas Apostolus vult honorari, scilicet quæ verè viduæ sunt, de quibus sic ad Timotheum; *Viduas*, inquit, *honora, quæ verè viduæ sunt.* Illæ autem verè viduæ sunt, quæ non solum marito, sed & omnium hominum solatio viduatæ sunt, & derelictæ, omnique subsidio destitutæ, & quæ Deo, non deliciis intentæ, ac dicatæ sunt. Vnde vidua

Liber II. Cap. XIV. 495

vidua Græcè dicitur *χήρα*, à *χρησῶ*, quod est destituo, defolor, orbo: & mulier vidua, idem est quod destituta, priuata, orbata, præcipuè humano auxilio. Si quæ autem sit humilissimi, cui debeat vacare, innuit idem Apostolus, cum ait; *Quæ verè vidua est & desolata speret in Deum.* Talem Iob se fuisse consolatum affirmat; *Cor vidua consolatus sum.* Quia *ibidem Iob. 29.* hoc mulierum genus maximè est obnoxium calamitatibus, plurimùmque indiget auxilio & consolatione.

Verùm, quò persona quæque afflictior est & miserior, eò diuinæ bonitati est commendatior. Itaque cum viderint viduæ se variis affici miseriis, sperent in Deum, qui aded illarum curam gerit, vt pro grauissimo scelere habeat viduarum causam negligere, aut eis iniuriam inferre. Vnde sic olim in illarum fauorem & præcipiebat, & comminabatur. *Vidua, & pupillo non nocebitis; si laeseritis eos, voceferabuntur ad me, & ego audiam clamorem eorum, & indignabitur furor meus, percutiámque vos gladio.* Omnium Deus audit clamorem, sed præcipuè viduarum: omnium etiam videt lacrymas, sed diligentius viduarum considerat, & quantæ sint virtutis illarum lacrymæ, ostendit his verbis. *Nonne lacryma viduæ ad maxillam descendunt, & exclamatio eius super deducentes eas? à maxilla enim ascendunt vsque ad calum.* Omnis aqua tendit deorsum & ad ima; sed aqua lacrymarum viduæ ascendit à maxilla vsque ad cælum, vt contra lædentes pœnam extorqueant. Tot igitur emittuntur voces, quot ab eis funduntur

Exod. 22.

Ecc. 35.

hom. 5. de tur lacrymæ. Itaque, ait Chrysostomus, o ini-
 poenitentia. que, si viduam læseris, viduarum quoque promisso-
 rem ad iracundiam prouocabis. Quis ad impieta-
 tem tam adeò ferox, tam præceps fuerit, qui sic à
 Deo defensas viduas ladat?

De quibusdam Iudicibus conqueritur B
 Deus, quòd causam viduæ non iudicaue-
 rint, eosque se puniturum promittit. Causam
 Ierem. 5. viduæ non iudicauerunt; nunquid super his non vi-
 sitabo? Per eundem Prophetam hæc omnibus
 cap. 22. mandat; Viduam nolite contristare. Quasi di-
 cat: sufficiat viduæ tristitia sua; nam quate-
 nus viduata, desolata est, nolo vt aliunde
 desoletur. Propterea Christus Dominus
 Matth. 23. vobis Scriba & Pharisei, hypocrite, qui domos
 viduarum comeditis.

Sciendum est, quòd licet Deus sit omnium
 Rex & Dominus; omniū Pater & Index; spe-
 cialiter tamen dicitur Rex regum, & Dominus
 Psal. 67. dominantium, Et apud Psalmistam Pater or-
 phanorum, & Index viduarum. Hoc obseruat
 Diuus Chrysostomus, atque huius rationem
 hom. 5. de assignat: Deus magnus, inquit, Rex est regum,
 poenitent. & Dominus dominantium. Idem ipse sui dignitate
 excellens Pater inuenitur orphanorum, & Index
 viduarum. Duo facit, & clementiam ostendit, &
 potentiam punit: sese Patrem fatetur orphanorum,
 quò calamitosos soletur, potentesque terreat, ne or-
 phanis, & viduis molesti sint. Non gloriantur,
 nec se extollant Reges & Principes, cum
 Deum habeant, qui dominetur eis: non tri-
 stentur, nec animum deiciant orphani, &
 viduæ, cum eundem Deum habeant Patrem,
 pro

protectorem & Iudicem.

Hanc ipsam rationem affert idem Doctor volens aliquam consolari viduam, ad quam sic scribit. *Quod tot repente concurrentibus malis, non te aegritudo absorbuerit, non de naturalis mentis status deturbata, non humani auxilij hoc est, sed Patris misericordiarum, & Dei totius consolationis.* Nam quandiu vivebat vir tuus, ipse, ut homo tamen, tui curam gerebat, quia verò illum ad se vocavit Dominus, ipse illius loco nunc se substituit tibi, neque hoc meum est, sed Propheta: *Pupillum & viduam suscipiet: & rursum idem Propheta Deum vocat Patrem orphanorum, & Iudicem viduarum.* O vidua, qui tuo te priuavit marito, suo non te priuabit auxilio: antea hominem tantum habebas Iudices sollicitantem: nunc autem Deum habes Iudices iudicantem; imò tuum se constituentem Iudicem.

C Quæritur, cum Deus sit Pater, & prouisor etiam viduarum, cur potius illarum Iudex dicitur? Cæteris rationibus prætermiſſis, respondeo Deum ideo vocari Iudicem viduarum, ut innuat verè ab eo illos esse iudicandos qui viduis grauamini sunt, illasque lædunt: hominum quidem poterunt euadere iudicium, non Dei, qui causas illarum vindicat, & iudicat, sibi que specialiter reſeruat, cum non possint proprias, nec aliorum tueri causas, ob silentium omnibus fæminis, sed præcipuè viduis impositum. Vnde Hebræi viduam vocant *almamanach*, quasi ab *alan*, quod est obmutuit, vel, non valens litigare. Ita enim dedecet à mulieribus, etiam viro orbatis, iudicia exerceri, ut proximi signum

lib. 47. Syn-
tagm. cap.
31.

Marc. 12,

Psal. 33.

Antichristi Sibylla Erythræa prædixerit
vnius Imperium viduæ, qua de re Petrus
Gregorius. Cùm igitur viduæ non possint se
defendere, nec virum habeant qui eas de-
fendat, Deus ipse illarum se declarat Iudi-
cem ac defensorem: & non tantùm defen-
so-rem, sed & ipsarum piarum actionum specu-
latorem, laudatorem & remuneratorem. Le-
gimus enim apud Marcum, quosdam amplas
misisse pecunias in gazophylacium, quibus
omnibus vnâ prætulit viduam, cuius tanti
fecit duo quæ misit minuta, vt discipulos
conuocauerit ad illam commendandam; *Et
conuocans discipulos suos, ait illis: Amen dico vo-
bis, quoniam vidua hæc pauper plus omnibus mi-
sit, qui miserunt in gazophylacium.* Tantò ma-
iora apparent dona eorum quos diligimus,
quantò eis sumus propinquiore. Multi mi-
serant ampliora dona, nam *diuites*, ait Euan-
gelista, *iactabant multa*: sed parua Deo vide-
bantur, quia Dominus non tam propè illis
aderat, sicut huic pauperculæ viduæ. Certum
est enim, quia *iuxta est Dominus his qui tribu-
lato sunt corde.* Ecce quomodo vel minima
bona opera viduarum Deo gratissima sunt.

Nolite igitur statum vidualem agrè ferre,
cùm Dominum habeatis Iudicem, ac prote-
ctorem, qui lacrymas vestras ad cælum af-
cendere facit, quantò magis animas vestras?
quique vos Regibus, Principibus, Iudicibus,
singulisque personis commendat, nonne &
iple vos commendatas habebit? & qui om-
nes vestros audit clamores, vestraq; bona
opera considerat, laudat & remunerat, & qui
plena

plenariam promittit indulgentiam defendentibus vos. *Defendite viduam; & venite, & Isai. 1. arguite me, dicit Dominus. Si fuerint peccata vestra sicut coccinum, velut nix dealbabitur. Si Deus vobiscum, & pro vobis, quis contra vos, nisi fortè vos de Deo diffidentes?*

D Quàm etiam sint viduæ Domino Deo curæ, Scriptura multis in locis commemorat. Elias inter innumeras fæminas ad Sareptha- 3. Reg. 17. nam viduam diuertere diuinitus iussus est, de qua sic Ambrosius. *Cùm in omni terra esset lib. de viduis. fames maxima; vidua tamen Deo cura non defuit: ad alendam eam Propheta directus est, & qua fructus sæcunditatis amiserat, pietatis emolumenta non perdidit. Nam & solatium mæroris, & subsidium paupertatis inuenit.* Per Elisæum 4. Reg. 4. quoque Dominus alteri viduæ, ac duobus filiis eius subuenit. Nohemi vidua sancta Ruth. 1. cum vtraque nuru sua summam à Deo benedictionem consequuta est. Christus etiam Luc. 7. viduæ filium ad vitam reuocauit, & misertus illius consolatus est eam, monuitque ne fletet. Idem Dominus vocat Iudicem iniquitatis, qui viduam iudicio non defendit. Diuus Act. 9. Petrus viduarum precibus commotus, Dorcadem defunctam virtute Christi resuscitat. Non est abbreviata manus Domini: qui dignatus est huiusmodi viduis per se ipsum, aut per suorū ministerium succurrere, potest & vobis per alia, aut similia media, si vobis expedire agnoscat. Quod si non subueniat, nolite animum despondere. Interdum enim Deus videtur denegare subsidium, vt augeat lib. de viduis. meritum. Beatas vos prædicat Ambrosius si

exiguus fletibus, modicis laboribus, transitoria paupertate præmia acquiratis æterna.

Luc. 2. Fœlix insuper viduitas, quam tanti Dominus fecit, ut natus de Virgine, prædicari postea voluerit à vidua, scilicet ab Anna filia Phanuel, quæ, testante Luca, vixerat cum viro suo annis septem, & fuit vidua vsque ad annos octuaginta quatuor, & non discedebat de templo, ieiuniis, & obsecrationibus seruiens nocte ac die, & loquebatur de Christo Domino omnibus, qui expectabant redemptionem Israël: de illa sic scribit idem

lib. de vi- Ambrosius. Anna effœta iam corpore, cui diuer-
duis, & in sorium in templo fuit, colloquium in prece, vita in
Luc. ieiunio, stipendiis viduitatis, & moribus talis inducitur, ut digna planè fuisse credatur, quæ Redemptorem omnium venisse nunciaret. Si viro ligata fuisset, forte hæc bona opera non exercuisset, quia non in templo, sed domi mansisset, ut viro placuisset: & nisi talibus vacasset, Dominum non prædicasset; & cui nulla erat ad virum conuersio, tota fuit ad Dominum conuersa. Nouerat enim iam Christo nato recessisse tempus amplexandi & aduenisse tempus longè fieri ab amplexibus: vnde de illa sic loquitur Augustinus. Secundas nuptias recusauit, quia nouerat iam tempus esse quo Christo, non officio pariendi, sed studio continendi melius seruiretur.

Ecc. 3.

de bono vi-
duitatis.

1. Cor. 7.

Non lugeant igitur, quæ viro priuantur, E cui placere cogebantur. *Quæ nupta est*, inquit Apostolus, *cogitat quæ mundi sunt, quomodo placeat viro.* Facilius autem & vtilius est Deo placere, quàm viro, cui sæpe displicent piæ exer

exercitationes, ieiunia, eleemosynæ, frequens Sacramentorum vsus, ac similia bona opera, quæ omnino Deo placent, & quibus liberè viduæ vacare valent. Nam secundum eundem Apostolum, *mulier innupta cogitat quæ Domini sunt.* Sit tantum vobis curæ cogitare de Deo, eique placere. Audite Augustinum sic vos adhortantem. *Quicquid intentionis animi etiam his rebus impenderetur, quibus placendum esset viro, colligere quodammodo & redigere debet innupta Christiana in eam intentionem, quæ placendum est Domino: & videat cui placeat quæ Domino placet. Placete itaque tota intentione specioso forma præ filiis hominum. Placete illi, qui displicuit mundo, ut placentes ei liberarentur ex mundo.*

de bono viduitatis ad Iulianam.

Vultis scire, cur interdum Deus permittat mulierem fieri viduam? Audite, precor, Diuum Fulgentium ad Galbam sic scribentem. *In eo quod ex coniugata facta es vidua, donum Dei auctum tibi magis existima, non ablatum. Neque enim te deseruit, qui tibi sequendam viam vitæ melioris ostendit. Gradibus te voluit Dominus ad meliora conscendere, ut primitus coniugata cum vno viro fideliter viueres, quod postmodum sine difficultate absque viro vidua permaneres. Ad hoc igitur animum tuum diuina gratia coniugali castitate nutrit, ut quæ didiceras illo vno viuente alteram non quærere, disceres ab omni viro vidua contineri. Itaque secundum illum Doctorem, in viduitate non aufertur donum Dei, sed augetur: non mulier deseritur, sed ad meliora deducitur; viro mulier priuatur, ut Deus acquiratur, & ei vni seruiatur.*

epist. 1. ad Galbam.

Hoc agnouerunt , ac executioni mandarunt nobilissimæ quædam fæminæ , quæ factæ viduæ totas se Deo sacrarunt. Paula Romana defuncto marito, spretis omnibus carnis illecebris, ac sæculi huius oblectamentis, vni tantum Deo vacauit : illius exemplum secuta Blefilla eius filia, idem prorsus præstitit immatura viduitate præuenta. Melania statim mortuo marito, ac nondum sepulto, viduitatem suam Domino consecrauit. Eufrasia vidua Romana, licet alioquin ætate florida, facie venusta, nobilitate clara, diuitiis affluens, & ab Imperatore rogata secundas inire nuptias, id constantissimè recusauit, & in Thebaidem se contulit, vbi Deo inseruiendo perpetuam coluit viduitatem. Elisabetha Regis Vngariæ nata, viro orbata, regalibus deliciis contemptis, in curandis pauperibus infirmis tota incubuit, nullum præter diuinum admittens sponsum, quem in singulis illis egenis contemplantur.

His inferiorem non arbitror Olympiam Constantinopolitanam viduam, quæ cum per annum & dimidium duntaxat vir eius post initum matrimoniū superuixisset, & ab Imperatore Theodosio virum alium accipere moneretur, sapienter respondit : *Si Dominus voluisset me viro nuptam esse, non tam citò illo me orbasset, quia ergo agnouit, non amplius expedire mihi coniugium, coniugem abstulit.* Vtinam, ô viduæ, hoc responsum vestris infingeretur mentibus. Si Deus vellet vos coniugatas, maritum viuere sineret; nouit Deus,
cur

cur vobis subtrahatur , qui prius concede-
batur. Ille dederat , ille abstulit , & tunc
abstulit, quando ita vobis expedire agnouit.
Interdum plus diligitur maritus , quàm
Deus , atque in eo plus confiditur, quàm in
ipso Deo ; sæpe etiam diuinum relinquitur
officium, vt viro præstetur obsequium, quod
non potest esse sine culpa , à qua vt essetis
immunes; factæ estis viduæ: opportune enim
tollitur , quem Deus præuidet futurum vo-
bis impedimento ad illi seruiendum.

Merito Diuus Chrysostomus quandam in- hom. 6. in
1. ad Thess.
crepabat viduam , quæ plus æquo lugebat
maritum , quem ardentius adamabat , quàm
Deum , & in quo plus sperabat , quàm in
Deo : asseritque ideo fuisse ei ablatum , vt
disceret illum solum diligendum , pro quo
sunt omnia negligenda, ac in eo sperandum,
ad quem solum est aspirandum. *Quamobrem,*
inquit, luges maritum? quòd sperabas forte te
securiorem in vita futuram. At hoc ipsum
quanta est incredulitatis; te de illo id sperare,
& non de Deo? Quomodo non putas Deum
irritari? Nam plerumque ob id ipsum eos auferit,
ne spem in his colles. Emulator enim est
Deus, & vult à nobis omnium potissimum ada-
mari, idque ea ratione, quòd nos vehementer
amet: propterea & Deus tibi maritum abstu-
lit. Quem negligebas amare dantem, ama-
auferentem. Cur confidebas in viro mori-
turo, & non confidis in Deo immortali?
Non ideo tibi maritum abstulit, vt te solam
defereret, sed vt illum solum diligeres.

G Nescio , an debeam laudare Valeriam, Herodot.

quæ rogata, cur amisso viro suo Seruio, nulli vellet nubere, respondit; *Quoniam mihi semper viuit maritus.* Quòd iterum noluerit nubere, laudo: quòd sibi viueret maritus, non laudo; quia tantum Deus ei viuere debebat, qui ideo permittit maritum mori, vt ipse solus viduæ viuât. Nec valde laudanda est Martia Catonis filia, quæ cum semper virum defunctum lugeret, ininterrogata, quem diem vltimum haberet luctus; respondit: quem & vitæ. Non est ille perpetuò lugendus, cui non prodest luctus, nec celebrandus fletibus, sed iuuandus precibus. Veruntamen sunt illæ quodammodo excusandæ, quia Deum immortalem sponsum non nouerant, qui illis viueret, & cui inferuient. At verò viduis Christianis solus debet viuere Christus, vt mori, & viuere possint in Christo, cui omnia viuunt. Vnde Augustinus

de bono viduitatis.

sic viduas alloquitur. *Currite ad illum per illum: placere illi ex illo: viuite cum illo, in illo, de illo.*

Istis fuit Dido similis, quam Poëta se vniuiram viduam deprædicantem inducit;

Virg. 4.
Æneid.

*Ille meos primus, qui me sibi iunxit, amores
Abstulit, ille habeat secum, seruetque sepulchro.*

Hæc respondebat his qui illam ad secundas nuptias inuitabant. Si Deum agnouisset, illi soli viuenti, & non viro mortuo fortè suos iunxisset amores. De illa sic scribit Hieronymus: *Si communi lege natura damnat Gentilis vidua omnes voluptates; quid expectandum est à vidua Christiana, quæ pudicitiam suam non solum ei dat qui defunctus est, sed & ei cum quo regnatura est?* Ferte patienter viduitatem, ac vidui

epist. ad
Saluinam.

viduitatis incommoda, propter ipsum cum quo optatis perpetuò regnare. Non sit vobis curæ alium virum quærere, quæ Deum habetis, qui potest vos ab omni malo eripere. Ille vestri curam suscipiet: sic enim de illo scriptum est; *Pupillum, & viduam suscipiet.* Ille *Psal. 145.* vestros percipit gemitus, numerat lacrymas, labores considerat, ac pro illis vos remunerabit, si pro illo patienter omnia feratis.

H Sit ille vobis vltimus sponsus, qui primum dederat, & quem à vobis abstulit. Quid cogitatis de secundo, aut tertio, quæ non sine incòmodis cum primo vixistis? Cur iterum subdi quæritis, quæ liberæ estis? Cur vultis denuò alligari, quæ solutæ estis? Quis, scit, an secundus vir futurus sit melior, quàm primus, aut saltem ita bonus? Hoc pulchro dilemmate utebatur vidua quædam Romana, nomine, Anna, à consanguineis suis obsecrata, vt iteratò matrimonium contraheret. Aut, inquiebat, futurus mihi maritus bonus, vel malus euadet: si bonus, vexabit me semper timor mortis illius: si verò malus, expedit magis mihi malum hoc non experiri. Aliud quoque dilemma affertur à Diuo Hieronymo in epistola ad Furiam. Si, inquit, *habes li-* *epist. ad*
beros, nuptias quid requiris? Si non habes, quare *Furiam.*
expertam non metuis sterilitatem, & rem incer-
tam certo præfers pudori? Scribuntur tibi nunc
sponsales tabula, vt post paululum testamentum
facere compellaris: simulabitur mariti infirmitas,
& quod te morituram facere volet, ipse victurus
faciet: aut, si euenerit, vt ex secundo marito habeas
filios, domestica oritur pugna, intestinum pralium.

Non licebit tibi amare liberos, nec aquis aspicere oculis quos genuisti. Clām porriges cibos, inuidebit mortuo, & nisi oderis filios, adhuc eorum amare videberis patrem. Quod de priore uxore sobolem habens domum te introduxerit, etiamsi clementissima fueris, omnes Comædi, & Mimographi, & communes Rhetorum loci in nouercam sanctissimam declamabunt: si priuignus languerit, & condoluerit caput, infamaberis ut malefica: si non dederis cibos, crudelis: si dederis, venefica diceris. Oro te, quid habent tantum boni secunda nuptia, ut hac mala valeant compensare? Hæc ille, quibus ostendit, quanta secundas, aut tertias nuptias sequantur incommoda. Nolite igitur illos lugere, qui sæpe vos lugere, & egere fecerunt. Quid vobis cum viris, qui non vos, nec vestros, sed vestra quærunt? Deo potius intendite, qui non vestra, sed quærît animas vestras. Contendat vnaquæque vestrum ita se gerere, ut tandem dicerere possit; Sedeo vtrigina, & vidua non sum.

Apoc. 18.

Ad pupillos & orphanos, quibus nulla est à parentibus derelicta hereditas.

CAPVT XVII.



A V D E & lætare orphanæ, A quia Deum habes adiutorem, si mihi non credes, Psalmistæ saltem sic Deum alloquenti credito: Orphano tu eris adiutor.

Cur

Psal. 9.

Cur doles tantum habens adiutorem ? Parentibus orbaris, sed non Deo, cui eris in filium, si tibi sit in Patrem. Iacta ergo in illo cogitatum tuum, affectum tuum : tunc enim adsunt diuina subsidia, cùm desunt humana præsidia. Cares paterno præsidio, sed non diuino auxilio. Dices ; Nullum ampliùs habeo patrem, in terris, concedo, in cœlis, nego, vbi Patrem habes immortalem, qui tui specialiter curam gerit, & cui meritò dicere potes ; *Pater noster qui es in cœlis*. Nescis quid à Christo dictum sit ; *Patrem nolite vocare vobis super terram* ? Et quid possunt patres temporales sine Patre illo æterno, à quo bona cuncta procedunt ? Pater ille mori non potest ; deserere non vult, nisi deseratur : illius iussis obtempera ; mandata eius obserua, audi Diuum Greg. Nyss. *Meminisse debemus, quia quando Patrem Deum dicimus, quasi filij Dei agere debemus : ut quomodo nos nobis placemus de Deo Patre, sic sibi placeat ille de nobis*. Matt. 23.

B Cæterum te præcesserunt parentes tui in vita : te quoque postulante natura præcesserunt in morte. Non est mirum, cùm dicat D. Aug. *Mortales parentes genuerunt, filij successerunt, mortales mortalibus, & ad hoc nati sunt, qui succederent, ut qui genuerunt, decederent. Non decedit qui me creauit ; ego ab illo non recedam. Ne Deus recedat à tè, noli ab eo recedere, & cum fiducia dic ; Adiutor meus esto, ne derelinquas me, neque despicias me, Deus salutaris meus. Quoniã pater meus, & mater mea dereliquerunt me, Dominum autem assumpsit me*. Aug. in Psal. 26.

Ac

Aug. in
Psal. 26.

Ac si diceret, secundum Genebrardum, Dominus collegit me, in tutelam suam me recepit, & veluti expositum me de platea sustulit, ut me aleret. Quia derelictus es à patre, & matre, assumptus es à Domino. Assumpsit ergo te, non dimisit te. Idem Divus Augustinus videtur assignare rationem, cur liberi à parentibus interdum relinquuntur, cum Deum sic alloquitur. *Pater meus, & mater mea dereliquerunt me, non habent iam quod mihi præstent, quia & quando mihi præstare videbantur, tu præstabas, & illis imputabâ.* Quasi diceret: ne parètibz tribuerem & imputarem quod ab eis recipiebâ, Deus me illis priuavit, ut deinceps nulli, nisi Deo meo tribuerem quod reciperem; illi soli ero debitor.

Psal. 15.

Psal. 14.

Nulla, dicis, relicta est mihi à parentibus hæreditas, nullaque portio. Noli propterea diffidere: etenim hæreditas tua præclara est tibi. Sit portio tua in terra viuientium, & non in terra morientium. Habes amplam in cælo hæreditatem, quæ tanto tibi securior est, quantò minùs de terrena sollicitus es. At, inquis, nihil penitus mihi derelictum est. Adhuc habes unde Deum laudes, illique immortales gratias agas, cum tantò magis relinquaris Deo, quantò minùs tibi derelicta sunt. Audi Dauidem: *Tibi derelictus est pauper.* Si nihil habeas, nihil perdere poteris, nihilque restituere teneberis. Si tibi aliqua parentes tui reliquissent, fortassis fuissent malè parta, & sic restitutioni obnoxia. Melius est igitur non habere, quod non possumus licitè possidere. Esto quodd bene parta fuissent: fortè tu malè vsus fuissès, & sic ad tartara de-

Psal. 9.

scendisses. Hoc non latet Patrem tuum qui est in cœlis, qui tibi hæc denegauit in terris.

C Subiungis ; nec habeo quidem quo victitem ; timeo ne fame peream. Crede mihi, *spera in Domino, & fac bonitatem*, id est, bonum operare : nam qui dat escam omni carni , illam tibi non denegabit. Non deserit Deus animalia parentum ope destituta , suo irrationabili modo illum inuocantia, sed nutrit ea : & te illum rationabiliter , & vt decet inuocantem derelinquet ? *Quis*, inquit Iob, *Iob. 38. preparat coruo escam suam ?* Nonne Deus ? Ipse est, *qui dat iumentis escam ipsorum, & pullis coruorum inuocantibus eum.* D. Isidorus, multique

alij grauiissimi authores asserunt, pullos coruorum à parentibus destitui , quoniam dum nascuntur, candidi sunt, siue quia deplumes, siue quia plumas habent albicantes: clamantibus autem præ fame , Deus immittit muscas, quæ eos, sese in fauces insinuando, alant. Sunt qui dicunt, eos pasci aura quadam rosida: alij verò vermiculis per auram in os eorum immissis. O miram Dei providentiam, sese etiam in voracissimas & carniuoras aues extendentem ! Crede mihi, *spera in eo, & ipse* *Psal. 35.*

faciet: Quid faciet ? Quod tibi à parentibus faciendum erat. *Faciet*, vt induaris. *Faciet*, vt nutriaris. *Faciet*, vt ne pereas. *Faciet*, vt loco parentum nutritios, benefactores, Mæcenates habeas, qui tibi de necessariis prouideant. *Faciet*, vt Iudicibus, atque magnatibus commenderis. Vide quid apud Oseam dicat; *Eius, qui apud te est, misereberis pupilli.* & in Ecclesia: *stico: In iudicando esto pupillis misericors.* Item; *Ecclesi. 34.*

Ne

Ne desſicias preces pupilli. Qui te aliis commendat, non habebit te commendatum? Qui vult, vt tibi miſericordia impendatur, illam tibi denegabit? Qui iubet preces tuas ſuſcipi, illas non exaudiet?

Vtinam, ô pupilli & orphani, dicere poſſis cum Diuo Auguſtino. *Cognouimus alium Patrem Deum: cognouimus aliam matrem Hieruſalem cœleſtem, quæ eſt Eccleſia, cuius portio peregrinatur in terra. Relinquat nos pater noſter, & mater noſtra: Dominus nos ſuſcipiat conſolandos temporalibus, beatificandos æternis.*


Aug. in Sol. Pergite, & cum eodem ſic Deum rogato. *Aperi aures tuas clamoribus lacrymarum pupillorum tuorum, qui clamant ad te: Pater noſter, da nobis hodie panem noſtrum quotidianum, in cuius fortitudine ambulemus die ac nocte, uſquequò perueniamus ad montem ſanctum tuum.*

Matt. 23. Voluit Chriſtus Apoſtolos vocari pupillos, forſitan, vt inde maiorem haberet occaſionem diligendi eos. Illis enim aliquando dixit, *Patrem nolite vobis vocare in terris.* Ac ſi diceret; ero ipſe vobis Pater, à me expectate hæreditatem.

Ad

Ad amantes, siue ad eos qui cupidineo amore ducuntur, & qui dolent quòd simili amore non redamentur.

CAPVT XVIII.

A  Onsolationem fortè, sicut & curationem respicient amantes, nam, teste *Prop. lib. 1.* Poëta,

*Omnes humanos sanat medicinâ dolores,
Solus amor morbi non amat artificem.*

Veruntamen, quàm ineptissimè agant, dum se excruciant, quòd ab amasiis deferantur, aut non redamentur, ostendere conabor.

Dic igitur, amice, cur doles priuari tuæ amariæ amore, pro quo conseruando multa tibi erant præstâda, quæ omnino vitæ, famæ, honori, & conscientiæ tuæ aduersabantur? Quot enim sumptus tibi erant faciendi? quot tempora insumenda? quot litteræ scribendæ? quantæ animi occupationes adhibendæ? & de his omnibus, quid tibi supererat, nisi iactura tum bonorum, tum temporis, lassitudo mentis & corporis, vermis conscientiam corrodens, ratio reddenda, & à diuino amore disiunctio? Nam, teste Gregorio, *tantò Greg. in quisque à superno amore disiungitur, quantò carnali delectatur.* *hom.*

Optimè itaque illa sibi consuluit, quæ te carnaliter amare desiit: ac tibi etiam bene consu

ibidem.

consuleres, si ab impuro illo amore recederes, & de illo deperdito non curares. Ambo enim nihil nisi carnem diligebatis; quid autem sit caro non attendebatis. *Quid caro*, ait idem Gregorius, *nisi vermis est? Et quisquis carnalibus desideriis anhelat, quid aliud, quam vermem amat?* Caro igitur cum concupiscitur, pensetur quid sit exanimis, & intelligitur quid amatur. Nihil quippe sic ad edomandū desideriorū carnalium appetitum valet, quā ut unusquisque hoc, quod viuum diligit, quale sit mortuum penset. Crede mihi, claudentur tādem oculi, quibus faciliē capiebaris: pallescent ora, quæ illicite osculabaris: rugabit facies, quam libenter intuebaris: computrescet corpus, quod tam ardentem adamasti: & priuaberis creatura, ob quam nimium adamatam fortē tuo etiam priuaberis creatore. Hoc erit lucrum, hoc præmium, hæc merces tui immoderati & impudici amoris; exclamat igitur Cicero. [Perditissima oratio est, diligere formam; negligere famam.] At mirum est, quod *Sentit amās sua damna ferēs, tamen hæret in illis, Materiam culpa prosequiturque sua* Quæ modò te deseruit, tandem aliquando B deseruisset, cum nihil sit muliere leuius, iuxta illud,

*Lib. 4.
Rhet.**Ouid. lib. 4.
eleg. 1.*

*Quid leuius fumo? flamen: quid flamine? ventus:
Quid vento? mulier: quid muliere? nihil.*

Vis scire, quid diligas, quando mulierem diligis? Certè amarum quid: imò quod amarum est amaro amas. Illud autem valde amarum est, cuius sola amara est memoria,

Eccles. 41. & hoc est mors, de qua sic Sapiens; O mors quā

quàm amara est memoria tua! Morte verò amarior est mulier. Audi Salomonem; *Intueni mulierem amariorem morte.* Pudeat te, rem tam amaram amare, aut velle ab amara amari: tibi potius dulce sit amaro priuari, ne æterna amaritudine crucieris, ac de te dicatur; *Occuper eum caligo, & inuoluatur amaritudine.* Tot enim sunt mala, quæ sequuntur amantes, vt Poëta Ethnicus sic scribere cogatur.

Ouidius li. 2. de remed. amor.

Littore quot conchæ, tot sunt in amore dolores,

Quæ patimur, multo spicula felle madent.

Quando mulier turpiter te amare desinit, mors te deserit, & doles? Mortem omnes naturaliter perhorrescunt, & fugiunt, & tu illam diligis, & insequeris, quando vis mulierem te amore prosequi.

Præterea Afloresæus loquens de muliere, *Aflorif.* vocat illam, *demonem in domo, bubonem in fenestra, picam in porta, capram in horto, fœtorem in lecto.* Diuus Chrysostomus vocat mulierem, *malum summum, & acutissimum diaboli telum.* Ideo enarrans mala quæ per mulierem in mundo acciderunt, sic in illam inuehitur.

in Serm. de decol. Sancti Ioann. Bapt.

Per te, inquit, bella sunt: per te sapientes se perdunt; per te sancti occisi sunt; per te ciuitates combusta sunt; per te vita perditæ est; per te mors inuenta est: per te diuites pauperes; per te pulchri turpes; per te casti luxuriosi; per te humiles superbi; per te pœnitentes inobedientes, & Deo odibiles sunt. Hæc est mulier antiqua malitia, quæ Adam eiecit de paradisi deliciis. Hæc humanum genus mersit in infernum: hæc vitam abstulit mundo: hoc malum homines ducit ad mortem. Ita ille.

Quid tibi igitur cum illa, ex qua tot oriun-

tur mala? Cur afflictaris, quòd ab ea relinquaris, quam tu deserere tenebaris?

Vince tu, non vincat mulier; vincet autem, si prior deserat te, quàm tu illam. Vtinam prior Dalilam deseruisset Samson: non enim illum circumuentum illecebris, raso etiam capite deformatum, alienigenis tradidisset. Hunc meritò ridet Ambrosius. *Samson validus & fortis Leonem suffocauit, sed amorem suum suffocare non potuit: vincula soluit hostium, sed suarum non soluit nexus cupiditatum: messes incendit alienas, sed vnius ipse mulieris accensus igniculo messem suae virtutis amisit.* fac vt alieno damno cautus efficaris. Narrat Aelianus de Dioxippo Olympiis victore, quòd cum pugilum more Athenas eques introiret magno populi concursu, & alij rerum aliarum quæ in eo essent apparatu, & pulchritudine caperentur, ipse medio triumpho coniectis oculis in mulierem quandam formosissimam, ab eius aspectu non potuit abduci: quin etiam vultum sæpe mutabat, vt facile appareret eum telis cupidineis saucium, iam non sui fuisse compotem: quamobrem Diogenes Synopensis ad populum. En, inquit, magnum vestrum pugilem, vt à puella configitur! quasi dixisset, turpe esse, qui viros vicisset, à muliercula superari. Fortè mulier illa illum quidem respiciebat, sed illum nò amabat: turpissimum erat huic pugili capi ab ea, quæ capi nolebat, & non amante adamasse. Quæ te dementia cepit, vt illam velis turpiter amare, ab eaque amari, quæ non curat, nec curare debet, vt eam sic diligas? Et si diligeret, nihil nisi

Ambr.

Ab. 12. var. hist.

nisi querelas audires, continuûsque agitareris perturbationibus, importunè se haberet, semperque iuxta amâtiû morem conquereretur, quòd scilicet vt cupit nò amaretur; quòd illi nihil daretur; quòd non visitaretur, quòd de illa non cogitaretur: quòd ei alia præfereretur; quod contemneretur; atque ita inquietè viueres.

D Si quid præcipuè in muliere te allicit, pulchritudo est, quam te perdidisse doles: verum, si attendas, quid sit pulchritudo, reuera te doluisse dolebis. Nam in primis *vana* *Prou. 31.*

est pulchritudo. Et iuxta Socratem, pulchritudo est modici temporis tyrannis. Secundum Theophrastum, tacita deceptio. Secundum Theocritum, eburneum detrimentum. Secundum Euripidem, res infelix est. Secundum Balduinum, est velamentum turpitudinis. Secundum Poëtam, est fragile bonum, quod breui spatio temporis consumitur.

Forma bonum fragile est, quantû accedit ad annos, Ouid.

Fit minor, & spatio carpitur ipsa suo.

Quid igitur curas de re tam vana, & fragili, de tyrannide, de deceptione, & detrimento, vel de re afferente detrimentum? Nam teste Sapiente, *propter speciem mulieris multi perierunt.* *Eccles. 9.* Noli diligere, nec diligi ab eo, quod tibi potest esse causa perditionis & æternæ miseriæ.

Propterea illud est duntaxat pulchrum adamandum, quod reuera pulchrum est; quid autem illud sit indicat Plato. [Ipsam pulchrum dicimus, quod semper tale, quate perseverat.] Non enim illa pulchra sunt, quæ

fluxa sunt, & quæ senio, vel infirmitate marcescunt. Deus est præcipuè diligendus, & vt ab eo diligamur, totis viribus laborandum, cum in eo sit omnis, perfectaque pulchritudo. Pœnituit aliquando Augustinum, quòd illam nimis serò adamauerit. *Quam serò te amavi pulchritudo tam antiqua!* Ideo rogat vt omnis amor cupidineus recedat à se, sed diuino tantùm ducatur & inflammetur amore.

August.

in Solil.

O amor, inquit, qui semper ardes & nūquam extingueris; charitas Deus meus, accende me totum igne tuo, amore tui, desiderio tui, vt totus flamma tua charitatis vaporatus diligam te Dominum meum dulcissimum & pulcherrimum ex toto corde meo: nullus in me adulterinis amoribus pateat locus.

Amor noster ad Deum tendat, tanquam ad suum centrum. Quid diceres, si vel minima tela araneorum magnus aliquis lapis detineretur ne in centrum caderet? Quanam admiratione rapiuntur cælicolæ, dum animaduertunt amorem tuum detineri ab aliqua muliercula, vel alia creatura, quæ respectu Dei leuior est tenuissima tela, quæ leuissimo flatu disrumpitur? Diligis creaturam, quæ modò pulchra est, modò deformis; modò diues est, modò pauper: nunc adolescit, postea senescet: modò diligit, modò odit. Cur Deum potiùs non diligis, qui semper idem est, semper pulcher, semper diues, & qui nunquam ab amante se recedit? Ille est, cuius amor, vt notat Bernardus, *dulciter cagendo Deū. pit, gloriôsè laqueat, suauiter premit; delectanter operat.* Contrà verò obscœnus amor turpiter capit,

Liber II. Cap. XVIII. §17

capit, ignominiosè laqueat, crudeliter premit, laboriosè onerat.

E Si ergo vis redamari, Deum ama: ait enim; *Ego diligentes me diligo.* Non fictè, sed verè Prover. 8. amat: non deserit, nisi deseratur: & si ardentissimis illis amoribus delecteris, iisdem ferè te prosequetur. Audi Chrysostomum. *Nemo amatorum carnalium ita exardescere potest in amorem dilecta sua, quemadmodum Deus effunditur in amore animarum nostrarum.* Super illud; Sic Deus dilexit mundum, Quid quæris amplius? Cur turbaris, quòd ab amantia tua non diligaris? Imò sine, ut illa conqueratur; quòd à te non diligatur, atque ita turpis ille amor ab utroque deseratur. *Felix* epist. ad Demet. ille, inquit Hieronymus, in cuius corde præter amorem Christi, nullus alius versatur amor, nec ad recordationem hominis aliquando suspirat, nec videre desiderat, quòd cum viderit, noluit dimittere.

Crede mihi, expelle à te omnem carnalem amorem, ut diuino implearis; ad hoc te hortatur Augustinus. *Exclude malum amorem, ut implearis amore Dei.* tract. 2. in Epist. Ioan. *vas es, sed adhuc plenus es, funde quod habes, ut accipias quod non habes.* Nihil enim pestilentius impuro amore dari potest; idcirco à nobis quàm citissimè rescindendus est, & gaudere debemus; si ab aliis erga nos rescindatur. Rescindenda sunt etiam illa quæ huiusmodi amorem nutriunt, & fouent, vel accendunt. Nam;

Vt penè extinctum cinerem si sulphure tangas, Viuet, & ex minimo maximus ignis erit: Quid. lib. 1. de remed. amor.
Sic, nisi vitaris quidquid reuocabit amorem, Flamma redardescet, quæ modò nulla fuit.

Vt autem penitus extingatur, necesse est, vt amasiâ fugias, vel ipsa te; in hoc enim certamine fuga valde ad vincendū necessaria est;

Claud. in Spatio debilitatur amor. —

Epist. ad Et alius sic consulit.

Olybr. 7re libet procul hinc, patriaq; relinquere fines.

Ouid. 10. Quia secundum eundem Poëtam,

Met. Manat amor tectus, si non ab amante recedas.

lib. 1. de re. I procul, & longas carpere perge vias.

med. amor. Porro, reuoca in mentem tempus illud in quo à repudiante non amabar, nec fortè agnoscebar: tunc, inquam, non dolebas illius amore priuari, cur modò doles? Presuppone eam te nunquam adamasse: & vti nam non amasset: quid enim ex huiusmodi amore lucratus es? & quid in posterum lucrareris? Erit igitur tibi non minima consolatio, huiusmodi consideratio, nam secundum Gregorium, *magna consolatio est in aliquius rei amissione illa tempora ad mentem reducere, quibus nos contigit rem quam perdidimus, non habuisse.* Quo cates, aliàs caruisti, & non doluisti; si modò careas, non doleas.

Sedatur etiam vefanus amor labore, & F exercitatione: nam diffinitio amoris secundum Chrysostomum hæc est; *Anima vacantis passio.* Vnde Poëta,

super Mat. — Finem qui quaris amoris,

Ouid. lib. 1. Cedit amor rebus, res aget, unus eris.

de remed. in cap. 10. Appositè Diuus Hieronymus otium appellauit rubiginem sapientiae & ingenij. Sicut enim tempore pacis arma bellica splendore suo destituuntur, & rubigine obducuntur; sic animus noster absque exercitatione torpescit.

scit, & amorem cupidineum veluti rubiginem contrahit. Et sicut illa arma scedantur rubigine, ita animus vesano amore. Tunc David, Salomon, & Samson mulieres carnaliter adamarunt, quando otiosi coeperunt.

Nam, vt aduertit Augustinus: *Quandiu David exercitauit se in militia, non insultauit ei luxuria, sed postquam in domo otiosus remansit, laborauit adulterio. Samsen, dum cum Philistaeis pugnaui,* serm. 16.
ad frat. in
erem.

non potuit capi ab hostibus, sed postquam dormiuit in sinu feminae, & otiose cum ea remansit, mox capitur. Salomon dum occupatus esset in adificatione templi, non sensit luxuriam; sed mox recedens ab opere persensit insultum luxuriae. Crede mihi;

Otia si tollas, perire Cupidinis arcus.

Ouid.

Delenda quoque sunt illa quae nos amasium reddunt memores, vti sunt imagines, epistolae, munuscula, & similia, iuxta optimum Poetae consilium.

Si potes & ceras remoue, quid imagine muta

Ouid. lib.

Carperis? hoc perit Laodameia modo.

2. de reme.
amor.

Scripta caue relegas blande seruata puella:

Constantes animos scripta relecta mouent.

Omnia pone feros, quamuis inuitus, in ignes,

Et dic, ardoris sit roguis iste mei.

Vtinam nos Christiani ad propulsandum omnem impurum amorem iisdem remediis, quae ipsi Ethnici praescripserunt, vteremur; nouerant illi, quanta ex eo oriantur incommoda.

G Insuper, illum à te longè amouebis, si cogites sapissimè leui de causa deperdi, atque interdum in odium commutari. Tantus fuit olim Ammonis amor in Thamar sororem

520. Clypeus Patientia.

2. Reg. 13. suam, vt, teste Scriptura, agrotaret propter amorem eius. Sed vide huius impudici amoris exitum. *Exosam eam habuit odio magno nitnis, ira vt maius esset odium, quo oderat eam, amore quo antè eam dilexerat.* Quia forsan morsus & vermis malæ cōscientiæ sæuior ei fuit, quàm præcedens voluptas delectauerat. Certum enim est, quòd in illo amore

Ouid. de art. aman. *Quod iuuat exiguum est: plus est quod ladit amantes.*

Proponant animo multa ferenda suo.

in Must. Inducit Plautus aliquam amasiam alteri colloquentem, atque suadentem vt suum deferat amasium, illam tandem sine dubio, vel ob ætatem, vel satietatem relicturum. Sic enim loquitur. *Stulta es tu plane; quæ illum tibi æternum putas fore amicum, & beneuolentem. Moneo ego, te deseret ille ætate, & satietate. Nihil ego minus, quàm nunc tu, amata sum, atque vni modò gessi morem, qui reliquit, deseruitque me: tibi idem futurum credo.* Sciant igitur mulieres nullo modo à suis amasiis diligi, sed dumtaxat illarum iuuentam, vel pulchritudinem, qua finita, aut accedente alia vel minima causa, finietur & amor. In primo parente Adamo videre licet, quàm facilè deperditur amor viri in mulierem: nam qui Euam prius adamauerat, & cuius amore peccauerat, postea timore perterritus, illicò amore illo in odiù mutato, accusare cœpit vxorem, & in eam reiicere culpam; *Mulier, inquit, quam dedisti mihi sociam, dedit mihi de ligno, & comedi. Quæ* verba attentè considerans Diuus Bernardus, sic exclamat. *Adam transferendo culpam à se in vxorem,*

Gen. 3.

serm. 1. in
Fest. omn.
Sanct.

uxorem, pœnam quoque meritam voluit in eam
solam traducere. O peruersitas! pœnam pro ea sus-
cipere refugis, & culpam admittere non recusasti?
Hoc non fecisset, si verè illam dilexisset. At-
tendant itaque mulieres omnes viros filios
essè Adæ, nec degeneres: atque ideo illorum
non fidant amicitia, ne Deum exprobrantem
audiant; *Contempserunt te amatores tui.* Non Ierem. 4.
tantùm dereliquerunt, sed contempserunt;
vide amorem illorum mutatum fuisse in
contemptum. Contemnunt igitur mulieres
omnium virorum insanum amorem, ne à
Deo, & ab hominibus contemnantur.

H Videant etiam viri amasiarum amorem
non solùm facilè perire & extingui; sed & in
odium sæpissimè verti. Patet in vxore Phuti-
pharis, quæ ardentè adamauerat Ioseph eo
quòd esset *pulchra facie, & decorus aspectu.* Sed Gen. 39.
quia noluit ille acquiescere operi nefario, &
ei ipsum sollicitanti ad stuprum, consentire,
accusauit eum mulier impudica apud virum
suum, dicens: *Ingressus est ad me seruus He-
braeus, quem adduxisti, vt illuderet mihi.* Quid
tibi videtur? Hæc mulier subitò odiit, quem
priùs deperibat, & ob solam repulsam vole-
bat illum videre mortuum, quem tam arden-
tè aspexerat viuum, & dormire cum mor-
tuis, quia secum dormire recusauit. O impu-
dica mulier! ait Diuus Prosper, *amat & per-* D. Prosp.
sequitur, concupiscit & sedit, & quia ad stuprum
non consentit, trucidandum eum statuit, quareque
perire quem diligit.

Solent amantes vt plurimùm ad impossi-
bilia, vel ad ardua, & ad illicita inuitare. Nam

Ouid. Epi. --- *Quid deceat non videt ullus amans.*
Phaed. ad Quòd si postulatum indecens, aut impossi-
Hip. bile dicas, non obaudiunt, nec accipiunt, quia
idem eleg. *Turpis amor surdis auribus esse solet.*
 16. De huiusmodi amore nobis etià liceat illud
Amb. serm. Ambrosianum dicere. *Amor non accipit de im-*
de Assüpt. *possibilitate solatium, nec ex difficultate remedium,*
nec consilio temperatur, nec pudore frenatur, nec
rationi subiicitur. Felix igitur qui nullo est
 cupidineo amore irretitus; tranquillam enim
 vitam, atque beatam ducet. Nam, teste Plau-
 to, *miser est qui amat.* Non sollicitabit, nec so-
 licitabitur; non tentabit, nec tentabitur: non
 perdet, nec perdetur. Gaudeant viri, gaudeant
 & mulieres, si illius amoris sint expertes; di-
 cat denique omnis amans illud Tibulli.
lib. 2. eleg. *ultim.*

Acer amor fractas utinam tua tela sagittas;
Scilicet extinctas aspiciamque faces.
Tu miserum torques, tu me mihi dira precari
Cogis, & insana mente nefanda loqui.

Ad senio confectos.

CAPVT XIX.

Psal. 118.

ad Tit. 2.



epist. ad
Euriam.

NOLO senes prudentiam doce-
 re; non enim *super senes intellexi,*
 sed eis patientiam persuadere,
 cum optet Paulus, *ut senes sani*
sint in patientia, tanquam valde
 eis necessaria, ob innumera incommoda quæ
 senectam comitantur, quorum nonnulla à
 Beato Hieronymo enumerantur. Caput, in-
 quit,

quit, incanescit, decidunt tanquam ab arbore capilli, dentes cadunt, balbutit lingua, fluunt salivæ, tremunt genua, & fronte obse-
nium rugis arata, instar boum à mento pa- & ad Ne-
learia pendent, caligant oculi, accedunt do-
lores podagræ & chiragræ, ac magna pars
vitæ videtur esse truncata, & multis membris
præmorta, premit pituita & tussis molestis-
sima. Tantis denique afficiuntur senes infir-
mitatibus, ut ipsa senectus morbus sit, & hu-
iusmodi, ut sola morte curari possit. Vnde
merito Aristoteles ait, morbum esse aduen-
ticiam senectutem, senectutem verò morbum
naturalem. Audiatur Poëta:

Sed quàm continuas, & quantis longa senectus Iun. Sa-
Plena malis. ——— *tyr. 10.*

Senio confecti non tam viuunt, quàm lentè
moriuntur. Alexis Poëta cuidam videnti
ipsum iam senio fessum ægrè, lentèque ince-
dere, ac rogati, quid ageret: Paulatim, inquit,
mорий; significans senes non viuere, sed len-
tè mori. Milo Crotoniates athleta iam senex,
cùm vidisset alios athletas in curriculo sese
exercentes, fertur inspexisse lacertos suos, la-
crymansque dixisse: At hi iam mortui sunt.
Diogenes interrogatus, quid esset senectus?
respondit; vita brumalis, tempestatibus ob-
noxia. Dauid annos natus septuaginta, sene-
ctute frigescente non poterat calefieri. Huic
adde Patriarcham Isaac, cuius præ senectute
caligauerant oculi, adèd ut filios sola voce, ac
contactu discernere valeret. Quod & Iacob,
& Heli contigisse scribitur. Afa quoque Rex
Iuda tempore senectutis suæ doluit pedes.

lib. 5. de
gen. ani-
mal. c. 4.

Eras. lib. 9.
Aph.
idem.

Gene. 27.

1. Reg. 3.

1. Reg. 15.

Excla

524 *Clypeus Patientiæ.*

*Eurip. in
Bacch.*

Exclamet igitur Euripides :

Heu, quam multas habet senectus agritudines!

Ætas enim longa plurimas affert calamitates.

Sisenna.

Secundum aliquos, senex dicitur quasi semine-
minex, hoc est, semimortuus, quod acta ma-
iore ætatis suæ parte iam morti propinquior
sit. Nam nex mortem significat, teste Sisenna,
qui ait: *Quoniam neque mea nex, neque interces-
sio posse videtur illorum dementem reprimere au-
daciæ.* Vnde Latini decrepitos vocitabant
capulares senes, id est, morti propinquos, ut
mox capulo, seu feretro sint efferendi. Ob in-
commoda senectutis annexa dicebat Me-
nander :

Menand.

Time senectutem, non enim venit sola.

Difficile senectus est hominibus onus.

de Senect.

in Mor.

Hinc Cicero plerisque senectutem sic odio-
sam scribit, ut onus se æternam grauius dicant
sustinere. Et Gregorius Nazianzenus appel-
lat *tristissimos senectutis dolores, omnisque Siculis
scopulis grauius.*

*Lib. de mi-
seria hu-
mana.*

Senectutis incommoda breuiter etiam per-
stringit Innocentius Papa, cum ait. In senec-
tute cor affligitur, & caput concurtitur: lan-
guescit spiritus, & foetet halitus: facies ruga-
tur, & statura curuatur: caligant oculi, & va-
cillant articuli: nares effluunt, & crines de-
fluunt: tremit tactus, & deperit actus: dentes
putrescunt, & aures surdescunt. Vnde Augu-
stinus: *Cum sibi homines optant senectutem, quid
aliud optant, nisi longam infirmitatem?* Idem sen-
tiebat, qui dicebat: *Senectus ipsa morbus est.*
Antiphanes vocare solebat senectutem offi-
cinam omnium malorum. Ideo dicebat:

*lib. de cate-
chizandis
rud.
Teret. com.
ult.*

[O sene

Liber II. Cap. XIX. 525

[O senecta, quàm cunctis hominibus es optata, beata: deinde cùm accesseris, molesta & grauis: nec vllus benedicit tibi; sed contrà quisque maledicit.] Est senectus ferè omnibus hominibus exosa; vnde de sene Mimnermus, de quo Gyraldus: [Oderūt illum pueri, contemnunt mulieres; adeò miseram Deus senectam fecit.]

C Videns Dauid senectutem tantis affici incommodis, & ab omnibus despici, & destitui, ad Dominum tanquam ad commune auxilium confugiens orauit, & dixit: *Ne proicias me in tempore senectutis, cùm defecerit virtus mea, ne derelinquas me.* Et paulo inferiùs; *Et vsque ad senectam & senium, Deus, ne derelinquas me.* Dicunt nonnulli Dauidem voluisse etiam alludere ad barbariem quarundam nationum, non tantùm inciui-liter, sed & crudeliter se gerentium erga senes: veluti Derbicum in Persis, qui, vt scribit Ælianus, viros longiùs ætate progressos more hostiarum immolabant ad aras, & mulieres senescentes præfocabant. Hyperboreorum quoque in Scythia, qui, teste Mela, longæuos post epulas sertis redimitos ex rupe abrupta in mare præcipitabant. Simili crudelitate utebantur Tybareni circa senes, vt tradit Eusebius. Indi & Massagetæ senio confectos cædebant in frusta, & carnibus vescabantur. Sardi fustibus cædebant, & vnà cum illis interemptorem sepeliebant. Incolæ insulæ Co ad Hellespontum, supra sexaginta annos natos aconito vitam finire cogeabant, vt author est Strabo. Est autem aconitum herba venenosa, qua ad

Antiphanes.

Psal. 70.

lib. 2. c. 1.

lib. 3. c. 5.

lib. 1. de præp. Euag. c. 3.

Herod. lib. 1. c. 15.

acce

ibidem.

accelerandam mortem senes vti cogeantur, ne aliorum annonam absumerent. Caspi, teste eodem, parentes septuagenarios domi claudebant, aut in inculta desertaque loca exponebant, fame, siti, inopia conficiendos. O nimiam barbariem!

Aliter se gerebant nonnullæ aliæ nationes, quæ maximo honore senes afficiebant. Lacon quidam profectus Lacedæmonem, cum vidisset honorem, quem iuniores præstabant senioribus, dixit: In sola Sparta expedit senescere. De quibusdam aliis gentibus sic scribit Iuuenalis;

Saty. 13.

*Improbilas illo fuit admirabilis aeo,
Credebant hoc grande nefas, & morre piadum,
Si iuuenis vetulo non assurrexerat. —*

Leuit. 19.

Gaudeant nostri senes, quod apud fideles nati sint, quibus præcipitur eos honore, cura, & præsidio afficere. *Coram cano capite*, ait Dominus, *consurge*, & *honora personam senis*. Item: *Ne spernas hominē in senectute sua; etenim ex nobis senescunt*. Olim Deus conquerebatur, quod aliqui senibus non impenderent obsequium: *Facies sacerdotum non erubuerunt, neque senum miseri sunt*.

Thren. 4.

Eurip.

Anaxandrid.

Porro non omnia in senili ætate sunt incommoda, ideo non est ægrè ferenda: habet enim illa ætas sua commoda, suæque oblectamenta. O fili, inquit Euripides, *non omnia mala senectuti adsunt*. Et alius: *Non est senectus, ut existimas, pater, onus maximum*. Non prætereundum, quod, teste Phauorino, Platoni, & Pythagoræ videbatur, senectutem non tam esse iuxta finem vitæ, quàm iuxta principium

pium bene, beatéque viuendi. Dicebat Crates ex Antiphane. [Exprobraſti mihi ſenectutem ceu magnum malum, quam qui non aſſecutus fuerit morte mulctatur, quam omnes deſideramus. At ſi quando venerit, ægrè ferimus: adeò ingrati naturæ ſumus.] Non eſt illud ægrè ferendum, quod, niſi citò moriendo, non euitatur. Igitur, aut citò mori, aut tandem ſeneſcere, & poſtea mori neceſſe eſt. Omnes quippe moriuntur, ſed non omnes ſeneſcunt.

Senem melioris eſſe conditionis, quàm *de Senect.* iuuenem affirmat Cicero, cum id quod hic ſperat, ille conſecutus ſit. Hic vult diu viuere, ille diu vixit. Laudatur reſponſum cuiuſdam ſenis ad aliquem ſibi compatiens: Noli, inquit, mihi compati, quòd ſim ſenex, ſed compatere, quòd iuuenis fui. Hoc nobis omnibus dicendum videtur, non propter ætatem, ſed ob crimina quæ in iuuenili committuntur ætate. Seneca ſic ad veteranum: [Numera, *inquit*, annos tuos, & pudebit eadem velle ſenex, quæ voluiſti puer: moriantur ante te vitia.] *Epist. 23.*

Bion dicebat nulli exprobandam eſſe ſenectutem, ad quam omnes optant peruenire. Abſurdum enim eſt aliis probro dare, quod quis optat ſibi contingere. Senex, inquit Democritus, fuit iuuenis aliquando. At verò an iuuenis futurus ſit ſenex, incertum eſt. Perſectum igitur bonum futuro, præſertim incerto, præſtantius eſt. Interrogatus Solon Philoſophus, qua ſpe fretus tam audacter reſponſiſſet Piſiſtrato Tyranno, ait; ſenectute. *Laërt.*

Non

Eccl. 25.

de Senect.

Num. 11.

Epist. 67.

lib. 1. He-
xam.

Non est igitur dolendum peruenisse ad ætatem non tantum audacia, sed & sapientia, ac consilio plenam. Audi Sapientem: *Quam speciosa veteranis sapientia, & gloriosus intellectus, & consilium!* A sene Senatus, & Senator dicitur, quia nullus eligebatur ad Senatoriam dignitatem, nisi senilem attigisset ætatem. Rationem assignat Tullius. [Consilium, ratio, sapientia constant in senibus, quæ nisi in illis essent, summum consilium maiores nostri non appellassent Senatum.] Voluit olim Dominus, ut Moyses eligeret senes quosdam tanquam sapientia, iudicioque pollentes. *Congrega*, inquit, *mibi septuaginta viros de senibus Israël, quos tu nosti, quod senes populi sint & magistri.*

In hoc vel maximè laudanda, atque optanda senectus, quod in illa emoriantur vitia, quæ in iuuentute vigeant. Multa non potest senex, quæ si posset, fortè operaretur, atque ita senex stultus haberetur. Ob hoc agebat Seneca gratias senectuti, qua non poterat, quod non decebat. [Ago, inquit, gratias senectuti, quod me lectulo affixit. Quidni gratias illi hoc nomine agam? Quicquid debebam nolle, non possum. Cum libellis mihi plurimus sermo est.] Non est iuueni licitum, quod seni est impossibile: beata est ætas, quæ euitatur iniquitas. Diuus Ambrosius ideo optandam esse senectutem ait, quod ad reprimendas libidines fortior sit. *Quid*, inquit, *naturam accusas, ô homo? Habet illa impedimenta quedam, senectutem & infirmitatem: sed senectus ipsa in bonis moribus dulcior, in consiliis subtilior,*
ad

ad constantiam subeunda mortis potior, & ad reprimendas libidines fortior: infirmitas corporis, sobrietas mentis est. Bæotius quidam, cum iam natus annos plusquam septuaginta thesaurum reperisset, contempsit & præterivit, ut qui non amplius vsui sibi futurus esset; quamquam, secundum Augustinum, senescentibus aliis vitiis sola videatur auaritia in senes inuenescere, quod quidem monstro simile affirmat Seneca: [Monstro, inquit, similis *lib. de moribus.* est auaritia senilis. Quid enim stultius est, ut dici solet, quam via deficiente augere viaticum?] Rara sunt monstra; sic raro, vel nunquam debent senes concupiscere, cum non cessent deficere. Tanto oportet illos esse à peccatis remotiores, quâd se nouerint mortis propinquiore. [O præclarum munus ætatis, siquidem id aufert nobis, quod est in adolescentia vitiosissimum!] ait Cicero.

Gaudeat igitur senex, si non possit quod non decet: fortis est seniorum debilitas, dum per illam fugatur voluptas. [Quam dulce est, inquit Seneca, cupiditates fugasse, ac reliquisse!] Non enim opus est corporis viribus ad resistendum voluptatibus; hoc experiebatur, qui sic effabatur: *Cum infirmior, tunc potens* 2. Cor. 11. *sum.* Vocentur itaque à Cicerone senum infirmitates, aptissima senectutis arma. Dicat etiam Phauorinus; [Qui sponte à voluptate recedit, sapiens est: qui verò ipsam prorsus non desiderat, beatus: senectus autem istorum utrique idonea est.] Optimum est, ut senilia membra frigescant, ne illicita concupiscant. Sophocles, teste Tullio, senio confectus, nec.

ibidem.

ctus, interrogatus, vteretúrne rebus Vene-
reis: Dij meliora, inquit; libenter verò isthinc
tanquam à domino furioso, & agresti, pro- C
fugi. Dominum furiosum vocat actum Vene-
reum, quem tam in iuuenili, quàm in senili
ætate fugiendum censet. Idem Tullius bea-
tam esse ait senectutem, quòd corporis volu-
ptatibus careat; increpat autem eos, qui ob id
illam miseram prædicabant. [Senectus, *in-*
quit, ob id misera à nonnullis creditur, quòd
voluptatibus careat, sine quibus vitam nul-
lam putamus. Tui mihi non videntur accu-
sare, quod accusandum est: nam si id senectu-
tis culpa accideret, ea maioribus natu eueni-
rent; quorum multorum senectus est absque
querela, qui se à libidinum vinculis laxatos
esse non molestè ferunt, nec à suis despiciun-
tur.] Facessat igitur illorum nebulonum
commentum, quo asseritur, sine voluptate
illam ætatem despici, quam procul à volu-
ptate videmus honorari.

Iunctus de
Senect.

Luc. 1.

Cæterùm, ait quidam, quòd à cupiditati- F
bus senes immunes sint, & nihil ampliùs ab
eis turbentur, hoc maximum, & pulcherri-
mum à Deo donum hominibus datum esse
reor, per quod diuinæ naturæ quodam modo
similes fiant. Hac de causa forsitan voluit
Christus è manibus virginis ad seniles se
conferre; vt cui immaculata placuit virgini-
tas, pura & sincera non displiceret senectas:
legimus enim apud Lucam, quòd Christus
post dies quadraginta à sua natiuitate ma-
ternis manibus ad templum delatus, fuit ibi
cuiusdam Simeonis annosi vlnis exceptus;
vnde

vnde canit Ecclesia : *Senex puerū portabat, puer autem senem regebat.* Poterat Spiritus sanctus aliis suggerere, vt Christo in templum delato, eò se conferrent, ibique illum exciperent; verum annoso viro hoc voluit reuelare, vt hunc honorem sola senectus reportaret. Eodem autem tempore quo Christus à viro *ibidem.*

sene excipiebatur, à muliere etiam annosa *ibidem.* prædicabatur; ab Anna scilicet filia Phanuëlis, quæ quàm prouectæ fuerit ætatis, cognoscitur, cum dicitur, quod *vidua erat usque ad annos octaginta quatuor.* Voluit itaque Christus in iuuenili ætate portari, & prædicari à senili ætate, vt qui marem & fœminam condiderat, à mare sene exciperetur, & à fœmina sene prædicaretur, & ab utroque benediceretur; atque ita in utroque senectus commendaretur. Meritò Abbas Guericus ambos ætate æquales, similes deuotione, consortes prædicatione, pari turturum confert. *Ecce, inquit, habes par turturum, senem iustum, & viduam Annam, utrumque castum, utrumque desiderio Redemptoris gremebundum.* *Serm. 2. de pirisf.*

¶ Sed quid mirum, si à senibus Dominus in terris benedicatur & honoretur, cum à senioribus in cælis colatur & adoretur? Vidit enim Ioannes *viginti quatuor seniores procident- Apoc. 4.*
tes ante sedentem in throno, & adorantes viucentem in secula seculorum. Dicant quid sentiant; qui hunc locum sunt interpretati, suamque, si velint, Cabalistæ afferant opinionem, dicentes, teste Bungo, per viginti quatuor seniores *Bungus de num.*
posse intelligi Reges viginti quatuor regnorum mundi, qui veri legitimique sunt Reges.

Adducant alij alias huius loci tum mysticas, tum literales expositiones. Hoc vnum ego quæro, vt scilicet omnes aduertant, istos viginti quatuor assistentes ante thronum Dei, senes fuisse, non iuuenes, aut saltem in senili, & non in iuuenili specie repræsentari, in maiorem venerabilis senectutis commendationem. Habeant Reges terrenti iuuenes compros sibi assistentes, quos vulgò vocant, *Pages d'honneur*. Habet antiquus dierum Rex cælestis antiquos ante sedem suam procidentes, quos seniores vocat Euangelista. Si Pererio credendum est, vnus ex istis viginti quatuor senioribus numeratur Simeon ille senex, de quo priùs. Quod si ita est, vt verisimile est, verè ac præcipuè illum beatum prædicamus, quia illo fruitur in cælo, quem amplexabatur in templo; & adorat in throno sedentem, quem suis vlnis exceperat vagientem: & ab illo admittitur in cælis, à quo dimittebatur in terris. Qui, inquam, in templo cantauerat: *Nunc dimittis seruum tuum, Domine*, &c. cantat modò, & in æternum cantabit in cælo: *Dignus es, Domine Deus noster, accipere gloriam, & honorem, & virtutem*, &c. Nemini igitur displiceat senium, quod potest tantum consequi præmium. Et reuera nulli erit senilis ætas horrore, si consideretur, quantum ei tribuatur honoris.

Præterea, non est contemnenda senectus, quòd in illa mors contemnatur: non enim mori recusant, qui viuere desinunt. Mors senilis, ait Sophocles, diuersorio similis est: iuuenilis autem tamquam eiectio, & naufragium.

in cap. 4.
Apoc. di-
spnt. 13.

Luc. 2.

Apoc. 4.

fragium est; elabitur enim anima violenter contrito corpore. Mors, teste Platone, quam *in Tim.* morbi & vulnera intulerunt, violenta est, atque molesta: quæ verò senio paulatim ad finem deducente naturaliter surrepit, inter omnia mortis genera leuissima est, & cum voluptate potius, quàm dolore contingit. Gaudeant igitur senes suauiter morituri, & quoddam habeant antè, quod iuvenes retrò. Hoc autem facillè cauetur, aut saltem ei melius prouidetur, quod antè videtur. Pelago agitatæ iucunda est tellus dum cernitur: sic longo viuendi tramite fatigatis iucunda debet esse senectus, per quam terræ, mortique appropinquatur. Audi dicentem: [Mihi *Cicero de Senect.* tam iucunda senectus est, ut quò propius ad mortem accedam, quasi terram videam videre, aliquandòque in portum ex longa navigatione esse venturus.] Vnde egregie Seneca: [Portus aliquando petendus, nunquam recusandus.] *Epist. 16.*

H Vt autem grata sit senectus, & nobis non sit oneri; abigenda sunt omnia turpia, & quæ etiam iuuenibus sunt illicita. Cato senior dicebat: cum senectuti multa adsint probra, non est addendum malitiæ dedecus; sentiens senectutem multis nominibus vulgò malè audire, quoddam deformis, edentula, lusciosa, & imbecillis sit. Hæc ferre satis est, ut non accedat crimen improbæ vitæ, quod omnibus quidem fœdum, sed seni fœdissimum. Idem ad senem quemdam improbæ vitæ dixit: Quid est, quoddam senectuti multa mala *Cato maior.* habenti, tux etiam improbitatis dedecus *ior.*

lib. de 12.
abusio.

Greg. Naz.
in Carm.


adiicias? Desinamus eadem velle senes, quæ
voluimus pueri. vultu spectante terram, ad
cælum mens erigatur. veteribus malis finis
imponatur. Satius est relinquere vitia, quàm
relinqui à vitiis. Consideret senex quidquid
sua eminente ætate dignum sit, vt hoc agat,
quod ætatem, & vitam suam vilem non
reddat. Inter abusiones Diuus Cyprianus nu-
merat senem virtute, bonisque operibus
destitutum; sic enim scribit. *Abusio magna
est, si sine virtute senex inueniatur: plus enim
virtuti operam dare senibus competit, quos præ-
sentis sæculi florida ætas deseruit. Sicut enim in
arboribus reproba comparet arbor, quæ post flores
fructus optimos cultori suo non exhibet: sic & ipse
reprobus est, quem flos deserit iuuentutis, & tamen
in senectute bonorum operum fructus maturos
proferre parui pendit. Sic viuat senex, vt in
æternum viuat, ipsùmque vixisse, ac conse-
nuisse non pœniteat, & mori non doleat:
quod vt diligenter præstet, attendat quid
dicat Nazianzenus;*

*Senectus venit, exitum præco clamat:
Omnis bene conuersetur, propè namque iu-
dicium est.*

Ad

*Ad podagrosos, sine ad eos, qui morbo
articulari laborant.*

C A P V T X X.

A  E R E O R, ne podagrosi nimis doloribus pressi hæc audire, vel legere renuant; illis tamen paulisper cessantibus, precor attendant: satis enim eis licet per otium, dummodo ista sint ad votum, quæ si non ad planè auferendos, saltem ad patienter ferendos dolores prodesse poterunt.

Meminerint in primis, hunc morbum illis non tantum cum multis illustrissimis, sed etiam cum quibusdam sanctissimis viris communem esse, qui omnes æquo & patienti animo illum tolerauère; nec propterea à laudabili quodam studio abstinuère. Nam Nicephorus cognomento Boroniates, Romanus Imperator, podagra vehementer laborabat, tamen studiis bonarum artium vacabat, ut testis est Volaterranus.

Septimus Seuerus Imperator, cum podagra laboraret, & ob id à quibusdam irreuerenter tractaretur, qui filium eius Antoninum Imperatorem dixerant, lectica se in tribunal deferri iussit: citatisque contemptoribus, securi percuti iussit. Lacrymis tamen cum errati veniam procumbentes petiissent: *Nunc demum, inquit, intelligetis non pedes, sed*

*lib. 23.
Anthrop.*

*Ful. lib. de
milit. disc.
cap. 2.*

caput imperare. Non enim minus imperabat iacens in lecto, quàm sedens in equo.

Pompeius Hispaniæ citerioris Princeps, correptus dolore podagræ, horreis suis ventilandis cum præfideret, mersit se in triticum super genua; leuatusque siccatis pedibus, eo remedio postea usus est: quo quidem remedio uti possunt podagrosi.

Pont. lib. 2.
cap. 8.

idem ibi-
dem.

Ennius Poëtarum vetustissimus, podagra vehementer laborans, tamen poëtica studio semper maxima cum iucunditate operam dabat. Matthæus quoque Aquilanus, licet pedibus, & manibus captus, mirum quantum Neapolitanis in studiis profuerit, Philosophiam, Theologiam, naturales res assidue docens.

Plutarc. in
Lacón.

Agésilæus, cum arderet podagræ doloribus, eumque Carneades inuissit, atque exiret tristis: *Mane*, inquit, *Carneades*; *nihil enim illinc huc peruenit*: ostensis pedibus & pectore, subindicans, pedes quidem dolere, sed animum dolore vacuum esse, ac proinde rebus magni momenti incumbere posse.

lib. 8. epist.
35.

Diuus Gregorius maximis fuit podagræ doloribus afflictatus, sic enim ad Eulogium Patriarcham Alexandrinum de se scribebat. *Ecce iam biennium penè expletur, quo lectulo teneor, tantisque podagra doloribus affligor, ut vix in diebus festis usque ad horarum trium spatium surgere valeam Missarum solemnia celebrare. Mox autem cum graui compellor dolore decumbere, ut cruciatum meum possim interrompente gemitu tolerare. Qui dolor interdum mihi lentus est, interdum nimius. Sed neque ita lentus, ut rece*

Liber II. Cap. XX. 337

ut recedat; neque nimius, ut interficiat. Vnde fit, ut qui quotidie in morte sum, quotidie repellar à morte. Nec mirum, quia peccator gravis talis corruptionis carcere diu teneor inclusus, &c. His tamen non obstantibus, sanctus ille vir non minus pastoralis suo munere perfungebatur, ut patet in hac ipsa epistola.

Refert idem Gregorius Marcellinum Anconitanum Episcopum podagrosam miraculis coruscasse. Nam cum quadam die ciuitas Anconitana succensa esset: cumque vehementer arderet, occurrerunt omnes, ut ignem extinguerent; sed illis aquam certatim proicientibus, ita crescebat flamma, ut iam totius urbis interitum minari videretur. Verum sanctus ille Antistes manibus licet gestatus alienis, urbis incendium ex aduerso corpus suum flammis obiciens, de repente cessare fecit, potentior virtute, quam pedibus. Terra denegata erat illi calcanda, ut liberius cælum mente conscenderet.

C Si tantæ sanctitatis viri his fuerunt doloribus affligi, quid miramur, si nos peccatis onerati similibus premamur cruciatibus? Non obstante quacumque podagra, sanctitatem conseruauerunt, & ad æternam felicitatem peruenerunt; non enim obstat podagra; nec alius morbus sanctitati, ac vitæ probitati, dummodo patienter feratur, Deoque gratiæ agantur.

Philemon Sophista morbo articulari laborans dicere solebat: *Comedendum est, manus non habeo: ambulandum est, pedes non habeo: dolendum est, manus & pedes habeo.* At verò

Philost. in Sophistis.

L I 5 Chri

Christiani simili morbo laborantes, licet non habeant manus ad manducandum, & pedes ad ambulandum; habent tamen manus & pedes ad merendum: quia, si æquo animo dolores manuum & pedum, & alios huiusmodi patiantur, magnum sibi comparabunt meritum, augebuntque sibi gratiam. Viribus enim animi potius, quàm corporis resistitur diabolo, & acquiritur cælum.

*lib. 4. var.
bist.*

Miratur *Ælianus* Democritem pugilem, qui cum podagra, doloribusque pedum diuexaretur, ad certamina venit, & consistens in stadio, descripsit sibi circum, & iubebat aduersariis, ut se expellerent extra lineam. At illi victi sunt ab ægroto, & ipse cum bene, & fortiter in statione sua perstitisset, coronam secum deportauit. Sic & vos, ô podagrosi, in vestra lectica decumbentes potestis domesticos aduersarios debellare, mundum scilicet, carnem, & dæmonem; qui, si patientiæ clypeo armemini, extra lineam rationis, aut extra viam æternæ beatitudinis vos expellere nullo modo poterunt, imò victoriam reportâtes coronam deportabitis.

Quodnam autem remedium sit huic morbo adhibendum, vix reperitur. Nam

Ouid. 1. de Ponto. Soluere nodosam nescit medicina podagram.

Quamquam alium morbum dicunt esse huius morbi remedium, nempe paupertatem, quam ferè omnes fugiunt. Si quid, ait *Petrarcha*, aduersus podagram auxilium est, totum à paupertate poscendum est; podagra medicina

lib. 6. lect. antiq. optima est paupertas, seu illam necessitas, seu voluntas attulerit. Refert *Cælius* aliquos hoc morbo

morbo laborantes, proſcriptione bonorum ad ſimplicem menſam, & pauperes cibos redactos conualuiſſe.

Scribit idem Auſtor interdum ſale po- *ibidem.*
dagram curari. Hoc autem an verum ſit, & quomodo adhiberi & applicari debeat, dicant Medici. Ego verò iis, quæ per ſalem intelliguntur, libenter dicerem potiùs curari, cibi videlicet parſimonia, omnique in viuendo & comedendo adhibita moderatione, & prudentia, cuius præcipuè ſal ſymbolum eſt. Sicut enim parum ſalis ab homine ſumitur; ita ſi parum alimenti à podagrosiſ ſumatur, tandem fortè conualeſcent, aut ſaltem mitigabuntur dolores. Nam conſonum eſt, vt modicitas expellat, quod nimietas appellat.

Podagram morbum eſſe peregrinum au- *lib. 26. cap.*
tumat Plinius. [Nam, *inquit*, ſi Italiæ fuiſſet ^{10.}
antiquitus, Latinum nomen inueniſſet: non enim Roma, cùm ſudando, laborando, & vires exercendo homines viuebant, hoc malum cognouit.] Dico itaque; ſi more peregrini victiſſes, morbus iſte peregrinus fortè non te vexaſſet: peregrini ſemper ambulat, multa patiuntur incommoda. Exiſtimate autem aliqui hunc morbum euenire homini ſuauiem vitam ducenti, ac parum ſe exercitanti.

Porro, notat Hippocrates, ſpadones & eunuchos nunquam podagra laborare. Nolo tamen inde colligere, podagrosos libidini operam dare, vel dediſſe; cùm, teſte Galeno, podagram caſtratos non tentare verius fuerit

rit temporibus Hippocratis, quàm nostris, in quibus plerique reperiuntur rei Venereæ dediti, qui podagra minimè laborant: quidam autem podagra detenti, qui aliàs castissimi sunt. Verùm, si tandem credere cogeremur eunuchos non podagrizare, libenter ego consulerem podagrosis, ac omnibus aliis, vt de illis essent eunuchis, de quibus

Matth. 19. Christus loquitur, qui scilicet se castrauerunt propter regnum cælorum.

Seneca nullum aliud remedium præter-
quàm delinimentum suæ podagræ adhi-
lib. de vit. beat. cap. buisse scribit. [Delinimenta, inquit, magis
quàm remedia podagræ meæ compono.]
17. At delinimenta nostra, tam huic morbo, quàm cæteris componenda, sint patientia, recordatio nostrorum delictorum, ac gratiarum actiones.

lib. 9. epist. Quid inter dolores podagræ agendum
25. sit, indicat Diuus Gregorius, qui se, aliòsque podagricos sic consolabatur. Podagra doloribus torqueor, qui & mihi, & vobis non dispariliter nocui sunt. Inter quos, quid aliud debemus, nisi semper delicta nostra ad memoriam reuocare, atque omnipotenti Deo gratias agere? Quoniam qui ex carnis blandimento multa peccauimus, ex carnis afflictione purgamur. Sciendum quoque est nobis, quia pœna præsens, si animam afflictæ conuertit, finis est culpa præcedentis; si autem ad timorem Domini minimè conuertit, initium est pœnæ sequentis. Curandum est igitur, ne de tormento ad tormenta transeamus. Quod certè fieret, si inter huiusmodi dolores in voces blasphemiarum prorumperemus, & gratias Deo non ageremus. Hanc

Hanc tanti Doct̃oris Sancti Gregorij sententiam attentè meditabatur insignis Doctor frater Ioannes Ruffus, aliàs Margatus, Lugdunensis, Ordinis Minorum regularis Obseruantia, quem honoris & piæ memoriæ gratiâ hîc recensere minimè quoque erit ingratum. Is etenim, cùm per viginti circiter annos nodosa, si quis vnquam, podagra laborauerit, fortem nihilominus se adeò præbuit, vt à publicis concionibus, Lugduni præsertim, etsi podagrosus vehementer, minimè abstinuerit; ita vt omnibus & singulis auditoribus non tantùm in admiratione foret, sed etiam hæreticis; imò vel ipsi Bezæ hæresiarchæ, aliisque eius affectis Ministris & sectatoribus, qui tunc temporis morabantur Geneuæ, tamquam clypeus formidabilis oppositus & à Deo positus esse videretur; multi siquidem hæretici eius fama commoti, Geneva Lugdunum petebant, qui, nescio qua vi, non nisi cerre diuina, eius verbis tamquam carbonibus consolatoriis percussi & inflammati, statim ad fidem Catholicam conuertebantur. Vnde quamuis se ipsum ferè mouere non posset, vrpote qui propter prædictum morbum in sella gestatoria ad sacrum pulpitum deferendus erat, sæpe sapius tamen veræ & orthodoxæ fidei hostes mortem ei comminati sunt. Sed aduersus eum, Deo sic illum reseruante, nihil prorsus præualuerunt, quinimò tanti apud omnes tum sui Ordinis fratres Franciscanos, tum seculares meriti extitit, vt omnium votis & applausu, in Capitulo prouinciali, in

Conuentu

Conuentu sancti Bonauenturæ Lugduni celebrato, podagrosus licet, in ministrum provinciam Prouinciæ sancti Bonauenturæ electus sit; nec id solum, sed cum ex eo officio incumberet ei ad Capitulum generale Romæ celebrandum proficisci, ecce & illuc pergit, atque inter tot, tantosque viros eximios, quibus tum Ordo sacer clarebat, ille etiam pro Cismôtana familia Diffinitor generalis est electus & declaratus. Nec ibi sistit, cum namque ex tam difficili, tamque incommoda peregrinatione, in qua parum absuit quin naufragium pertulerit, Lugdunum rediisset, in prædicandi præclaro munere Guardianus præfati Conuentus sese continuo exercuit, necnon multis, quæ palam apparent, reparationibus eum auxit, ornauit, amplificauit. Tandem cum ferme nullum in suo corpore membrum, præter linguam, quæ certè tam multos ad meliorem frugem reduxerat, sanum superesset, summas Deo gratias agens, obiit fideliter in eodem Conuentu Guardianus, anno à parta salute mundi millesimo sexcentesimo sexto, die mensis Decembris decimatertia.

lib. 3. Tuscul. quæst.

Laudat Tullius Possidonium, quod constanter tulerit articulorum dolores, quibus cum magis premeretur, dicere solebat: [Nihil agis dolor, quamuis sis molestus, nunquam te esse confitebor malum.] Dicitu dolore pressus: nihil agis dolor; non propterea aliquod committam, vel proferam malum. Non enim de hoc malo est conquerendum, ex quo bonum nobis est colligendum.

Miphi

F Miphiboseth Ionathæ filius, deleta Saülis domo solus superfuit, quia utroque pede claudus non potuit interesse bello, quo ceciderunt fortes Israël. Insuper auitos agros solus possedit, & Regis Dauid mensæ particeps fuit. Tantum ergo illi pedum ægritudo contulit, ut & diutiùs, & foeliciùs viveret: si liberè potuisset incedere, miserè potuisset corruere. Itaque pedum imbecillitas illi non obfuit, sed profuit.

Qui grauitèr deliquerunt, incarcerantur, ac interdum manicis, compedibusque includuntur, ut puniri, & ne iterum peccare valeant: fortè peccastis, ideo iustè & misericorditer Deus vult, ut sit vobis carcer lectica vestra, in qua iacetis: chiragra vestra, veluti manicæ; & podagra vestra, sicut compedes, quibus detinemini, vel ut puniamini, vel ut mereamini; aut ut ne grauiùs offendatis, præpediamini. Foelices igitur huiusmodi carceres, foelices manicæ & compedes, quibus in hoc mundo purgamur, vel quibus mereri possumus, ac quibus pedes nostri prohibentur, ne ad malum tendant, & manus nostræ, ne ad illicita sese extendant. Sic enim nobis aliquando expedit retrahi: quia ubi soluti sumus, vagamur & lasciuimus.

Non tantùm misericorditer, sed & ciuilitèr nobiscum agit Deus, dum absque vlla infamiæ nota, ciuili quodam ac temporali carcere, talibusque vinculis nos detinet inclusos, ut commissà peccata desicemus, & in posterum nobis caueamus, ne alterius carceribus,

ibidem.

ceribus, igneisque vinculis mancipemur. Non omnibus hoc contulit beneficium: propterea hortatur Diuus Gregorius, ut tanti beneficii memores simus. *Considerandum quoque est, inquit, quanta erga nos dispensatione pietatis agit Conditor noster, quod morte dignos assidue percutit, & tamen adhuc minime occidit. Nos ergo habemus indicium, quia derelicti non sumus, qui assidue flagellamur. In ipsis itaque verberibus Dei reuocemus ad memoriam & eius munera, & nostri reatus damna. Pensamus quanta bona super nostram malitiam fecerit, & quanta mala sub eius bonitate commisimus.*

Cauete ne similes sitis Regi Asa, de quo G
2. Par. 16. sic conqueritur Scriptura; *Agrotauit Asa dolore pedum vehementissimo, & nec in infirmitate sua quasiuit Dominum, sed magis in Medicorum arte confisus est. Quasi dicat: cum vix possit iste morbus arte Medicorum curari, non erat in eis confidendum, sed Dominus querendus, non pedibus, aut manibus, si dolore prepediantur; sed corde & animo. Cum igitur vobis, o podagrosi, liber sit animus, liberumque cor, ad Deum animo tendite, corde illum diligite, ei que gratias agite, imò tanto ardentius, quanto dolores vexabunt vehementius.*

Cæterum, Seneca agens de morborum doloribus fortiter perferendis, inde probat, & podagræ dolores contemnendos, quod amantissima nostri natura ita disposuerit, ut cum exilia & macerrima membra doleant, citò obstupecant; atque ita tolerabilis, aut brevis

brevis sit dolor. [Maxime , inquit , dolores *epist. 78. ad Luc.* consistunt in macerrimis corporis partibus.

Nervi, articuli, & quidquid aliud exile est, acerrime sœuit, cum in arcto vitia concepit. Sed citò hæ partes obtupescunt, & ipso dolore sensum doloris amittunt. Sic podagra, & chiragra, & omnis vertebrarum dolor, nervorumque interquiescit, cum illa quæ torquebat, hebetavit: impetus mora extinguitur, & finis dolendi est obtorpuisse.] Verùm vt illa vexatio fiat purgandi, vel merendi occasio, postulanda est potius in illis doloribus patientia, quàm desideranda torpedo. Æquum enim est, vt qui toto corpore peccauimus, in nervis saltem & articulis torqueamur, ac macerrima membra doleant, vt pinguiora purgentur. Optandum est igitur, vt non cessent cruciatus, quibus possunt deleri reatus.

Propterea reuocandi sunt sæpissime in mentem intentissimi dolores, quos in inferno patiuntur damnati; illos fortè non cuitaremus, quia peccare possemus, nisi præsentem dolores sustineremus. Audi Hugonem. *Quosdam, inquit, præsciens Deus multa peccare lib. 2. de posse, flagellat eos infirmitate corporis, ne peccent; anima. vt eis utilius sit frangi languoribus ad salutem, quàm remanere incolumes ad damnationem.*

H Cogitate insuper acerbissimos illos dolores, quos Christus in fixatione clauorum manuum & pedum sustinuit. Nam sicut flagellatione visus est tamquam leprosus: ita huiusmodi transfixione factus est velut podagrosus, & chiragrosus. Hanc autem do-

Min lorum

3. part.
quæst. 46.
art. 6.

Cypr. de
pass. Dom.

tract. de
pass. Dom.
consid. 3.

lorum acerbiteriam ex eo probat Angelicus Doctor, quòd in locis nervosis Christus fuerit transfixus. Hi enim dolores admodum vehementes esse solent, ut multis spasimum cau-
sauerint, aliis membrorum stuporem, ac mentis alienationem imminerint: unde Dionysius Cyprianus, sic ad Christum. *Consideravi, inquit, opera tua, & expansi clavis sacros pedes terebrantibus, fosisque tuis manibus, &c.* Illam etiam dolorum acerbiteriam explicans doctissimus Eckius, sic ait: *Manus altera obruso clauo, ut grauior esset dolor, cruci affixa est: altera vero, quando iam foramen attingere non poterat, funibus sic extensa est, ut vena disrump-
perentur.*

lib. 6. cap.
15.
Augustin.

Non aliter extensum est Christi corpus, quam solet extendi tympanum; ita ut omnia Christi membra, nervi omnes, venæ quoque, atque arteriæ velut cordæ extenderentur. Quare Lodolphus reuelatum asserit pio cuidam viro, Christum Dominum nullam maiorem sustinuisse poenam, quam huiusmodi transfixionem; quod verum esse etiam constat ex reuelationibus Beatæ Brigittæ. Dicat igitur Dignus Augustinus; *Clavi & lancea clamant. Quid clamant? maiorem præ cæteris fuisse illum dolorem: clamant clavi, & tacet Christus hæc pro te patiendo. Cur ergo te excrucias? cur vociferaris, te minimo premente dolore? Non indiget Deus tuo clamore, qui optimè nouit tuos dolores: at tu clauorum vociferatione indigebas, qui tam acerbos Christi dolores non attendebas. Si adhuc interroges quid clament isti clavi, respondet*

Ber

Be
in
A
sp
be
in
vi
lia
he
C
ti
ej
n
i
t

A

Bernardus. *Clamat clauus, clamat vulnus, quod in Christo sit Deus reconcilians mundum sibi.* D. Bern.

Aliam quoque egregiam Diui Iustiniani respon-
sionem eidem interrogationi adhi-
bere placet. *Clamant clauis, inquit, lancea, irrisiones, & verbera, ut ipse toto corde, totisque visceribus diligatur, qui pro dilectione nostra tanta, ac tanta pati dignatus est.* Clamant denique hæc omnia, ut tu dolendo taceas, ac pro Christo hos tuos dolores æquanimiter patiaris, ut illo tandem sine fine potiaris. *Nihil est, ait Gregorius, adeo graue, quod non æquanimiter toleretur, si Christi passio ad memoriam reuocetur.* Non debent tuis importunis clamoribus, & eiulatibus interrumpi tam suaves, tamque iustæ illorū instrumentorum voces.

Ad cacos.

CAPVT XXI.

A PERE Leones ardui fuisse quondam operis, scribit Plinius: ideo necesse erat cuiusdam pallij iniectu caput illius animalis operire, atque ita oculorum erepto lumine torpescens facilè vincebatur & capiebatur. Fortè tanquam Leo ferocissimus Deo vocanti restitisses, nisi aliquo, vel alicuius iniectu lumen oculorum tuorum eripuilset, ac cæcus fuisses.

Sic captus est Paulus, cuius conuersio a cæcitæte inchoauit; nam per triduum in ciuitate

uitate Damascenorum nihil penitus videbat, ut sacra testatur historia. Verum tunc cœpit videre Deum, quando non potuit videre homines: tunc cælum cernebat, quando terram non discernebat. Dum cæcus factus est, hæc verba effatus est: *Domine, quid me vis facere?* Si cæcitatem non incurrisset, Dei voluntatem non agnouisset. Deo se ipsum offerebat, qui alios de medio auferebat. Ille vult Ecclesiam Dei tueri, qui neminem tunc poterat intueri. O beata cæcitas, quæ cæcum videre fecit, & lupum in agnum conuertit! de illo sic

Et habetur Augustinus. *Paulus prostratus est: Et ut cecaretur, cecatus est: ut mutaretur, mutatus est: ut mitteretur, missus est: ut qualia fecerat in errore, talia pro veritate pateretur.*

Valde perpendendum est, quid de oculo
Eccli. 31. ob illicitas visiones dicat Scriptura. *Nequius oculo quid creatum est?* Nequissimi fuerunt Dinæ oculi: nequissimi Dauidi, ac illis viris,
Genes. 34. qui videntes filias hominum, quod essent pulchræ, illas adamarunt, illisque abusi sunt, atque ob id aquis diluuij submersi sunt. Fortè tibi etiam nequissimi fuissent: hoc cognouit, qui te illis priuauit. Patienter igitur ferendum est, si tibi claudantur fenestræ, per quas ingreditur, quod te aggreditur. Iuxta
lib. 3. de Saluianum, *oculi sunt fenestræ nostrarum mentium, & naturales cuniculi.* Sunt etiam veluti
provident. latrunculi deprædantes animam; hac de re
Thren. 3. conqueritur Ieremias: *Oculus meus deprædatus*
lib. 3. Psal. *est animam meam.* Clemens Alexandrinus vocat oculos, *primam originem, instrumentumque*
cap. 11. *precipuum amatoria fascinationis.* Et, teste Luciano,
 Luciano,

ciano, oculi sunt *prima amoris via*: ac denique homini illis abutenti sunt multorum malorum causa. Hinc Poëta :

Tunc ego te vidi, tunc cœpi scire quis esses, Ouid. epist.

Illa fuit mentis prima ruina mea. 12. Hor.

Et vidi, & perij, nec notis ignibus arsi.

B Diuus Petrus nonnullos scribit fuisse, *oculos* 2. Petr. 4. habentes *plenos adulterij & incessabilis delicti*: id est, habentes oculos, quibus incessanter peccabant, modò hanc, modò alteram mulierem semper respicientes & concupiscentes; est enim humanus oculus insatiabilis, ac sæpe cõcupiscibilis. Quod non potuit, teste Quintiliano, magnus Orator Hyperides exorare *Quint. lib. 2. cap. 15.* pro Phryne, ipsa potuit apud sapientissimos Arcopagitas obtinere, velo reducto pulchros ostentans oculos.

Diuus Bernardus describit oculos in genere esse occasionem peccati, indicium culpæ commissæ, & causam committendæ. Nam cor sæpe non optaret, nisi oculus monstraret; nec concupisceret, si oculus non respiceret. Est igitur oculorum visio frequens cordi peccandi occasio, & vix à corde expellitur, quod ei semel imprimitur. Vnde Gregorius: *mor. in iob. Semel specios forma cordi per oculos alligata, vix cap. 31. magni lactaminis manu soluitur.*

Observat Clemens Alexandrinus, quòd *lib. 3. Pad. ante totum corpus corrumpuntur oculi.* Cor quidem est primum viuens, & vltimum moriẽs: contrà verò, oculi vltimò viuunt, & primò moriuntur. Quod à sapientissimo rerum omnium conditore ita stabilitum esse crediderim, vt primò oculus deficiat, ne cor am-

Senec. in
excerptis.

plius inficiat. Videns Seneca oculos multis esse ruendi occasionem, sic aliquem, cæcitatem deplorantem, consolabatur. [Oculos, inquit, te perdidisse ploras? habet & nox suas voluptates. Quam multis cupiditatibus via incisa est? Quam multis rebus carebis, quas ne videres, vel eruendi erant? Non intelligis partem innocentia esse cæcitatem? Huic oculi adulterium monstrant: huic incestum: huic domum quam concupiscat: huic urbem, & mala omnia, certè irritamenta sunt vitiorum, ducēsque scelerum.] Audi quæso, quòd qui cæcus est, penè innocens est.

lib. 2. stro-
mat. cap. 9.

Multi à dæmonibus caperentur, nisi essent oculis capti. Nam sicut ostensis frondibus trahuntur pecora; sic Christi oues interdum ostensis rebus caducis, honore, gloria, pulchritudine, diuitiis, atque voluptatibus, ad peccatum trahuntur. *Dæmones*, inquit idem Clemens, *pulchritudines, glorias, voluptates, & eiusmodi visiones inescantes, his, qui facile seduci possunt, portendunt, quemadmodum qui pecora abigunt, eis frondes porrigunt.* Certum est, visiones hatum rerum terrenarum animas nostras inescare. Non est igitur ægrè ferenda cæcitas, quæ his, nociuis visionibus priuat. Fortè mœchus esses, si cæcus non esses. Nescis mœchari videntem ad concupiscendum? Quoties vidisses, & concupiuiesses, si oculis orbatus non fuisses: Hoc nouit, qui te illis priuauit: longè sunt à te vitiorum irritamenta, scelerumque duces; non sit tibi cura de eo, quod tibi adulterium, aliæque monstrat mala. Gratias agas Deo, qui im-

missa

missa tibi cæcitate, à tantis malis, tantisque periculis te eripuit. Satiùs tibi sit, cæcum ingredi vitam æternam, quàm videntem mitti in gehennam. Securiore sunt cæci; quia securius tendunt in cælum: unde Pie-
lib. 33.
 rius cæcitatem esse securitatis hieroglyphi-
 cum affirmat. Videndi non optes facultatem, quæ semper non affert ad salutem: securitatem, imò etiam sæpe infert dolorem, & tristitiam, dum illa videbimus, quibus per-
 turbamur. [Oculi, inquit Tullius, augent
 dolorem: quia ea, quæ ceteri audiunt, intueri
 coguntur, nec auertere à miseriis cogitatio-
 nem sinunt.]

Observat Euthymius admirandam illam
in Psal. 17.
 custodiam, quam oculus pupillæ præstat: nam tunica super tunicam, & alia quædam integumenta eam muniunt, quorum alia tenuia, & translucida sunt, ne ullam pupillæ, quæ suapte natura humida est, ac perinde mollis, inferant asperitatem: alia verò exte-
 rius crassiora, ut palpebrarum tunica, quæ duobus est semicirculis distincta, ut pulve-
 ris, atque aëris incursum, & patula quæque animalia in oculos inuolare solita, repellat ac submoueat: quin pilis etiam vallatæ sunt, ut sudorem propè fluentem aliò auertant, neque in oculum influere permittant. Itaque, sicut ab auctore naturæ prouisum est, ne quid visui noceret: sic maxima cura adhibenda est, ne nobis, aut animæ nostræ visus noceat. Unde Isidorus Pelusiota: *Omnibus, inquit, viribus oculos custodire, ac veluti frano coercere oportet, atque à curiosa & impudico*

aspectu, ut intimas animi partes perstringente, sese abstinere; maxima enim ex eo in animum improbitas influit. Gaudeas igitur, Deumque laudes, quod cæcitate tua ab illa cura & sollicitudine eximaris.

lib. 2. contra Iovin.

Scribit Hieronymus, quosdam Philosophos effodisse sibi oculos, ne à contemplatione Philosophiæ auocarentur; ideo sic Abigaum cæcum consolabatur. *Ne doleas, si non habeas, quod formica, & musca, & serpentes habent, id est, carnis oculos; sed illum te oculum habere letare, de quo in Canticis dicitur: vulnerasti me, soror mea sponsa, uno de oculis tuis; quo Deus videtur, de quo à Moyse dicitur, Transiens videbo visionem hanc magnam. Denique quosdam etiam mundi Philosophos legimus, ut totam cogitationem ad mentis puritatem cogerent, sibi oculos eruisse. Nolo tibi eruas oculos, sed si tibi contingat illis orbari, debes illam coactam cæcitatem patienter ferre, quemadmodum illi voluntariam. Eodem planè modo Beatus Antonius Didymum virum eruditissimum oculis orbatum, ac de illa cæcitate dolentem, consolabatur. Miror, aiebat, prudentem virum eius rei dolere damno, quam formica, musca, & culices habent; & non letari illius possessione, quam Sancti soli, & Apostoli meruerunt.*

Satis tibi sit, quòd oculos animi habeas, quibus essentia diuina contemplanda est, quam Angeli sine oculis corporeis semper vident in cælo. Effice, ut per hanc præsentem cæcitatem peruenias ad futuram illam fœlicitatem. Caue, ne impatientia tua de tenebris interioribus projiciaris ad tenebras
exte

exteriores. *Multò melius est, inquit idem Hieronymus, spiritu videre, quàm carne; & illos oculos possidere, in quos peccati festuca non possit incidere.*

Sicut sagittarius claudit oculum, vt alio oculo dirigente certius metam, & terminum, siue scopum attingat: ita necesse est interdum corporis oculum claudi, vt melius mentis oculus Deum finem vltimum percipiat, certiusque ad ipsum perueniat.

Nemini vnquam, nisi cæco dictum est à *Luc. 18.*

Christo: *Quid tibi vis faciam?* Illi Christus se offerebat, ac videbatur illius voluntati velle obtemperare; nec mirum, cum vtplurimum cæci obedientiores sint cæteris, vt constat ex alio cæco ab eodem Christo illuminato. *Ioan. 9.*

Nesciebat ille, an vellet illum Dominus curare, tamen illi in omnibus obtemperabat. Hoc aduertit Chrysostomus, qui de illo sic loquitur: *Intuere cæci animum in omnibus obtemperantem. Præbuit vultum, nihil sollicitus, an* *Chrysost.*

lutum esset, an sputum, & quid sibi Siloë opus esset: non, cur lutum lineret super oculos, aut cur lauari præceperit: nihil tale reputauit; illud dumtaxat curauit, vt obtemperaret. Noli igitur dolere de statu, in quo, sicut magis quàm in alio cogeris obedire, ita melius quàm in alio salutem poteris inuenire. Et sicut obtemperas puero te ducenti quò vult, & quà vult; sic tibi obtemperandum est Domino te per hanc cæcitatem in cælum ducenti. Quemadmodum igitur cæco dictum est à Christo: Quid tibi vis faciam? Ita etiam Christo dictum est à cæco, vt saltem à non

Mm 5 vidente:

Act. 9.

vidente: *Domine, quid me vis facere?* Offert se Christus non videnti, vt offerat se nihil videns videnti omnia.

Considerent insuper cæci, nobiliores & præstantiores virtutes cæcitate affici, aut saltem cæcas à pictoribus repræsentari. Nam fides nihil nisi ex auditu videt: spes nihil percipit: charitas quoque corde tantum intuetur: iustitia etiam oculorum lumine capta depingitur, quia melius clausis, quàm apertis oculis discernit. Et inter animæ potentias, voluntas nostra, sine qua beati esse non possumus, cæca potentia à Philosophis vocitatur. Illis fortè virtutibus non esset quis præditus, nisi oculorum lumine esset orbarus: quia dumtaxat quæ videntur crederet, speraret, ac diligeret; & inuisibilia, quæ solummodo intellectu percipiuntur, negligeret. Itaque patienter feratur corporis cæcitas, quæ sæpe ad huiusmodi virtutes capessendas necessaria est; hoc Deus agnoscit, qui illam immittit.

lib. 3. cap.
30.

Ioan. 8.

Aliquos ad euitanda pericula, quæ ob visum potuissent incurrere; ita demisso vultu incedisse legimus, vt nihil nisi terram inspicerent. Oculos habebant, videbant, & videbantur non habere, nec videre. De quodam Imperatore sic loquitur Cælius. [Procopium Imperatorem adnotatum annalibus est, humum intuendo semper incedisse.] Christus ipse non metuens sibi, sed consulens periculo nostro, præsentibus adulteræ accusatoribus, oculos, corpusque totum demisit humi. I hominem deorsum respicientem hic
rogly

roglyphicè significabit animal quoddam, cuius meminit Plinius, quod Catoblepas no-
mine Græco appellatur: habet enim grane *lib. 8. cap. 21.*
caput, ac deiectum semper in terram. Forfi-
tan Dominus idcirco liniuit lutum super
oculos illius cæci nati, quo significabatur ei,
vt deinceps duntaxat in terram, vbi reperi-
tur lutum, oculos coniiceret, ne cælum amir-
teret.

Flante vento, & puluerem proiiciente, co-
gimur oculos claudere, ac veluti cæci ambu-
lare; noceret enim tunc illos aperire. Ita ar-
cendi sunt suggerente dæmone, atque vt de-
cipiat, illicita præmonstrante. Quibusdam
ergo prodest aliquando oculos claudere: tibi
verò semper habere clausos. Si videntes no-
luit interdum videre: nunquam curent non
videntes videre. Fenestram arcæ clausit à fo-
ris Dominus, quia fortè à Noë, aut à quouis
alio cum sui dispendio aperiretur, nisi ab ipso
Domino clauderetur. Sic idem Dominus
preuidens te oculos in tuam perniciem aper-
turum, voluit eos ipsemet claudere, auferen-
do scilicet à te potentiam visiuam, ne illos
valeas aperire, per quos poteras perire.

Considerandi etiam sunt multi, qui cæci-
tate percussi, illam æquo animo tulerunt, ac
in ea fortiter, & piè se gesserunt: vt illorum
exemplo patienter adueniens corporis cæci-
tas perferatur. Samsoni fortitudinem non *Iud. 16.*
minuit cæcitas, multoque plures hostium oc-
cidit erutis oculis, quàm antè integris occi-
derat. Tu quoque quem corporis visus desti-
tuit, mentis fortitudinem excita, bono animo
esto;

esto; iam securior irruentes in te vitiorum cuneos excipies clausis obturatisque fenestris, per quas mors ingredi ad animam solet.

De Tobia seniore stercoribus calidis hirundinum excæcato sic loquitur Scriptura

Tob. 2. Et non est contristatus contra Deum, quòd plagæ cæcitatæ euenerit ei, sed immobilis in Dei timore permansit, agens gratias Deo omnibus diebus vitæ suæ. Ob quam patientiam anno à cæcitate sua

quarto, visum recipere Angeli ministerio meruit, & rursus gratias Deo agens, ait

cap. 4. Benedico te, Domine Deus Israël, quia tu castigasti me, & tu saluasti me. Existimabat Tobias

magnum esse gaudium lumen cœli videre: sed quia cæcus factus patienter tulit hoc

gaudio priuari, atque sic castigatus se humiliavit, & in omnibus gratias Deo egit, ideo

maiori gaudio est affectus, dum nimirum non solum visum recepit, quo mundus cernitur

sed & quo mundi Dominus conspicitur.

Syr. tom. 1. In historia Beati Vedasti Atrebatensis Episcopi, cum corpus eius in alium locum transferretur, legimus Andomarum Episcopum

cæcum, cum optaret videre Sancti ossa, illi visum recepisse: deinde cum orasset, si minus

animæ conduceret donum videndi, redire infirmitas, iteratò oculis captum fuisse. O prudens votum, singularémque cæci patientiam

qui ne tunc quidem cernendi copiam postulasset, nisi tam pij desiderij causa incidisset.

Ideoque Sancti corpore viso, ad cæcitate suam reuerti maluit, quàm ad ea, quæ ante

cæcitatem fortè se commisisse recolebat.

Contempsit oculos, ut innocètiùs uiueret.

in

innocentiùs victurum obdueti denuò oculi fidem fecere.

G Petrus Abbas Clareuallensis graui valetu- *sab. lib. 5.*
dine vexatus oculum amisit, & se gaudere *cap. 7.*
dixit, quòd è duobus inimicis alterius mole-
stia iam liber esset. Vnde colligitur, magis
etiam gaudendum illis, qui vtroque orban-
tur. Et cur enim non se consolari habeant,
qui ambobus carent, cum non sit eis opus ad
Deum cum Propheta clamitare: *Auerte oculos Psal. 118.*
meos, ne videant vanitatem? Qui quidem Pro-
pheta, si illos vel auertere per se potuisset, vel
omnino non habuisset, neque adulterij, ne-
que homicidij crimine se polluisset.

Maiolus Cluniacensis Monasterij Mona-
chus cæcus erat, & tamen sapientiæ ac san-
ctitatis merito factus est Abbas Maticensis;
nec sua ipsi obstitit cæcitas, quin alios cæcos
curaret: surdos insuper, mutosque & claudos
sanauit, proculdubio sanaturus & seipsum,
nisi multo plus emolumenti percipere se sci-
ret ex eiusmodi imbecillitatis tolerantia. Ita-
que cæcus quidem vixit, sed miraculorum
famâ videntibus illustrior euasit.

Ad Vbaldum Eugubinae vrbs Episcopum,
quoniam & ipse miraculis pollebat, cæcum
quendam venisse legimus, opemque implo-
rasse, & ab eodem illi persuasum, ne visum
sibi restitui expeteret, qui eo restituto, animæ
cæcitatem esset passurus; itaque incuratum
dimissum. Consolentur hoc saltem exemplo,
qui videre desierunt, ignari, si sani essent,
quàm continentes oculos forent habituri.
Noluit Vbaldus cæco mederi, ne corpori
subue

subueniens, animæ faceret detrimentum.

Beata Lutgradis virgo, authore Thoma Cantipratenſe, cæca facta, magis quàm antea viſionibus diuinis claruit, càmque Chriſtus ipſe per viſum monuit, vt patienter cæcitatem toleraret: liberam ſiquidem fore à Purgatorio, & multa viſuram in cœlis, quæ iam non videret in terris.

Ratiff.

Alia virgo, nomine Fara, quæ ſub Heraclio Imperatore floruit, dum ab Hagerico patre ad nuptias compelleretur, in tantas prorupit lacrymas, vt cæcitatem contraxerit. Volebat orbari oculis, vt orbaretur marito; libenter incurrebat cæcitatem, vt ſeruaret virginitatem.

*Cic. lib. 3.
Tuſc.*

Quid cæcos infideles memorem? inter quos Antipater Cyrenaïcus mulierculis quibuſdam cæcitatem ipſius deplorâtibus: Quid agitis? inquit, an vobis nulla videtur voluptas nocturna? nocte omnes cæci ſumus, nec tamen lamentamur. Habet animus quo ſe delectet, etiam occluſis ſenſibus.

*Alex. ad
Alex. lib.
4. cap. 11.*

Mefellus cùm præ nimia ſenectute oculis H orbaretur, à Senatu pro munere ei datum eſt, vt curru in Senatum veheretur. Tu verò fac, vt hanc tuam cæcitatem æquo animo patiaris, vt ad cœlum veharis, ſi non curru, ſaltem ſpiritu: ſic enim itur ad cœlum, nec eſt opus oculis corporeis, qui cùm ſæpiſſime impediant, non ſunt lugendi ſi deſiciant,

*Pont. lib. 2.
cap. 8. de
fort. do-
meſt.*

Aufidius Prætorius in cæcitate ſententiam in Senatu dicebat, nec amicis deliberantibus deerat: Græcam ſcribebat hiftoriam, & videbat in literis. Plerunque videmus magis docile

cile ingenium, tenacioremque memoriam
cæcorum hominum esse, quàm videntium, &
eò plus menti eorum datum, quò oculis mi-
nus. Conceptus enim, & imaginatio, & ipsa
rerum reminiscèntia, totam se penitus ad
animam colligit, firmiterque inhæret, dum
foras per varia visus obiecta nequit euagari.
Ita sit, vt hac quoque de causa cæcitas nobis
tolerabilior esse debeat, si acciderit. *Quid ergo in psal. 99.*
optas videre, ait Augustinus, cum iam multis
vidisse nocuerit; & plurimis non vidisse pro-
fuerit? Illud duntaxat optemus videre, quod
oculus corporeus non videt, obiectum scili-
cet beatificum.

Cæterum tantò minùs est corporis cæci-
tas deslenda, quantò magis mentis cæcitas est
pertimescenda, quæ nihil aliud est, quàm ob-
duratio quædam in peccatis à quibus non
vult homo recedere; quod idem Doctòr vo-
cat extra Deum esse. *Penitus*, inquit, *extra Augustin.*
Deum est, quisquis dum tempus est, corrigi nolue- *in psal. 6.*
rit. Penitus enim extra Deum esse, quid est, nisi esse
in summa cæcitate? Caue igitur, ne tua impa-
tientia, & blasphemia, cadas in illam mentis
cæcitatem, quia sic in sensum reprobum ca-
deres.

Ad

Ad quoscunque alios infirmos.

C A P V T XXII.



ANTI fecere homines valetudinem corporis, ut nihil dari in vita præstantius autumarent. Nec mirum; nam & ipse Sapiens: *Non est, inquit, census*

Escli. 30.

super censum salutis corporis. Et, teste Menandro,

Menand.

Non est valetudine præstantius aliquid in vita. Vnde medicamina, quibus tuetur, vel recuperatur sanitas, Philon Medicus, veluti quodam adagio, manus Dei appellare consueuerat: alij verò, inter quos Auicenna, donum Dei vocitabant.

Verum sanitatem, & illud, quo conseruatur, appellant antiqui, ut libuerit: nos autem non minus donum Dei dicimus infirmitatem, utpote quæ de manu Dei emanat, & quæ multa affert emolumenta. Nam in primis, ideo Deus aliquando immittit infirmitatem, ut resipiscamus, & vitam nostram

lib. de vi- corrigamus. *Tussi laboras, ait Augustinus, pul-*
sr. inf. cap. *mone deficis, cibum stomachus respuit, phibisti*
3. *decoqueris, vinum fastidis, dyssenteria sauciaris, multimodo morborum genere afficeris; sed & hæc, si oculum habes, si cordatus es, Dei tota sunt; disciplinam patris ne abiicias, fili, &c.*

Vocant aliqui morbum, vel potius lectum, in quo infirmitate percussi iacemus, locum certa

certa

certaminis. Nam, quemadmodum qui in Simile.
certamine inimicum, à quo læsus erat, per-
cutit, & in terram deiicit; statim districto
gladio minitans, ei offert, vt prostratus
vitam, veniamque ab eo postulet; ipse verò
videns se in tanto vitæ discrimine positum,
signa doloris ostendit, palinodiam decantat,
vitam postulat, satisfactionem promittit, ac
terrore propter minitantem ensem perter-
ritus, veniam efflagitat, atque in eum dicti,
factique pœnitet. Ita Deus nos in eum pec-
cantes morbo percutit, ac in lectum, vel in
terram deiicit, vt, teste Gregorio, *terroris sui lib. 6. mor.*
iaculo transfixos ad sensum rectitudinis reuocet, cap. 14.
& vt culpam agnoscentes pœnitentiam am-
plectamur; quod fortè non præstaremus,
nisi morbo laboraremus. Hoc indicat David;
Multiplicata sunt infirmitates eorum, postea psal. 15.
accelerauerunt. Lento gradu peccatores ten-
dunt ad Deum, nec ob vnā, aut alteram
infirmitatem suos accelerant gressus: at mul-
tiplicatis infirmitatibus coguntur accele-
rare, citòque pœnitentiam agere.

B Quòd autem morbi animum ægotantis
excitent, ingerantque salubre consilium, ac
firmum propositum correctiùs in posterum
viuendi, docet ipsemet Plinius, qui etiam ad
hoc plus valere periculosum morbum osten-
dit, quàm omnia Philosophorum præcepta,
omnesque de fugiendis vitiis, colendisque
virtutibus disputationes. Illius verba, quo-
niam memoratu, obseruatùque digna sunt,
lubet hîc adscribere. [Nuper, inquit, me *Plin. lib. 7.*
cuiusdam amici languor admonuit, optimos *in epist. ad*
N n esse *Maxim.*

esse nos, dum infirmi sumus. Quem enim infirmum, aut auaritia, aut libido sollicitat? Non amoribus seruit: non appetit honores, opes negligit: & quantulumcumque ut relicturus satis habet. Tunc Deum esse, tum hominem se esse meminit; inuidet nemini, neminem miratur, neminem despicit, ac ne sermonibus quidem malignis aut attendit, aut alitur: mollémque in posterum, & pinguem, si contingat euadere, hoc est, innoxiam, beatámque destinat vitam. Possum ego quod pluribus verbis, pluribus etiam voluminibus Philosophi docere conantur, ipse breuiter tibi, mihi que præcipere, ut tales esse sani perseueremus, quales nos futuros profitemur infirmi.] Hæc ille. Rex Antigonus postquam à graui morbo conuauerat, dixit; *Morbus hic submonuit nos, ne animo efferamur, cum mortales simus.*

Plutarc. in
Apoph.

2. Cor. 12.

orat. ad
ciu. Na-
zianz.

Aliquid maximi ponderis reperiebat Apostolus in ægritudinibus, ut propterea gloriaretur, ac sibi placeret in eis: *Libenter, inquit, gloriabor in infirmitatibus meis, ut inhabitet in me virtus Christi.* In corpore infirmo inhabitat virtus, siue fortitudo, & potentia Christi, tamquam in proprio habitaculo. Corpus infirmetur, & Christus apud nos hospitetur; corpus, inquam, morbo afficiatur, & anima Deo suo iungatur. Certum est enim, quòd, iuxta Gregorium Nazianzenum, *anima morbo affecta Deo propinqua est.* Ideo subiungit Paulus; *Propter quod placeo mihi in infirmitatibus, id est, infirmitates mihi placent, vel lætitia afficior propter infirmitates:*

mitates : assignátque rationem ; *Cum enim infirmor , tunc potens sum. Cui congruit illud Ioëlis : Infirmus dicat , quia ego fortis sum ; fortis , Ioël. 3. inquam , non ad ambulandum ; fortis , non ad manibus operandum ; sed fortis , quia à vitiis vinci non possum. Tantò enim quis in hoc genere certaminis fortior est , quantò corpore debilior : quia tunc magis debilitatur foines , cum vehementiùs vexant infirmitates. Vnde Ilidorus ; Valere te magis anima opta , lib. 3. de quàm corpore ; valere te magis mente opta , quàm summo bo- carne. Aduersa corporis , remedia sunt animæ , no. Agriudo carnem vulnerat , mentem curati languor vires libidinis frangit.*

C Propterea , & præterea maximè iuuant infirmitates ad reuocandos nos à peccatis , ad quæ dilaberemur , nisi morbo afficeremur , ac proinde damnamur. Commendat Cælius illud Vibij Crispi dictærum : *Perieram , ni morbo essem grauius confictatus. lib. 13. cap. Certum est multos nunc in inferno cruciari ob plurima scelera , quæ fortè non perpetrassent , si aliquo morbo laborassent. Quis enumerare sufficit , ait Gregorius , quanti in sua lib. 9. epist. luxuria dimissi , in blasphemis quoque , & superbis prouidentes , in rapinis , & in iniquitatibus permanentes , vsque ad diem obitus , ita in hoc sæculo vixerant , ut nunquam dolorem vel capitis paterentur , & subito percussi ignibus inferni sunt traditi ? Igitur potius requiratur infirmitas , si per illam acquiratur fœlicitas : illam non optemus incolumitatem , qua patramus iniquitatem. Nam , teste Augustino , multi accepta in Psal. 97. sanitate lasciuunt , qui egroti cæsi erant , sanati*

adulteri sunt : qui dum ægrotarent , neminem ladebant;receptis viribus inuadunt, & opprimunt innocentes.

Non sunt morbi impatienter ferendi,cùm etiam Christo, & Sanctis similes nos efficiant. Propheta enim vocat Christum, *virum dolorum, & scientem infirmitatem.* Et de illo sic Euangelista; *Ipsè, inquit, infirmitates nostras accepit, & ægrotationes nostras portauit.*

Isai. 53.

Matth. 8.

Quæres ; cùm non legatur Christum vnquam ægrotasse , quomodo ægrotationes nostras portasse dicitur? Lyranus ita explicat hæc verba ; *Ipsè infirmitates nostras accepit:* scilicet famem , sitim, defatigationem, passibilitatem, mortalitatem; hos enim naturæ humanæ defectus in se accepit Christus, *Et ægrotationes nostras portauit*, id est, morbos hominum quodammodo assumpsit in aliena persona, in quantum ægrotos misericorditer sanauit. Similiter Carthusianus interpretatur; Christus, inquit, infirmitates, id est, famem, sitim, & similia in se accepit, & ægrotationes nostras, ac morbos piè in aliis supportauit, & condolendo curauit. Alij sic explicant; *Infirmitates nostras accepit*, id est, abstulit, quemadmodum is, qui aliquid manu capit, & tollit. *Ægrotationes verò portauit*, hoc est, exportauit, & ab hominibus remouit, & transtulit. Vel quia onere ægritudinum ægros liberauit, idcirco eas portasse dicitur; easque tanta facilitate absque vllis medicamentis abstulit, ac si vnâ rem portabilem tolleret, & in alterum locum veheret. Vel, *accepit, & portauit*, id est, suas fecit, in suam

in suam curam accepit, in mente, in animo, compassionéque portauit, vt veluti proprias curaret, ac sanaret.

D Verum, quamuis hæc verba ita possint intelligi, tamen dicimus etiam ideo Christum vocari virum dolorum, ac infirmitates nostras accepisse, & ægrotationes nostras portasse; quia tanti, ac tam intensi fuerunt dolores, quos ipse in passione sua pertulit, vt omnes dolores, labores, cruciatus, & tormenta omnium ægrotorum, & Martyrum longè superauerint, vt probat Diuus Thomas: & colligitur ex illo loco; *Attendite, & videte, si est dolor sicut dolor meus.* Itaque non debes tuos attendere dolores, sed Christi.

Attende etiam plurimos Sanctos, & Sanctas, vehementes dolores, grauissimósque morbos patienti animo sustinuisse, nec curasse vt ab illis curarentur, sed vt illis diu vexarentur. Paula Romana, teste Hieronymo, cum febris laboraret, & stomachi cruditate cibum non digereret, vt modico vino vteretur, nec Medicorum placitis, nec Religiosorum suasis, imò nec Sancti Epiphani, quem Hieronymus submiserat, impelli potuit, nolens à vitæ monasticæ institutione, ne in ægritudine quidem, declinare: multo enim tempore aquam bibens magis expauit vini gustum, quam infirmitatis periculum: imò Epiphanius testatus est se senem fere persuasum ne vinum biberet.

Ægidius ad Rhodani ostia solitarius, cum à venatoribus sagittâ in incertum missa inter sylvas latentem sauciasset, non modò medi-

cinam corpori admittere noluit, sed etiam Dominum orauit, nequando læsa caro sanitatem reciperet. Parum erat solitudinis necessitatem ferre, quotidianas vigilandi, precandi, ieiunandi fatigationes pati, vulnus insuper quasi diuinitus inflictum manere voluit incuratum, vt additus corpori dolor, ab animo procul arceret voluptatis cogitationes.

Marul. lib. 5. cap. 4. Syluia Ruffini Alexandria Præfecti soror, Deoque dicata virgo, cum ægrotaret, Medicis consulentibus balnea adire noluit, non medelam contemnens, sed mollietiem cauens; quippe quæ per annos quadraginta neque vultum, neque pedes lauisset, neque aliam corporis partem, præter summos manuum digitos, cum vellet capere cibum: non alium lectulum habebat, quàm nudam humum. Cogita nunc, qualiter infirmitatem tulerit, quæ talia, dum sana esset, sua sponte, vt Christo placeret, pertulit.

Cassian. Tradit Cassianus, Paulum solitudinis cultorem, resolutis paralyti membris in lectulo decubantem cæteris, qui ægrotabant, sanitati fuisse: oleo enim, cui ipse benedictionem imposuisset, peruncti curabantur. Qua quidem in re ostendere voluit nobis Dominus, quantum ille & fortis esset in patientia, & pius in miserendo. Idem enim, qui pro sua valetudine nihil sollicitus videbatur, pro aliena anxius erat, & præsentaneum omnibus remedium conferebat.

Beniamin Eremita aquæ intercutis morbo vehementer laborabat: at ne hoc illi obdelicta

delicta, datum crederes, alios infirmos oratione sola curauit; eos verò, qui infirmitatem eius miserebantur, è diuerso rogare solebat, ne corporis sui, sed animæ curam haberent, veniámque à Domino sibi exorarent peccatorum, quæ, dum sanus esset, se commisisse aiebat. Itaque quòd peccator esset, plurimum agebatur; quòd æger, nihil.

Stephanus Marcotidis, regionis Anachoretæ, cum aliquas partes sui corporis exulceratas, taboque dissuèntes haberet, curationem quidem non recusauit; sed dum curaretur, maioris patientiæ præbuit exemplum, sectiones à Chirurgo passus, nullo emissio eiulatu, nullo edito gemitu, ac si omnino doloris vim non sentiret. Adhæc, eiusmodi ægritudine affectus, non intermisit manuum laborem; de palmarum foliis funiculos contorquens, non spiritalis exhortationis curam, semper eorum, qui ad se venissent, saluti consulens. Ita magnam languoris molestiam maiore virtutum meditatione vincebat, animo etiam fortior, quam corpore debilior.

F Mendicius quidam nomine Seruulus, teste Divo Gregorio, à primæua ætate vsque ad finem vitæ paralyticus iacebat in lectica surgere ad sedendum non poterat, nunquam manum suam ad os ducere; nunquam se posuit in latus aliud declinare, nec omnino se commouere; semper tamen in doloris accessionibus Deo gratias agebat, hymnósque decantabat: quare & moriens Angelorum recreatus est concentu, & mortuus odore

ibidem.

suauissimo domicilij locum repleuit. Vnde concludit ille Doctor : *Ecce quo fine ex hac vita migravit, qui in hac vita equanimiter flagella tolerauit. Quid in iudicio dicturi sumus, cum hunc Seruulum viderimus, cui longus languor brachia tenuit, sed tamen à bono opere non ligauit? Non habebat liberas manus, nec liberos pedes, quibus bene ageret; sed habebat liberum cor, & liberum os, quo potuit, & voluit Deum diligere, ei que in tanta infirmitate gratias agere.*

Sigeib.

Elisabeth Sconangia, virgo Deo sacra, vt scribit Sigebertus, toto corpore vlceribus contabefacta iacens, nunquam ob hoc aliquam animi tristitiam vultu prætulit, multas interim futurorum reuelationes accepit, acceptasque prodidit, vt faciliè dixerim, & ideo sanctam, quia patiens erat; & ideo patientem, quia sancta.

Sur. 17.
Septembr.

Sancta Hildegardis virgo nobilissima Bingenfis, vt refert Surius, licet morbis continenter vexata in lecto decumberet; ipsius mortis imago: tamen mirandis clariuit visionibus, ac futurorum prædictionibus; omnesque ægros tum ad se venientes, tum etiam absentes, in somnis eis apparens, sanitati restituit; quas quidem visiones, futurorumque prædictiones non metuisset, nec tanta miracula patrasset, si proprias ægritudines impatienter tolerasset.

Horum exemplis, aliorumque multorum G
similium discimus, quam patientissimè corporis ægritudines nobis sint tolerandæ: nobis, inquam, grauib; obnoxiiis delictis, & nullo

nullo virtutis genere cum his Sanctis conferendis ; & tamen quoties morbo aliquo afficimur , indignamur. Quòd si illorum Sanctorum patientiam imitari nolumus , infidelium saltem tolerantia in diuturnis languoribus nos pudefaciat. Narrat Plinius *lib. 7. cap.*

Caïum Mœcenatem , dum vixit , febris laborasse , trienniòque suæ vitæ postremo nunquam sensisse se dormisse. Antipater Sidorius Poëta omnibus annis vno tantummodo die , quo genitus erat , febris implicabatur ; cùmque ad vltimam ætatem peruenisset , natali suo , certo illo circuitu morbi consumptus est. Verumtamen non legimus eos impatienter tulisse huiusmodi ægritudines , licet illorum patientia nullius esset meriti apud Deum. Nos autem Christiani , si patienter quascumque feramus infirmitates , maximum ex eis meritum ; maximamque utilitatem nobis comparabimus.

Val. Max. lib. 1. cap. 8.

Interrogatus Diuus Petrus , cur Petronilam filiam suam diutius ægrotare pateretur , cùm aliis malè affectis repentè sanitatem induceret ; ita illi expedire respondit. Ac ne dissimulare impossibilitatem videretur , iussit eam surgere , & ipsis discumbentibus ministrare. Exurrexit sana ; & ut perfuncta est officio , rursus patris iussu ad lectulum pariter ac morbum rediit. Ægrotando igitur didicit virginitatis amare puritatem , ita ut postea sanata mori præoptaret , quàm Flacco Prætori nuberet. Quare non modò patienter ferenda ægritudo est , verùm etiam appendenda , quoties intimis in medullis conci-

tatus ardor iuuenilia occupat membra, & dum quis ad turpem libidinem ob nimiam corporis incolumitatem succenditur. Maximum homini confertur à Deo beneficium, quando hostis eius domesticus, caro scilicet, morbo debilitatur, ac inermis efficitur, ne rebellem se præbeat.

Morbi insuper supplent voluntariam satisfactionem, ideo sunt equo animo ferendi. Nam accedente patientia, illud quod est necessitatis, potest fieri voluntatis; & tunc erit satisfactorium, quod prius non fuerat voluntarium. Deus enim videns nos nulla opera satisfactoria operari velle, immittit infirmitatem, ut saltem coactè præstemus, quod sponte nolimus: ut sic agroti mereamur, quod incolumes recusabamus. Hinc Gregorius; *Mitigat vim doloris considerata æquitas ferientis*. Hæc est igitur & illius bonitas, & æquitas, ut cogamur mala pati, qui renuimus bona agere. Itaque dum ægrotamus, possumus Deo optimo offerre omnes dolores, quos patimur, pro satisfactione poenarum, quas hic, aut in Purgatorio subire meruimus; sed oportet, ut qui antea noluissemus infirmitatem, postea in nobis velimus diuinam adimpleri voluntatem, illi nos omnino conformando; ac proinde debemus etiam Deo nostram offerre voluntatem ad omnia mala subeunda, omnesque dolores perferendos, quia nihil est ei gratius, nihilque nobis utilius. Vnde idem Gregorius; *Nihil offertur Deo ditius bona voluntate*. Noli ergo indignari, cum indignando peccata, imò & agitudines

Gregor. in
Iob.

dines non minuantur, sed cumulentur. Qui autem libenter corporis mala tolerat, ad expiationem spiritus proficit. Quòd si ideo nolis infirmari, quia mortem pertimescis, scito te esse moriturum, non tamquam egrotantem, sed tamquam viuentem. Audi Senecam: [Morieris, non quia ægrotas, sed quia viuis. Cùm conualueris, non mortem, sed valetudinem effugies.] *epist. 72.*

Aliquando etiam Deus illos ad se adducit, quos ab eo incolumitas abducit. De Beato Dunstano legitur, quòd ante morbum ab Elphègo Ventano Episcopo necessario suo nullis hortatibus compelli poterat, vt Monachum profiteretur. At febre correptus, mox vt conualuit, vltro ad monasterium properauit, & religioni se addixit, multaque vitæ sanctitudine pollere cœpit, breui Presbyter, atque ad Cantuariensem Ecclesiam regendam accitus; Pontificia quoque dignitatè effulsit: multis denique miraculorum signis nobilitatus fuit. Itaque tantùm illi ægrotasse profuit, quantùm, si semper sanus perseverasset, fortallè nocuisset.

I Beatissimus Pater noster Franciscus non antè cœpit esse perfectus, quàm grauissimam corporis valetudinem incurrisset: vigesimo namque ætatis suæ anno infirmatus didicit terrena contemnere, quæ sanus dilexerat. Ager soli Deo seruiendum esse intellexit, qui antè sanus auaritiæ seruierat, dum negotiationibus operam daret. De illo sic Diuus Bonauentura: *Facta est, inquit, super eum manus Domini, & immutatio dextera Excelsi,* *S. Bonauent. in eius vita. cap. I.*

572 *Clypeus Patientia.*

celsi, diutinis languoribus ipsius corpus affligens, ut coaptaret animam ad sancti Spiritus unctionem. Quis igitur infirmitatem inculcare audeat, quæ tanti est causa boni? Quod autem in plerisque non eundem sortiatur euentum, non hoc eius vitio fit, sed ipsorum, qui sanati, sic vitam suam instituere negligunt, ut dum ægrotarent, promiserunt.

*Ideo etiam Deus immittit infirmitates, ut infirmus foras emittat iniquitates; aliqui enim nunquam confiterentur, si nunquam infirmarentur. Sunt autem peccata plerumque causa morborum, ut asserit Chrysostomus, & colligitur ex illis verbis Christi ad paralyticum sanatum; *¶* *nam noli peccare, ne deterius tibi aliquid contingat.* In quæ verba sic ille Doctor: *Admonemur, ait, quod ex peccatis morbi generantur.* Idcirco Diuus Bernardus consulit, ut quàm citissimè infirmi confiteantur, ut perfectam sanitatem consequantur. Si, inquit, *ad perfectam sanitatem peruenire desideras, quidquid conscientia stomachum grauat, totum vomitu pura confessionis euomere non differas: virus enim vitiorum, nisi festinanter eiiciatur, prius interiora corrumpit; deinde ad exteriora ebulliens, totum corpus occupat, & maculat.* Salubris igitur illa corporis infirmitas, per quam animæ acquiritur incolumitas: vexet morbus corpus, ne peccatum vexet animam.*

Frater mi, premente tuo morbo, precor K attende quid per Isaiam Dominus dicat: Excoquam ad purum scoriam tuam, & auferam omne stannum tuum. Quasi apertius dicat: ego immit

Ioan. 5.

hom. 37.

*de interiori
dome. cap.
55.*

Isai. 1.

immittam tibi tam grauem morbum, tam peracutas febres, vt his malis tamquam fornace quadam, aut clibano conclusus, ita excoquaris, donec tandem omnis vitæ tuæ peruersæ scoria penitus consumatur, tuæ omnes cogitationes pessimæ deleantur, purusque euadas. Audi præterea, quid per Moysen dicat: *Ego percutiam, & ego sanabo.* Tu præ- *Deut. 32.* buisti vnde percuteret, præbe illi vnde sanet, id est, propter peccata tua percussit te, fac vt propter patientiam & poenitentiam tuam sanet te. Porro, qui nouit, quando debuisti infirmari, præuidet quando debeas sanari: propterea, ne indigneris, nec conqueraris, vel submurmures, si prout vis, non conualescas, licet illum roges, aut rogari facias: quia, secundum Augustinum, *videtur Deus in Psal. 33.* non exaudire, vt sanet, & parcat in sempiternum.

Tibi crebro repetenda sunt hæc verba, *Etiamsi occiderit me, in ipso sperabo: & post-* *Iob. 13.* modum cum sanctissimo illo Doctore hu- *Augustin.* militer, & viriliter dic; hinc vre, hinc seca, dummodo in æternum parcas. Domine, non parcas corpori, vt parcas animæ; crucietur corpus in præfenti, vt in futuro saluetur anima: nolo curari, si aliter non possim saluari: non peto sanitatem, nisi conducat ad salutem: malo ægrotare, quàm peccare. *Tuus Psal. 118.* sum ego, saluum me fac; siue per dolores, per labores, per cruciatus, per vulnera, per ægritudines, siue per acerbissimam mortem ad te perueniam, hoc solo contentus sum. Iube quod vis, & da quod possum, & fac vt possim, & velim, quod tu vis. Itaque repete etiam

574 *Clypeus Patientia.*

etiam ſæpiſſime hæc verba, *Fiat voluntas tua.*
Orat. 2. in Nam, teſte Gregorio Nyſſeno, *verba hæc morbi*
orat. Dom. *animæ inharæntis curatio ſunt:* & ſi morborum
 corporis, ſicut animæ, non ſint curatio,
 erunt tamen maxima conſolatio, & miti-
 gatio: Experire quod dico, vt aſſequaris
 quod opto.

*Ad gementes & flentes in hac
 lacrymarum valle.*

C A P V T X X I I I.

lib. 10. de **V**OCAT Diuus Hilarius lacry- A
Trinit. *mas, sudorem animæ* Diuus Gre-
 gorius verba conſolatoria, *candidum linteum;* ſic enim ſcribit
lib. 16. ad quendam. Peto, vt frequenter
epiſt. 27. *dulciſſima veſtra charitas viſitet Anatolium Dia-*
conum, vt poſt labores, quos in cauſis ſacularibus
 patitur, in verbo Dei vobiſcum requiem inueniat,
 & quaſi quodam candido linteo, eiſdem laboris
 terreni ſudorem detergat. Vobis igitur offero
 verbula noſtra, veluti ſudariola, vel linteami-
 na quædam, ad detergendas lacrymas veſtras,
 cùm ſint ſudores animæ. Detergam autem, ſi
 primò ab ipſo Deo detergi oſtendam. Audite
 Ioannem de lacrymantibus iuſtis loquẽtem:
Apec. 7. *Abſterget Deus omnem lacrymam ab oculis eorũ.*
 Quod miram dulcedinem indicat; ductaque
 eſt ſimilitudo, vt vult Pannonius, à matribus,
 quæ paruulos plorantes amplecti ſolent,
 blanditiis delinire, eiſque lacrymas abſter-
 gere,

gere, & vbera porrigere. Ita eos qui peccata sua, & aliorum, vel ob iniustas persecutiones sibi illatas fleuerint, Deus in cœlo benignè excipiet, & instar blandissimæ matris consolabitur. Eam ob causam Deus se matri comparat. *Quomodo si cui mater blandiatur, ego consolabor vos.* Eandem iustorum in patria consolationem iisdem ferè verbis prænuuciauerat Propheta: *Et auferet Dominus Deus lacrymam ab omni facie.* Dicat igitur Bernardus. *Fœlices lacrymæ, quas benigna manus conditoris mundi abstergunt, & beati oculi, qui in talibus liquefieri elegerunt.* Fœlices vos, si eas fundatis lacrymas, quæ à Domino abstergi mereantur; nostro non indigeretis linteo ad eas abstergendas.

B Vt autem sciamus quasnam lacrymas Dominus sit abstersurus ab oculis beatorum, notandum est, in hominibus piis & iustis varia esse lacrymarum genera diuersis ex causis orta. Nempe alius luget peccata sua, & quia malum fecit coram Deo: alius flet, quia bonum non egit, quod agere poterat: alius, quia bonum quod fecit, non ita vt oportebat diligenter, & perseveranter fecit: alius illacrymatur proximi peccatis & miseriis, veluti Iob, qui dicebat: *Flebam super eo qui afflictus erat, & compatiebatur anima mea pauperi.* alius dura correptionis flagella sustinens; alius aduersitates Ecclesiæ videns: alius prosperitates impiorum, & hostium populi Dei ægrè ferens: alius luget diuinæ legis contemptum, & Dei offensam: alius flet, quod à propriis vitiis & concupiscentiis vehementer impugnatur:

gnatur: alius, quia se in oratione, & virtutum exercitatione sterilem, & tepidum sentit: alius flet suę peregrinationis moram. Omnia hæc lacrymarum genera dicitur Deus abstergere ab oculis Sanctorum.

Absterget quidem, non disperdet, sed in loco tuto reponet. Audi Psalmistam: *Posuisti lacrymas meas in conspectu tuo.* Alij secundum Hieronymum sic legunt; *Repones lacrymam meam in vtre tuo: vel, in laguncula tua.* Lacrymę comparantur optimo vino, quod in peculiari aliquo vtre, vel laguncula reponitur, vt melius asseruetur. Audi Bernardum. *Lacrymę pœnitentium, vinum sunt Angelorum.* Sicut vinum lætificat cor hominis; ita lacrymę verè lugentium & pœnitentium lætificant Angelos, dicentē Domino: *Gaudium est Angelis super vno peccatore pœnitentiam agente.*

Item alij legunt: *Posuisti lacrymas meas in rationario tuo,* hoc est, in libro rationum tuarum. Solent mercatores habere librū, qui vulgò vocatur *Liure de raison*; vbi debita, quæ ipsis alij, vel quæ aliis ipsi debent, scribunt & adnotant. Sic Deus dicitur posuisse lacrymas nostras in sua mente & memoria, tanquam in rationario, vbi se veluti debitorem pœnitentis fatetur. Alij verò sic transferunt: *Posuisti lacrymas meas in thesauris tuis.* Quæ pretiosiora sunt, includuntur & reponuntur in thesauris: vocantur lacrymę à quibusdam pretiosę margaritę, siue vniones; vnde, teste Pierio, plerique prodidēre vniones esse symbolum lacrymarum, sumptum scilicet à coniectoris, qui lacrymarum profluvium per vifas

vilas in somnis margaritas ostendi tradunt:
& teste etiam Suida, margaritæ declarant lacrymarum fluxum. Si vniones, siue margaritæ ornant aures, multò magis lacrymæ causâ Dei effusæ ornant oculos. Vnde Diuus Chrysostomus ait, oculos Dauidis fuisse ornatos lacrymarum imbre, quasi margaritarum decore. Fluant igitur lacrymæ in tanto thesauro reponendæ, ac ita oculos nostros ornantes. Vis te gemmis fulgentissimis ornare, quæ Deo, Angelisque placeant? funde lacrymas, doloris ob crimina concepti testes. Vis munera Iudici gratissima offerre? has offerito margaritas. Sunt enim ad placandum Iudicem potentissimæ.

Meritò itaque Christus flentes beatos prædicat: *Beati qui lugent, quoniam ipsi consolabuntur.* Consolabuntur, inquam, cum viderint fletus suos & lacrymas tam diligenter asseruari, numerari, ac remunerari. Hinc illud Laurentij Iustiniani, ni fallor, ex Diuo Hieronymo. *O lacryma, inquit, humilis! tua est potentia, tuum est regnum, tribunal Iudicis non vereris; accusatoribus tuis silentium imponis; non est qui te ad Deum accedere vetet: si sola intres, vacua non redibis. Quid plura? vincis innuicibilem, ligas omnipotentem, inclinas filium Virginis, aperis cælum, fugas diabolum.*

D. Præterea, consolabuntur; quia lacrymis peccata obliterantur. Audi Chrysostomum: *in Psal. 50. Peccata tua in libro scripta sunt; spongia autem instar sunt lacrymæ tuæ. Lacrymas mitte, & obliterantur: lacrymas mitte, & purus illic liber inuenitur. Magna peccatorum spongia sunt lacrymæ.*

O o Conso

578 *Clypeus Patientia.*

Serm. 23. Cōsolabūtur denique: videbūt enim se illud Domino dedisse, quōd maximē optat. *Deus,* inquit Chrysologus, *esurit gemitus delinquentium, sitit lacrymas peccatorum:* Peccatores, ac delinquentes omnes sumus: si pane, & vino careamus, quibus Christum reficiamus, non defunt lacrymæ, quas fundamus, ne aliquando audiamus; *Esurini, & non dedistis mihi manducare; sitiui, & non dedistis mihi bibere.* Quando peccas, tunc Deus esurit tuos gemitus; & sitit tuas lacrymas: quōd si non lugeas peccata tua, tunc ei cibum, & potum denegas. Consolamini igitur gementes, & flentes, qui Dominum pascitis. Consolamini etiam fructum lacrymarum vestrarum reportaturi. Scitum est illud Menandri apud Plutarchum:

*in orat.
consol.*

Dolor, ut arbores fructum, habet lacrymas. Fructus doloris sunt lacrymæ, & fructus lacrymarum sunt exultationes; nam qui seminat in lacrymis, in exultatione metet. Vis videre quantam vim habeant ista semina, siue lacrymæ, & quales fructus ex illis oriantur?

Serm. 23. Audi Chrysologum: *O quanta vis in lacrymis peccatorum! rigant calum, diluunt terram; extinguunt gehennam, delent in omne facinus latam diuinā promulgatione sententiam.* Verè ergo *Luc. 6.* *beati qui nunc fletis, quia ridebitis.* Ridebitis, inquam, & exultabitis videntes tot fructus lacrymarum vestrarum: *habet enim luctus re-*
in Matt. 5. *pensum sibi gaudium,* ait Euthymius.

Vt autem hos fructus afferant vestra lacrymæ, debent esse Deo grata: at non erunt grata, nisi fundantur ob commissā peccata,
vel

vel propter mortem Christi, aut ob aliam causam ex his, quas iam diximus, quas omnes in quatuor qualitates redigit Gregorius: *Quatuor*, inquit, *sunt qualitates*, lib. 23. *in quibus iusti viri anima compunctione vehementer afficitur: cum, aut malorum suorum remittitur, considerans ubi fuit: aut iudiciorum Dei sententiam metuens, & secum querens, considerat ubi erit: aut cum mala vite presentis attendens, considerat ubi est: aut cum bona superna patria contemplatur, quæ, quia necdum aspicitur, lugens conspiciat ubi non est.* His, & similibus honestis caulis flendum est: tunc lacrymæ ob huiusmodi causas effusæ non cruciant, sed delectant. Vnde Ambrosius: *Lacrymæ mentem de obitu alleuant, fletus refrigerant pectus, & mœstum Valen. consolantur: est enim piis affectibus flendi voluptas.* Hoc etiam agnouit, qui dixit:

— Est quadam flere voluptas.

Ouid. 4.
Trist.

Et alter:

Afflictis hominibus suaves sunt lacrymæ. Euripides.

Lacrymæ verò, quæ emittuntur ex profani amoris amissione, rei familiaris iactura, aut rei, vel personæ turpiter dilectæ absentia, vel ex vana, & alia leui causa, inutiles sunt, & Deo detestabiles. Dolet Diuus Augustinus, quòd aliàs fleuerit Didonis mortem, atque sic seipsum increpat. *Flebam Didonem mortuam, quæ se occidit ob amorem* fess. cap. 13.
Anea, cum interea meipsum in his à te morientem, Deus meus, vita mea, siccis oculis ferrem miserrimus. Quid enim miseriùs misero non miserante se, & flente Didonis mortem, quæ siebat amando Aneam; non flente autem mortem

580 *Clypeus Patientia.*

suam, quæ fiebat non amando te?

Idem Doctor conqueritur de quibusdam hominibus, quod flagella, quibus ob peccata percutiuntur; defleant; peccata ipsa non defleant. Flagella, inquit, *sua dolent homines, quare flagellantur non dolent. Nescio quis, si damnum patitur, procliuior est, ut dicat: Indignè passus sum, quàm ut consideret, quare passus sit, dolens damnum pecunia, non dolens damnum iustitia:* & talis, secundum eundem Augustinum, nullo modo poterit excusari, cum habeat lacrymas ad deflenda temporalia per dita, & de iactura animæ non curet. *Non utique est, inquit, ut quis se excuset se non habere fontem lacrymarum, qui aliquando lacrymis ostendit dolorem temporalium. Lacrymæ ob damnum rerum temporalium effusæ similes sunt eis, quæ fumo, & cepis emittuntur, quæ omnino nihil prosunt, sed obsunt; ita nec illæ.*

Scio quidem multa esse in hoc mundo fletum commouentia, quæ cum attentè consideraret Seneca, sic scribebat. [Larga est vbique, & assidua flendi materia. Lacrymæ nobis prius deerunt, quàm causa dolendi.] Nec mirum, cum simus in valle lacrymarum, & cum ab incunabulis flere didicerimus. Agelasti, siue nunquam ridentes reddebantur, quicumque in Trophonij specum descenderant apud Træzenios: vnde antiqui prouerbialiter hominem tristem, & semper lacrymantem, in Trophonij antrum descendisse dicebant. Sed vbique terrarum inuenitur huiusmodi antrum, quia vbique se præbent

*in consolat.
ad Poly-
bium.*

præbent flendi occasiones. Tot bella, morbi, inopiæ, persecutiones, inuidiæ, sterilitates, oppressiones, tot denique calamitates, & miseriæ, & similia mala sese offerunt oculis nostris, vt ex eis lacrymas extorqueant; ita vt dicat idem Seneca: [Excidunt etiam retri-
nentibus lacrymæ.] *epist. 99.*

Verumtamen nollem vos deflere causam lacrymarum; scilicet miseriæ; sed causam miseriarum, nimirum peccata. Non est lugenda pœna, sed culpa, quæ nisi hîc lugeatur, in æternum lugebitur pœna. *Luge peccata, ait Chrysostomus, ne pœnam defleas. hom. 5. de pœnit.*
Peccata igitur in hoc mundo defleamus, vt in futuro gaudeamus. Desinamus hîc lætari, ne illîc nobis contingat trîstari. Præueniamus fletibus fletum, & stridorem dentium. Hoc sibi optabat Bernardus. *Quis dabit ca-* *Serm. 16. in Canticis.*
piti meo aquam, & oculis meis fontem lacrymarum, vt præueniam fletibus fletum, & stridorem dentium? Potentissimæ aduersus crimina sunt lacrymæ, postquam è vita excessimus, vires penitus amittunt, & inutiles sunt. Modicus fletus nunc ex pœnitentia emanans magna abolet crimina; sempiternus verò fletus post mortem, ne minimum quidem delet peccatum. Hîc igitur lacrymæ fundantur, vt suscipiantur. Ad hoc nos hortatur Beatus Ephrem: *Fundamus lacrymas, quamdiu tempus est suscipiendi nostras lacrymas; ne abeuntes in* *Serm. 1. de pœnit.*
seculum illud, absque fructu & utilitate vlla plangamus. Ibi enim pro nibilo ducentur lacrymæ. Plange hîc modicum, ne plangas illîc in secula seculorum. Satius est flere in valle lacrymarum,

marum, quàm in abyſſo lacrymarum, ſcilicet in inferno, ubi erit fletus, & ſtridor dentium.

Ad incarceratos, & ad captiuos.

CAPVT XXIV.

Matth. 25.



LICEAT mihi hoc ſaltem ſcripto conſolari, quos corpore viſitare non potero, ne futurus ſim de numero illorum, quibus à Chriſto dicetur; *In carcere eram, & non viſitaſtis me.*

Meminerint in primis incarcerati, quòd omnia quæ ſub cœlo continentur, propriis carceribus mancipantur: Nam terra & aqua, quæ ſimul vnum globum conſtituunt, ambitu aëris concarcerantur; aër etiã elemento ignis coarctatur, atque ignem orbis Lunæ complectitur, nec illis elementis extra ſuas ſphæras & limites diuagari permittitur. Inter corpora cœleſtia vnum ab altero circumdatur, & circumuoluitur. Aſtra quoque in ſuis orbibus veluti modi in ligno includuntur, vnde nunquam exeunt.

Iob. 7.

Præterea habent aues ſuum carcerem, nempe aërem, & ex illis multæ in cauea includuntur. Piſces in mare veluti in carcerem iam incarceratũ detruduntur. Vnde Iob: *Numquid mare ſum ego, aut cetus, quia circumdediſti me carcere?* Anima quoque in corpore tamquam in ergaſtulo includitur, à quo quidem optabat eripi, qui clamabat;
Educ

Educ de custodia animam meam : vel , vt Aug^{us}tinus legit ; *Erue de carcere animam meam*.
Lingua dentibus , labiisque velut carcere clauditur. Oculi palpebris custodiuntur. Homines etiam seiplos videntur incarcerare, dum vrbes suas mœnibus circumdant, ibique sibi ædes, & domos construunt, & in illis cellulas, in quibus arctius includuntur, ita vt vnique liceat dicere:

Inuida me spatio natura coercuit arcto. Ouid.

Cætera animalia in foueas, speluncas, nidulos, latibula sese abdunt. Quid de bombyce referam, qui ore proprio sibi ipsi ad extremum vitæ suæ carcerem texendo instruit?

Omnes insuper fructus pelliculis suis & corticibus quasi carcere circumdantur: ita vt necesse sit, frangat nucem qui vult habere nucleum. Vniones in conchis, ac lapilli, gemmæque etiam interdum auro veluti carcere includuntur: nec propterea minùs, imò magis micant & splendent. Omnia denique tantò arctius ac diligentius in hoc mundo custodiuntur, quantò pretiosiora iudicantur. Cum itaque omnia incarcerentur, & recludantur, cur miramini, & doletis, quòd cum omnibus incarceremini?

Quid præterea est iste mundus, nisi communis quidam carcer tenebris, vinculis, immunditia, fœtore, reisque plenus? Vnde Tertullianus quosdam fideles incarceratos in lib. ad sic consolabatur. *Si cogitemus, ipsum magis Martyres mundum carcerem esse, exiisse vos è carcere, quam in carcerem introuisse intelligemus. Maiores tenebras habet mundus, quam carcer, quæ ho-*

minu præcordia excecant: grauiorcs catenas induit mundus, quæ ipsas animas hominum constringunt: peiores immunditias expirat mundus, libidines hominum: plures reos mundus continet, iudicia non Proconsulis, sed Dei sustinet. Ea de causa forsitan Iugurtha regno amisso Romam captiuus ductus, in carceris ostio etiam iocatus esse dicitur, quòd à carcere tenderet ad carcerem.

Si attendatis, quid in carcere proficiatis, illum libenter tolerabitis. In carcere enim nullum malum hominem habetis obuium, qui vos ad malum incitet. Multæ vobis peccandi occasiones rescinduntur: nullæ sese offerunt mulieres ad illas videndum, & concupiscendum. In maiora crimina fortè incidissetis, nisi in hunc carcerem detrusi essetis, atque ita arctiorem, & squalidiorem meruissetis. Vnde optimè, secundum Varro- nem, carcer quasi coarctat à coërcendo dicitur; quia potest quis omnes suos coërcere sensus, ne ad illicita prolabantur.

Varro.

Eccli. 3.

Item iuxta Sapientem, *de carcere, catenisque quandoque egreditur quis ad regnum*, interdum temporale, & semper, si voluerit, ad æternum; dummodo ærumnas, & incommoda carceris propter Deum patienter ferat, suas agnoscendo culpas, illasque humiliter confitendo, ac Deo gratias agendo, quòd hîc in arcto ponatur, vt tandem in cælestibus spatiis reponatur: quæ quidem spatia sæpe sunt cogitanda, cum non impediat loci angustia. Potest carcer tuum corpus detinere, sed non animum, qui non obstante quocumque

cumque carcere, cælestia, si velit, meditabitur. Audi Apostolum sepe carceribus mancipatum, catenisque constrictum: *Conuersatio Philipp. 3. nostra in cælis est.* In carcere fortè detinebatur, & in cælis versabatur; ligabatur corpus, & liber erat animus. Considerandus, & optandus est ille locus, vbi non ligabuntur pedes, neque manus. Propterea sustine hîc ligari, vt ibi soluaris, & cum Cypriano dicere valeamus: *O pedes feliciter vincti, qui itinere salutari ad paradysum diriguntur! ô pedes ad presens in sæculo ligati, vt sint semper in cælis apud Deum liberi!* Dic igitur cum sancto Poëta:

*Carcere si caco claudar, nectârque catenis,
Liber in excessu mentis adibo Deum.*

D. Prosper
epigram. de
dilectione
Dei.

C Diuus Hieronymus aliquem in eremo manentem sic consolabatur. *Infinita eremi vastitas te terret: sed tu paradysum mente deambula. Quotiescunque cogitatione ac mente illuc conscenderis, toties in eremo non eris.* Ita sic incarcerato loquar: si carcer te terret, paradysum mente deambula; nam quoties cogitatione & mente illuc conscenderis, toties in carcere non eris.

Hieronym.

Præterea, libenter quis temporalem patietur carcerem, si diligenter meditetur æternum, quem vt idem Hieronymus euaderet, eremi carcere se damnauit, vt ipsemet fateatur. *Ille ego, qui ob gehenna metum, tali me carcere ipse damnaueram scorpionum tantum socius, & ferarum.* Sustine igitur ad tempus incarcerari, ne æternaliter in infernum detrudaris: fortè enim non potuisses aliter teterrimum illum

epist. 22. ad
Eustoch.

infernī carcerem euadere, nisi in hunc cogeris introire. Hoc Deus agnouit, qui tibi accidere permisit, ut coactè cogaris sustinere, quod alij sponte elegere.

Si contingat, te innoxium & absque culpa in carcerem coniici, debes potiùs gaudere, quàm dolere. Recordare eorum, qui innocentes, fuerunt in carceres deturbati, quos patienter tulerunt; ideo illos non deseruit Dominus, pro quo talia perferebant. Veniat tibi in mentem castissimus ille Ioseph, qui, *lib. de Io- vt ait Ambrosius, inaudita causa, inexplorata*
Ioseph. cap. 5. fide veri, tanquam reus criminis in carcerem mit-
titur; sed eum Dominus nec in carcere deserebat.
Non turbentur innocentes, cum falsis criminibus
appetuntur, & oppressa iustitia detruduntur in
carcerem: visitat Deus & in carcere suos, & ideo
ibi est plus auxilij, ubi est plus periculi. Sed quid
mirum, si visitet Deus in carcere positos, qui se
ipsum in suis in carcere inclusum esse memorauit?
Quò non penetrat diuina misericordia? Inuenit
Ioseph huiusmodi gratiam, ut qui fuerat clausus in
carcere, ipse potiùs carceris claustra seruaret; cederet
munere clauicularij, & interclusos omnes in
potestatem eius committeret. Itaque Ioseph non so-
lùm carcerem non sentiebat, sed alios quoque car-
ceris leuabat ærumna.

hom. 62. in
Genes.

Miratur etiam Diuus Chrysostomus eiusdem Ioseph lenitatem, & silentium, dum falsò accusaretur, & in carcerem detruderetur. Vide, inquit, quanto silentio, & lenitate animi Ioseph bene sibi conscius innocentia sua, tulerit calamitatem illam. Scitis enim, eos qui non sibi conscij ullius sceleris, tanquam rei condemnantur, magna

magna saepe uti confidentia, & dicendi libertate superbire, insurgentes contra eos, qui insonitibus crimen intenterunt. Non sic Ioseph, sed cordetacito, mens eius bene sibi conscia, conservabat mansuetudinem & patientiam, expectans Dei auxilium. Illum tandem ab illo carcere eripuit Dominus, qui eripuit & Daniele de lacu leonum, ac aliquando Dium Petrum à vinculis illæsum abire fecit. Potest etiam & te eripere, si tibi viderit expedire; cum maiorem virtutem & efficaciam habeat quàm Saphirus, de quo sic in lapidario:

——— *Educit carcere vinctos,*

Obstrusasque fores, & vincula tacta resoluit.
Quòd si non eripiat, sed de carcere ad supplicium te educi permittat, non minùs illi gratias agas, quòd velit te adscribi in numero illorum, qui post carceres sine vlla culpa morte affecti sunt; inter quos Diuus Ioannes Baptista, qui licet ne leui quidem fame vitam maculasset, capite tamen in ipso carcere plectitur. Meruit pro Christo mori in carcere, qui meruerat à Christo sanctificari in vtero: qui exierat ex vtero confessor, exiit à carcere Martyr; non terminatur eius vita in carcere, quæ inchoauit à carcere, non morte aufertur, sed transfertur. Audi Chrysologum. *Transfertur ista morte vita Martyris, non au-* Serm. 173.
fertur: morte magis claruit, qui ob hoc mortuus est, ut viueret in aeternum. Ecce tu Herodes iaces in morte, Ioannes viuit occisus. Ioannes, inquam, dum in carcere cruciabatur, à Christo laudabatur: Herodes verò, dum in Palatio deliciabatur, à Christo relinquebatur. Hic modò

modò damnatur; ille verò gloriatur. Scit Deus, qua pœna sit mulctandus, qui te innocentem coniecit in carcerem, & adhuc minatur mortem. Non attendas, quod ipse agit, sed quod Deus permittit.

Chrysof. in Matth. cap. 5. Ann. 69. Quid de Apostolis Petro & Paulo toties E incarceratis, & vinctis referam? Illos sic alloquitur Chrysostomus. *Quot carceres sanctificastis? quot catenas decorastis? quot tormenta sustinuistis?* Tandem, teste Baronio, fuerunt ambo Romæ per nouem menses in eodem carcere Mamertino conclusi, & inde ad martyrium educti.

Coloss. 4. Diuus Paulus identidem meminit vinculorum suorum, in quibus gloriabatur, & scribens ad Colossenses, vult, vt illorum recordentur: *Memores, inquit, estote vinculorum meorum.* Plurimum iuuabit sæpe reuocare in mentem, quæ Paulus, & alij viri sancti perpeffi sunt in vinculis, & carceribus. Ad hoc nos hortatur idem Chrysostomus: *Deliciarum, inquit, concupiscentia prebenderis? Recordare carceris Pauli. In afflictionibus es? putas te derelictum esse? memor esto vinculorum Pauli: considera squalorem Pauli in carcere.*

de consol. ad Hel-niam. Verè de illis, & de aliis piissimis viris iniuste incarceratis dicere possumus, quod Seneca de Socrate: [*Carcerem, inquit, intrauit Socrates ignominiam ipsi loco detracturus: neque enim poterat carcer videri, in quo Socrates erat.*] Ille quidem locus cæteris erat carcer, at non Socrati, quia vir erat sui temporis probus. Minus erant illi viri sancti in carcere,

Liber II. Cap. XXIV. 589

carcere, qui nullo coinquinabantur scelere: auferebant carceri ignominiam; qui nullam merebantur ignominiam. Mansit Ieremias in carcere, ait Scriptura, sed nullam infamiam contraxit ex carcere. Ab eodem Paulo adhuc spirante minarum multi Sanctorum fuerunt incarcerati, ut ipsemet fatetur; *Multos Sanctorum ego in carceribus inclusi.* Carceribus quidem includebantur, sed non à merito, & à gloria excludebantur. Carcer igitur tua cohonestabitur præsentia, si in te vera sit innocentia: non enim reputatur ille esse in carcere, qui nunquam meruit carcerem. *Ierem. 38. Philipp. 3.*

Et sicut iusto non est lex posita, ita nec poena. Securè Petrus dormiebat in carcere, quia innoxius ingressus erat carcerem: non curabat, quòd catenis ligarentur manus, dummodo anima nulla ligaretur culpa; & quia hæc omnia pro Christo patienter ferebat, ideo Chrysostomus Petrum vinctum Angelo soluenti præferebat: sic enim loquitur. *Si mihi quispiam dixisset, elige utrum velis: vis esse Angelus Petrum solvens, an Petrus vinctus? Petrus utique esse maluissim.* Maius hoc vinculorum donum est, quàm Solem sistere, aut mundum mouere, aut dominari demonibus, eosque expellere. *hom. 8. in epist. ad Ephes.*

F Vide quid sit, sine noxa vinciri, & incarcerari. Vnde idem Chrysostomus sic de innocentia innocenti loquitur. Gaude de innocentia, & exulta; gaude, inquam, quia ubique illæsa est, ubique secunda. Si temeris, proficis: si humiliaris, erigeris: si pugnas, vincis: si occideris, coronaris. Tu in seruitute libera es, in periculo tuta, in custodia lata. *Chrysost. in quadam homil.*

Si

Si autem noxius & reus in carcerem detrudaris, compedibusque obstringaris, non propterea deficias animo; sed tantò patientius debes illud tolerare, quantò grauius memineris te peccasse. Sicut Sancti libenter sustinebant carceres, & alia tormenta, quibus illorum augebatur meritum: sic & tu patienter feras, quo tuum purgatur delictum. Et sicut illa ergastula, & vincula fuerunt Sanctis meritoria propter innocentiam: ita curandum est, ut fiant tibi satisfactoria per patientiam. Itaque tibi semper est ad Deum recurrendum, qui etiam hanc coactam inclusionem tibi accidere non permetteret, nisi in maiorem tuæ animæ utilitatem cederet. Fiat ista incarceration, tuorum peccatorum purgatio. Qui potionem ad purgandum corpus sumit, necesse est includatur in cubiculo: ita ad animam purgandam plerumque necessaria est inclusio, siue illa sit voluntaria, siue coacta. Ideo illam patienter feras.

Pier.lib.11. Noli esse virgo similis, qui si eò inciderit, unde desperet posse euadere, semetipsum præ ira suffocat, usque ad eò se genitum ad libertatem putat. Idcirco per huiusmodi animal volunt nonnulli hominem intelligi, qui sibi mortem consciscit, ne in manus hostium incidat. At verò tibi salubrius erit patienter tolerare, quod nullo modo poteris euitare. Caue, ne tua impatientia ab vno damno in plura & grauiora corruas.

Dico iterum, aut ex delicto carcerem meruisti; aut iustus existens minimè deliquisti.

Si

G

Liber II. Cap. XXIV. 591

Si detur primum, bonum est tibi, quod in carcere luas pœnas, quæ tibi in inferno, aut Purgatorio gravius luendæ erant. Si secundum, laudem mereris: sicut Ioseph, de quo sic & Augustinus. *Non ita laudamus Ioseph, Augustin. cum frumentum distribuebat, sicut cum carcerem habitabat.* Si visitantes incarcerationum, regnum mereantur æternum, quanto magis carcerem habitantes; & patienter tolerantes? Dum enim quis visitat carceres, socios habet electos: at dum manet in carcere, socium habet eligentem, scilicet Christum, in iudicio exprobraturum, & dicturum: *In carcere Matth. 25. eram, & non visitastis me.*

Si qui autem sint, qui captiuitate premantur, recordentur multos fideles, multosque Sanctos fuisse captiuos, suamque captiuitatem patienter tulisse, & in ea nunquam pietatem deseruisse, atque ideo multa præclara gessisse. Propheta Ezechiel dum in Chaldæa cum populo Iudaico captiuaretur, vidit in medio captiuorum visiones Dei, *Ezech. 1.* multaque prophetauit. Similiter & Daniel in captiuitate Babylonica sanctissime vixit, multaque prædixit. Isaias mittitur ad prædicandum captiuis: *Spiritus Domini nescit me Isai. 6. prædicare captiuis indulgentiam.* Plurimum commendatur Tobias, quod in captiuitate *Tob. 1. posuit viam veritatis non deseruit.*

Permittit interdum Deus, ut aliqui captiui efficiantur in hoc sæculo, ut discant peccari, ac inferni detestari captiuitatem, & cælestis patriæ amare libertatem. Phrygibus familiare fuisse legimus proprios vendere filios,

filios, captiuosque aliquandiu relinquere, ut tandem redempti ad omnia aptiores essent. Cretenses etiam, & Lacones ingenuos filios seruilia munia subire cogeant, ut seruitutis recordatione, libertatem magis amarent.

Laërt. lib. 6. Diogenem Cheneïdæ seruientem volebant eius amici redimere; at ille: Nequaquam, inquit, an nescitis Leones non his seruire, à quibus aluntur; sed illos potius seruire Leonibus; nam Leo vbicumque est, semper Leo est. Valeat, quantum poterit, illa Ethnica responsio. Vellem ego, ut inde discas, te debere semper esse Christianum, etiamsi captiuus existas; nihil deseras ex his, quæ ad hominem Christianum pertinent. Tibi sanè inserviunt, quibus cogeris inservire: tibi, inquam, inserviunt, dum in te inserviunt, quia si huiusmodi captiuitas patienter feratur, proderit sine dubio ad libertatem æternæ patriæ comparandam. Itaque Christianus vbicumque sit, semper Christianus sit.

Ne doleas, quòd captiuus sis alicuius hominis; sed caueas, ne per peccatum captiuus fias dæmonis: satius enim est captiuari ab homine, quàm à dæmone. Hæc est sola desflenda captiuitas, & fugienda. Captiuetur corpus, dummodo liber sit animus. Erit autem liber, si fugiat peccatum; quia *qui facit peccatum, seruus est peccati*. Nec hoc latuit Tullium, cum dicat: [Liber est is æstimandus, qui nulli turpitudini seruit.] Reuera liber ille est, qui probus est; quod pluribus ratio

Cic. 4. ad
Heren.

rationibus Philo contendit probare: nec in illum cadere potest captiuitas, in quem non cadit iniquitas. Caue igitur, ne captiuitati corporis iungatur captiuitas mentis: tunc enim verè esles captiuus, & à temporali captiuitate ad æternam migraturus esles, nisi pœnitentiam àgeres.

Scito, te vbique Deo parere posse. [Deo autem parere libertas est,] inquit Seneca. Si tibi hæc contingat libertas, non est quòd de captiuitate doleas. Ezechieli in captiuitate existenti aperti sunt cæli, vt ipsemet testatur. Vnde constat, etiam captiuus cælos patère, si captiuitatem æquo animo patiantur. Et quoniam, teste eodem Seneca, [suspicere in cælum ex angulo licet;] hoc saltem gaude, non quòd cælum videas, sed quòd ex illa captiuitate ad cælum conscendere valeas.

lib. quòd
omnis pro-
bus liber.

lib. de beat.
vit.

Ezech. 1.

epist. 31.

Ad exilio multatos.

C A P V T X X V.

A T in exilio aliquod solamen inueniatur, considerandum est primò, hunc mundum iuxta Socratis sententiam esse communem omnium hominum patriam; vnde Tullius ostendit quibus exilium durum est. [Exilium, inquit, terribile est his, quibus quasi conscriptus est habitandi locus; non his, qui omnem terrarum orbem

Parad. 4.

P p

vnam

vnam urbem esse dicunt.] Sicut enim, si quis in propria ciuitate commorans domum aliam inhabitet, in qua natus non est, non propterea censebitur exul, & ridiculus esset, si ob id lugeret: ita aliam ciuitatem, aut patriam inhabitans, quàm in qua natus est, non reputabitur sapiens, imò vecors habebitur, si tristetur: nam, ipso etiam Democrito teste, quælibet terra homini sapienti est peruia, atque animæ fortis vniuersus orbis patria est. Vnde & Poëta;

Democr.

*Quid. lib. 2.
de Ponto.*

*Omne solum forti patria est, ut piscibus aquor,
Et volucris vacuo quidquid in orbe patet.*

*epist. 3.
tom. 5.*

Diuus Chrysostomus, dum ab Eudoxia in exilium pelleretur, sic ad Cyriacum scripsit. *Ego cum e ciuitate fugarer, nihil horum curabam, sed dicebam intra memetipsum. Si vult me Regina exulem, agat in exilium: Domini est terra & plenitudo eius.* Quasi dicat: quacunque vtatur autoritate, non poterit ipsa me expellere à terra, vel à dominio Domini Dei mei, quia quocunque in loco habitem, non me exulare credam: non Regina sum, sed Domini mei, ideo liber sum. Et secundum Senecam, [non exulare vnquam potest liber, & Deo cognatus.] Aliquando expellens magis exul est, quàm is qui expellitur.

*lib. ad Al-
binam ma-
trem.*

ibidem.

Inducit idem Seneca Marcellum ab Imperatore in exilium relegatum secum sermocinantem, atque ad tolerandum æquo animo huiusmodi exilium, seipsum sic adhortantem. [Quodd patria cares, non es miser: etenim ita te disciplinis imbuisti, vt scires omnem locum sapienti viro patriam esse.

B

esse. Porro hic, qui te expulit, non ipse per annos decem continuos patria caruit? propagandi sine dubio Imperij causâ. Nunc ecce trahit illum ad se Africa resurgentis belli minis plena: trahit Hispania, quæ fractas & afflictas partes refouet: trahit Ægyptus infida: totus denique orbis, qui ad occasionem concussi Imperij intentus est. Cui primùm rei occurret? cui parti se opponet? Aget illum per omnes terras victoria sua.] Crede mihi, quos non putas exulare, magis sunt exules; & quos credis, minùs aliquando sunt. Si ille Marcellus exulabat, quia erat extra propriam patriam; exulabat etiam is, qui eum expulerat, qui aliquando etiam extra patriam morabatur. Sed neuter habebitur exul, si hæc terra communis omnium patria habeatur.

Audiamus & Diuum Basilium secum apud Gregorium Nazianzenum colloquentem. *Nullum, aiebat, exilium cognosco, qui nullo loco circumscriptus sum, ac neque terram hanc, quam nunc incolo, meam habeo; & eam omnem, in quam proiectus fuero, pro mea duco: imò, ut rectius loquar, vniuersam terram Dei esse scio, cuius aduena ego sum & peregrinus.* Cui congruit quod à Seneca dicitur: [Nullum inuenitur solum intra mundum, quod alienum homini sit.] *orat. in eius laud.*

Interrogatus Hercules, Argiuius, an Thebanus esset, respondit: *Hand unam curo iactare, tota Græcia mihi patria est.* At melius dixisset, si non tantùm Græciam, sed & totam terram patriam agnouisset: extra illam nullus

*lib. de re-
med. fort.*

eiici potest : in illa, qui sapiens est, peregrinatur; qui verò stultus, exulat. Audi eundem Senecam. [Patriam meam transire non possum, omnium vna est, extra hanc nemo eiici potest. Non patria mihi interdicitur, sed locus : in quamcumque terram venio, in meam venio, nulla exilium est. Patria est, ubicumque bene est. Illud autem, per quod bene est, in homine, non in loco est. Si enim sapiens est, peregrinatur : si stultus, exulat.] Interdum nos, quasi formicæ, vel apes, si ex vna cauerna, aut alueari exciderimus, hospites, externique nobis esse videmur. Quod idcirco fit, quia omnia propria & familiaria, ut certè sunt, facere ignoramus. Cum igitur hic mundus omnibus communis sit, omnibus patria est : & sic nullus in eo exulat. Habeas semper in mente hoc eiusdem Senecæ dictærum : [Patriam tuam mundum existima,] ut nullibi te exulem existimes; vel cum Beato Prospero dic:

*de vit.
beat.*

in epigram.

Non metuo exilium, mundus domus omnibus vna est.

At dices : proprium natale solum adeò dulce est, ut sua dulcedine cunctos attrahat,

*Quid. i. de vnde Poëta;
Ponto.*

*Nescio qua natale solum dulcedine cunctos
Ducit, & immemores non sinit esse sui.*

Hoc poterit esse verum in his, qui nisi in angulo viuere nequeunt; vel in his, qui nimis delicatè, & pueriliter viuunt, quibus dulcis est patria; non autem in his, qui fortiter se gerunt, vel qui ita perfectè viuunt, ut ipse mundus sit illis exilium, qui aliàs

viro

viro forti patria erat. Audiatur Hugo de lib. 3. cap. Sancto Victore. *Delicatus, inquit, adhuc ille est, 2. didasc.* cui patria dulcis est: fortis autem iam, cui omne solum patria est; perfectus verò, cui mundus exilium est. Itaque, si mundus, ut iam diximus, communis patria est, nullus erit exul: si verò commune exilium sit, ut volunt aliqui, & colligitur ex eo; *Ad te clamamus exules filij orat. ad Eua,* certè omnes erimus exules. Nullus ergo *Virginem.* conqueratur de eo, quod omnibus commune est. Nam, ut optimè adnotat Tullius; *5. Tuscul.* [si abesse à patria miserum est, plenæ miserrorum sunt prouinciæ, ex quibus admodum pauci in patriam reuertuntur.]

Ex Apostolo; *Non habemus hic manentem* *Hebr. 13.* *ciuitatem, sed futuram inquirimus.* Si nullam in hoc mundo habeamus ciuitatem, nulla poterimus ciuitate eiici. Inquirenda est futura, quæ cœlestis est, & in æternum permanfura; in illam tendamus, & in ea sit cum eodem Apostolo conuersatio nostra; terrenæ autem ciuitates, ædes omnes, cunctaque loca in quibus moramur, sint nobis sicut auibus niduli sui, in quibus aliquandiu habitant, sed tandem illis relictis volitant per aëra, nec de nido ampliùs curant, nec cogitant. Vide quid de his nostris habitationibus dicat Chrysostomus. *Nidus est presens vita ex festucis & lu- hom. 50. ad to coagmentatus: licet mihi magnas ades ostendas, popul. sue regias ipsas auro multo fulgentes, & gemmis, nihil ab hirundinum nido differre censebo, hyeme quidem instante corruent.* Vult Christus, ut respiciamus volatilia cœli; *Respicite, inquit, vo- Matth. 26. latilia cœli.* Et dic: sicut totus aër est commu-

nis volatiliū habitatio; ita hominū tota terra: & sicut in aëre non exulant aues; ita nec in terra homines. Non curant aues de nido in quo nati sunt, & in quo implumes enutriti sunt; sic nec curare debent homines de domibus, de ciuitatibus, vbi nati & educati fuerunt: destruuntur niduli; destruentur & terrenæ habitationes: sursum petunt volatilia; sursum tendant & homines.

de s.
exil. ad
matrem.

Propterea, & præterea cogita, quod in D
quocunque loco sis, quacunque in terra, si ritè velis perpendere, inuenies multos hinc ad cælum migrasse, quia vbique patet cæli aditus. Hoc agnouit Seneca: [Vndecumque, inquit, ex æquo ad cælum erigitur acies.] Ideo cælestia, non terrena vbique cogitanda esse docet, cùm vbique pareant; ait enim. [Angustus animus est; quem terrena delectant. Ad illa adducendus est, quæ vbique æquè parent, vbique æquè splendent.] Satis tibi sit, vbique posse ad cælum inuenire viam. Poterunt quidem homines te etiam inuitum natali solo, aut aliqua alia terræ parte eiicere, sed non patria cælesti. Vnde
hom. 4. de grat. act. *Basiliius: Patriōne solo exclusus es? at patriam habes cælestem Ierusalem.*

Diuus Ioannes in exilio in Insula Pathmos, ad quam à Domitiano Imperatore fuerat relegatus, meruit videre cælestem illam
Apoc. 21. *Ierusalem. Vidi, inquit, sanctam ciuitatem Ierusalem nouam descendentem de calo, à Deo paratam, &c. Ex loco quadrato vidit ciuitatem quadratam: nam, teste Plinio, illa Insula est figuræ quadrangularis; & ciuitas cælestis,*
Plin.

cælestis, secundum eundem Ioannem, *in ibidem.*
quadro posita est, firmitatem significante illa
 figura: firmum in exilio firmam dicimus vi-
 disse ciuitatem. Ad illam Insulam missum
 fuisse hunc Apostolum ad effodienda me-
 talla tradunt Primasius, Victorinus, & alij: *in com-*
 at non tam manibus terram, quàm spiritu *ment. super*
 cælum effodit. Magis intendebat ad hau- *Apoc.*
 rienda secreta cælestia, quàm ad extrahenda
 metalla. Ex loco angusto amplitudinem cæli
 contemplabatur: nec de exilio dolebat, qui
 tantum de illa patria cogitabat: à Domitia-
 no afflictabatur, & à Christo recreabatur;
 ideo libenter patiebatur exilium, quia di-
 uinum experiebatur auxilium. Quid de illo
 dicat Ambrosius Ansbertus, audiamus. *In In-* *Ambros.*
sula Pathmos relegatus, metalloque damnatus, ubi *Ans.*
putabatur humana vinciri custodia, ibi metas
humanitatis transcendens, libero contuitu meruit
videre diuina; & cui tunc certa terrarum spacia
verita sunt adire, secreta concessa sunt penetrare;
sic sibi bene vtens temporalibus malis, bonis per-
fruitur sempiternis. Bene etiam tu vttere exi-
lio, vt cælestem patriam merearis.

E Multos alios iuuisse exilium, terramque
 alienam, legimus. Dion Syracusanus à Dio-
 nyfio Tyranno bonis omnibus spoliatus,
 eiectusque patria, tantam exul pecuniæ vini
 habuit, vt etiam exercitum conductitium
 aluerit, quocum in Siciliam rediens à Ty-
 ranno ipsam liberauit.

Diogenes cuidam illi probro obiicienti,
 quòd exularet, à patria; Miser, inquit, istius
 rei causâ philosophatus sum: siue quòd exi-

lium compulisset Diogenem ad philosophandum, siue quòd ideo didicisset philosophiam, ut exilium, similisque casus æquo animò perpeti posset.

Ranif.

Vlysses quouis exule miserior, solus, nudus, & naufragus, ubi ad Phæacas homines ignotos peruenit, in terra aliena non modò rebus ad victum necessariis facilè abundauit, sed etiam pecunias sibi multas consequutus est. Pallas Strozza Florentia pulsus, Paduæ ita vixit, ut exilium ad otium literarum conuertisse videretur. Interdum etiam è morbis diuturnis, dum exulant, soluuntur homines, ut Spartiaticus ille Lacedæmonius, qui diu latere laborans, exilij beneficio, ubi desiit delicatè viuere, desiit etiam valetudinarius esse.

Porro, si tecum virtutem, & probitatem afferas, minimè exulare poteris. Anaxandridas Leontis filius, cuidam acerbè ferenti, quòd ab vrbe exulare cogeretur: Ne, inquit, vir optime, exhorrescas à ciuitate exulare; sed à iustitia exulare horrendum est. Sentiebat eos non esse miseros, quibus accidisset calamitas; sed eos verè deplorandos, qui sua sponte discesserunt ab honesto, etiam si nulla sequatur calamitas. Sic reuera illos tantùm dicimus exules, qui quamuis sint in patria, tamen suis iniquitatibus longè sunt à diuina gratia, quam si quis habeat, non exulat. Brutus, teste Seneca, hoc satis putabat, quòd in exilium euntibus liceret suas secum ferre virtutes: illæ enim sunt, quibus se consolatur exulem. Absque virtutibus quisque est exul, cum virtutibus nullus. Consi

Liber II. Cap. XXV. 601

Considerandi insuper sunt illi, qui forti animo exilium pertulerunt. Thucydides Atheniensis historicus à suis in exilium missus, fortunam illam æquo animo tulit; neque vnquam flere, aut queri visus est, neque Brasidam exilij authorem scriptis suis carpere. Ovidius non tantum fortiter tulit exilium, sed multa in eo scripsit. Maluit Metellus patienter exilium subire, quàm impatienter Saturnini Tribuni plebis iniquissimas leges ferre.

F Refert Seneca, Brutum vidisse Mitylenis Marcellum exulantem, atque adeò eius patientiam, animique constantiam fuisse demeratum, vt diceret, visum sibi se magis in exilium ire, qui sine illo rediturus esset, quàm illum in exilio relinqui: vnde sic scribit Seneca. [Quantus vir ille fuit, qui effecit, vt aliquis exul sibi videretur, quòd ab exule recedebat?] Bene ergo exilium tulit Marcellus, nec quidquam in animo eius mutauit loci commutatio.

Anaxagoras Clazomenius, cum ab Atheniensibus esset exilio damnatus, cuidam dicenti; priuatus es Atheniensibus: imò illi, inquit, me. Sentiens Atheniensibus magis opus esse Anaxagora, quàm contrà. Rutilius vir summæ innocentiae in exilium mittitur; postea redeundi potestate facta, respondit illud Senecæ: [Malo vt patria meo exilio erubescat, quàm reditu mœreat.]

Oppianus Poëta Seueri Principis iussu in exilium actus in Melitam insulam, ita patienter tulit, vt etiam ibi poëma de piscibus

*in com-
ment. su-
per Ezech.*

*Sigebert. in
Chron.*

bus scripserit, cuius aliquando meminit Di-
uus Hieronymus. Illi Ethnica constantia li-
benter exilium pertulerunt, & tu non po-
teris Christiana?

Boëtius insignis Philosophus à Theode-
rico Rege in exilium iniuste missus est,
ibique librum de consolatione Philosophiæ
edidit, quo se, & alios simili casu affectos
plurimum consolatur. Fulgentius Episcopus
sanctitate, scientia, & facundia præclarus,
multa ab Arrianis pro vera fide perpeffus,
diutino in Sardinia exilio à Thrasimundo
Vandalorum Rege maceratur. Pontius Dia-
conus, vt author est Hieronymus, missus
vnà cum Cypriano in exilium, egregium vo-
lumen de vita & martyrio Cypriani scripsit.
Qui omnes patienter suum tulerunt exi-
lium: quare non tu?

*lib. de con-
sol. ad Hei-
niam. cap.
6.*

Denique, vel iure, vel iniuria exulas. Si
iure, non debes quod iustum est, vel quod
iuste fit, molestè ferre: imò Iudici te expel-
lenti easdem teneris referre gratias, quales
ægtotus Medico mutationem aëris ipsi con-
sulenti; cùm, secundum Senecam, nihil aliud
sit exilium, quàm loci commutatio. Sicut
enim aliquando necessaria est ægrotanti mu-
tatio loci, ne fiat recidiuus: ita & delinquen-
ti. Sæpe in eadem crimina laberemur, si in
eisdem locis moraremur; sed mutato loco,
peccandi euitatur occasio. Si turberis, quod
exul vociteris, scito te habere potius nomen
calamitosum, quàm turpe. [Quid enim exul?
ait Cicero, ipsum per se nomen calamitatis,
non turpitudinis.] Calamitati autem omnes
sunt

*Cic. pro de-
mo sua.*

sunt obnoxij, tam in proprio solo, quàm in alieno.

Noli tua impatientia fieri Pilato similis, qui propter iniustam ab eo latam in Christum sententiam, à Caio Imperatore iustè in Galliam relegatus, maluit seipsum interire, quàm sui exilij incommoda tolerare, de ipso sic scribit Ado Vienensis; *Tantis ibi in Chron. irrogante Caio languoribus coarctatus est, ut sua se transuerberans manu, multorum malorum compendium mortis celeritate quaesierit.* Si hoc ita sit, Imperatoris sententia à terrena tantùm exulabat, patria: at sua impatientia exulauit à cælo. Certum est, quòd si pœnam patienter tulisset, culpamque suam, ut decet, agnouisset, Christus, quem iniustè damnauerat, libenter ignouisset. Caueat vnusquisque, ne sua impatientia ab vno exilio ad aliud transeat, à temporali scilicet ad æternum.

Si autem iniuria exules, exulta, cum non habeas quo erubescas. Ideo Basilus, Chrysostomus, Hilarius, & alij quamplurimi non timuerunt, imò patienter tulerunt exilium, quia nullum viderant se patrasse flagitium. Si cum illis innocens sis, fac ut cum illis patiens sis. Syluerius Papa iniustè à Theodora Augusta in Insulam Pontiam relegatus, sic ad Amatorem Episcopum scribebat. *Sustentor pane tribulationis, & aqua Plat. in angustia; non tamen dimisi, aut dimitto officium vir. Pont. meum.* O beatum exilium, propter quod non dimittitur officium, quo acquiritur martyrium, & à quo peruenitur ad præmium! Effice igitur, ut tuo exilio cælestem patriam
prome

promerearis, à qua dumtaxat exulare pertimescas; & à qua fortè aliquando exulares, nisi modò exulares.

*De patientia habenda in morte
filiorum, fratrum, parentum,
aut amicorum.*

CAPVT XXVI.

Senec. epist.
100.



VLIVS immoderatè dolebit A
in morte parentum, aut charorum suorum, si in primis diligenter attendat, quòd, cui nasci contingit, mori restat.

Hebr. 9.

Genes. 3.

Quod ita certum est, ut post esum ligni vetiti, fixò, immobili, ac indispensabili decreto Dei statutum sit hominibus semel mori. Idque iustissimè: nam qui Adamo, & in eo omnibus & singulis hominibus dixerat; *Nequaquam moriemini*, debuit omnium & singulorum morte mendax, fallaxque apparere. Itaque videtur vnusquisque nostrum hæc moriendo dicere; *Mentiris dæmon*. Assue-
rabas me non moriturum, nunc autem constat te mendaciter loquutum. *Tellement qu'en la mort d'un chacun de nous, Satan reçoit un dementy*. Patienter igitur quisque ferat & propriam, & suorum mortem, gaudeatque per illam dæmonem manifestari mendacem: Deum autem veracem, qui hominem post patratum peccatum moriendi necessitate ita adstrin-

Liber II. Cap. XXVI. 605

adstrinxit, vt peccanti, ait Gregorius, in pa- lib. 11. mor.
radiso homini iratus, semel de mortalitate carnis cap. 23.

nostra sententiam fixerit, qua nunc, & usque ad
ultimum mutari nullo modo valebit. Hinc me-
rito David; *Quis est homo*, inquit, *qui viuet*, Psal. 88:
& non videbit mortem?

1. Est igitur considerandum, ab hac mo-
riendi necessitate nullum hominem, quan-
tumuis sanctum, pium, perfectum, poten-
tem, fortem, aliisque donis præditum, esse
exceptum, imò nihil in rerum natura certius
esse morte vniuscuiusque. Audi Senecam: *epist. 77.*
[Eò ibis, quò omnia eunt. Quid tibi nouum
est? ad hanc legem natus es: hoc patri tuo
accidit, hoc matri, hoc maioribus, hoc omni-
bus ante te, hoc omnibus post te.] Nemini,
cuiuscumque fortis sit, parceret Deus, quo-
minus moriatur. Vnicuique nostrum illud
dici potest; *Hæc venisti, & hodie compelleris* 2. Reg. 15.
egredi. Hodie in vitam intramus, & paulò
post compellimur exire. Stultum est timere,
quod vitari non potest. Mortem nulla dili-
gentia euitat, nulla foelicitas domat, nulla
potentia euincit. Mors omnes æquè vocat.
Cogitemus nos tamquam ad mortem pro-
ditos esse, & sumus. Omnes, inquam, re-
seruamur ad mortem. [Morieſis, inquit *in exer.*
Seneca, nec primus, nec vltimus. Multi me
anteceſſerunt, omnes ſequentur. Morieris;
hic eſt humani officiij finis. Ad hanc con-
ditionem cuncta gignuntur.] Hoc autem ita
certum eſt, vt, teſte Auguſtino, nihil in hoc
mundo certum ſit præter mortem. *Quid, in Psal. 38*
inquit, *in hac terra certum eſt, niſi mors?* Pec-

cator

cator es? quid sis hodie, scis, quid sis crastino, nescis. Speras pecuniam? incertum est, an proveniat. Speras uxorem? incertum est, an accipias. Speras filios? incertum est, an nascantur. Nati sunt? incertum est, an vivant. Vivunt? incertum est, an proficiant, an deficiant. Quocumque te verteris, incerta omnia, certa mors. Natus es, certum est quòd morieris: & in hoc ipso, quia mors certa est, dies mortis incertus est. Hæc cum ita sint, pro mortis hora non laboremus, sed ad certum, nempe ad mortem nos præparemus. Rursus; cum certa sit mors, & hora eius incerta, non doleamus quod certum est, sed ei inuigilemus, quod incertum est.

epist. 100. Qui itaque non potest propriam vitare B mortem, quomodo filiorum, parentum, & aliorum? Quid iuvat dolere, si nihil dolendo proficias? Noli de eo conqueri, quod vni accidit, & quod tibi, omnibûsque restat. Quando tibi moritur filius, aut amicus, non amittitur, sed præmittitur: illum sequeris, quem præeuntem vidisti. [Quid autem dementius, ait Seneca, quàm cum idem tibi iter emetiendum sit, flere eum, qui antecessit?] Tertullianus quoque id ipsum sentit, inuehiturque in eum, qui sequens antecedentem luet. Profectio est, inquit, quam putas mortem. Non est lugendus, qui antecedit, sed planè desiderandus: id quoque desiderium patientia temperandum. Cur enim immoderatè feras obisse, quem mox subsequeris?

lib. de patient. cap. 2.

2. Nullus præterea mortem propriam, aut suorum extimescet, imò illa adueniente gaudebit, si cogitauerit à quantis malis, quantisque

tisque incommodis homines mortis beneficio eripiantur. Scitum est enim illud Ecclesiastici: *Occupatio magna creata est omnibus hominibus, & iugum graue super filios Adam, à die exitus de ventre matris eorum, usque in diem sepultura, in matrem omnium.* Quid aliud in mundo, quàm pugna aduersus diabolum quotidie geritur? quàm aduersus iacula eius, & tela conflictationibus assiduus dimicatur? Nam cum auaritia, cum ira, cum ambitione congressio est, cum carnalibus vitiis, cum illecèbris sæcularibus assidua & molesta luctatio est. Si auaritia prostrata est, exurgit libido: si libido compressa est, succedit ambitio: si ambitio contempta est, ira exasperat, inflat superbia, vinolentia inuitat, inuidia concordiam rumpit. His consideratis, miratur Cyprianus, quòd delectet inter istos diabolicos gladios diu viuere. *Tot persecutiones*, inquit, *animus quotidie patitur, tot mortali periculis pectus urgetur, & delectat hic inter Zabuli gladios diu stare?* *Serm. 4. de*

C Multis repletur homo miseriis, multis & multiplicibus, inquam, miseriis corporis, miseriis cordis; miseriis dum dormit, miseriis dum vigilat, miseriis quocumque se vertit. Quantis morbis afflicatur? quantis iniuriis afficitur? quantis persecutionibus, quantisque premitur laboribus? Quàm sæpe siti, fame, frigore, ac inopia vexatur? Exclamat itaque Publius; [Heu, quàm multa incurrunt pœnitenda viuendo diu!] Hac ratione Diuus Ambrosius vocat mortem bonum alleuamentum: & Seneca illam commendat *Pub. Mim. de bono mortis. cap. 2. ad Marci- am.*

mendat tamquam omnium dolorum solutionem, ac optimum naturæ inuentum. Hæc enim seruitutem domino inuito remittit: hæc captiuorum catenas leuat: hæc è carcere educit, quos exire imperium impotens vetuerat. Non sunt igitur lugendi, quibus tam graue excutitur iugum, quibus tanta cessant incommoda, & quibus tam bonum accidit alleuamentum. Omnibus laborantibus dulcis est finis: viatori placet hospitium & mansio: iucundum est agricolæ tempus messis: gaudet mercenarius completo anno: lærantur nauigantes ad optatum portum appellentes. Sic grata sit omnibus mors, cum omnium sit solutio dolorum, ac communis, ad quem omnes tendimus, portus, qui tantò tibi debet esse gravior, quantò ad ipsum citiùs appuleris. Vnde idem Seneca: [Si quis in mortem ante primos annos delatus est, non magis conqueri debet, quàm qui citò nauigauit.] Quòd autem sit omnibus portus, testatur idem his verbis: [In hoc tam procelloso, & in omnes tempestates exposito mari nauigantibus, nullus portus nisi mortis est.]

epist. 71.

lib. de consol. cap. 28.

lob. 3.

5. Cogita insuper tantam esse somni & mortis affinitatem, vt tam apud sacros, quàm prophanos, mors somnus, mortui verò dormientes vocitentur. Iob dormientem se fateatur cum Regibus & consulibus terræ, si in vulua, aut statim egressus ex vtero mortuus fuisset, quod libenter optauerat. *Quare, inquit, non in vulua mortuus sum? &c. Nunc enim dormiens silerem, & somno meo requiescerem cum*

Regi

Liber II. Cap. XXVI. 609

Regibus & consalibus terra. De mortuo Lazaro sic Christus; *Lazarus amicus noster dormit: Ioan. 11.* Apostolus eos qui mortem obierunt, dormientes appellat: *Nolumus, inquit, vos ignorare 1. Theff. 4. de dormientibus, ut non contristemini, &c.* Diuus Hieronymus ad Theodoram scribens, sic ait: *In Christianis non est mors, sed dormitio & som-* epist. ad Theodo-
nus appellatur. Diuus quoque Chrysostomus ram.
vocat mortem, *dormitionem temporariam.* hom. 21. ad pop.
Quare loca, in quibus Christiani sepeliebantur, religionis nostræ primarij cœmeteria, quasi dormitoria appellarunt: nam κοιμῶν idem est quod *dormio*, à quo κοιμητήρια, id est, *dormitoria.* Vnde, authore Athenæo, lib. 4. cap. 5.
mus in qua hospites dormire solent, à Cre-
tensibus cœmeterium vocatur. Mortem esse veluti somnum agnouerunt etiam Ethnici. [Morti, ait Cicero, nihil est tam simile, quàm de Senect.
somnus.] Seneca se, & omnes morituros sic ad Lucil.
inuitat, & hortatur: [In somnum ituri læti, epist. 12.
hilarésque dicamus;

Vixi, & quem dederat cursū fortuna, peregi.]
Est somnus mors quædam breuior; mors
verò somnus longior. Dicat ergo Poëta; Ouid. lib. 2. eleg.

Stulte, quid est somnus, gelida nisi mortis imago?
Longa quiescendi tempora fata dabunt.

Itaque, sicut non sunt lugendi, qui somnum, vel cibum capiunt; ita nec qui mortem obeunt: & ita ridiculus est, qui luget morientem, ac sic desisteret dormientem, aut comedentem, & bibentem. Audi Chrysostomum: *Quid tandem est mors? somnus consuetudo* hom. 5. ad pop.
longior. Itaque si mortem times, time & somnum.
si propter morientes aegeris, & propter comedentes,

dentes, & bibentes angere : sicut enim hoc naturale est, sic & illud.

lib. de pa-
tient.

4. Considera insuper, quòd si plus æquo indulgeas luctui in obitu tuorum, iacturam quodammodo facis fidei in Christum, & spei ; cùm Apostolus dicat non esse contristandum de dormientibus, instar Gentilium, qui spem non habent : non enim sunt lugendi, qui sunt resurrecturi. Sit consolatio Christianorum, resurrectio mortuorum. Vnde Tertullianus. *Ne illa quidem impatientia species excasatur in amissione nostrorum, ubi aliqua doloris patrocinator assertio. Praeposendus est enim respectus denunciationis Apostoli, qui ait : Ne contristemini dormitione cuiusquam, sicut nationes, quæ spe carent. Et merito ; credentes enim resurrectionem Christi, in nostram quoque credimus, propter quos ille & obiit, & resurrexit. Ergo cùm constet de resurrectione mortuorum, vacat dolor mortis, vacat & impatientia doloris. Non decet igitur te lugere mortuum, quem credis resurrecturum, atque ita iterum visurum.*

epist. 94.

Sap. 4.

5. Præterea, nihil penitus, aut saltem moderatè dolebis in morte tuorum, si cogitaueris Dei voluntate & prouidentia id fieri, quod non solum est iustissimum, sed etiam quod est consultissimum, & optimum : licet in iuuenili ætate, imò in finali impoenitentia ex hac vita migrauerint ; quia Deus æquè est sapiens, & bonus, & iustus. Conqueritur Seneca, quia [obuiurgamus quotidie fatum ; quare ille in medio cursus raptus est ?] Ad hoc responderet Sapiens : *Raptus est.*

ne mis

Liber II. Cap. XXVI. 611

ne malitia mutaret intellectum eius, aut ne fictio deciperet animam illius, &c. placita enim erat Deo anima illius; propter hoc properavit educere illum de medio iniquitatum. In quæ verba Beatus Cyprianus sic scribit: Per Salomonem do- *de mortal.*
cet Spiritus sanctus, qui Deo placeant, maturius hinc eximi, & citius liberari, ne dum in isto mundo diutius immorantur, mundi contractibus polluantur. Quid igitur quereris, quod filius,

frater, cognatus, aut amicus tuus immatura morte raptus fuerit? Placuit Deo hinc illum citius abducere, cuius anima erat ei placita: fortè non placuisset, si diutius vixisset; [quoniam, ait Seneca, mora non fit beatioꝝ vita, sed longior.] Quare autem potius in iuuenili, quàm in senili ætate quis moritur, noli queri, nec quærere, si non vis offendere.

F Increpat Diuus Hieronymus Paulam plus æquo obitum Blefillæ filiæ plangentem, his *epist. 25. ad Paulam.*
verbis. *Detestanda sunt ista lacryme, quæ non habent modum, quæ usque ad viciniam mortis accedunt. Vidas & exclamitas, & quasi quibusdam facibus accensa, quantum in te est, tui semper homicida es. Sed ad talem clemens ingreditur Iesus, & dicit. Quid ploras? non est mortua puella, sed dormit. Te quoque, si ad sepulchrum filia volueris volutari, Angelus increpabit: Quid quæris viventem cum mortuis? Quasi dicat; non debet moritura viventem plangere: nullus namque est, qui sibi, & charis suis æternam non exoptet vitam; sed nullo modo illam, quis adipisci poterit, nisi morte interueniente, quæ nihil aliud est, quàm discessus animæ a corpore. Audi Tullium; [Nisi Deus istis te *Cicer. de somn. Scip.**

corporis custodiis liberauerit, ad cælum aditus patere non potest.] Ille igitur non est lugendus, qui ideo moritur, ut uiuat. Illum nolles viuere, quem mori doles.

6. Itaque, qui obiit, vel erat bonus, vel malus. Si bonus, non est lugendus, cum certi simus ad meliorem vitam euolasse. Arguens Diuus Chrysostomus quemdam filij mortem deplorantem, sic scribebat. *Illum abuisse in prætā florentia cum putes, ingentes cur aduersum te suscitās fluctus tempestatis? Hic autem fluctus presentis uitæ pernaui gavit. Si ad imperandum, regnandumque hoc caduco, mortalique regno filius tuus abiisset, nolles eum inde redire, ut ipsum videres. Nunc verò cum ad meliora, maiorāque regna processerit, parui temporis absentiam ferre non poteris? Noli ergo plorare, reddidisti enim depositum, quod tibi creditum erat.*

Si verò malus erat, non doleas, quia peior euasisset, si diutius vixisset, atque ita maiorem pœnam luisset. Hoc agnouit, qui eum euocauit. Idem Doctor ad populum Antiochenum consolandum dicere non dubitauit, eos, qui in peccatis fortè discedunt, ante pœnitentiam à Deo rapiendos non fuisse, si eos pœnitentiam acturos prænouisset. *Si, inquit, peccator abiit, peccata repressa sunt, hoc est, non poterit ampliùs peccare, ac sic pœnas sibi augere: nec si Deus pœnitentiam acturum nouisset, ante pœnitentiam rapuisset. Qui igitur non conuertitur, tantò melius, quantò citiùs rapitur; quia etiam misericorditer cum illo agitur: illum ergo defflere, est Christum lādere.* Audi Tertul-
lianum:

lianum: *Christum ledimus, cum euocatos quosque de patient
ab illo quasi miserandos non equanimiter acci-* cap. 9.

pimus. Daud hac ratione ductus mortem
filij sui Absalon ipsum persequentis, & in
suo peccato necati, patienter tulit.

G 7. Proponantur etiam exempla tum fide-
lium, tum infidelium, qui siccis oculis, ac
forti animo liberorum, aliorumque funera
pertulerunt. Iob decem suis liberis vna clade
sublati non eiulauit, non sibi diuulsi co-
mam, nullam ingenerosam vocem emisit,
sed celebrem illam, & omnium ore decan-
tandam gratiarum actionem deprompsit:
Dominus dedit, Dominus abstulit. Sicut Domino Iob. 1.
placuit, ita factum est. Sit nomen Domini be-
nedictum. Machabæorum mater cum septem 2. Mach. 7.
filios morte deletos vidisset, non tamen la-
crymis, ac luctui sese tradidit, neque vocem
emisit muliebrem; sed singulos eorum for-
titer hortabatur voce patria, repleta sa-
pientia, scemineæ cogitationi masculinum
inferens animum. De illa sic Ambrosius.
Quid de matre Machabæorum loquar, qua lib. 1. offic.
spectabat lata filiorum quot funera, tot trophæa, & cap. 4.
morientium vocibus, tanquam psallentium can-
tribus delectabatur? Idem præstitisse legimus
Beatam Felicitatem martyrij septem filio-
rum spectatricem; idemque Sanctam Sym-
phorosam septem etiam filiorum Martyrum
matrem.

Diuis Hieronymus magnis celebrat lau-
dibus Beatam Melaniam iuniorem, illamque
sectandam proponit, quæ adhuc calente
mariti corpusculo, & necdum humato, duos
simul

epist. 250.
ad Paulam
de obitu
Blesilla.

simul perdidit filios, quorum mortem ita fortiter pertulit, vt de illa sic scribat ille Doctor. *Rem sum dicturus incredibilem, sed, teste Christo, non falsam. Quis illam tunc non putaret more lymphatico, sparsis crinibus, veste conscissa, lacerum pectus inuadere? Lacryma gutta non fluxit, stetit immobilis, & ad pedes Christi deuoluta, quasi ipsum teneret, arrisit. Expeditius, inquit, tibi seruitura sum, Domine, quia tanto me onere liberasti. Fortassis tibi fuissent oneri & impedimento, quos sperabas futuros tibi esse adiumento.*

*epist. 3. ad
Heliod.*

Trebel.

lib. 2. cap. 1.

Gentiles etiam nos pudefaciunt, qui licet se resurrecturos non sperarent, ab illa tamen immoderata suorum deploratione abstinuerunt. Idem Hieronymus plurimum commendat Periclem & Xenophontem Socraticum, quorum alter amissis duobus filiis coronatus in concione disseruit; alter cum sacrificans, filium in bello audisset occisum, deposuisse coronam dicitur, & tandem capiti reposuisse, postquam fortiter in acie dimicantem reperit concidisse. Laudatur & Anaxagoras, qui audita morte filij, respondit: *Sciebam me genuisse mortalem.* Similiter Galienus Imperator, teste Trebellio, cum patrem Valerianum audisset extinctum, vocem laudatissimam sine laude usurpauit, dicens: *Sciebam patrem meum esse mortalem.* Dux olim ante portas Massiliensium iacebant arce, vt tradit Valerius Maximus; altera, qua liberorum: altera, qua seruorum corpora ad sepulturæ locum plaustro deuehebantur, sine lamentatione, sine planctu, sine

sine luctu. [Nam , ait ille , quid attinet humano dolori indulgere , aut diuino numini inuidiam fieri , quòd immortalitatem suam nobiscum partiri noluerit ?]

H Seneca ad Marciam filij mortem deplorantem sic scribebat. [Mortalis nata es, mortales peperisti ; putre ipsa fluidumque corpus , & casibus morbisque repleta ; sperasti ex tam imbecilla materia , solida & æterna gestasse ? Decessit filius tuus , id est , decurrit ad hunc finem , ad quem , quæ feliciora partu tuo putas , properant .] Lochadus Poliamidæ filius , Sironis pater , nuntiante , quòd è filiis ipsius alter interiisset : *Olim sciebam*, inquit, *illi moriendum esse*. Nihil illi visum est nouæ rei , si mortalis natus moreretur ; nec magni referre , paulò serius , aut citius è vita discederet , cum omnino breui foret decedendum . Valeat , quantum valere poterit , illud Amasis Ægyptiorum Regis ad quemdam filio priuatum dicentis : *Si non* *tristatus es , cum nondum esset , nec nunc quidem* *dolere debes , cum non amplius est*. Si nunquam habuisse pro damno non reputamus , cur aliquando habuisse reputabimus ? Dices : libenter ferrem mortem illius mei filij , fratris , cognati , aut amici , si morbo , aut alio casu obisset : at quia capitali supplicio , maximeque cum infamia vitam finiuit , quomodo potero non dolere ? Si cogitaueris in illo tali morte sublato diuinam fortè desinere iram , Deus enim interdum propter peccata nostra ita irascitur in aliquam familiam , ut quiescere & placari nolit , donec aliquis illius do-

lib. de cons.
cap. 10.

Plutarc. in
Lacen.

Stob. serm.
121.

mus, aut familiæ morte afficiatur. Probatur hoc ex sacra Scriptura: sæuiente olim Antiocho in filios Machabæos, adolescentior 2. Mach. 7. illorum sic Tyrannum affatus est. *In me, & in fratribus meis desinet Omnipotentis ira, qua super omne genus nostrum iuste superducta est.*

Pater ipse cælestis iratus aduersus genus humanum noluit placari, donec proprius Filius in crucem ageretur, non pro suis, sed pro nostris delictis. Vnde ille Pater: *Propter scelus populi mei percussi eum.* Qui itaque proprio Filio innocentissimo non pepercit, sed pro nobis omnibus tradidit eum; cur tibi, aut filio, vel parenti tuo delinquenti parcere debet? Sicut igitur mitius actum est in genus humanum post mortem Christi pro peccatis nostris crucifixi: ita fortè mitius agetur in te, & in domum tuam post mortem illius tui filij, aut parentis pro suis delictis supplicio affecti: nam *non confurget duplex tribulatio, vel secundum Chaldæum, non confurget domui Israël bis angustia.* Similiter nec tibi, aut domui tuæ confurget alia tribulatio, si hanc patienter tuleris. Consolaberis etiam, si cogitaueris, maximam habendam esse fiduciam de salute illius, qui à publica potestate punitur; quia huiusmodi supplicio potuit satisfacere pœnis peccatis suis debitis, ac temporali pœna æternam euadere.

Cæterùm, noli attendere, quomodo, qualiter, vel qua in ætate quis obierit; sed quia ita Deus voluerit, disposuerit, aut permiserit, qui bene omnia facit, quia bonus, & iustus; quia iustus; ideo omnino confor-
manda

manda est nostra voluntas voluntati illius.


Bonus est Deus, inquit Hieronymus, & omnia ad Paulam qua bonus facit, bona sint necesse est. Mariti or- de obitu bitas irrogatur, plango quod accidit; sed quia sic Blefilla.

placet Domino, a quo animo sustinebo. Vnicus raptus est filius; durum quidem, sed tolerabile, quia sustulit ille, qui dederat. Sic tibi dicen- dum est in obitu cuiuscumque tibi consan- guinitate, affinitate, vel amicitia coniuncti.

Seneca rerum diuinarum omnino igna- rus, amicorum defunctorum recordationem plurimum inuissè ad consolandum seipsum affirmat, ac qualiter dum viuerent, & post illorum mortem se habuerit, ostendit: [Mihi, *epist. 63*, inquam, amicorum defunctorum cogitatio dulcis, ac blandà est; habui enim illos, tan- quam amissurus; amisi, tanquam habeam.]

Ad eos, qui Triremibus, aut, ut aiunt, Galere sunt adiudicati.

CAPVT XXVII.

A  CCE ego ad vos, pedibus li- gati, capite tonsi, loris casti, ignominiosè induti, & ad re- mum dati, quos utique scio nostro hoc indigere patientiæ clypeo: Considerate itaque, ideo fortè Deum permisisse eò vos deuenisse, vbi vobis sese præbent occasiones ea cogitandi, de quibus non curabatis, quorum tamen præ- meditatio vtilissima & proficua est. Nam

Q95 certum

certum est vos parum cogitasse de inferno, ac de tormentis damnatorum, quæ utcumque adumbrare videtur locus ille, cui addicti estis, præcipuè si catenæ spectentur, & verbera, atque inde audiantur suspiria. Sic enim de sempiterno inferno scribit

Virg. lib. 6. Poëta:

Eneid.

Hinc exaudiri gemitus, & sæva sonare

Verbera, tum stridor ferri, tractaque catena.

Satius vobis sit ligari catenis ferreis, quam

hom. 10. in igneis, de quibus sic Chrysostomus; Vincu-

*2. Corinth. la illa non ex ferro, sed ex igne nunquam extingui-
bilibi sunt: & hominum esse captivos, quam demonum; ac super aquam ad tempus vexari, quam intra ignem in æternum cruciari. Permittitur quidem Comitibus, quos vocant, corpus vestrum hîc aliquando loro, aut baculo percutere, sed nunquam animam attingere: at verò illîc dæmones corpus & animam damnatorum sine fine cruciant. Ut igitur vobis sempiternus infernus versaretur in mente, necesse fuit temporalem semper haberetis præ oculis. Nunquam fortè æternum euaderetis, nisi in temporalem incideretis.*

Cauete, ne impatientia vestra transeat B
ab vno tormento ad aliud, aut à temporali inferno ad sempiternum. Quod pœna æterna purgari non potest, hac temporali purgetur, ne præsens labor sit subsequenteris initium: nam, teste Gregorio, quem præsentia mala non corrigunt, ad sequentia perducunt. Temporalis illa patiendi necessitas, fiat vobis merendi opportunitas: facite, inquam, ex illa

Greg.

Liber II: Cap. XXVII. 619

ex illa necessitate virtutem; & haurite utilitatem ex illa vestra miseria, è qua licet desideretis exire, ac liberari, tamen, si illam patienter pro peccatis vestris feratis, mercedem, aut saltem satisfactionem comparabitis. Propterea gratias Deo semper agite, ac fateamini vos grauiora meruisse. Dicite quod pius ille latro: *Nos digna factis recipimus.* Hic tandem digna passis recepit, qui digna factis se recipere cognouit. Eadem verba identidem loquamini: hanc miseriam peccata vestra mereri fateamini, ut eandem mercedem mereamini.

Cogitate insuper, multos in inferno cruciari, qui fortè non tot, quot vos, patrarunt delicta; & dummodo ab illis pœnis eriperentur, libenter in triremibus non solum ad vitam, sed ad finem vsque mundi morarentur. Experiuntur modò, quàm leuia sint huius vitæ tormenta, quæ si æternis comparerentur, non tormenta, sed blandimenta vocitari possunt. Væ impio latroni, qui à temporali pœna transiit ad sempiternam: si patienter tulisset, poterat; sicut & socius, à labore ad requiem conuolare. Quid dicat Diuus Gregorius, diligenter attendite, ac semper animo voluite. *Caendum nobis est, & lib. 9. epist. in fletibus tota mentis conuersione vigilandum, 25.* ne de tormento ad tormenta transeamus. Considerandum quoque est, quantum erga nos dispensatione pietatis agit Conditor noster, quod morte dignos assidue percutit, & tamen adhuc minime occidit. Nos ergo habemus indicium, quia derelicti non sumus, quia assidue flagellamur; cum, teste

Scriptura,

Scriptura, flagellet Dominus omnem filium, quem recipit. Nostra igitur assidua flagellatio, est diuinæ erga nos dilectionis probatio: vestra etiam in illa ærumna detentio, est diuinæ acceptionis demonstratio.

Simile.

Nam sicut quas diligimus auiculas, pedibus ligamus, ne auolent, & euadant; ita Deus eos permittit interdum ligari, quos diligit, & sibi seruat, ne ad illicita prolabantur. Quot catenis fuit Paulus constrictus? quot ligatus vinculis? Considerata igitur illa, qua ligamini catena, mementote vinculorum Pauli; sic enim clamabat: *Memores estote vinculorum meorum.* Ad hoc etiam nos hortatur Chrysostomus: *In afflictione es? memor esto vinculorum Pauli, & vide quomodo in afflictione esse, non sit derelictionis indicium.* Dicat unusquisque vestrum. Si Paulus vir iustus, sanctus, & à Deo electus, tot pertulit ærumnas, tot fuit catenis ligatus, quid ego reus? quibus non sum constringendus vinculis, qui tot fui constrictus peccatis? Ligentur ferro pedes illius, cuius anima fuit ligata peccato. Non enim propterea à Deo derelinquuntur, qui ab hominibus vinciuntur.

Porro in vinculis Paulus detinebatur, & mente in cælo versabatur: ligabatur corpus, & liber erat animus: de illo sic idem Chrysostomus. *Iniice radiis Solis, aut Soli ipsi vincula, siste cursum eius, si potes: si non potes, nec Paulum, qui quasi Sol in cælo conuersabatur, vincire poteris.* Quamuis ergo tui ligentur pedes, non poterit tuus ligari animus, nec impediri, quin Deum suum consideret, & diligat, ac cælestia

2. Timot. 2.

Chrysost. in
illam epist.

ibidem.

Liber II. Cap. XXVII. 621

cælestia meditetur. Quia, vt notat Seneca, lib. 3. de
[corpora obnoxia sunt, & adscripta do-
minis, mens quidem sui iuris est.] *benef.*

Contendite, vt de illis fitis, quibus quasi
congratulando sic loquebatur Diuus Cy-
prius : *O pedes feliciter vineti ! ô pedes ad Mar-*
præsens in saculo ligati, vt sint semper in calis tyres.
cum Domino liberi ! Tales certè eritis, si
illa vincula patienter toleraueritis. Omnes,
secundùm Ciceronem, sumus in hoc mundo
ligati. [Catena, inquit, omnes alligati sumus.] *Cic. pro*
Quam autem sit illa catena, innuit, ni *Sestio.*
fallor, Seneca, dum ait. [Vna est catena, quæ *ad Lucil.*
nos alligatos tenet, amor vitæ.] Viuendi desi-
derio tamquam catena ligamur in hoc seculo :
verùm quos viuere tædet, eos illa catena
non tenet. Pauci ex hac vita exire cuperent,
si nullæ calamitates eos premerent. Nolite
inuidere his, qui, secundùm Iob, *ducunt in Iob. 21.*
bonis dies suos, & in puncto in inferna descen-
dunt. Sed contrà gaudete, quòd, si patienter
toleraueritis, de illis eritis, de quibus qui-
dam magnæ authoritatis vir sic loquitur :
Ducunt in malis dies suos, & in puncto ad calum
ascendunt. *Ioan. de*
Tambuco
in cons.
Theol.

D Considerate etiam, vos sæpissimè & diu
sceleribus vestris captiuasse animam ve-
stram ; nam qui facit peccatum, seruus est
peccati : necesse est igitur, ad tempus captiue-
tur corpus vestrum, vt tandem anima vestra
libertate donetur. Liparitanus quidam iu-
uenis, vt patrem à prædone liberaret, Nea-
polim profectus voluntaria seruitute remis-
it pro patre sese addixit. Quod ille pro patre libe-

liberando voluntariè pertulit ; hoc ipsum pro anima vestra à captiuitate peccati liberanda patienter ferte. Si enim patientes extiteritis , libertatem æternam hac vestra seruitute comparabitis. Solos quidam respondit Thebanis, eos ab Alexandro timeri, quòd cæteris libertate donatis , soli detinerentur in seruitute. Fortè non timet vos mundus catenis constrictos ; aut ideo ligamini , quia timemini : sed timet vos diabolus, qui solos timere solet aduersa patientes. Estote ergo patientia vestra dæmoni terribiles, hominibus amabiles, Deo grati.

Mare. 6.

Legimus apud Marcum , quòd Christus, cum esset nauis in medio mari, vidit Discipulos laborantes in remigando ; erat enim ventus contrarius eis, & circa quartam vigiliam noctis venit ad eos ambulans supra mare. Qui vidit Discipulos suos laborantes in remigando, videt & vos remigantes. O fœlix labor, quem respicit Dominus ! fœlix remigium, quod Christi meretur intuitum ! Ille vos respicit , qui neminem despicit : considerat ventum vobis contrarium , id est, fortunam vobis aduersam : intuetur squalorem vestrum : videt panem arctum , quo vescimini , qui pro vobis ieiunauit : verbera , quibus afficimini , numerat , qui pro vobis flagellatus est : audit stridorem catenarum , qui pro vobis ligatus est : videt crucem vestram, qui crucifixus est etiam pro vobis : contemplatur tormenta vestra , qui passus est pro vobis : videt interdum sanguinem vestrum effundi , qui pro vobis suum effudit : videt vos quasi conti-

nuò

nuò mori, qui pro vobis mortuus est.

Spectante igitur tanto Domino, estote bono animo, & scitote, vos per huiusmodi cruciatus patienter perpassos posse vobis applicare meritum passionis Christi, ac vitam mereri æternam. Propterea abstinete ab omni peccato, & si quod animam inficiat, sacramento Confessionis, ubi primum vobis licuerit, purgate. Satagite, ut quod bene agendo non potuistis, saltem patienter ferendo consequamini; Deumque continuò orate, ut dignetur hanc vestram inediam, ac cætera incommoda acceptare in satisfactionem peccatorum vestrorum. Ne despondeatis animum: nam etiam remigio peruenitur ad cælum. *Aussi bien pouvez-vous aller au Ciel par eau, comme par terre.*

E Dominus quoque adest & remigantibus; adfuit discipulis periclitantibus, aderit & vobis illum inuocantibus. Ut discipulis succurreret, supra mare ambulauit; reuera nullum timebat periculum, qui nulli subiacebat periculo. Quamuis tamen subiaceret, libenter se periculo exponeret, ut sperantes in ipsum à periculo eriperet. Audite; *Propè est Psal. 144. Dominus omnibus inuocantibus eum, omnibus inuocantibus eum in veritate.* In quem locum explicat Diuus Augustinus, quid sit inuocare Deum in veritate, cum sic scribit. *Conuertere, Augustin. accusate te, lauda illum; in omnibus malis quæ pateris, Deus tibi non displiceat; & hoc est inuocare Deum in veritate: propè est, ibi est, nondum dedit quod vis, ibi tamen est.* Velles forsan ab illis malis eripi, sed tibi nondum expedire agnoscit.

scit, qui tibi hæc euenire permisit. Hoc tibi sufficiat, quòd Deum tecum habeas. Habebis autem, si illum timeas, diligas, & inuoces, atque iuste te illa omnia pati propter tua delicta, agnoscas.

Dicent vestrũ aliqui: in triremi non moramur, sed morimur, tantæ sunt angustia, vt mora mors sit; quotidie enim morimur. Respondeo, si viris sanctis contigit singulis diebus mori, quid mirum, si idem vobis peccatoribus contingat? De Diuo Paulo sic Chrysostomus: *Diebus singulis beatus ille moriebatur.* In hoc mundo quotidie debent pati, & mori, qui in alio optant semper gaudere, & viuere. Nolite itaque attendere ciuilem illam mortem, qua torquentur peccata vestra, sed perennem vitam, quam merebitur patientia vestra. Nec attendatis vbinam sitis, sed quòd ituri sitis, non terminum à quo, sed terminum ad quem. Communi olim ferebatur adagio; *A remo ad tribunal*: quòd de his dicebatur, qui ab infima conditione promouebantur ad honesti muneris functionem. Ita vos geratis, ita patienter ærumnam vestram feratis, vt à remo ad cæleste regnum perueniatis. Propterea dum corpus vestrum loris cæditur, vel fame, sitique premitur, aut inedia atteritur, hæc, vel similia verba vobis versentur in ore: *Iustus es, Domine, & rectum iudicium tuum.* vel: *Ego in flagella paratus sum.* vel: *Etiamsi occiderit me, in ipso sperabo.* aut: *Vide, Domine, humilitatem meam, & laborem meum, & dimitte vniuersa delicta mea.* Aug. Conf. vel cum Augustino: *Hic vire, hic seca, dummodo*

Chrysost. in
epist. 2.
Timoth.

Psal. 118.

Psal. 37.

Iob. 13.

Psal. 24.

Liber II. Cap. XXVIII. 625

modo in eternum parias. Et inuocate semper salutiferum illud nomen I E S U, cum nulum sit aliud nomen sub cælo datum hominibus, in quo oporteat nos saluos fieri. Et dicite cum eodem Augustino: *O bone Iesu, de contrit. etsi ego admisi, unde me damnare possis, tu non amisti, unde saluare soles. Esto mihi Iesus, & salua me.* Sæpe etiam deprecemini Beatissimam Virginem Mariam, maris stellam. Ad hoc hortatur Bernardus: *Si insurgant venti tentationum, si incurras scopulos tribulationum, respice stellam, inuoca Mariam.* A7.4.
Serm. 18 de
omnibus
Sanctis.

Ad eum, qui est morte plectendus.

C A P V T X X V I I I.

A TATVTVM est omnibus hominibus semel mori. Non tantum tibi, charissime frater, statutum est mori, sed & in omnes homines lata est sententia mortis, etiam in ipsum Iudicem, qui te condemnauit. Hoc cum ita sit, superest, ut unusquisque studeat, & quærat bene, & in Christo mori. Si hoc genere mortis non mulctareris, foret in Domino non morereris; atque ita in æternum damnareris: hoc præuidit Deus, qui hæc tibi euenire permisit. Tibi nunc suppetunt vires animæ ad tuam examinandam conscientiam, illamque integra peccatorum tuorum confessione purgandam, quod fortasse non potuisses, si aliter obiisses. Non est igitur

R r tur,

tur, quòd doleas, sed quòd Deo optimo maximo gratias referas. Nulla alia de re penitus cogites, nisi de mundanda tua conscientia, ut mundus ex eas ex hoc mundo. Nam, secun-

Serm. 4. de mortal.

dum Diuum Cyprianum, *qualem te inuenit Deus cum vocat, talem pariter & iudicat.* Iam temporaliter mori ab homine iudicatus es; caue, ne tua impatientia, malitia, aut pertinacia æternaliter mori à Domino iudicaris.

Noli mortem timere, quæ te liberat ab omni timore. *Non est timendum,* inquit Tertullianus, *quod nos liberat ab omni timendo.* Ostendit Diuus Cyprianus, quibus timenda est mors, cum sic scribit: *Mori planè timeat, sed qui ex aqua, & spiritu non renatus gehennæ ignibus mancipatur: mori timeat, qui non Christi cruce & passione censetur: mori timeat, quem de seculo recedentem perennibus pœnis æterna flamma torquebit: mori, inquam, timeat, qui Christianus non est, vel qui Christiano more mori non vult: tu verò non timeas, cum, ut bene possis mori, habeas.* Vis scire causam, inquit Chrysostomus, *cur mortem timeamus? Non habemus conscientiam puram: quòd si hoc esset, nihil nos mors terruisset.* At poteris tu puram habere, si, ut decet, peccata tua confitearis, antequam moriaris.

hom. 5. ad pop.

Dices: Non mori timco, cum omnibus sit B moriendum; sed hoc mortis genus perhorresco. Audi, precor, Diuum Augustinum. *Sunt homines, qui quamvis mortem ipsam non timeant, genus tamen aliquod mortis horrescunt. Nihilominus autem, ut ipsa mors metuenda non est, ita etiam nullum genus mortis metuendum est, quod*

lib. 80. questionū, quest. 25.

quod quoque Christi cruce ostendendum fuit: nihil enim erat inter omnia genera mortis illo genere execrabilius, & formidolosius. Innuuit ille Doctor, nullum genus mortis esse pertimescendum, postquam Christus voluit crucis pro nobis subire tormentum; quod quidem genus mortis fuit omnium horribilissimum: ille enim maledicebatur qui in crucem agebatur; *Maledictus omnis qui pendet in ligno. Gal. 3.* Exaggerat Apostolus qualitatem mortis Christi, cum de eius obedientia usque ad mortem disserens, addit, *mortem autem crucis. Philip. 2.* Erat mors crucis non tantum ignominia & opprobrio plena; sed & maximo dolore, ac prolixo cruciatus, qui etiam à cruce cruciatus denominatus est. Hinc à Liuvio vocatur crux, *infamis arbor*: à Seneca, *infelix lignum*: ab aliis, *lib. 4.* *teterrimum supplicium.* Ab ipsis Iudæis apud *epist. 101.* Sapientem crucis mors vocabatur turpissima; *Sap. 2.* *Morte turpissima condemnemus eum.* Quamuis igitur hoc genus mortis esset turpissimum, gravissimum, ac crudelissimum ob intensos & prolixos dolores, quos cruci clavis affixi patiebantur: illud tamen elegit Christus, atque sine culpa patienter pertulit.

Quia igitur Christus, secundum Bernardum, *Bern.* *est speculum patiendi, & premium patientis*; est tibi ille proponendus: nam in suorum consolationem eadem, vel similia eorum, quæ ipsi passuri erant, imò longè graviora, passus est Nam, si tibi iam à tribus, aut quatuor horis significata est mortis sententia, & Christo etiam fuit significata, non aliquibus tantum horis antequam moreretur, sed ante-

- Ecclesiæ.* quam nasceretur, cantat enim Ecclesia: *Se volente natus ad hoc passioni deditus, Agnus in crucis lenatur immolandus stipite.* Verè propter illam iam diu sibi notam mortis sententiam dicere potuit; *Dolor meus in conspectu meo semper.* Præterea, si funibus ligaris, vel ligandus sis; fuit & Christus ligatus: nam, teste Evangelista, *ministri Iudeorum comprehenderunt Iesum, & ligauerunt eum.* Si per vias ciuitatis ductus sis; & ipse etiam ductus fuit: *& duxerunt eum, ut crucifigerent.* Si patibulo sis suspendendus, aut alio ignominioso supplicio afficiendus; & Christus: *Carnis conditor suspensus est patibulo.* Si verearis populum te respicientem; & Christo moriente, *stabat populus spectans, & deridebant eum Pontifices.* Si in loco publico per manus carnificis mori, & tanquam malefactorem haberi perhorrescas; & Christus in simili loco per manus Iudeorum libenter pro te crucifixus est, *& cum iniquis reputatus est.* Vide te nihil pro peccatis tuis passurum, quin Christus prius pro te passus sit. Erit igitur tua consolatio, amarissima Christi passio; non tam attendas quid ipse passurus sis, quàm quid ille passus sit. Ipse enim, ait Propheta, *vulneratus est propter iniquitates nostras, attritus est propter scelera nostra.* Quæ verba expendens Bernardus sic hortatur: *Agnosce, ô homo, quàm graua sunt vulnera, pro quibus necesse est Dominum Christum vulnerari. Si non essent hac ad mortem, & mortem sempiternam, nunquam pro eorum remedio Dei Filius moreretur.*

Sunt tibi adimplenda hoc tuo supplicio
C
ea quæ

ea quæ defunt passionum Christi in carne tua : *Adimpleo*, ait Paulus, *ea quæ defunt passionum Christi in carne mea*. Sed quid deest passioni Christi? Frater mi, quamvis Christi passio plena & sufficientissima fuerit ad totum mundum, imò ad mille mundos redimendos, si totidem fuissent; videretur tamen aliquid ei deesse, nimirum communicatio & participatio passionis ac meritorum Christi, mediantibus illis quæ ex parte nostra debemus agere, vel pati. Christus quidem passus est in sua carne, sed nondum in tua. Cum ipse passus sit patienter pro te; restat, ut & tu libenter patiaris pro ipso. Necesse est enim, ut actionibus, aut passionibus bonis meritum passionis Christi nobis comunicetur. Quod autem alij sibi bonis operibus applicant, hoc tibi hodie supplicio tuo, & pœnis tuis est applicandum. Non enim tibi prodesset Christi passio, si illius tibi deesset communicatio: non potest autem tibi communicari, nisi bene agendo, vel mala æquo animo patiando. Igitur, quod bene agendo tibi applicare neglexisti, illud mediante huiusmodi supplicio applicabitur: dummodo patienter ad satisfaciendum pro peccatis tuis hanc subeas mortem; & hoc deerat passioni Christi, scilicet modus tibi applicandi, & communicandi. Gaudebat Paulus in suis passionibus, & tormentis propter huiusmodi adimpletionem & communicationem : *Gaudeo*, inquit, *in passionibus meis*. Similiter & tu ob eandem causam magis debes gaudere, quàm tristari. Non modicum tibi hodie à Deo confertur beneficium,

ficiū, cū hoc tibi subeundum sit supplicium, quo Filij eius communicatur & applicatur meritum, & quo tādē æternū consequuturus es præmiū.

Noli itaque cogitare, quam passurus es pœnam, sed quam commisisti culpam, quæ damnationem merebatur æternam, quam incurrisses, si hoc supplicium euasisses. Scito nullum peccatum remanere impunitum: pro quocunq; delicto sunt pœnæ exolundæ, vel hîc, vel in futuro. Pœna sequitur peccatum, sicut umbra corpus. Vide quid dicat Augustinus: *Impunitum non debet esse peccatum; puniatur à te, ne tu pro illo puniaris. Peccatum tuum Iudicem te habeat, non patronum. Quod à te non fuit punitum per pœnitentiam, debet modò puniri per hanc latam à Iudice sententiam, ne in æternū puniatur: satius tibi sit hîc ad tempus, quàm in alio sæculo in sempiternū cruciari. Effice, ut tua patiētia, & contritione, pœna æterna tibi pro temporali commutetur. Quòd si te excrucies, & nolis tuum agnoscere peccatum, & patienter hanc subire pœnam, reuera erit hoc supplicium initium futuri & eterni; & sic ab vno tormento ad aliud migrabis, quod maximè est tibi cauendum.*

lib. de ueritate agēd. pœnit.

Luc. 22.

Propterea recordare duorum illorum latronum cum Christo crucifixorum, quorum alter Paradisum adeptus est, quia pœnas peccatis suis debitas patienter subiit; dicebat enim: *Nos iusta factis recipimus.* Alius verò, quia non dolebat de peccatis suis, sed de tormentis, quæ indignanter & impatienter ferebat;

Liber II. Cap. XXVIII. 631

ferebat ; meruit à Paradiso excludi , & ad
flamas æternas detrudi. Quem istorum vis
imitari ? Crede mihi , pium imitare latro-
nem , & cum illo peccata tua confitère , ad
Christum recurre , patienter hæc tormenta
sustine , illaque tibi deberi pro peccatis tuis
faterere : nam , teste Poëta ,

Ouid. ept. 7.

Leniter ex merito quidquid patière ferendū est. 5.

Caue , ne fias impio latroni similis , cui
nihil sua impatientia , nec sua iactata con-
uicia , nec verba blasphemix profuerunt : non
curabat esse cum Christo , sed volebat esse
sine cruce : non fatebatur se illa tormenta
mereri , à quibus optabat liberari : non suam
cogitabat , nec confitebatur culpam , sed
pœnam : non , inquam , dolebat de peccatis ,
sed de tormentis. Pius verò libenter patie-
batur in cruce , quia optabat regnare cum
Christo. Nunquam petit , ut ab illo suppli-
cio liberaretur , sed tantum , ut sui Christus
recordaretur ; *Memento mei* , inquit. Non fuit
quidem in eius potestate euitare crucem ,
sed fuit in eius voluntate patienter subire
crucem. Libenter pati voluit , quod euitare
non potuit : fuit ei illa patiendi necessitas ,
merendi opportunitas ; non enim poterat
euitare illud , ad quod damnatus erat suppli-
cium , sed ex illo sibi comparauit meritum ;
nec potuisset impetrare à Iudicibus , ne ad
tempus torqueretur ; sed à Christo impe-
trauit , ne in æternum damnaretur. Fac & tu
similiter , ut tibi similiter contingat : itaque
dic ; *Ego digna factis recipio* , &c. *Domine , me-
mento mei*. Et sicut crux patienter perpessa
fuit

fuit pio latroni vehiculum, quo tenderet ad Christum; ita etiam hoc patibulum erit tibi alterum vehiculum, quò ducaris ad cælum, si illud æquo & libenti animo patiaris.

Habes nunc maximam populi cateruam te comitantem, & tibi compatientem: sed breui habebit anima tua Angelos in Paradisum eam comitantes & deferentes. Cupiunt autem, vt æquanimiter hanc mortem pro peccatis tuis patiaris, vt tandem cum illis æterna beatitudine potiaris. Alserit enim Diuus Thomas, quòd si quis tormenta illata, ac mortem patienter sustineat, quamuis pro suis criminibus inferatur, valet tamen ad diminutionem pœnæ, & ad liberationem etiam à tota pœna secundum quantitatem patientiæ & contritionis: idcirco debes toto corde dolere de peccatis commissis, & Deum optimum deprecari, vt in hoc tuo supplicio perfectam conferat tibi patientiam. Illum insuper exora, vt hoc tuum supplicium dignetur acceptare pro pœnis peccatis tuis debitis. Esto bono animo: nouit Deus te non potuisse alio modo satisfacere huiusmodi pœnis, nisi hoc genere mortis. *Grande scelus*, ait Ambrosius, *grandem necessariam habet satisfactionem*. Illud ergo non recuses pati, quod tibi vides deberi. Crimen commisisti, de quo fortè nunquam doluisti, nec doluisses, si hanc pœnam euasisse: hoc Deus præuidebat, qui te saluare quærebat. Nunquam Deus te per hominem castigasset, si te per reipsum castigasset: nam, teste Gregorio, *Dominus delictum sine*

D. Thom.

*ad virg.
lapsam.*

*lib. 9. mor.
cap. 27.*

Liber II. Cap. XXVIII. 633

sine ulcione non deserit; aut enim ipse hoc homo in se pœnitens punit, aut hoc Deus cum homine vindicans percutit.

Cæterum, patienter mori pro delictis, est satisfacere pro delictis: satisfacere autem pro delictis, est vitam æternam acquirere, quam tuis delictis amiseras. Noli igitur tua impatientia perdere, quod patientia tua potes lucrari. Recordare multos in inferno cruciari, qui fortè non tot, quot tu crimina patrarunt; & si ab illis pœnis eriperentur, libentissimè hoc præsens tuum supplicium, imò longè grauius, ad finem vsque mundi paterentur. Quare tu per aliquas horas illud sustinere reformidas? Non erubescas tolerare, qui non erubuisti peccare. *Sunt multi, in Psal. 5.* inquit Augustinus, *quos peccare non pudet, ô incredibilis insania! de vulnere ipso non erubescis, & de ligatura vulneris erubescis. Dic: Iniquitatem meam ego cognosco, & peccatum meum contra me est semper. Tibi soli peccavi, quia tu solus sine peccato.* Christus, qui fuit sine peccato, non fuit tamen sine flagello, & sine patibulo, vt diximus: & tu cum peccato, velles esse sine flagello? Si peccasses, & pœnas in hoc mundo non dedisses, de illis fuisses, quibus Deus iratus dixit: *Dabo vos in opprobrium sempiternum, & in ignominiam æternam, que nunquam obliuione delebitur. Ierem. 29.* Satius tibi sic nunc transitorio pudore suffundi, quàm perpetuo confundi. Gaudeas, inquam, hîc pro peccatis tuis exiguam sustinere confusionem, vt in futuro æternam euadas damnationem.

R r 5 Dices:

Dices : falsò accusatus , & iniuste con- F
demnatus sum , & hoc me angit ; quinimò
beatus eris , si sine crimine iudiceris. Hoc
non erit tibi dedecori , nam culpâ , non pœnâ
erubescimus. Gaudeas igitur , quòd dignus
inueniaris , qui cum innumera iustorum
multitudine iniuste patiaris. Reuoca in men-
tem , quanta passi sunt multi iusti viri , qui
aduentum Domini præcesserunt , de quibus
Hebr. II. sic Apostolus : *Alij ludibria , & verbera ex-*
perti , insuper & vincula , & carceres , lapidati
sunt , secti sunt , tentati sunt , in occisione gladij
mortui sunt. Cogita etiam , quàm multi sen-
tentiâ Iudicum post Christi mortem , nullo
patrato crimine , atrocissima perpeffi sunt
tormenta. Itaque , si , verbi gratiâ , suspensio
sis afficiendus , propone tibi Beatum Gor-
gonium , & Diuum Dorotheum , qui etiam
suspensio necati sunt. Si igni tradendus sis ,
veniat tibi in mentem Laurentius , qui in
ipso iuuentutis flore in craticula superpo-
situs vrebatur : item Prisca virgo tredecim
annorum , quæ primò affecta verberibus ,
deinde feruenti adipe delibuta , in equuleo
suspenditur , tandem ungulis ferreis excar-
nificata in rogam conicitur. Simili tor-
mento sunt affecti Sancti , Polycarpus , Ni-
cetas , Arremon , & alij quamplurimi ; sed
præcipuè Beatus Agapitus , qui non tantum
igne , sed & fumo cruciabatur : nam quin-
decim annos natus primum nervis diutis-
simè cæsus , postea in tetrum carcerem con-
iectus , & ardentibus carbonibus capiti eius
impositis , iterum verberibus affectus , nudus
ita

Liber II. Cap. XXVIII. 635

ita pedibus suspensus est, vt ingens fumus è subiecto igne os eius obrueret. Tum feruens aqua in eius ventrem effusa est, maxillæque contractæ.

Si membratim secandus sis, recordare Beati Adriani, qui virgis cæsus, deinde præcisus manibus, & pedibus, aliisque membris contractis, animam Deo reddidit. Si verò securi percutiendus, & capite plectendus, memor eris eorum, qui hoc genere mortis vitam finierunt; inter quos Ioannes Baptista: Pantalcon, qui aculeo tortus, & admotis ad eius corpus laminis candentibus cruciatus, tandem gladio percussus est: Diuus Blasius etiam ferreis pectinibus dilaniatus, capite plexus est: Beata Melitina suspensa, ac laniata, demum securi percussa est: virgo quoque Barbara post diram carceris macerationem, lampadarum adustionem, mammillarum præcisionem, aliâque tormenta, capite plectitur: Timotheus Antiochenus primò acerbissimè cæsus est, dein eius corpus excarnificatum viua calce perfunditur, tum demum capite truncatur. Dicat nunc Gregorius: *Electos Dei cernimus & piâ agere, Greg. in & crudelia tolerare. Neminem occiderunt, Job. nihil rapuerunt, nullum oppresserunt, nullius torum putarunt esse violandum, & in Psal. tamen, ait Ambrosius, grauiora latronum sustinere cogebantur supplicia.* Cur non vis aspera, & ipsam mortem patienter, sicut & illi, subire, qui optas ad illorum societatem peruenire?

Nullum ipsi commiserant delictum, propter

pter quod talia perferre mererentur, & tamen libenti animo propter Christum tolerauerunt. Numquid tu illis iustior es? forte non patraſti crimen, de quo accusaris, sed quanta alia commiſti peccata, de quibus nullam egisti pœnitentiam? Adest modò tempus, quando pro illis hoc supplicio satisfaciendum est. Si verè te peccasse pœniteat, penè innocens eris, iuxta illud:

*Seneca in
Troade.*

[*Quem pœnitet peccasse, penè est innocens.*]

Propterea, non verearis omnia confiteri peccata tua. Vt propitium habeas Deum, fatere te reum, & ab ipso omnium peccatorum tuorum veniam humiliter postula. Doleas, non quòd coram populo ignominiosè moriaris, sed quòd toties coram Deo tam impudenter peccaueris: omnibus, qui te accusarunt, condemnarunt, aut quouis modo tibi nocuerunt, ignoscas, & dic cum Christo; *Pater, ignosce illis.* Tunc citim liberè poteris Deo tuam commendare animam. Interim, semper versetur Iesus in ore, vel corde tuo, Iesum, inquam, inuoca, quem citò visurus es, illum videbis ad dexteram Patris sedentem, quem alij viderunt in patibulo crucis pendentem, inter quos mater eius Beatissima Virgo Maria, refugium peccatorum, consolatrix afflictorum, auxilium Christianorum: dolebat tunc pia mater videns Filium patientem, sed gaudebit nunc, si videat te de peccatis dolentem, veniam petentem, illa contentem, inimicis parcentem, & mortem æquo animo ferentem. Illam igitur inuocans

cans & orans dic: *Sub tuum presidium confu-
gimus, Sancta Dei genurix, nostras deprecationes
ne despicias in necessitatibus, &c. vel: Maria
mater gratia, mater misericordiae, tu nos ab hoste
protege, & hora mortis suscipe.*

Ad desperantes de sua salute.

CAPVT XXIX.

A NTO odio Dæmon homi-
nem prosequitur, ut quem spe
veniae ad peccatum impulit,
non tantum à pœnitentia re-
uocet, sed proposita peccato-
rum aut grauitate, aut multitudine, ad de-
sperationem inducat. Propterea, si tibi ali-
quando ob frequentes, vel graues lapsus ten-
tatio desperationis obrepat; cogita primò,
quanto amore te licet maximum peccato-
rem, Deus Pater complexus fuerit, cum de eo
scriptum sit: *Sic Deus dilexit mundum, ut Fi-
lium suum unigenitum daret, ut omnis qui credit
in eum non pereat, sed habeat vitam eternam.*
Quantumque te dilexerit Dei Filius, ut ad
te à peccatis, & damnatione aeterna liberan-
dum de cœlis descenderit, *formam serui*, ut
loquitur Apostolus, id est, carnem humanam *Philipp. 2.*
assumpserit factus homo, cum peccatoribus
conuersatus sit, & manducarit. Vnde cum
Pharisæi mirarentur eum etiam cum publi-
canis manducasse, respondit; *Non veni vocare Matth. 9.*
istos, sed peccatores. Huiusmodi consideratio
incar

Lib. medit.
cap. 14.

incarnationis Verbi, & aduentus Domini in mundum, ita Dium Augustinum consolabatur, vt sæpe contra omnes animi terrores, ac contra omnem desperationem, & diffidentiam, sic orauerit: *Desperare utique potuissem propter nimia peccata mea, & infinitas negligentias meas, nisi Verbum tuum, Deus, caro fieret, & habitaret in nobis. Aspice in Filio, quo propitius seruo: vide carnis sacramentum, & remitte carnis reatum.*

Serm. 6. in
Cant.

Isai. 53.

Genes. 4.

Lib. medit.
cap. 14.

cap. 30.

Deinde, veniat in mentem, quid idem Dominus pro te passus sit, qui cum verbo vnico, gemitu, vel guttula vna sanguinis potuerit omnia peccata tua, licet atrocissima, & innumera, expiare, totum tamen profudit sanguinem. Hac Christi passionis recordatione roborabatur Dium Bernardus: *Peccaui, inquiens, peccatum grande, turbatur conscientia sed non perturbabitur, quoniam vulnerum Domini recordabor: nempe vulneratus est propter iniquitates nostras. Quid tam ad mortem, quod non Christi morte saluetur? Si ergo in mentem venerit tam potens, tamque efficax medicamentum, nulla iam possum morbi malignitate terreri: & ideo liquet errasse, qui ait: Maior est iniquitas mea, quam vt veniam merear. Audiamus & Dium Augustinum adhuc orantem. Desperare, Domine, iam non audeo, quia cum inimici essemus, reconciliati sumus per mortem Filij tui; quanto magis reconciliati salui facti sumus per eum? Et paulo post eundem Dominum sic deprecabatur: Tu Domine, non vis mortem peccatorum, nec lataris in perditione morientium: imò, vt mortui viucrent, tu mortuus es, & mors tua peccatorum mortem occidit:*

dit: ipsi te moriente vixerunt; obsecro, ut te moriente non moriar.

B Præterea, considera exempla eorum, qui ex grauissimis sceleribus, ob quæ diffidere de misericordia diuina posse videbantur, tandem per pœnitentiam emerferunt, & ad salutem æternam peruenerunt; vt primus parens Adam, qui lapsu suo totum mundum perdidit, Dauid, Nabuchodonozor, latro in cruce, Matthæus in telonio, Magdalena peccatrix, Petrus Christi abregator, Paulus Ecclesiæ persecutor, & innumeri alij. Vnde Bernardus in solemnitate Petri & Pauli sic suos alloquebatur. *Si Petrus post tam grauem* *Serm. 3.*
lapsum ad tantam rediit eminentiam sanctitatis,
quis de cætero desperet, si tamen voluerit egredi à
peccato? Et Diuus Augustinus se animari di- *lib. medit.*
cebat considerando peccatores conuersos. *cap. 14.*
Animant me publicani, meretrices, & latrones, qui
à faucibus hostis eruti, sinibus excipiuntur pasto-
ris. Ille ergo non desperet ad cælum ingredi,
cui possibile est à peccato egredi.

Considerandum est etiam, Deum neminem velle perire; ipse enim clamat: *Nolo mor-* *Ezech. 18.*
tem morientis, conuertimini, & uiuite. Non est igitur desperandum de misericordia illius, qui per eundem Prophetam hoc iureiurando affirmat; *Viuo ego: nolo mortem impij, sed vt con-* *cap. 33.*
uertatur à via sua, & uiuat. Non vult mortem peccatoris, qui mori, voluit pro peccatoribus. Non vult eos perire, quos venit saluare: ipse est qui, vt ait Petrus, *non vult aliquos perire sed* *2. Petr. 3.*
omnes ad pœnitentiam reuerti. Et non solum non vult aliquos perire, sed & secundum Paulum,

1. Timot. 2.

Paulum, vult omnes homines saluos fieri, & ad agnitionem veritatis venire. Dicenti Deo, nolo mortem impij: asserentibus Apostolis, non vult Deus aliquos perire, &c. sed vult omnes saluos fieri, non credes? & Diabolum dicentem; Vult Deus te perire, &c. non vult te saluari, audies? Scito illum nolle hominibus mortem æternam, qui clamat, *viuite*; & alibi, *viuat*.

Quæris; Si Deus vult omnes saluos fieri, ac neminem perire, cur non omnes salui fiunt? cur Dei voluntas non adimpletur? Hanc quæstionem proposuit aliquando Diuus Ambrosius, atque sic respondebat. *Vult Deus omnes saluos fieri, sed si accedant ad eum. Non enim sic vult, ut nolentes saluentur, sed vult illos saluari, si & ipsi velint. Quare desperas de salute, quæ iam Deo volente, à tua dependet voluntate? Quare tibi non vis, quod Deus tibi vult? Audi*

in 1. cap. ad Ephes. & Hieronymum: *Quia, inquit, nullus absque propria voluntate saluatur, vult Deus nos bonum velle, ut cum voluerimus, velit in nobis & ipse suum implere consilium. Iunge volutatem tuam Dei voluntati, ut Deo iungaris, qui cum tibi bonum vult, cur desperando tibi malum vis?*

Vt autem ad quæstionem respondeamus, C dicendum est, quod *Deus vult*, id est, sincere cupit, & ex animo desiderat omnes homines saluos fieri; ideoque omnibus dedit Christum redemptorem, & per eum gratiam, Sacramenta, & alia omnia media ad salutem necessaria suppeditauit, quantum est ex parte sua, ut si qui pereant, non Dei voluntate & prædestinatione, sed sua culpa & malitia pereant. Hæc ergo Dei voluntas saluandi omnes non

nes non tantum est signi, quam scilicet Deus significauit per tot exhortationes, præcepta, pœnas, & præmia hominibus proposita; sed etiam est beneplaciti, non tamen completa, consequens, & totaliter efficax tantum ex parte Dei. Vbi nota ex Diuo Damasceno, quod voluntas Dei, quæ dicitur beneplaciti, est duplex, vna antecedens, quæ scilicet antecedit omnem præuisionem bonorum, vel malorum operum hominis, & quæ tantum manat ex beneuolentia Dei in homines: altera est consequens, qua Deus præiis bonis, vel malis operibus hominis, vult eum completè, & efficaciter vel saluare, vel damnare.

Dico itaque, Deum velle omnes saluare voluntate non consequente (hac enim impios, præiis eorum impietate, damnare vult, non saluare:) sed antecedente, ante scilicet præuisionem finalis impœnitentiæ, siue mortis alicuius in peccato, quantum est ex parte sua, seridè, & ex animo cupit & optat Deus omnium salutem, omnesque eò vocat, & ad eam dat sufficientia media. Verum vt hæc voluntas antecedens fiat completa & efficax, id est, vt efficaciter sortiatur effectum, salutem scilicet à Deo volitam, debet accedere conditio à Deo requisita ex parte hominis, eiusdem scilicet cooperatio; vt nimirum homo mediis à Deo ad salutem præscriptis vtatur, eamque per bona opera mereatur. Potest autem vnusquisque nostrum vt illis mediis, & cooperari, potest, quamdiu viuit, pœnitere. Nullus ergo desperet de salute: *epist. ad S. n.*
nam, teste Hieronymo, *solum desperationis binarium.*

642 Clypeus Patientia.

crimen est, quod mederi nequeat.

Dices, coniectura te duci, vt credas te non esse in numero prædestinatorum, quòd in eadem peccata, & defectus identidem relabaris. Respondeo, hanc coniecturam esse fallacem: si enim millies in lubrico cadas, millies, dum vires suppetunt, resurgis; cur non resurgas & à peccato cum proposito ampliùs non cadendi in peccatum? Audi, in præmia precor, Diuum Chrysostomum. *Peccasti? in Isai. pœnitere. Millies peccasti? millies pœnitere. Si lapsus es, poteris surgere. In utramvis partem habes liberum arbitrium. Si vulneratus es, adhibe tibi curam, dum viuís, dum spiras, etiam in ipsa lecto posuís; etiam, si dici potest, animam efflans, vt iam de hoc mundo exeas. Non impeditur temporis angustia misericordia Dei. Esto, inquam, quòd in extremam vsque vitæ horam delinquas, in extremo momento resurge.* Nam, secundum Hieronymum, *nunquam sera est conuersio.* Ne tardes ergo conuerti ad Dominum, & si tardaueris, caue, ne omnino omittas conuerti; expectat enim tuam conuersionem, qui tibi concessit dilationem; nec vult te perdere, qui tibi concedit viuere.

*epist. ad
Letam.*

Caue etiam, ne te terreat innumera peccatorum tuorum multitudo, cum longè maior sit diuina misericordia. Confide in Domino, qui vult tibi misereri, quia bonus; & potest, quia omnipotens. Ne tibi desperando claudas ianuam salutis, quam Deus miserando aperuit. O homo, inquit Augustinus, *quicumque illam peccatorum multitudinem attendis, cur & omnipotentiam celestis Medici non*

*serm. 58. de
temp.*

non

non attendis? Cum enim Deus velit misereri, quia bonus est, & possit, quia omnipotens est, ipse contra se diuinæ bonitatis ianuam claudit, qui Deum sibi misereri aut non velle, aut non posse credit, eumque aut bonum, aut omnipotentem esse diffidit.

E Præterea, postquam cogitaueris gravitatem tuorum scelerum, attende magnitudinem diuinæ miserationis. Spes veniæ tibi non intercludatur, si tibi non potuit intercludi peccatum. Grauißimum delictum patrauit Dauid, non propterea desperauit, sed ingemuit, pœnituit; ingemisce & tu cum Dauide, vt salueris cum Dauide; peccatis peccata non adicias, & si adieceris, caue ne & illud adicias, quod omnium grauißimum est, nempe desperationem. Quid salubriter consulat idem Doctor, audiamus. *Nemo in psal. 50* dicat: si iam aliquid mali feci, iam damnandus sum; Deus talibus malis non ignoscit: cur non addo peccata peccatis? finar hoc seculo in voluptate, in lasciuia, in cupiditate nefaria. Jam perditæ spe reparationis, vel hoc habeam quod video, si non possum habere quod credo. Quisquis peccasti, & dubitas agere pœnitentiam pro peccato tuo, desperando salutem tuam; audi Dauid gementem: ad te Nathan Propheta non est missus; ipse Dauid ad te missus est; audi eum clamantem, & simul clama; audi gementem, & ingemisce: audi fientem, & iunge lacrymas. Sperando, & pœnitendo Dauid veniam consequutus est; quia, teste Chrysostomo, naufragus, & propemodum subuersus non desperauit. *hom. 27. in Math.* Vtinam hoc præstitisset proditor ille Iudas, cuius maius fuit peccatum desperationis,

in Psal.
108.

quàm prodicionis. *Magis*, inquit Hieronymus, *ex hoc Judas offendit Dominum, quia se suspendit, quàm quòd Dominum prodidit.* Sequere igitur Dauidem pœnitentem, non Iudam desperantem.

Quia autem dum in aliquas animi angustias, vel ingentes corporis dolores quis incidit, aut in aliqua grauissima crimina lapsus est, statim à dæmone impetitur, ac sollicitatur vt desperet, & desperando se ipsum interimat, ideo necesse est, vt hoc vtatur antidoto; *Vade satana*: est enim tentatio planè diabolica. Nam qui ipsi Dei Filio ausus est dicere; *Mitte te deorsum*: quid putas, dicturus, & suasurus est homini peccatori, sceleribus astricto, aut perturbato, & afflicto? Cur vis tibi fieri crudelior ipso dæmone? Vellet ille mittere te deorsum, ac interficere, si ei liceret. Caue, ne illud velis, quod ipse; & ne illud contra te exequaris, quod ei propter te denegatur: caue, inquam, ne te occidas illo suadente, qui te occidere non audet: & considera, nihil commodi, nihilque laudis, tam apud Deum, quàm apud homines; imò omne dedecus, perpetuamque ignominiam sibi comparasse, qui desperando sibi ipsis mortem consciuere. Qualem sibi inussit infamiam impius ille Iudas, qui desperando, secundum Augustinum, non tantum corpus suum, sed & animam suspendit? *Quod*, inquit, *Judas fecit in corpore suo, hoc factum est in anima ipsius. Quomodo qui sibi collum ligant, inde se occidunt, quia non ad eos intrat spiritus aëris huius: sic illi, qui despe*

Lib. hom.
50. hom.
27.

*desperant de indulgentia Dei, ipsa desperatione
intus se suffocant, ut eos Spiritus sanctus visitare
non possit.*

G Denique, si suadeat dæmon de misericor-
dia Dei desperare, obiice, & dic; *Magna est Eccl. 10.*
misericordia Dei, & propitiatio eius: aut illud;
Quis adiiciet narrare misericordiam eius? Si
dicas, misericordiam & iustitiam esse diuina
attributa æqualia: & sicut Deus nouit bonos
remunerare, ita & malos punire. Respondeo,
verè illa attributa in se esse æqualia, non
autem quantum ad effectus; solet enim Deus
frequentius & copiosius nobiscum uti mi-
sericordia, quàm iustitia. Nunquam dixit
Christus; Iustitiam volo: & tamen clamat;
Misericordiam volo, non volui, sed volo: quasi Matth. 9.
dicat; si modò peccas, & velis pœnitere, ego
quoque volo misereri. Malo enim misereri,
quàm punire. Ideo de seipso loquens non
dixit; Filius hominis venit perdere, & miserum.
facere, quod perierat: sed ait; Filius hominis venit
querere, & saluum facere, quod perierat. Vnde
Augustinus istis piis verbis Deum allo-
quitur. Tu factor omnium Deus, licet in cunctis cap. 2.
operibus tuis sis mirabilis, mirabilior tamen cre-
deris esse in operibus pietatis. Vnde de temetipso
per quemdam seruum tuum dixisti, miserationes
eius super omnia opera eius. Et quasi de singulis
loquentem, de vniuerso populo tuo te dixisse confi-
dimus: Misericordiam meam non dispergam
ab eo. Nullum enim spernis, neminem abiicis,
neminem perhorrescis, nisi fortè, qui amens te
exhorruerit. Exhorresces autem Deum, si de
misericordia eius diffidas, atque ita de tua

cap. 30.

salute desperes. Precare igitur Dominum cum eodem Doctore, & humiliter dic: *Certe non est in toto me, quod posset tolerare te. Misere-re, ne desperem, sed sperando resspirem.*

psal. 76.

Non est desperandum de diuina misericordia, cum de illa sic quærat Psalmista: *Numquid misericordiam suam abscondet?* quasi dicat, non. Vbi obseruandum est, verbum illud *abscondet*, quod indicat Deum, filium misericordiæ, quod ab æterno texuit, nunquam præcidisse, sed continuatam beneficiorum suorum seriem absque vlla intermissione continuasse, & continuaturum in posterum.

Genes. 4.

Quod Deus non vult abscondere, caue ne abscondas à te; nunquam autem absconditur, nisi desperatione. Sic illam abscondit Caim, dum dixit: *Maiores iniquitas mea, quam ut veniam merear;* vel, secundum translationem Lxx. Interpretum; *Maius delictum meum, quam ut remittatur mihi.* Quæ verba omnes Patres interpretantes dicunt fuisse hominis planè desperantis de diuina misericordia. Sic etiam abscondit Iudas, dum laqueo se suspendit, ut iam diximus. Noli illos imitari, ne desperando abscondas, & abscondendo abscondaris à numero saluandorum.

Serm. 5. in Cant.

Oppone etiam diabolo desperationem suggerenti, sacratissimum nomen I E S V, illud deuotè inuocando; nam eo audito au-fugiet. Quod autem plurimum valeat inuocatio illius sanctissimi nominis indicat Bernardus, ut alibi diximus. *Labitur, ait, quis in crimen? Currit insuper ad laqueum mortis desperando? Nonne si inuocet nomen vite, confestim*

resp

respirabit ad vitam? Veniat itaque in cor tuum Iesus, & inde saliat in os. Inuocetur præterea Beatissima Virgo Mater Iesu, quæ est dæmoni terribilis velut castrorum acies ordinata. Vnde idem Bernardus : *Si criminum*, inquit, *hom. 2. summanitate turbatus*, conscientia fœditate confusus, iudicii horrore perterritus, barathro incipias absorberi tristitia, desperationis abyssus, Mariam cogita, Mariam innoca : non recedat ab ore, non recedat à corde : ipsam sequens non denias : ipsam rogans non desperas : ipsam cogitans non erras.

Recordare denique, quid tibi à Diuo Cypriano dicatur, & videbis quid velit diuina benignitas, quidquid dicat humana, aut diabolica malignitas. In eadem, inquit, articulo temporis, cum iam anima festinat ad exitum, & egrediens ad labia expirantis emerferit, pœnitentiam clementissimi Dei benignitas non aspernatur : nec serum est, quod verum ; nec irremissibile, quod voluntarium, & quæcumque necessitas cogat ad pœnitentiam, nec quantitas criminis, nec breuitas temporis, nec hora extremas, nec vitæ enormitas, si vera contritio, si pura fuerit voluptatum mutatio, excludit à venia : & velit nolit Nouatus hæreticus, omni tempore Dei gratia recipit pœnitentes. Idem sentit Beatus Augustinus ; Nunquam, dicens, *serm. 181. de temp.* si ei, sincere, & simpliciter offeratur. Noli tamen abuti diuina clementia, sed ad eam recurre cum humili fiducia.

Cæterum, faxit Deus, vt hæc, quæ hactenus scripsimus, tantam afferant legentibus consolationem, vt aliquis dicere valeat

648 *Clyp. Patient. Lib. II. Cap. 29.*

Ouid. l. de illud Ouidianum:
Ponto.


*Sic ego mente iacens, & acerbo sauciis ictu,
 Admonitu coepi fortior esse tuo.
 Et iam deficiens sic ad tua verba renixi,
 Ut solet infuso vena redire mero.*

**Laus , honor , & gloria Deo totius
 consolationis , qui consolatur nos
 in omni tribulatione nostra;
 ac Beatissimæ Virgini
 Mariæ, consolatrici
 afflictorum.**



F I N I S.

Cornelio Francesconi



INDEX RERVM PRÆCIPVARVM, QUÆ in hoc opere pertractantur, ordine alphabetico digestus.

*Quia verò huiusmodi opus in duos diuiditur
libros, prior numerus librum denotat,
secundus Caput libri: litera verò partem,
sive locum Capitis.*

A

- A** BIGAIL quomodo Dauidem à vindicta
retrahit? *lib. 2. cap. 3. G*
Achor quomodo interpretatur? *1. 8. E*
Aconitum quid? *2. 12. C*
Adam impatientia peccauit. *1. 2. F*
Adamo peccante tribulationes sunt in mundum intro-
ductæ. *1. 25. A*
Adolescentes quidam graua fortiter passi sunt tor-
menta. *1. 12. F*
Aduersa, quæ euenire possunt, considerata. *1. 24.*
A, B, C, seq.
Aduersa, quæ Deus immittit, non excedunt vires no-
stras. *1. 4. C, D*
Aduersa non possunt euitari, sed tolerari. *1. 5. E*
Aduersa plurimum profunt. *1. 6. A, B, C, seq.*
Aduersa tolerantur, vel mitigantur inuocato nomine
1. 24. A, B, seq.
125 v.
ss 5 Aduersa

Index rerum.

- Aduersa cur nobis obuenant, etiam peccato per Baptis-
um, vel pœnitentiam ablato. 1. 28. F
 Aduersitas quamuis coacta, tamen patienter perpeſſa
 prodeſt. 1. 21. A
 Aduerſitates ſunt veluti alæ, quibus homo à terra ſub-
 leuatur. 1. 28. H
 Adulator cui ſimilis? 2. 15. H
 Afflictiones quando incœperunt. 1. 3. E
 Ab afflictionibus nullus immunis. 1. 5. A, B, C, ſeq.
 Afflictus qui non eſt, miſer eſt. ibidem, A
 Afflictus ſimilis eſt viri, quæ putatur, quare? 1. 6. B
 Affliguntur in hac vita, qui ad hæreditatem æternam
 ſeruantur. 1. 8. F
 Agnes virgo quanta paſſa eſt annos tantum nata tre-
 decim? 1. 19. F
 Alma vnde? 2. 13. B
 Amicus verus nunquam, fictus verò ſemper in aduer-
 ſitate deſerit. 1. 9. E
 Amicitix ſigna interdum ſunt leues percuſſiones. 1. 10. D
 Amor noſter ad Deum tendat. 2. 18. D, E
 Amor impurus ceſſabit, conſiderata futura conditione
 rei amata. ibidem, A
 Amor cupidineus quomodo extinguentus? ibidem, E, F, G
 Amor impurus ſerè ſemper vertitur in odium. ibid. G, H
 Animalia venenofa, & pernicioſa cur condita ſunt?
 1. 28. E, F
 Apes citius libidinoſos pungunt. 2. 7. E
 Apes inter animalia iracundiſſimæ. ibidem
 Apes aculeo pungentes euifcerantur. ibidem
 Apes olco madefactæ ſerè necantur: reuiuifcunt verò,
 aceto eis ſuperinfuſo. ibidem, E
 Aula Principum fugienda. 2. 15. A, ſeq.
 Aula quomodo vocatur à Dauide, & à Beato Paulo?
 ibidem, B, C
 Aula vnde dicta? ibidem, H
 Alicorum incommoda, & pericula. ibidem, G, H
 Ab Aula recedat, qui voluerit eſſe ſecurus. ibidem, D
 Aurum nihil æſtimatur apud quaſdam nationes. 2. 10. C

B

- Bafilica vnde dicta? 2. 15. F
 Beatitudo æterna, ſi conſideretur, multum iuuat ad
 omnia

Index rerum.

omnia aduersa patienter toleranda. **L 15. A, B, C, seq.**
 Bona temporalia vilescunt, si cogitentur æterna. **ibid. F**
 Bona temporalia quomodo amanda? **ibidem**
 Bona temporalia fluunt. **ibidem**
 Bona temporalia exigui sunt valoris. **2. 10. B**
 Benedicendus Dominus, etiam dum afflictamur. **L 20.**
E, F

C

Capillos quinam populi solebant refecare? **2. 13.**
G, H
 Capilli Monialibus refecandi. **ibidem, H, I**
 Captiuitas patienter perpeffa prodest. **2. 24. G, H**
 Carcere omnia in hoc mundo includuntur. **ibidem, A**
 Carcer vnde? **ibidem, B**
 Carceribus detineri sæpissimè multum prodest. **ibidem**
 Carceribus detenti quid cogitare, & agere debeant.
ibidem, C
 Carcerem multi patienter tulerunt. **ibidem, D, E, F**
 Cæcitas patienter ferenda, cur? **2. 21. C**
 Cæco tantum dictum est à Christo: *Quid tibi vis faciam?*
ibidem, D
 Cæcitas pars innocentia. **ibidem, B**
 Cæcitatem multi æquo animo tolerauerunt. **ibidem,**
F, G, H
 Cæcitas mentis quid? **ibidem, H**
 Ceruæ carnes manè sumptæ habent vim expellendi febres.
L 18. E
 Clypeus vnde? **L 1. D**
 Clypeum eleuare iubetur Iosue, cur? **ibidem, B**
 Clypeum diligenter asseruabant Athenienses. **ibidem, F**
 Clypeo utebantur Lacones loco cunarum. **ibidem**
 Clypeus Myrtili celebratur. **ibidem, C**
 Christus licet fuerit sine peccato, non fuit tamen sine flagello. **L 5. A**
 Christus suos tribulationibus sibi similes reddit. **1. 8. G**
 Christus non respuebat mori, quamuis dixerit: *Transat calix.*
L 11. E
 Christus orando dum tristaretur, quid nos docuerit?
B, C
 Christus, dum afflictamur, est nobis proponendus.
1. 14. A, B, C, seq.
 Christus

Index rerum.

- Christus cur omnia incommoda, quæ homini accidere possunt, passus sit. ibidem, D, E
 Christi patientia in sustinendis iniuriis, & tormentis. ibidem.
 in Christo habemus vnde consolemur. ibidem
 Christum induere, secundum Chrysostomum quid sit? ibidem, F
 Christus quosnam consolatur? ibidem, G
 Christus pro nobis nihil pati recusavit. ibidem, H
 Christus cur imminente passionis tempore instituit Sacramentum Eucharistiæ? 1. 18. A
 Christus cur pro nobis egenus factus est? 2. 10. G
 Christus qua ratione dicatur vir dolorum? 2. 22. C, D
 Christus est speculum patiendi, & præmium patientis. 2. 28. B
 Christianus non meritò dicitur, qui tribulationes non patitur. 1. 8. A
 Cælorum regnum venale, quo pretio emitur? 1. 15. E
 in Cælum per varios casus tenditur. ibidem, G
 Cælibatus præmium. 2. 12. E, F, seq.
 Cælibes quid præstare debeant? ibidem, K
 Cæsar quid nauclero pertimescenti dixerit? 1. 2. E
 Coniugij incommoda, & anxietates. 2. 12. F, G
 Confessione sacramentali mitigatur tribulatio. 1. 17. E
 Consolationes corporales fugiendæ. 2. 12. P, Q
 Consolationes in claustro quærentes quibus comparentur? ibidem
 Conscientia munda multùm iuuat ad omnia aduersa ferenda. 1. 17. A, B, seq.
 Conscientia magis torquetur peccato, quàm tormento. ibidem, C
 Conscientia pura iuge conuiuium, quomodo? ibidem, F
 Conscientia bona nihil timet. ibidem, F, G
 Conscientia mala nullam habet requiem. ibidem, B, C
 Conscientia vnde dicta? 2. 5. C, E
 Contumelia vnde? & quomodo ferenda? 2. 2. E, F
 Conuicia exemplo Christi patienter subeunda. ibidem, A, B
 Corpus Christi quomodo maneat in fumentibus illud, & quid efficiat? 1. 18. D

Damnati

Index rerum.

D

- D**amnati agnoscunt nunc in inferno, & fatentur res
huius vitæ citò præterlabi. L. 23. A.
- Dauid ad omnia flagella paratus. 1. 6. H
- Dauid in ærumna conuersus. ibidem, F
- Dauid se iustè à Deo castigari fatetur. L. 7. A.
- Dauid cur Semei sibi conuicianti pepercit? 2. 4. C.
- Dauid suadetur à duabus mulieribus, ne vindictam sumat, quibus verbis? 2. 3. G, H.
- Dauid omnia mala pœnæ iustè à Deo immitti agnouit:
& quomodo intelligantur illa verba: *Obmutui, & non
aperui os meum, quoniam tu fecisti?* 1. 10. E, F, G.
- Denarij numeri obseruatio, & commendatio. 1. 16. F
- Dentem rodere dente quid? 2. 2. D
- Desperare nullus debet de sua salute. 2. 29. A, B, C, seq.
- Detractiones patienter ferendæ. 2. 2. A, B, C, seq.
- Detractores porcis similes. 2. 7. F
- Deus author patientiæ. 1. 2. F
- Deus quomodo dicatur tentare nos? 1. 4. E
- Deus quomodo dicatur patientia nostra? 1. 2. E
- Deus omnibus præbet afflictionum calicem bibendum.
1. 5. D.
- extra Deum labor, & dolor. ibidem, G
- Deus puniendo protoparentes non tam Iudicis, quam
Medici partes egit. 1. 6. D
- Deustribus potissimum modis homines ad se attrahit.
1. 6. F
- Deus quos diligit castigat. 1. 7. C
- Deus castigando ad æternam nos erudit hæreditatem.
ibidem, E
- Deus se habet erga nos, sicut pater erga filios. 1. 2. F.
- Deus cur iustos in hoc mundo afflictari, & exerceri per-
mittit. ibidem, H
- Deus nobiscum est, cum afflictamur. 1. 9. A, B, C, seq.
- Deum creare, aut facere mala quomodo intelligatur?
1. 10. E, F, G
- Deus castigando nos se habet ad modum percutientis
ianuam. ibidem, H
- Deus vult omnes saluos fieri. 1. 11. C. & quomodo?
2. 26. B, C.

Deus

Index rerum.

- Deus quomodo dicatur liberare iustos à tribulationibus. 1. 12. F
- Deus ideo immittit aliquando aduersa, vt illis cogamur ad eum recurrere. ibidem, A
- Deus nobis sufficiat. 1. 26. F
- Deus neminem vult perire. 2. 29. B, C
- Deus præcipue curam gerit iustorum propter ipsum. 2. 13. G
- Deus cur homini immittit aduersa? & cur huic, sicut & alteri, non impertitur bona temporalia? 1. 28. A, B
- Diabolus author impatientiæ. 1. 2. F
- Diabolus tentauit impatientia protoparentes. ibidem
- Diabolus malleus, quo interdum Deus suos percutit electos. 1. 4. D
- Diabolus quomodo ad desperationem inducit? 2. 29. A, F
- Diabolo quid respondendum desperationem suggerenti? ibidem, G
- Dies nulla transit sine tristitia, & quomodo intelligatur locus ille: *Sufficit diei malitia sua?* 1. 3. E
- Diues epulo mundana prosperitate damnatus. 2. 9. E
- Diuitiæ cur spinis comparatæ. 2. 10. C
- Diuitias vomitum fortunæ vocat Diogenes, cur? ibidem, E
- Diuitiæ non satiant possidentem. ibidem, D
- Diuitiæ qualiter diligendæ? ibidem, F
- Diuitiæ nimis nocent, veluti sanguis nimius & superfluus. 2. 11. D
- Diuitiarum iactura est veluti capillorum abrasio. ibidem, C
- Diuitiæ non possunt ad alium transferri, nisi alteri eripiantur. ibidem, E

E

- E**cclēsia vtero Rebeccæ comparata, cur? 2. 6. A
- Electi debent exerceri, & probari pressuris; ac percuti, veluti campana percutitur, antequam in turrim attollatur. 1. 4. D
- Electi magis timent prospera, quàm aduersa, quare? 1. 6. A
- Electos Dominus ducit per aspera huius vitæ. ibidem, C
- Electi

Index rerum.

Electi Dei pia agunt, & crudelia interdum patiuntur.

L. 8. D

Electi veluti vix in hoc mundo premuntur. ibidem, I

Electiōnis signa, tribulatio. ibidem, C

Elephas mure, vermiculo, ac grunitu porci perturbatur.

L. 2. F

Eucharistia dignè sumpta afflictoſ consolatur. I. 18. A,
B, C, seq.

Eucharistia dabatur olim Martyribus ad fortiter sub-
eunda tormenta. ibidem

Eucharistia habet vim corroborandi corpus, & animam.
ibidem, B

Eucharistiæ nutriendi vis in multis comprobata. ibid. C

Eucharistia ingrediente in corpus nostrum, fugantur
dæmones ad impatientiam impellentes. ibidem, E

Eucharistia idem est, quod gratiarum actio, ex Chry-
sostomo; ideo Christus eam instituendo à gratia-
rum actione inchoavit. I. 20. D

Exilium multis profuit. 2. 25. E

Exilium multi patienter tulerunt. ibidem, F, G

Exilium quid? ibidem, G

F

Foeminiſ aduocare vetitum, præterquàm in causis
miserorum. I. 13. A

Fortuna quomodo extollat, & deiiciat? I. 10. A

Fortunæ volubilitas. L. 23. D

Beati Francisci insigne dictum. L. 15. H

G

Galli salutabant ventum flantem, qui Circius di-
citur, cur? L. 6. G

Gratiarum, actio multum contulit tribus pueris in ca-
mino ignis. L. 10. E

Gratias agere Deo pro tribulationibus maxime iuvat
ad illas patienter ferendas. ibidem, A, B, C, seq.

Homo

Index rerum.

H

- H**omo multis subiacer calamitatibus. 1. 5. B
Homo cur folio comparatur? ibidem, F
Homo in sua natiuitate suam præsentit miseriam.
ibidem, B
Homini imponitur iugum à die natiuitatis suæ. ibidem
Homo debet suam conformare voluntatem diuinæ vo-
luntati. 1. 11. A, B, seq.
Homo propriam sequens voluntatem vult tortuosam
facere diuinam. ibidem
Homo plus potest mereri mala patiendo, quàm bona
faciendo. 1. 21. H
Homines nihil tolerare vellent. 1. 28. A
Homini non plus aduersitatis Deus immittit, quàm
ferre possit. ibidem, G
Homo dum viuit, portat crucem supra se: dum mor-
ritur, portatur Crux coram se. 1. 5. D
Homo tantò magis Angelis, imò ipsi Deo assimilatur,
quantò paucioribus est contentus. 1. 26. F
Honor non læditur, dum inimicis ignoscitur. 2. 3. D, E

I

- I**ehouah nomen Hebræis ineffabile, cur? 1. 16. B
Iesu nomen nunc omnibus notum, vt ab omnibus no-
minetur, & inuocetur. 1. 16. A
Iesu inuocato mitigantur aduersa. ibidem, A, B, C, seq.
Iesu nomen qua ratione dicitur nouum. ibidem, B
Iesu nomen à Paulo repetitum in suis epistolis du-
centies decies nouies. ibidem, C
Iesu nomen est veluti oleum effusum, quare? ibidem, E
Iesu nomen ante incarnationem erat quasi vase inclu-
sum. ibidem
Iesu nomen prolatum maximè mæstos confortat.
ibidem
Iesu nomen fuisse Iacob reuelatum, & ab eo in extre-
mis vitæ suæ prolatum scribunt aliqui. ibidem, D
Iesu nomen tunc cœpit inuocari, quando cœpit reuelari.
ibidem, F Iesu

Index rerum.

- Iesu nomen sæpe, & libenter ab Augustino inuocatur.
 ibidem
 Iesus in omni necessitate inuocandus. 2. 29. G, circa
 finem.
 Ignoscendo impetramus, quod non bene operando per-
 didimus. 2. 4. D
 Ignoscere inimicis non est impossibile, nec valdè diffi-
 cile. ibidem, G
 Impatentia, omnium vitiorum origo. 1. 3. B
 Impatentiz author diabolus. 1. 2. F
 Impio non inuidendum, licet prosperetur. 2. 9. C, D
 Induere Christum quid? 1. 14. F
 Infideles grauia passi pro inani gloria. 1. 15. F; &
 lib. 2. 6. C
 Inferni ignis consideratio iuuat ad labores huius vitæ
 patienter ferendos. 1. 22. A, &c.
 Iniuriis laceratus quid præstare debeat, vt eas patienter
 ferat. 2. 2. B, C, D, seq.
 Iniuriæ condonandæ, non vindicandæ. 2. 3. A, B, C, seq.
 Inimicus non ostendendus, sed dæmon, qui eum im-
 pellit. 2. 3. C
 Inimicis, ignoscendo quis plus meretur, quàm multa
 alia pœnalia opera exercendo. 2. 4. B
 Inimici iniurias inferendo plus sibi nocent, quàm nobis.
2. 7. A, B, C, seq.
 Inimici cur apibus comparentur? 2. 7. E
 Inimicis vitur Deus ad purgandum nos. 2. 8. D
 Inimici non debent gloriari, si illis vitur Deus, ad fla-
 gellandum nos. ibidem, E
 Inimicis persequentibus, quid cum Augustino Deo di-
 cendum? ibidem
 Iniustus cur Deus bona temporalia concedit? 2. 9. G
 Insula Pathmos est figuræ quadrangularis. 2. 25. D
 Ioannes Baptista multa pertulit incommoda in cremo,
 & postmodum capite truncatur. 1. 19. F
 Ioannes Baptista carcere includitur. 2. 24. D
 Ioannes Euangelista in exilium relegatus, quid vidit, &
 egit? 2. 26. D
 Iob fuit percussus veluti campana. 1. 4. D
 Iob qualem percussus edidit sonum? ibidem
 Iob quot verba protulit, tot iacula in aduersarij pectore
 intorsit. 1. 1. E
 Iobi sterquilinium multi vt viderent, de longè ve-
 niebant.

Index rerum.

- niebant. L. 6. I
 Iob agnouit omnia mala poenæ à Deo immitti. L. 10. A
 Iob subleuabatur videns in se adimpleri diuinam vo-
 luntatem. I. 11. G
 Iobum nihil magis consolabatur, quàm pura conscien-
 tia. I. 17. G
 Iob proponendus, cum afflictamur. I. 19. B
 Iob in omnibus suis tribulationibus semper Deo gratias
 agebat. I. 20. C, D
 Iob plus meruit patienter ferendo bonorum suorum
 amissionem, quàm si illa pauperibus distribuisset.
I. 21. H
 Iob rebus prosperis non delectabatur, nec aduersis
 frangebatur, cur? I. 14. B
 Iob cur flagellabatur, cum iustus esset? I. 28. C
 Iob quærit aliquando, sed nunquam conqueritur.
I. 2. 9. D
 Iob patientia sua recuperauit duplicata. 2. 10. H
 Iobi calamitas quamdiu durauit? ibidem, H
 Ioseph in cisternam, & in carcerem missus, non fuit
 à Deo derelictus. I. 9. A
 Iosephi quamdiu durauit aduersitas, & quamdiu prope-
 ritas? ibidem
 Ioseph incarceratus non tristabatur, quia nullo crimine
 inquinabatur. I. 17. F
 Ioseph quomodo, & cur fratres suos reddidit memores
 peccati in eum patrat? I. 25. E
 Ioseph patienter carcerem sustinuit, & tunc laudatur
 incarceratus, quàm frumentum distribuens. 2. 24.
 Iob E, F, G. ibidem
 Iris quomodo formatur, & quid significat? I. 8. E
 Majas serra dissectus. I. 19. C
 Iudicia temeraria patienter possumus subire, sed non
 impedire. I. 2. 5. A, seq.
 Iudas impatientia sua perit. I. 25. F
 Iugum vnde dicitur? I. 5. C
 Iusti comparantur vitiis. I. 8. I
 Iusti, & iniusti quomodo se habent in hac vita. 2. 6. C
 Iustis cur denegantur bona temporalia? 2. 9. G

Labores

Index rerum.

L Abores sunt præcipue Christianorum. 1. 8. I
 Labores huius vitæ patienter feruntur, considerata
 damnatorum pœna. 1. 22. C, D
 Lacrymæ vocatur sudor animæ. 2. 23. A
 Lacrymæ iustis à Deo detergantur. ibidem, A, B
 Lacrymæ iustorum reponuntur in conspectu Dei. ibidem,
 B, C
 Lacrymis peccata obliterantur. ibidem, D
 Lacrymarum fructus. ibidem
 Lacrymæ quam ob causam fundendæ? ibidem, B, E
 Lacrymarum vallis hic mundus. ibidem, F
 Latronis boni deprecatio: citò exaudita propter suam
 patientiam. 1. 3. C
 Latro bonus patienter ferens coactam crucem, para-
 disum lucratur. 1. 21. C, D
 Latro bonus nunquam petiit à cruce liberari, sicut ma-
 lus. ibidem, E
 Latro bonus an Martyr extitit? ibidem, F
 Lazarus mendicus coactam paupertatem patienter fe-
 rens, æternam adeptus est salutem; & vocatur à Chry-
 sostomo communis orbis Doctor. 1. 21. A, & 2. 9. E
 Linguis nonnulla gens caret. 2. 2. A
 Linguas hominum nemo coercere valet. ibidem, I
 Litigiosi qui alias extiterint? 2. 11. A
 Litibus Christus voluit finem imponere. ibidem, A
 Lites quantum noceant? ibidem, B
 Lites vitandæ. ibidem, B
 Lucerna Epicteti Philosophi quanti æstimata? 2. 10. C
 Lucifer primus suæ sortis impatiens. 1. 26. A

M

M Ali etiam de Deo malè loquatur. 2. 2. A
 Malorum societas bonis prodesse potest. 2. 6. B
 Mali in hoc mundo sunt in domo propria. ibidem
 inter Malos versari, & bene operari, eximia laus.
 ibidem, D

Index rerum.

- Mali cur permittantur viuere in hoc mundo? ibidem, E
 Mali habent à seipsis voluntatem nocendi: à Deo autem
 potestatem. 2. 8. A
 Mali quomodo seruiunt bonis? ibidem, A, B, C
 Malis non inuidendum, licet prosperentur. 2. 9
 A, B, C, seq.
 Maria Virgo platano, & Lunæ comparatur. 1. 13. A
 Mariæ Virginis precibus aqua in vinum conuersa. In-
 terpretantur illa verba: *Quid mihi, & tibi est, mulier?*
 ibidem, B
 Maria Virgo multum potest apud Deum. ibidem
 Mariæ meritis, & intercessione damnati citra con-
 dignum. puniuntur. ibidem, C
 Mariæ precibus nonnulli ex loco damnatorum libe-
 rati. ibidem, C, D
 Mariæ efficacissima intercessio. ibidem, E
 Maria Virgo multa in hoc mundo pertulit incom-
 moda. ibidem, F
 Maria afflictis compatitur; ad illius intercessionem in
 tribulatione recurrendum. ibidem, F
 Maria in omni necessitate inuocanda. 2. 29. G
 Maria dum vocabatur, respondebat: *Deo gratias.* 1. 20. B
 Martyres, considerata celesti beatitudine; tormenta
 fortiter tolerabant. 1. 15. F
 Martyr censetur; qui persecutionem patitur propter
 iustitiam. 2. 1. F
 Martyrem facit non poena, sed causa. ibidem, H
 Maxillam alteram percutienti præbere an teneamur?
 2. 4. E
 Meliora quid? 1. 19. D
 Meloris qui induti? ibidem
 Mensa Solis quæ? 1. 18. F
 Mensa vnde dicta? ibidem
 Miltiades Imperator quonam pacto milites ad pugnan-
 dum incitabat? 1. 19. A
 de Misericordia Dei non diffidendum. 2. 29. D, E
 Moniales debent habere faciem velatam. 2. 13. C, D
 Moniales sunt veluti altare Dei. ibidem, E
 Moniales cogitare debent tantum quæ sunt Dei. ibid. F
 Monialium inclusarum Deus peculiarem gerit curam.
 ibidem, G
 Mors omnibus certa. 2. 9. A, B
 Mors est somnus. ibidem, D, E
 Mors

Index rerum.

- Mors peccatorum pessima, ibidem, E
 Mors parentum, vel aliorum non deslenda. 2. 26. A,
B, C, D, I, seq.
 Mortem suorum quidam fortiter tulerunt? ibidem, G, H
 Mori omnibus contingit. ibidem, A
 Moriendi pro delictis potest quis satisfacere pro de-
 lictis. 2. 28. E
 Morbi corporis multum profunt animæ. 2. 22. A, B, C,
seq.
 Morbos corporis multi patienter tulerunt. ibidem,
D, E, F
 Morbis interdum nos purgat Deus. ibidem, H, I, seq.
 Mulierum clausura. 2. 13. A, B
 Mulieres olim testudine repræsentabantur. ibidem
 Mulierum coniugarum incommoda. ibidem, E, F,
& 2. 16. E
 Mulier vniuius commendatur, & transiens ad secundas
 nuptias non laudatur. 2. 16. F, G, H
 Muliere nihil leuius, nihilque amari-
 us. 2. 18. B
 Mundus scenæ similis. 1. 23. C
 Mundus est veluti xenodochium. 1. 28. B
 Mundus iste est vallis lacrymarum. 2. 23. F
 Mundus est communis quidam carcer. 2. 24. B
 Mundus communis patria. 2. 25. A, B

N

- N**atura est paucis contenta. 1. 26. E
 Noë licet inter malos versaretur, non tamen in-
 quiaabatur. 2. 6. E
 Nomen Dei Saddai in manibus nostris descriptum quo-
 modo, & quid significet? 1. 26. E

O

- O**bedientes soli sunt liberi, quomodo? 2. 12. L
 Obedire Prælato, est Deo obedire. ibidem, M
 Obedientiæ singulare exemplum. ibidem
 Obediendo Deus est attendendus, propter quem obe-
 dire debemus. ibidem, O
 Oculi pupillam tangere, quid? 2. 7. C
T t 2 Oculi

Index rerum.

- Oculi pupilla integram hominis effigiem reddit, & si
non reddat, quodnam augurium? ibidem, C
Oculi multorum malorum causa. 2. 21. A, B
Oculi ultimo viuunt, & primo moriuntur. ibidem, B
Oculus quibus conseruatur. ibidem
Oculos multi sibi effoderunt, cur? ibidem, D
Oratio multum prodest præcipue afflictis, illósque so-
latur. 1. 12. C, D
Oratio vocatur animæ Sol: ac naufragorum tabula,
quare? ibidem, E
Oratio afflictorum citius ad Deum peruenit, quare?
ibidem
ab Oratione non desistendum, licet statim quis non
exaudiatur. ibidem, F
Orare est quasi respirare. ibidem
Orphani Deum habent adiutorem. 2. 17. A

P

- P**arciendo inimicis quis plurimum lucratur. 2. 4. B
Passiones huius temporis non sunt condignæ ad fu-
turam gloriam. 1. 15. H
Patientia quid? 1. 2. A, B
Patientia vera quænam sit? ibidem, C
Patientia est virtus valde necessaria. 1. 3. A, B, C, seq.
Patientia in aduersis probatur. 1. 4. A, B, seq.
Patientia est mater fidelium, ex Ambrosio. ibidem, F
Patientia similis est gemmæ, quæ Alethora dicitur.
1. 1. E
Patientia, scutum inexpugnabile, & turris firma. ibidem
Patientia omnium virtutum comes. 1. 2. E
Patientia instrumentum est sustinendi, ex Tertulliano.
ibidem, G
Patientia veluti ossa, quibus corpus fulcitur, ex Au-
gustino. ibidem
Patientia Deo nos seruat. ibidem, G
Patientia omnia vincit aduersa, & quomodo? ibidem, G
Patientia possidetur anima. 1. 3. C
Patientia causa omnium bonorum. ibidem, C
Patientia citius Deus placatur. ibidem, D
Patientia, quæ reperitur in malis hominibus, non est
propriè patientia, sed duritia. 1. 2. C
sine

Index rerum.

- sine Patientia nullus Sanctus coronatur. 1. 3. F.
 Patientia est veluti lapis Chrysolitus. 1. 4. A.
 Patientia describitur à Tertulliano. 1. 2. D.
 Patientia vocatur præclarum instrumentum. 1. 3. D.
 Patientia est veluti terra fructifera, quam tribulatio
 arat, colit, & exercet. 1. 4. E.
 Patientiae effectus, ex Cypriano. 1. 3. A.
 Patientes qui? 1. 2. C.
 Patientes ligno Setim similes, quod in ignem projectum
 non comburitur. 1. 4. E.
 Pati censetur propter iustitiam, qui libenti animo pa-
 titur. 2. 1. H.
 Patiendo pro delictis potest quis satisfacere pro de-
 lictis. ibidem, E.
Passioni Christi an aliquid desit, & quomodo intelli-
 gantur illa verba Apostoli: *Adimpleo ea, quæ desunt*
passioni Christi, &c. 1. 28. C.
 Patriæ cælestis consideratione aduersa libenter tole-
 rantur. 1. 15. A, B, seq.
 Paulus tribulationibus eruditus. 1. 7. A.
 Paulus in nominando nomine IESV delectabatur:
 vnde caput eius resectum IESVM protulit. 1. 16. C.
 Paulus tanta pertulit tormenta, ut vix numerari possint.
 1. 19. H.
 Paulus persecutionem patiebatur in suo corpore, tam-
 quam in alieno. 2. 1. B.
 Paulus persequebatur fideles, & Christus conquirebatur.
 ibidem, B.
 Pauli conuersio à cæcitate inchoauit. 2. 21. A.
 Paulus diebus singulis moriebatur. 2. 27. E.
 Paupertate à quibus diligimur, cognoscimus. 1. 9. E.
 Paupertati religionis quid promittitur? 2. 12. D, E.
 Paupertate cælum emitur. 2. 14. D.
 Paupertas nos facit beatos. ibidem, D.
 Pauperes communem habent cum diuitibus substantiam.
 ibidem, E, F.
 Paupertatem coluerunt multi Gentiles. ibidem, G.
 Peccatum est veluti sanies, quæ tribulatione quasi fer-
 ramento curatur. 1. 6. H.
 Propter peccata sæpe Deus nobis immittit aduersa.
 1. 25. A, B.
 Peccatorum recordatio prodest ad tribulationes patien-
 ter ferendas. ibidem, C, D.
 Pecca

Index rerum.

- Peccatoris locus quis? 2. 8. B
 Peccatores cur sæpe in hoc mundo non puniuntur?
 1. 28. D
 Peccator quomodo Deum irritat? 2. 9. F
 Pecunia multos perdidit. 2. 10. D
 Persecutionis nomine omnes labores intelliguntur.
 1. 8. B
 Persecutionem patientur piè vivere volentes. 2. 1. A
 Persecutio unde dicatur? ibidem
 Persecutionem nullus sentiet, si Christo iungatur.
 ibidem, B
 Persecutionem patiens Deum habet compatiensem, &
 conquerentem: sed persecutionem faciens habet dæ-
 monem impellentem. ibidem, C
 Persecutiones sunt veluti torcularia. ibidem, C
 Persecutionem patientes beati. ibidem, F
 Persecutores fidelium malè perierunt. ibidem, E
 Persecutiones interdum inveniuntur in clauistro, nec
 propterea mirandum. 2. 12. S
 Persecutionis nomine quid intelligitur? 1. 2. B
 Petri & Pauli vincula quanti fecerit Chrysostomus.
 2. 24. F, & 2. 27. C
 Peste grassante quid egerint Athenienses. 1. 10. D
 Podagra multi sancti & illustrissimi viri laborantes,
 quid egerint? 2. 20. A, B
 Podagræ remedium quod? ibidem, D, E
 Podagrosi quid agere debeant? ibidem, G, H
 Potentibus, & possidentibus huius sæculi non inviden-
 dum. 1. 26. D
 Prædestinationis signa sunt afflictiones patienter pro-
 pter Deum perpeſſæ. 1. 2. D, E
 Prospera in hoc mundo non optanda, quare? 1. 6. A
 Prosperitas nimia nocet. ibidem, G
 Prosperitas impiorum brevis. 2. 9. B, C
 Prosperitate in infernum nauigatur. ibidem, E
 Prouidentia Dei euenit quidquid ab inimicis patimur.
 2. 8. A, B, C, seq.
 Proximo non nocendum, nec maledicendum, quare?
 2. 4. A, B
 Pueri apud Lacones à quouis castigari poterant, nec
 propterea eis conqueri licebat. 1. 7. E
 Pueri indigent pædago. ibidem, F
 Pueris castigari nolentibus interdum similes sumus.
 ibidem Pulchri

Index rerum.

- Pulchritudo quid? 2. 18. D
 Puniri in hoc mundo, beneficium; non puniri, suppli-
 cium. 1. 6. A, & 1. 8. E, F
 Pupillam oculi tangere, quid? 2. 7. C
 Pupilla oculi integram effigiem hominis reddit, & si
 non reddat, quod augurium? ibidem, C
 Pupilli non derelinquuntur, sed proteguntur à Deo.
 2. 17. A, B, C

R

- R**eligiosis tria promittuntur à Christo. 2. 12
 A, B, C, seq.
 Religiosi quomodo recipiant centuplum pro his, quæ
 reliquerunt? ibidem, A, B
 Religiosi sedebunt cum Christo, iudicantes in ultimo
 iudicio. ibidem, C, D
 Religiosis vitanda mulierum consortia. ibidem, H, I
 Religiosi non debent in Aula Principum manere.
 ibidem, I
 Religiosi semper vñ sunt hoc salutandi modo: Deo
 gratias. 1. 20. B
 Remigantes Christus intuetur. 2. 27. D
 à Remo ad tribunal, de quibus dicebatur? ibidem, E
 Res huius vitæ fluxæ sunt, mutationisque obnoxie, cur?
 1. 23. E
 Retaliare quomodo Iudæis permissum? 2. 4. E
 Rex Regum, & Dominus dominantium, cur Deus di-
 catur? 2. 16. B
 Romani Deum Romæ tutelarem nominare nefas du-
 cebant, cur? 1. 16. A
 Rubus, in quo Dominus apparuit, Pharaonem, & Egy-
 ptios populum Dei diuerantes designabat, quo-
 modo? ibidem
 Rubus, tribulationis hieroglyphicum. ibidem

S

- S**ancti cur gaudebant in medio tormentorum? 1. 17.
 B, C
 Sancti veteris Testamenti quanta passi sunt? 1. 19. D
 T: S Sanitas

Index rerum.

| | |
|--|----------------------|
| Sanitas quomodo ab antiquis vocitata? | 2. 12. A |
| Sapiens est contentus se, quomodo intelligatur? | 1. 26. E |
| Saphirus habet vim eripiendi à carcere. | 2. 24. D |
| Senectutis incommoda. | 2. 19. A, B, C |
| Senex unde? | ibidem, B |
| Senes capulares qui? | ibidem |
| erga Senes quomodo se habebant quædam nationes. | ibidem, C |
| Senectuti non sunt omnia incommoda. | ibidem, D |
| Senectus nemini est exprobranda, cur? | ibidem, D |
| à Sene senatus, & senator, quare? | ibidem, D |
| Senectus optanda, cur? | ibidem, E |
| Senectus ut grata sit, quid præstandum? | ibidem, H |
| Silentium maximè necessarium ad conuicia patienter ferenda. | 2. 2. B |
| Socrates quomodo contumelias patienter ferebat? | ibidem, G |
| Sors est sua cuique ferenda. | 1. 16. A, B, C, seq. |
| Sanctus Stephanus quid præstitit, dum lapidaretur? | 2. 3. C |
| Stephani Monachi insignis patientia. | 2. 4. D |
| Symeon senex Christum Dominum benedixit: esse unum de vigintiquatuor senioribus, de quibus Ioannes in Apocalypsi, probabile est. | 2. 19. F, G |

T

| | |
|---|---------------------|
| Talionis lex quomodo Iudæis permissa? | 2. 4. E |
| Terra cur dicitur omnium mater? | 1. 5. C |
| Tobias tribulationibus probatur. | 1. 8. D |
| Tobiæ patientia. | 1. 19. B |
| Tribulationes non possunt in hac vita euitari. | 1. 5. D |
| Tribulatio est veluti ferramentum contra diaboli tentamentum. | 1. 6. H |
| Tribulatio patienter perpeffa veniam parit peccatorum. | ibidem, G |
| Tribulatis adest Dominus. | 1. 6. I |
| Tribulationibus erudimur. | 1. 7. A, B, C, seq. |
| Tribulationibus vitur Deus veluti pædagogus. ibidem. | 1. 7. B |
| Tribulatio aperit mentis oculos. | 1. 8. |
| Tribulationes sunt signum prædestinationis. | A, B, C, seq. |

Tribu

Index rerum.

- Tribulatio est veluti virga aurea Reg^{is} Affueri.
 ibidem, E
 Tribulationes à Deo immittuntur. 1. 10. A, B, C, seq.
 Tribulationum alia est, quæ nos inuenit; alia, quam
 inuenimus. 1. 12. A
 Tribulationis tempore ad Deum maximè recurren-
 dum. 1. 12. A, B, C, seq.
 Tribulationis tempore Maria Virgo inuocanda. 1. 13. F
 Tribulationis tempore Christus est proponendus. 1. 14.
 A, B, C, seq.
 Tribulationes quando cessabunt? 1. 18. H
 Triremibus adiudicati quomodo se gerere debeant?
 2. 27. A, B, C, seq.
 Tristitia duplex. 1. 27. A
 Tristitia, quæ prodest, & quæ non prodest? ibidem,
 A, B, C, seq.
 ad Tristitiam quænam concurrunt? ibidem
 Tristitia cur detur homini? ibidem, A
 Tristari, vel non tristari, in nostra est potestate, quo-
 modo? 1. 27. B, C
 Tympanum, quod genus tormenti? 1. 19. C

V

- Veniæ dare, incundum. 2. 4. G
 Verba consolatoria sunt veluti linxamina. 2. 23. A
 Vidua vnde dicta? 2. 16. A
 Viduarum lacrymæ ascendunt ad cælum. ibidem
 Viduarum cur Deus dicatur Iudex? illas protegit, & so-
 latur. ibidem, B, C
 Viduitas commendatur. ibidem, D
 Vincula Pauli quanti æstimata? 2. 24. E, & 2. 27. C
 Vindicta Deo reseruatur. 2. 3. A
 Vindicta citò fiet, licet tardè fieri videatur. ibidem, B
 Vindicta delectari pusilli animi est. ibidem, D
 ad Vindictam properat, qui proximum lædit, nisi sa-
 tisfaciat. ibidem, H, I
 de Vindicta nullus curabit, si suos cogitet defectus, quos
 tolerari desiderat. 2. 4. A
 Vindicta non sumenda ob varias rationes. ibidem,
 A, B, C, seq.
 Vindictam multi infideles sumere noluerunt. ibidem, F
 Vinum,

Index rerum.

- Vinum, lætitiæ symbolum. 1. 13. C
Vinum propinabatur mœrentibus. ibidem
Vir probus non potest impiorum calumaiis lædi. 2. 7. F
Vitæ huius breuitatis consideratio magnoperè prodest
ad omnia aduersa patienter ferenda. 1. 13. A, B, C, seq.
Vita præsens torrenti similis, quomodo? 1. 23. F
Vita præsens ob suam breuitatem vocatur dies vnus,
vapor, bulla. 1. 23. A
ex-Vitæ præsentis breuitate quid boni colligant, quid
mali? ibidem, F
Voluntas Dei semper recta. 1. 11. A
Voluntas humana si diuinæ voluntati non conformetur,
semper erit tortuosa. ibidem
Voluntas hominis est potentia cæca. ibidem, B
Voluntatis propriæ resignationis singulare exemplum.
ibidem, C, D
Voluntas nostra omnibus euentibus accommodanda.
ibidem, F

Finis Indicis.

Appre

Approbatio Doctorum.

NOS infraſcripti, Fr. PETRVS RVFFVS,
Ordinis Minorum Obſervantium, prouin-
ciæ Sancti Ludouici Guardianus Obſervantiæ
Maſſilienſis; & Fr. PETRVS TRESCLE-
RIVS eiufdem Ordinis, & Diffinitor præfatæ
prouinciæ, ſacræ Theologiæ Profeſſores: ex
mandato Reuerendi Patris MATTHÆI
PASSARIJ noſtri Miniſtri Prouincialis,
examinauimus hunc *Clypeum Patientiæ*, fabre-
factum à Reuerendo Patre IACOBO CO-
RENO, eiufdem Prouinciæ inſigni Theologo
& Concionatore; & in eo nihil orthodoxæ
fidei repugnans, ſed potius ſanam doctrinam,
& ſelectas ſanctorum Patrum ſententias inue-
nimus. Quocirca ipſum, vt. fortiſſimum ac
inuietiffimum ad rerundenda omnia impa-
tientię tela, typis mandari vtiliſſimè poſſe
declaramus. In cuius rei fidem præſentes fe-
cimus, eiſque ſubſcripſimus, Maſſiliæ in Cœ-
nobio Obſervantiæ, die 24. Octobris 1622.

Fr. PETRVS TRESCLERIVS,
qui ſuprà.

Fr PETRVS RVFFVS,
qui ſuprà.

Facultas R. P. Prouincialis.

FR. MATTHÆVS PASSARIVS,
Ordinis Mtnorum Regularis Obseruantia,
& prouinciae Sancti Ludouici Minister
Prouincialis, Reuerendo P. Fr. IACOBO
CORENO Sacerdoti, Prædicatori, ac
Confessario, necnon eiusdem prouinciae Patri,
Salutem.

Rationi consentaneum est, ut quos in communem totius Ecclesiæ vtilitatem, ac nostræ Seraphicæ Religionis decus indefessè & strenuè laborare comperimus, congruis fauoribus prosequamur. Idcirco, cum nobis fuerit exploratum, te habere præ manibus aliquem tractatum à te nuper editum, qui titulo *Clypeus Patientia* prænotatur, non solum eundem eudendi, ac typis mandandi licentiam & facultatem tibi libenter impertimur; verùm etiam, ut hoc præstes præcipimus, cum merito salutaris obedientiæ, certam cum relationem habeamus ex Patrum testimonio, quibus illum examinandum commisimus, omnibus afflictis, imò & diuini verbi Prædicatoribus, ac cunctis fidelibus maximè profuturum. In quorum omnium & singulorum fidem has literas nostras propria manu, & Officij maiori sigillo muniuimus. Datum Massiliæ 24. Octobris 1622.

FR. MATTH. PASSARIVS,
Minister Prouinc. qui supra.



LVGDVNI.

Excudebat
PETRVS COLOMBIER,
in vico magno, sub
figno Sancti
Rochi.

M. DC. XXIII.





